

*image  
not  
available*





2. 798



11-

3. i. 75

107607

IMMANVELIS KANTII

O P E R A

A D

PHILOSOPHIAM  
CRITICAM

LATINE VERTIT

FREDERICVS GOTTLOB BORN.



*VOLVMEN TERTIVM.*

---

L I P S I A E

IMPENSIS ENGELHARD BENJAMIN SCHWICKERTI

MDCCLXXXVII.



IMMANVELIS KANTII

C R I T I C A

RATIONIS PRACTICAE.

3.2. '98

## PRAEFATIO.

Quare hanc criticam non criticam rationis *purae* practicae inscripserim, sed simpliciter rationis practicae in vniuersum, quamquam comparatio illius cum contemplatiua illud postulare videtur, hic libellus causas satis aperiet. Illius duntaxat est, vt euincat, *rationem puram practicam esse*, eoque consilio *uniuersam eius facultatem practicam* censurae subiicit. Quod si ei successerit, non opus erit, vt *ipsam facultatem puram* suam sub censum vocet, vt cognoscat, an ratio quidpiam arroganter faciat (quod vsu euenit in contemplatiua). Etenim, si, qua ratio pura, vere practica est, suam suorumque conceptuum realitatem re ipsa probat, onisque contra possibilitatem illius argutatio frustra erit.

Cum hac facultate nunc etiam stat *libertas* transcendentalis, eaque illo significato absoluto, quo ea opus habebat ratio contemplatiua in vsu conceptus causalitatis, vt se contra antinomiam tutam praestaret, in quam necessario incidit, cum in serie colligationis causarum cogitare vult *absolutum*, quem conceptum vero ea modo problematice poterat, qua cogitatu haud impossibilem, proponere, neque illius tamen realitatem obiectiuam seruare, sed solummodo, vt ne putatitia impossibilitate eorum, quam certe cogitari posse, necesse est, concedi, in re sua impugnetur atque in voraginem scepticisimi praecipitur.

Conceptus libertatis, quatenus eius realitas lege rationis practicae probata est, *lapis* quasi qui-

dam *angularis* est systematis rationis purae, ipsius contemplatiuae, omnesque alii conceptus (dei et immortalitatis), qui, qua solae ideae, in hac dissoluti videntur, nunc sese cum eo coniungunt cum eoque et per illum consistunt, realitatemque obiectiuam accipiunt, id est, eorum *possibilitas* eo *probat*ur, quod exstat libertas; haec enim idea sese manifestat per legem moralem.

Est vero etiam omnium idearum rationis contemplatiuae libertas vna, cuius possibilitatem *scimus* ex anticipatione, neque eam tamen perspicimus; est ea enim legis, quam nouimus, moralis conditio \*). Sed ideae *dei* et *immortalitatis* non sunt conditiones legis moralis, sed modo leges rei necessariae voluntati subiectae per hanc legem determinatae, hoc est, solius vsus practici purae nostrae rationis; ergo idearum illarum, ne dicam, existentiam, sed ne possibilitatem quidem *cognoscere* nosmet ac *perspicere*, possumus perhibere. Nihilominus tamen conditiones voluntatis

\*) Ne nos putemur nobis *haud constare*, cum in praesenti libertatem dicimus conditionem legis moralis, in ipsaque postea tractatione adserimus, legem moralem versari in conditione, qua demum efficitur, ut nostrae nos libertatis fieri *conscii* queamus, monebimus, sane libertatem esse rationem *essendi* legis moralis, sed legem moralem rationem *cognoscendi* libertatis. Nam, nisi lex moralis in ratione nostra prior distincte cogitata foret, nobis numquam putaremur competere, ut rem talem, qualis libertas est (quamquam haec sibi haud quaquam repugnat) *sumamus*. Quodsi autem nulla libertas esset, lex moralis in nobis *neutiquam deprehenderetur*.

moraliter determinatae ad rem sibi subiectam ex anticipatione ei datam (summum bonum) adhibendae sunt. Ergo possibilitas illarum hocce respectu practico et potest *sumi* et debet, quamquam eas theoretice nec agnoscimus, nec perspicimus. Respectu practico satis erit, iis nullam impossibilitatem internam (repugnantiam) contineri. Hic igitur argumentum est eliciendi adfensus rationi contemplatiuae quidem tantummodo *subiectiuum*, quod vero itidem purae, sed practicae rationi *obiectiue* valet, quo dei immortalitatisque ideis interueniente libertatis conceptu realitas impertitur et ius, quid? quod subiectiua eas sumendi necessitas, neque eo tamen ratio in cognitione theoretica amplificatur, sed modo, quae antea *problema* erat possibilitas, hic *adfertio* fit, datur, atque ita vsus rationis practicus cum elementis theoreticis coniungitur. Atque ea quidem necessitas haud fere hypothetica est, consilii cuiusdam *ad libidinem* statuti contemplationis, vt aliquid sumatur, si ad perfectionem vsus rationis in contemplando velis *adscendere*, sed *legalis*, aliquid sumendi, sine quo fieri non potest id, quod necessario *debet* pro fine et agendi et omittendi proponi.

Ac sane quidem rationi contemplatiuae gratius foret, si per se posset sine hac ambage illa problemata soluere, eaque qua cognitiones ad vsum practicum seruare; nec vero fors tam fausta est facultatis nostrae contemplandi. Illis, qui de cognitionibus tam sublimibus gloriantur, conueniret eas haud retinere, sed palam examinandas aestimandasque proponere. Cupiunt *demonstrare*:



age! demonstrent, et Critica iis victoribus totam armaturam deponet.

Quid statis? Nolint. Atqui licet esse beatis. —

Cum igitur reapse nolint, quoniam, opinor, non possunt, ad illas nobis reuertendum videtur, ut conceptus *dei, libertatis, immortalitatisque*, quorum *possibilitatem* contemplatio haud satis potest euincere, in usu rationis morali quaeramus, in eoque constituamus.

Hic demum etiam aenigma critices aperitur, quomodo *usui categoriarum* transcendentali in contemplando, *realitas* obiectiua *denegari* queat, sed iis tamen, ratione rei rationi purae practicae subiectae, haec eadem *realitas concedi*; antea enim, dum eiusmodi usum practicum non nisi ex solo nomine noueris, speciem *inconstantiae* habeat, necesse est. Quodsi autem nunc per plenam huius analyfin intellexeris, realitatem illam hic nullam prorsus theoreticam spectare *determinationem categoriarum* cognitionemque ad ea, quae sensibus inaccessa sunt, amplificandam, sed tantummodo indicari, iis hocce respectu ubique *rem obiectam* competere; quoniam cae aut in determinatione voluntatis necessaria ex anticipatione continentur, aut cum re huic subiecta arctissime coniunctae sunt, illa inconstantia prorsus euanescit; propterea, quod conceptibus illis aliter hic utimur, quam opus habet ratio contemplatiua. Contra antea vix expectanda et admodum idonea confirmatio *ingenii sibi constantis* critices contemplatiuae in eo emergit, quod, cum hanc vidimus inculcare, res ex-

perientiae obnoxias, qua tales, in iisque nostrum  
 ipforum subiectum tantummodo *phaenomena* esse,  
 iis tamen nihilominus res per se ipsas constitutas,  
 proinde non omnia, quae sensus superant, in fig-  
 mentis poni, conceptumque eorum haud vanum  
 atque inanem reputari debere, ratio practica per se  
 ipsa, nullo cum contemplatiua consilio inito, rei  
 sensus superanti cuiuslibet subiectae categoriae colli-  
 gationis causarum, nempe *libertati* realitatem im-  
 pertit, (quamquam, qua conceptui practico, etiam  
 duntaxat ad usum practicum) proinde ea, quae  
 ibi modo *cogitari* poterant, per factum quoddam  
 confirmat. In quo quidem mira illa, licet indu-  
 bitata, critices contemplatiuae adsertio, quae po-  
 nit vel *ipsum subiectum cogitans, in visione in-  
 terna, solum sibi phaenomenon esse*, in critica  
 rationis practicae, prorsus confirmatur, ita, vt in  
 eam incidas, necesse sit, etiamsi illa prior hanc  
 sententiam neutiquam probasset \*).

Ex quo quidem intelligo, quare grauissima  
 contra criticen dubia, quae mihi huc vsque inno-  
 tuerunt, in his ipsis duobus cardinibus vertantur:  
 nimirum *partim* in realitate obiectiua categoria-

\*) Coniunctio causalitatis, qua libertatis, cum causalitate,  
 qua mechanismo naturae, quarum prior illa per legem  
 moralem, altera per legem naturalem, et quidem in  
 vno eodemque subiecto, in homine, certa est, fieri  
 non potest, nisi hunc (hominem) respectu illius (sub-  
 iecti) qua natura per se ipsa, et huius (hominis) qua  
 phaenomeni, illud in conscientia *pura*, hoc in *empirica*,  
 repraesentantes. Alias pugna rationis cum se ipsis nullo  
 modo poterit euitari.

rum ad *νοούμενα* adhibitarum, in cognitione theoretica negata, sed in practicis adserta, *partim* in miro praecepto illo, ut nosmet qua subiectum libertatis faciamus *νοούμενον*, simul vero etiam respectu naturae phaenomenon constituamus in nostra ipsorum conscientia empirica. Namque, quam diu nullam certam determinatamque cogitationem haberes et moralitatis et libertatis, haud poteras diuinare, partim quid phaenomeno velis qua nouemnon constituere, partim, an omnino fieri queat, ut cogitationem eius animo informemus, si antea omnes intelligentiae purae conceptus in usu theoretico solos iam meris phaenomenis tribuisses. Sola perfecta critica rationis practicae has omnes calumnias tollere poterit, ingeniumque sibi constans, quod in praecipua illius laude ponitur, illustrare.

Haec sufficiant ad docendum, quare in hoc opere conceptus et decreta rationis purae contemplatiuae, quae iam peculiarem sunt critice experta, hic passim denuo examini subiiciantur, quod alias haud ita decet iter scientiae constituendae (cum rerum iudicatarum merito mentio fieri debeat, neque eae vero rursus moueri), *hic* tamen licitum, quin necessarium fuit; quoniam ratio cum conceptibus illis in transitu ad longe alium, quam qui *illic* ei erat, usum consideratur. Verum eiusmodi transitu necessaria redditur comparatio usus antiquioris cum recentiori, ut recens orbita a prisca probe discernatur, simulque contextus eorum appareat. Igitur eiusmodi inuestigationes, in iisque in primis eam, quae rursus in conceptu libertatis versatur, sed in usu rationis purae practico, haud

instar episodiorum considerabis, quibus modo lacunae expleantur systematis critici rationis contemplatiuae (hoc enim e consilio suo plenum est et absolutum), et, quod in properata aedificatione fieri solet, posthac fulcra et columnae adstruantur, sed qua vera membra et genuina, quibus contextus systematis oculis oblicitur, conceptusque, qui illic modo problematice poterant ostendi, nunc in forma sua reali perspiciantur. Quae modo monuimus, potissimum attingunt conceptum libertatis, quem multos miramur gloriari se perspicere, eiusque posse possibilitatem explicare, quippe quem respectu tantum psychologico considerent, cum tamen, si antea illum respectu transcendentali adcurate contemplati essent, cum *necessitatem* illius, qua conceptus problematici, in usu rationis contemplatiuae perfecto, tum plenam quoque eius *incomprehensibilitatem* cognoscere, quemque si postea ad usum practicum transferrent, in illam ipsam huiusce determinationem ratione principiorum eius sponte incidere oportuisset, quod alias lubenter perhibent facere. Conceptus libertatis offendiculum est vniuersis *empiristis*, sed etiam clavis principiorum practicorum maxime subliumum philosophis *criticis* moralibus, qui eo intelligunt, se necessario agere *ad rationem* oportere. Quapropter rogo lectorem, ne, quae in fine analytices de hoc conceptu dicentur, leuiter perlustret.

Atque eiusmodi systema, quod hic de ratione pura practica ex critica rationis practicae euoluitur, vtrum plus an minus negotii exhibuerit, quo maxime, vnde totum rite delineari possit, statio inuenia-

tur, eorum laborum peritis diiudicandum permit-  
tendum videtur. Ponit illud quidem *constitutio-  
nem metaphysices morum*, sed solum quatenus  
haec principium officii ostendit, eiusque formulam  
determinatam indicat ac probat; caeteroquin per  
se ipsum consistit. Quare *diuisio* omnium par-  
tium scientiae practicae non adiuncta fuerit, quod  
tamen factum est in critice rationis contemplantis,  
causae possunt rationesque in natura huiusce facul-  
tatis rationalis practicae deprehendi. Nam deter-  
minatio officiorum specialis, qua officiorum hu-  
manorum, ad ea diuidenda, fieri duntaxat poterit,  
si antea subiectum huius determinationis (homo),  
pro ea, qua vere est, natura, quamquam modo  
quantum respectu officii vniuersae opus videtur,  
cognitum fuerit; haec autem non pertinet ad criti-  
cen rationis practicae vniuersae, quae sola debet  
principia possibilitatis illius, compagisque ac ter-  
minorum plene ostendere, nulla habita ratione  
peculiari ad naturam humanam. Igitur descriptio  
hoc loco facit ad systema scientiae, non vero ad  
systema critices. —

Cum de determinatione agitur peculiaris  
cuiuspiam facultatis animae humanae, secundum  
fontes illius, materiamque, ac terminos, tum  
quidem, pro natura cognitionis humanae, non  
nisi a *partibus* illius earumque adcurata et (quan-  
tum pro iis, quae nunc sunt, elementis illius nobis  
iam partis) plena ostensione poterit institui. Sed  
adhuc aliud attentionis genus est, magis philoso-  
phicae et *architectonicae*; nempe ut *idea totius*  
rite adprehendatur, ex eaque omnes partes ac

singulae in mutua illarum ad se inuicem relatione, deriuandis iis a conceptu illius totius, in facultate pura rationali consideretur. Quae quidem exploratio cautioque esse tantummodo per notitiam poterit summam systematis, quique ratione inuestigationem priorem neglexerunt, proinde non operae pretium duxere, eam sibi notitiam comparare, ad gradum alterum non perueniunt, nimirum ad perspicientiam, quae in reditu cernitur synthetico ad ea, quae prius data fuerant analytice, nec mirum est, si ubique inconstantiam reperiant, quamque quae per hanc expectari possent, lacunae haud in ipso systemate deprehendantur, sed in solo eorum peculiari cogitandi itinere dissoluto, nec cohaerente.

De hac tractatione non vituperium metuo *novae linguae* introductae, propterea quod hic genus cognitionis sponte ad popularitatem propius accedit. Quod quidem opprobrium et nemini respectu critices rationis contemplatiuae poterat in mentem venire, qui eam non solum peruoluisset, sed cogitando pertractasset. Noua verba procudere, cum linguae haud desit copia verborum datis conceptibus conuenientium, puerile est, quo quidam in multis, si non nouis cogitatis et veris, tamen nouo panno veteri vesti adiuto, conantur sese insignire. Quodsi igitur lectores illius libri vocabula norint magis popularia, sed perinde cogitatis idonea, quam illa mihi videntur, aut vere vanitatem ipsorum cogitatorum illorum, proinde simul cuiusque verbi illud denotantis; permagnam illa re a me gratiam inibunt, volo enim intelligi;

altero vero de philosophia egregie merebunt. Quam diu autem illae sententiae integrae manebunt, vehementer dubito, eos aptiora magisque usu trita vocabula inuenturos fore \*).

\*) Magis quoque passim metuenda videtur calumnia ratione quorundam verborum, summa diligentia lectorum, ut quo ea spectant, conceptus ne praetereatur. Sic in tabula categoriarum rationis *practicae*, in titulo modalitatis, *licitum* et *illicitum* (practice obiectiue possibile et impossibile) in vulgari loquendi consuetudine fere eundem sensum habet, quem proxima categoria *officii* et *officio contrarii*; sed hoc loco prius debet illud notare, quod cum praecepto practico mere *possibili* conuenit vel pugnat (quemadmodum fere solutio omnium problematum geometriae et mechanices), *alterum posterius* autem, quod in eiusmodi relatione est ad legem quantam in ratione vniuersae *vere* sitam; idque significationis discrimen vel communi verborum usui non prorsus alienum est, quamquam aliquantum inusitatum. Sic, verbi causa, oratori, qua tali, *illicitum* est, noua verba, nouasque verborum constructiones procudere; sed poetae quodammodo *licitum* erit; in neutro hic cogitatur de officio. Namque qui perdere vult famam oratoris, is a nemine poterit prohiberi. Tantummodo hic de ratione determinante agitur *imperatiua* et *problematica*, itemque *adfertoria* et *apodictica*. Pariter in nota, qua ideas morales perfectionum practicarum in diuersis philosophorum scholis comparaueram, ideam *sapientiae* ab idea *sanctitatis* distinxì, quamuis eas proprie atque obiectiue pro vno eodemque declarauì. Verum hoc loco eam tantummodo sapientiam intelligo, quam sibi homo (Stoicus) arrogat, ergo *subiectiue* qua proprietatem homini adfictam. (Fortasse vocabulum *virtutis*, quod pariter Stoicis celebratum est, melius eius scholam distingueret). Sed vocabulum *postulati* rationis purae practicae omnium maxime poterat causam dare calumniae, si cum eo vis

Hoc itaque modo principia ex anticipatione duarum animi facultatum, et cognoscendi, et appetendi, forent inuenta, et, quoad conditiones, compagem, et terminos vsus sui determinata, eo-que vero philosophia systematica, tam theoretica, quam practica, qua scientia, constituta.

Nihil autem prius hisce conatibus accidere posse, quam si quis inopinato aperiret, nullam omnino cognitionem ex anticipatione esse, nec esse posse. Quod vero non metuendum erit. Namque perinde esset, ac si quis per rationem euincere velit, nullam omnino rationem esse. Etenim nos per rationem quidpiam cognoscere dicimus, cum nobis conscii sumus, nos illud scire potuisse, etiamsi id haud ita in experientia obuium fuisset; proinde cognitio rationalis eadem est, quae cognitio ex anticipatione. Ex enunciato empirico necessitatem

notioque confunderetur, quam postulata habent mathematicae purae quaeque certitudinem apodicticam in se cohibent. Verum haec postulant *possibilitatem actionis*, cui quae subiecta est, rem ex anticipatione theoretice cum plena certitudine qua *possibilem* prius cognouimus. Sed illud postulat possibilitatem ipsius *rei obiectae* (dei et immortalitatis animorum) e legibus apodicticis *practicis*, proinde duntaxat in gratiam rationis practicae; ubi ea certitudo possibilitatis postulatae neququam theoretice, nec proinde apodictice, id est, respectu rei obiectae cognita necessitas est, sed respectu subiecti, obtemperandis legibus illius obiectiuis, sed practicis, necessaria sumtio, proinde tantummodo hypothesis necessaria videtur. Neque verbum aptius inuenire poteram, quod melius subiectiuae illi, sed tamen verae absolutaeque necessitati rationali conueniret.



(ex pumice aquam) exprimere velle, cum eaque et veram vniuersalitatem (sine qua nulla ratiocinatio, proinde nec argumentatio ex analogia, quae certo praesumta vniuersalitas est et obiectiua necessitas, ideoque hanc semper ponit) iudicio cuiuspiam conciliare, aperte pugnat. Necessitatem subiectivam, id est, consuetudinem, pro obiectiua, quae solum in iudiciis ex anticipatione locum habet, supponere, est rationi facultatem abnegare, de re obiecta iudicandi, id est, ea, quaeque illi competant, cognoscendi, et veluti de eo, quod saepe numero et semper certum quemdam statum sequitur antegressum, non dicere, posse ex hoc ad illud *concludi* (hoc enim necessitatem obiectiuam denotaret conceptumque coniunctionis cuiuspiam ex anticipatione), sed modo causas similes (similiter cum bestiis) expectari debere, hoc est, conceptum causae ut funditus falsum solanque fallaciam cogitationum, rejicere. Neque enim isti defectui valoris obiectiui, quique inde efficitur, vniuersalis eo poteris mederi, quod haud causam videas, quare aliis naturis ratione praeditis alius possit repraesentandi modus attribui; quod enim si recte colligeretur, nostra ignorantia maius cognitioni nostrae incrementum adferret, quam omnis inuestigatio. Nam solum idcirco, quod alias naturas ratione praeditas praeter hominem haud nouimus, ius haberemus, eas sic sumendi, ut nosmet ipsi cognoscimus, id est, eas reapse cognosceremus. Hoc loco ne quidem monebo, non vniuersalitate adsensu valorem obiectiuum cuiuspiam iudicii euinei, sed etiam si illa fortuito accideret, ea tamen nondum effici posse argumentum concentus cum re

objecta; potiusque solo valore obiectiuo rationem effici contentus necessarii vniuersalis.

Atque in hoc systemate *empirismi* vniuersalis etiam *Humius* valeret egregie; cum enim constat voluisse, vt pro vniuersa necessitatis significatione obiectiua in conceptu causae, modo subiectiua, nimirum consuetudo acciperetur, quo rationi omnem de deo, libertate atque immortalitate iudicandi potestatem derogaret; et erat permagnus artifex, in consequentibus e principiis concessis cum summa logica subtilitate eliciendis. Verum ipse *Humius* haud fecit empirisimum tam vniuersalem, vt eo et mathesis includeretur. Huius quidem enunciata putauit analytica, eaque, si hoc verum esset, sane et apodictica forent, inde tamen nulla posset effici conclusio ad facultatem rationis, etiam in philosophia iudicia apodictica statuendi, hoc est, ea, quae synthetica forent (velut decretum causalitatis). Quodsi autem empirismus principiorum vniuersalis statueretur, tum etiam mathesis eo implicita foret.

Si igitur haec cum ratione, quae solum decreta concedit empirica, in antinomiali incidit, quod in antinomia non potest euitari, vbi mathesis infinitam spatii diuisibilitatem euidentissime euincit, quam empirismus concedere non potest; quanta potest esse maxima demonstrationis euidentia aperte pugnat cum conclusionibus putatiuis e principiis experientiae, iamque, quemadmodum caecus ille *Cheseldenii*, oportebit, quaeramus; cequonam fallor, visunc an tactu? (namque empirismus in necessitate *tactu* percepta positus est, sed rationa-

lisimus in *perspectu*.) Atque ita empirismus universalis sese manifestat ut verum ac genuinum *scepticismum*, quem *Humio* falso tribuerunt in tam illimitata significatione, qui tamen certe experientiae in mathesi certum lapidem Lydium reliquit, cum ille nullam prorsus illius obrussam (quae semper duntaxat in principiis potest ex anticipatione inueniri) concedat, quamquam haec tamen non in solis tactibus consistit, verum etiam in iudiciis.

Verum tamen cum in hac aetate philosophica et critica difficulter in illo empirismo agi serio possit, isque sine dubio ad exercendam iudicandi vim proponatur, utque necessitas principiorum rationalium ex anticipatione eo magis eluceat: a nobis poterunt gratiam inire, qui velint operam nauare in hac re alioquin haud ita utili.

---

# C O N S P E C T V S

## CRITICES RATIONIS PRACTICAE.

Institutio. De idea critices rationis practicae pag. 1

### *PARS PRIOR.*

#### DOCTRINA ELEMENTARIS RATIONIS PVRAE PRACTICAE.

#### *LIBER PRIOR.*

#### ANALYTICE RATIONIS PVRAE PRACTICAE.

#### *CAPVT PRIMVM.*

#### DE DECRETIS ET PRINCIPIIS RATIONIS PVRAE PRACTICAE.

§. 1.	Definitio conceptuum, decretum siue principium, norma, lex	5
	Scholion	5
§. 2.	Theorema I. Principia voluntatis determinandae materialia sunt empirica, nec esse pro legibus practiceis possunt	8
§. 3.	Theorema II. Cuncta subsunt ea principio philantiae	8
	Confectarium in gratiam facultatis adpetendi superioris	9
	Scholion I. De discrimine inter inferiores adpetendi facultates et superiores	9
	Scholion II. De problemate: quomodo felices euadamus	12

§. 4.	Theorema III. Qua conditione fiat ut normae sint legesque	pag. 15
	Scholion. Exemplum illius.	15
§. 5.	Problema I. Qualitatem inuenire voluntatis per formam legislatariam determinabilis	17
§. 6.	Problema II. Legem inuenire, ad eam solum determinandam idoneam	17
	Scholion. Ratione practica nos ad libertatem duci	18
§. 7.	Lex constitutiuu rationis purae practicae	19
	Scholion. Super vno rationis purae facto	19
	Confectarium. Lex moralis	21
	Scholion. De officio, sanctitate et virtute	21
§. 8.	Theorema IV. Autonomia principium est moralitatis, heteronomia huic contraria est	22
	Scholion I. De propriae felicitatis principio	23
	Scholion II. Continuatio	25
I.	De deductione principiorum rationis purae	33
II.	De iure rationis purae in usu practico ad amplificationem, quae fieri per eam non potest in contemplatiuo	43

## CAPVT SECVNDVM.

DE CONCEPTV REI SVBIECTAE RATIONI PVRAE PRACTICAE	51
Tabula categoriarum libertatis	61
De Typice rationis purae practicae	62

## CAPVT TERTIVM.

DE ELATERIBVS RATIONIS PVRAE PRACTICAE.	68
Disquisitio critica analyticae rationis purae practicae	87

CONSPECTVS.

xxi

*LIBER SECVNDVS.*

DIALECTICA RATIONIS PVRAE PRACTICAE.

*CAPVT PRIMVM.*

DE DIALECTICA RATIONIS PVRAE PRACTICAE IN GENERE	pag. 107
--	----------

*CAPVT SECVNDVM.*

DE DIALECTICA RATIONIS PVRAE IN DETERMINANDO SVMMI BONI CONCEPTV	111
--	-----

I. Antinomia rationis practicae	114
---------------------------------	-----

II. Solutio critica antinomiae rationis practicae	115
---	-----

III. De primatu rationis purae practicae cum contemplatiua coniunctae	121
---	-----

IV. Immortalitas animi vt postulatum rationis purae practicae	124
---	-----

V. Existentia dei vt postulatum rationis purae practicae	126
--	-----

VI. Super postulatis rationis purae practicae in genere	135
---	-----

VII. Quomodo amplificatio rationis purae respectu practico, ita vt eo simul cognitio illius, vt contemplatiuae amplificetur, cogitari possit	137
--	-----

VIII. De adfensu vt indigentia quadam rationis purae	146
--	-----

IX. De ratione destinationi hominis sapienter aptata facultatum cognoscendi illius	150
--	-----

*PARS POSTERIOR.*

METHODOLOGIA RATIONIS PVRAE PRACTICAE	153
---------------------------------------	-----

Conclusio	166
-----------	-----

---

## CONSPECTVS

CRITICES FACVLTATIS IVDICANDI pag. 169

### INSTITVTIO.

I. Partitio philosophiae	177
II. De diuisione philosophiae in genere	180
III. De critica facultatis iudicandi, vt adiumento duarum philosophiae partium coniungendarum	182
IV. De facultate iudicandi vt facultate ex anticipatione legislatoria	186
V. De principio conuenientiae naturae formalis vt principio facultatis iudicandi formali	188
VI. De sensu voluptatis cum conceptu conuenientiae naturae coniungendo	194
VII. De repraesentatione conuenientiae naturae aesthetica	196
VIII. De logica conuenientiae naturae repraesentatione	200
IX. De legislationibus intelligentiae rationisque per vim iudicandi coniungendis	203

### PARS PRIOR.

CRITICA FACVLTATIS IVDICANDI AESTHETICAE. 207

### SECTIO PRIOR.

ANALYTICE FACVLTATIS IVDICANDI AESTHETICAE.

### MOMENTVM PRIMVM

IUDICII AESTHETICI, QVOAD QUALITATEM.

§. 1. Iudicium gustus aestheticum est	209
§. 2. Adprobatio, qua iudicium gustus determinatur, omni omnino inuitamento destitutum est	210
§. 3. Adprobatio iucundi coniuncta est cum inuitamento	212

§. 4. Adprobatio boni coniunctum est cum inuitamento	pag. 213
§. 5. Comparatio trium adprobationis generum speciatim diuersarum	216
Definitio pulcri ex primo momento conclusa	218

*MOMENTVM SECVNDVM*

## IUDICII GVSTVS.

§. 6. Pulcrum est id, quod sine conceptibus, vt res adprobationi vniuersali subiecta repraesentatur	218
§. 7. Comparatio pulcri cum iucundo bonoque per notam superiorem	219
§. 8. Vniuersalitas adprobationis in iudicio gustus duntaxat vt subiectiua cogitur	220
§. 9. Inuestigatio quaestionis: vtrum in iudicio gustus sensus voluptatis diiudicationem rei obiectae, an haec illam antecedit	224
Definitio pulcri ex secundo momento conclusa	227

*MOMENTVM TERTIVM*

## IUDICII GVSTVS. QVOAD FINIVM RELATIONEM, QVAE IN EO SVB RATIONEM VOCATVR.

§. 10. De conuenientia generatim	227
§. 11. Iudicio gustus nihil fundamento subest praeter formam conuenientiae cuiusdam rei obiectae (siue modi illius repraesentandi)	228
§. 12. Iudicium gustus nititur in rationibus ex anticipatione	229
§. 13. Iudicium gustus liberum est ab illecebre motuque animi	231
§. 14. Illustratio per exempla	231
§. 15. Iudicium gustus a conceptu perfectionis prorsus liberum est	235
§. 16. Iudicium gustus, rem quampiam obiectam cum adiunctione certi cuiusdam conceptus determinati pulcrum declarans, haud purum est	237



§. 17.	De pulcritudinis ideali	pag. 240
	Definitio pulcri ex tertio momento conclusa	245

## MOMENTVM QVARTVM

## IUDICII GVSTVS, QVOD MODALITATEM.

§. 18.	Quid sit modalitas iudicii gustus	246
§. 19.	Necessitas subiectiua, quam iudicio gustus tribuimus, hypothetica est	247
§. 20.	Conditio necessitatis, quam iudicium gustus perhibet, idea est sensus cuiuspiam communis	247
§. 21.	An iure possit sensus communis supponi	248
§. 22.	Necessitas adensus vniuersalis, quae in iudicio gustus cogitatur, necessitas est subiectiua, quae posito sensu communi, repraesentatur	249
	Definitio pulcri e quarto momento conclusa	250
	Scholion generale ad priorem analytices sectionem	250

## LIBER POSTERIOR.

## ANALYTICE SVBLIMIVM.

§. 23.	Transitio a facultate iudicandi pulcri ad iudicandi facultatem sublimium	255
§. 24.	De diuidenda inuestigatione sensus sublimium	258

## A. DE SVBLIMI MATHEMATICO.

§. 25.	Definitio verbi sublimis	259
§. 26.	De obseruantia quantitatiua rerum naturalium, ad ideam sublimis necessaria	262
§. 27.	De qualitate adprobationis in diiudicando sublimi	269

## B. DE SVBLIMI NATVRAE DYNAMICO.

§. 28.	De natura vt quadam potentia	272
§. 29.	De modalitate iudicii super sublimi naturae	277
	Scholion generale ad expositionem iudiciorum aesthetico- rum reflectentium	279

DEDUCTIO IUDICIORVM AESTHETICORVM PVRORVM.

§. 30.	Deductio iudiciorum aestheticorum de rebus obiectis naturae non ad id erit, quod in hac sub- lime vocamus, sed solum ad pulcrum, diri- genda	pag. 294
§. 31.	De via ac methodo iudiciorum aestheticorum deducendorum	295
§. 32.	Vna proprietas iudicii gustus	297
§. 33.	Altera iudicii gustus proprietas	299
§. 34.	Fieri non potest principium gustus obiectuum	301
§. 35.	Principium gustus est principium subiectuum facultatis iudicandi in vniuersum	302
§. 36.	De problemate iudiciorum gustus deducendo- rum	303
§. 37.	Quid proprie in iudicio gustus de re quadam obiecta ex anticipatione adseratur	305
§. 38.	Deductio iudiciorum gustus	305
Scholion		306
§. 39.	De sensatione communicabili	307
§. 40.	De gustu vt genere quodam sensus communis	309
§. 41.	De inuitamento empirico ex pulcro	313
§. 42.	De inuitamento intellectualem ex pulcro	315
§. 43.	De arte in genere	320
§. 44.	De arte pulcra	322
§. 45.	Ars pulcra est ars, quatenus simul esse natura videtur	324
§. 46.	Ars pulcra est ars ingenii	325
§. 47.	Illustratio et confirmatio superioris definitionis ingenii	326
§. 48.	De adfectione ingenii ad gustum	329
§. 49.	De facultatibus animi, quibus ingenium effi- citur	331
§. 50.	De gustu cum ingenio in effectis artis pulchrae coniungendo	338
§. 51.	De diuisione artium pulcrarum	339
§. 52.	De coniunctione artium pulcrarum in vno eo- demque effecto	344

- §. 53. Comparatio pretii artium pulcrarum aesthetici  
inter se inuicem pag. 345  
§. 54. Scholion 349

### SECTIO POSTERIOR.

#### DIALECTICE FACULTATIS IUDICANDI AESTHETICAE.

- §. 55. De possibilitate dialectices criticae gustus 356  
§. 56. Antinomia gustus proposita 357  
§. 57. Solutio antinomiae gustus 358  
Scholion I. 361  
Scholion II. 364  
§. 58. De idealismo conuenientiae cum naturae tum  
artis, vt solo principio facultatis iudicandi aestheticae 366  
§. 59. De pulcritudine vt symbolo moralitatis 371  
§. 60. Adpendix. De methodologia gustus 375

### PARS POSTERIOR

#### CRITICE FACULTATIS IUDICANDI TELEOLOGICAE.

- §. 61. De obiecliuâ naturae conuenientia 379

### SECTIO PRIOR.

#### ANALYTICE FACULTATIS IUDICANDI TELEOLOGICAE.

- §. 62. De conuenientia obiecliuâ mere formali ad differentiam materialis 382  
§. 63. De conuenientia naturae relatiuâ ad differentiam internae 387  
§. 64. De proprio rerum vt finium naturae charactere 390  
§. 65. Res vt fines naturae sunt naturae organifatae 393  
§. 66. De principio conuenientiae internae in naturis organifatis diiudicandae 397  
§. 67. De principii diiudicationis teleologicae de natura generatim vt finium systemate 399

- §. 68. De principio teleologiae vt principio interno  
scientiae naturalis pag. 403

### SECTIO POSTERIOR.

#### DIALECTICE FACVLTATIS IVDICANDI TELEOLOGICAE.

- §. 69. Quid sit antinomia facultatis iudicandi 407  
 §. 70. Descriptio huius antinomiae 408  
 §. 71. Praeparatio ad eam antinomiali solvendam 410  
 §. 72. De variis super convenientia naturae systematibus 411  
 §. 73. Nullum illorum systematum praestat, quod pollicetur 414  
 §. 74. In causa impossibilitatis conceptum technices naturae dogmatice tractandi, est ratio inenodabilis finis naturae 418  
 §. 75. Conceptus convenientiae naturae obiectivae principium est rationis criticum facultati iudicandi reflectenti constitutum 420  
 §. 76. Scholion 424  
 §. 77. De ea intelligentiae humanae proprietate, qua nobis possibilis sit conceptus finis naturae 428  
 §. 78. De principio mechanisimi vniuersalis materiae cum teleologico in technica naturae coniungendo 434

#### ADPENDING. METHODOLOGIA FACVLTATIS IVDICANDI TELEOLOGICAE.

- §. 79. An teleologia, vt pars physicae pertractanda sit 440  
 §. 80. De principio mechanisimi in explicanda re quadam vt fine naturae teleologico necessario subordinando 441  
 §. 81. De mechanismo in explicando fine naturae vt naturae effectio ad teleologicum principium adiungendo 446  
 §. 82. De systemate teleologico in relationibus externis naturarum organisatarum 449  
 §. 83. De fine ultimo naturae vt systematis teleologici 454

§. 84. Da fine ultimo existentiae mundi, hoc est, ipfius creationis	pag. 459
§. 85. De physicotheologia	462
§. 86. De ethicotheologia	468
Scholion	472
§. 87. De argumento pro existentia dei morali	474
§. 88. Circumscriptio valoris virtutisque argumenti moralis	480
Scholion	485
§. 89. De vtilitate argumenti moralis	486
§. 90. De genere adfensus in argumento morali pro existentia dei	489
§. 91. De genere adfensus per fidem practicam	495
Scholion generale ad teleologiam	504

---

## I N S T I T U T I O

D E

## IDEA CRITICES RATIONIS PRACTICAE.

Vsum rationis theoreticum vidimus in rebus occupari soli subiectis facultati cognoscendi, eiusque criticam, respectu huiusce usus, proprie modo attingere facultatem cognoscendi puram, quoniam haec suspensionem mouebat, postea etiam confirmatam, facile posse fieri, ut ea ultra terminos, in rebus inaccessis, vel adeo in conceptibus pugnantibus, oberret. Aliter cum usu practico rationis comparatum videtur. In hoc ratio occupatur in causis voluntatem determinantibus, quae in facultate cernitur res obiectas repraesentationibus congruas aut producendi, aut certe se ipsam, ad eas efficiendas (siue idonea facultas physica sit, siue non) id est, causalitatem suam, determinandi. Ibi enim ratio esse idonea potest ad voluntatem determinandam, et, quatenus modo a voluntate pendet, semper realitate obiectiua gaudet. Hic igitur primo quaeritur: utrum ratio pura ad voluntatem determinandam per se sola idonea sit, an qua empirice conditioni adstricta causa determinans videatur. Iam hic conceptus quidem causalis, a critica rationis purae defensus, quamquam nullius expositionis empiricae capax, sese ostendit, scilicet conceptus *libertatis*, et si in praesenti possumus aperire rationes, quibus probetur, hanc proprietatem voluntati humanae (et ita quoque voluntati cuiusque naturae rationisque) reapse competere, eo non solum vincetur, rationem puram esse practicam posse, sed eam solam, non vero empirice adstrictam, absolute practicam esse. Ergo nobis non critica rationis *purae practicae*, sed modo rationis *practicae* vniuerse nobis elaboranda videbitur. Namque ratio pura, si modo primum demonstratum fuerit, eam esse, nulla critica indiget. Ea ipsa normam critices vniuersi usus sui continet. Igitur criticae rationis practicae in vniuersum hoc munus erit, ut ratio-

Vol. III.

A

## 2 INSTITVTIO DE IDEA CRITICES RATIONIS etc.

nem empirice hypotheticam ab arrogantia arceat, qua sola vult rationem se facere voluntatis determinandae. Vfus rationis purae, si, eam esse, constat, solum innuens est; vsus empirice hypotheticus, qui suam sibi rerum arrogat, contra est transcendens, et se exferit in postulationibus praeceptisque, ditionem illius prorsus transmigrantibus, quod ipsum quidem in ratione versatur conuersa eorum, quae de ratione pura in vsu contemplatiuo dici poterant.

Interim tamen, cum ea ratio pura sit, cuius cognitio hoc loco vsui practico fundamento subest, nihilominus partitio critices rationis practicae, secundum formam vniuersalem, diuisioni critices rationis contemplantis conuenienter institui debet. Quamobrem *doctrina elementaris* illius et *methodologia* erit, illa, qua parte priori, *analytica*, qua regula veri, et *dialectica*, qua delineatio solutioque putatiui in iudiciis rationis practicae continetur. Sed ordo in subdiuisione analytices rursus conuersa erit ratio critices rationis purae contemplatiuae. Namque in ea, quam nunc tractandam nobis proposuimus, a *decretis* atque principiis profecti ad *conceptus*, ab his vero, si fieri poterit, ad sensus progrediemur; cum contra nobis, in ratione contemplatiua a sensibus exorsis, in principiis finiendum esset. Cuius quidem causa rursus in eo est, quod nunc nos in voluntate occupamur, ratioque non in relatione ad res obiectas, sed ad hanc voluntatem eiusque causalitatem sub deliberationem cadit, vbi decreta causalitatis empirice absolutae capere initium oportet, ex quibus fieri periculum poterit, conceptus nostros de ratione determinante eiusmodi voluntatis, eorumque ad res obiectas vsu, et tandem ad subiectum eiusque facultatem sensituiam, denum constituendi. Lex causalitatis ex libertate, id est, vllum quodpiam decretum purum practicum, necessario hic initium capit, obiectasque res determinat, ad quas illud solum potest referri.

CRITICES RATIONIS PRACTICAE


*PARS PRIOR.*

---

DOCTRINA ELEMENTARIS

RATIONIS PVRAE PRACTICAE.





---

LIBER PRIMVS.

---

A N A L Y T I C E  
RATIONIS PVRAE PRACTICAE.

---

CAPVT PRIMVM.

---

DE  
D E C R E T I S  
RATIONIS PVRAE PRACTICAE.

---

§. 1.

*Definitio.*

**D**ecreta practica sunt pronunciata, quae determinationem voluntatis continent vniuersalem, cui plures subsunt regulae practicae. Ea sunt subiectiua, siue *leges priuatae* seu *normae* (*maxime*), cum conditio solum qua ad voluntatem subiecti valens ab ea spectatur, vel *leges* practicae, cum illa qua obiectiua, hoc est, ad cuiusque naturae rationisque voluntatem valens agnoscitur.

*Scholion.*

Quodsi sumseris, rationem *puram* in se causam posse practice, id est, ad voluntatem determinandam idoneam continere, leges erunt practicae; sin autem minus, cuncta decreta practica in legibus priuatis versabuntur. In voluntate naturae rationisque pathologice commota adfectuque pugna legum priuatarum poterit cum legibus

practicis ab se agnitis deprehendi. Sic, ut hoc utar, sibi quispiam legem ferre priuatam potest, ne ullam offensio- nem inultam perferat, simulque perspicere, hanc nullam legem practicam esse, sed tantummodo suam legem pri- vatam, contra, qua regulam cuiusque naturae rationalis voluntati praescriptam in vna eademque lege priuata, secum ipsam non posse conuenire. In cognitione natu- rali eorum, quae fiunt, principia (velut principium aequa- litatis actionis et reactionis in communicando motu) simul sunt leges naturae; siquidem usus rationis illic theoretice est, et per naturam rei obiectae determinatus. Sed in cognitione practica, id est, ea, quae solum in rationi- bus voluntatem determinantibus versatur, decreta, quae nobis constituimus, ideo nondum leges sunt, quibus necessario subsumus, quoniam ratio in rebus practicis agit cum subiecto, nimirum facultate appetendi, ad cuius peculiarem naturam regula potest multifariam com- poni. — Regula practica semper est rationis effectum, propterea quod ea actionem, qua adiumentum effecti, praecipit pro fine. Sed haec regula naturae, in qua ratio haud prorsus sola voluntatem determinat, *imperatiua* est, hoc est, regula, cuius nota est debere, quod coactionem indicat actionis obiectiuam, notatque, actionem, si ra- tio sola voluntatem determinaret, ad hanc regulam euen- turam fore. Igitur imperatiuae valent obiectiue, et a legibus priuatis, utpote decretis subiectiuis prorsus sunt diuersae. Illae vero aut conditiones determinant causali- tatis naturae rationisque, qua causae efficientis, aut modo voluntatem, siue ea idonea ad effectum sit, siue non. Ac prioris quidem generis imperatiuae forent hypotheti- cae, solaeque praescriptiones solertiae; contra, quas posteriori loco descripsimus, leges forent categoriae solaeque practicae. Quamobrem leges priuatae sunt in *decretis* quidem, sed non in *imperatiuis*. Ipsa impera- tiua autem, si cum adiunctione sunt et hypothetica, hoc est, si voluntatem haud simpliciter absoluteque qua volun- tatem determinant, sed solummodo cuiuspiam appetiti effecti respectu, siue si imperatiua hypothetica videntur,

## RATIONIS PVRAE PRACTICAE. XXII-2

*praescriptiones* quidem practicae erunt, sed nullae *leges*. Ac *leges* quidem, necesse est, ut voluntatem determinant idonee qua voluntatem, ante quam quaeram, an facultate polleam ad expetitum effectum necessaria, quidue, ut id producam, mihi agendum videatur, proinde ut categoricae sint, alioquin eae nec *leges* erunt; propterea quod carent necessitate, quas, si esse practica debet, a conditionibus pathologicis, proinde voluntati fortuito adhaerentibus esse liberas, oportebit. Velut si quis dicat, iuveni laborandum esse rei que parcendum, ut ne senex inopiam perpetiatur: praecipio haec erit vera, eademque gravissima voluntatis practica. Sed facile intelligitur, voluntatem hic ad *aliud* quid amandari, quod sumitur expeti, eaque appetitio agenti ipsi permittenda est, utrum, praeter rem sibi per se partam, et alia adiumenta praevideat, an plane senectutem attingere desperet, an posse se tenni contentum aliquando vivere cogitet. Ratio, ex qua sola omnis, quae necessitatem contineat, regula existere potest, in hanc praescriptionem suam etiam quidem necessitatem iniicit, (quippe, qua si careret, non foret ea in imperatiuis,) verum haec duntaxat subiective hypothetica est, eaque non potest in omnibus subiectis sumi gradu aequali. Sed ad legislationem illius requiritur, ut solum *se ipsam* sumere opus habeat, quoniam tunc modo obiective atque uniuersae regula valet, cum sine conditionibus subiectivis valet fortuitis. Iam praecipiat cuipiam, ne vinquam mendaciter polliceatur, haec regula erit, quae solam illius voluntatem attingit; siue, quae sibi proposita homo habet, consilia attingi queant, siue non; solum velle erit, quod per regulam illam prorsus debeat ex anticipatione determinari. Quod si igitur eveniat, ut haec regula practice vera videatur, lex ea erit, eo quod ea in imperatio categorico versatur. Ergo *leges* practicae solum voluntatem spectant, nullo habito respectu eorum, quae per eius causalitatem efficiuntur, et ab hac posteriori (qua ad mundum pertinente sensibilem) cogitationem abducere possumus, ut eam puram habeamus.

## §. 2.

*Theorema I.*

Vniuersa principia practica, quae *rem* sumunt facultati appetendi subiectam (materiam) qua rationem voluntatis determinandae, cuncta empirica sunt, nec pro legibus esse practicis possunt.

Materiam facultatis appetendi rem obiectam dico, cuius exsistentia expetitur. Si appetitus huiusce rei obiectae regulam practicam antecedit, conditioque sit, quae ea principium constituatur, aio (*primo*), tum semper hocce principium empiricum videri. Namque ratio determinans arbitrii tum in repraesentatione versatur obiectae rei, in eaque ad subiectum adfectione, qua facultas appetendi ad id efficiendum determinatur. Sed eiusmodi ad subiectum adfectio dicitur *oblectatio* de exsistentia obiectae rei. Ergo hanc, necesse foret, quae possibilitatem determinationis arbitrii sumi. Sed nullius obiectae rei repraesentatio, quae illa cumque sit, vtrum cum *oblectatione*, au *taedio* coniuncta futura sit, an ad *neutram partem* propensa, poterit ex anticipatione cognosci. Ergo tunc ratio arbitrii determinans semper empirica sit, necesse est, proinde etiam, quod eam qua conditionem sumebat, practicum principium materiale.

Iam cum (*secundo*) principium, quod solum positum est in conditione subiectiua receptiuitatis oblectationis taediue, (quae semper possunt duntaxat empirice cognosci, nec ad vniuersas naturas rationales aequaliter valere,) subiecto quidem, quod eam habet, *legi primatae* interuiri possit, verum etiam huic ipsi (quoniam illi deest obiectiua necessitas, quae debet ex anticipatione cognosci,) non *legi* esse possit, sequitur, vt eiusmodi principium nequeat vquam lex practica videri.

## §. 3.

*Theorema II.*

Vniuersa principia materialia practica, quae talia, cuncta sunt vnius eiusdemque generis, principioque sub sunt vniuersali amoris felicitatisque sui ipsius.

Oblectatio ex repraesentatione existentiae cuiuspiam rei, quatenus esse ratio debet determinans huiusce rei appetendae, posita est in *receptivitate* subiecti, siquidem ea ex existentia *pouet* cuiuspiam rei obiectae; proinde ad sensum (tactum) pertinet, non vero ad intelligentiam, quae relationem repraesentationis *ad rem obiectam*, ex conceptibus, non vero ad subiectum ex tactibus enunciat. Ergo ea tantummodo practica est, quatenus, quam de existentia obiectae rei subiectum expectat, suauitatis sensatio determinat appetendi facultatem. Atqui conscientia, quam habet natura ratioque, suauitatis vitae, totam eius existentiam perpetuo comitantis, *felicitas* est, principiumque hanc sibi summam arbitrii rationem determinantem constituendū, principium est philautiae. Ergo omnia principia materialia, quae rationem determinantem arbitrii in oblectatione tædieuē ponunt, ex vllius cuiuspiam rei obiectae existentia sensu percipienda eatenus prorsus de *genere eodem* sunt, quod cuncta ad principium philautiae pertinent, vel propriae felicitatis.

### *C o n s e c t a r i u m.*

Omnes regulæ practicae materiales rationem voluntatis determinantem in *facultate* ponunt *appetendi inferiori*, et, si nullae prorsus *leges* forent illius *solum formales*, quae voluntatem idonee determinarent, *nulla* quoque posset *facultas appetendi superior* concedi.

### *S c h o l i o n I.*

Mirum videtur, homines alioquin acutos inter *facultatem appetendi superiorem et inferiorem* discrimen putare in eo inueniri, vtrum *repraesentationes*, cum tactu iucunditatis coniunctae ex *sensibus* oriantur, an ex intelligentia. Neque enim, cum rationem determinantem quaerimus appetitionis, eamque in quapiam iucunditate ponimus, ex vlla re quapiam expectata, spectatur vnde *repraesentatio* huiusce rei oblectantis oriatur, sed tantummodo, quantopere ea *oblectet*. Quodsi repraesentatio, cui sane sedes atque origo in intelligentia sit, arbi-

trium possit eo solummodo determinare, ut tactum ponat in subiecto iucunditatis, ut ea ratio sit determinans arbitrii, prorsus ex natura sensus interni pendeat, ut hic scilicet suauitate queat adfici ac permulceri. Repraesentationes obiectarum rerum quantumuis inaequales sint, siue repraesentationes intellectuales sint, siue rationales, contrariae sensitiuis, tamen iucunditatis tactus, quo illae tamen proprie solo efficiunt rationem voluntatis determinantem, (suauitas, oblectatio, quam inde expectamus, quae actiuitatem stimulat ad rem obiectam producendam,) non solum, quatenus semper potest empirice cognosci, vnius eiusdemque generis videtur, sed etiam quatenus vnam eandemque vim vitalem, quae in facultate appetendi sese exferit, adficit, abque hoc respectu ab vlla alia ratione determinanda, non nisi gradu, differre potest. Quomodo alias duas possis rationes determinantes, cogitandi modo prorsus diuersas, quoad *quantitatem* comparare, ut, quae maxime facultatem appetendi adficit, eligas? Idem homo librum multa doctrina refertum, qui semel modo sibi in manus venit, potest non lectum reddere, ne venationis delectationem perdat, in media oratione eleganti discedere, ne serius ad coenam veniat, sermone vtile et prudentes, quos alias magni facit, mittere, quo alea sese oblectet, pauperem adeo atque egenum, cui alias lubenter benefacit, reiicere, quoniam in praesenti non plus numorum crumenae iungunt, quam quod opus sit, ut pro accessu soluat in theatrum. Quodsi determinatio voluntatis in tactu posita sit iucundi et iniucundi, quod de vlla causa quapiam expectet, nihil prorsus illius interest, quo repraesentandi modo se sentiat adfectum. Modo id curat, quanta, quam diuturna, quam facile comparata, quamque saepius repetita haec iucunditas sit, ut optionem decernat. Quemadmodum illius, cui aurum, quod impendat, opus sit, nihil omnino quidquam interest, vtrum materia eius, aurum, e metallis effossum fuerit, an ex arenis lauatum, modo ubique idem illius pretium statuatur, ita nemo homo, cui de sola vitae iucunditate agitur, quaerit et inuestigat, vtrum reprae-

sentationes intellectuales, an sensitivas, sed *quot quantumque voluptatis* ad tempus diutissimum ea sibi adferat. Illi, qui rationi purae facultatem, nullo quopiam tactu posito voluntatem determinandi, lubenter denegassent, soli possunt tam longe ab sententia sua aberrare, ut, quae ipsi antea ad vnum idemque principium reuocassent, tamen postea prorsus dissimilia iudicent. Sic, ut hoc utar, ex sola *vi utenda*, ex conscientia animi robusti in superandis impedimentis, quae proposito nostro obsunt, ex colendis animi dotibus, aliisque generis eiusdem, capi voluptas possit, eaque iure nos gaudia *subtiliora* vocamus, quoniam ea magis, quam alia, in nostra potestate sunt, neque usu deteruntur, tactum ad ulteriorem eorum fruitionem acuunt et confirmant, et, dum oblectant, etiam emendant. Verum ii, qui eas aliud genus voluntatis determinandae perlubent, quam solo sensu, cum tamen ad possibilitatem illarum oblectationum, tactum ponant in nobis ad eas insitum, qua primum huiusce oblectationis conditionem, idem faciunt, quo ignari, qui libenter velint in metaphysica male mercari, materiam sibi adeo subtilem cogitatione informant, ut fere corripiantur vertigine, tumque hoc modo naturam putant *spiritualem* quamdam eandemque extensam excogitasse. Quodsi cum *Epicuro* in virtute ad solam, quam ea pollicetur, voluptatem omnia reuocant, qua voluntas determinetur: tunc illi haud possumus vitio vertere, quod hanc prorsus similem putet crassissimorum sensuum deliciis; neque enim erit, quod cum accuses, quibus hicce tactus in nobis excitetur, solis sensibus corporeis attribuisse. Multarum ex iis fontem, quantum diuinari licet, pariter in usu superioris cognoscendi facultatis quaesivit; neque hoc verum cum impediuit, nec poterat impedire, quo minus ex illo principio voluptatem ipsam, quam illae nobis repraesentationes intellectuales largiuntur, et qua sola possunt rationes esse voluntatem determinantes, prorsus similem censeret. Maxime in officio philosophi est, sibi constare, quod tamen rarissime usu venit. Veterum Graecorum scholae plura nobis eius rei exempla proponunt,



quam quae hac nostra aetate *syncretistica* deprehendimus, qua certum quoddam *systema* decretorum pugnantium *conciliandorum*, improbitalis vitio tenuitatisque laborans, artificiose contextitur, propterea quod populo illud magis commendabile videtur, cui satis est, ex omnibus aliquid et in toto nihil scire, praetereaque ad omnia aptum videri. Principium felicitatis propriae, quantumcumque intelligentiae in eo rationis adhibeatur, tamen nullas alias voluntatem determinantes rationes, quam quae inferiori appetendi facultati consentaneae sint, complecteretur, nec proinde vel vlla quaedam appetendi facultas erit, vel *ratio pura* per se sola practica sit, necesse est, hoc est, nullo quopiam posito tactu, proinde sine repraesentationibus iucundi vel iniucundi, utpote materiae facultati appetendi subiectae, quae semper conditio est empirica principiorum, per solam formam regulae practicae possit voluntatem determinare. Tum vero ratio tantummodo, quatenus per se ipsa voluntatem determinat, (non famula cupiditatum est,) vera est facultas appetendi *superior*, cui pathologice determinabilis subest, vereque ab hac, quin ipsa *specie* ab hac diuersa, ita, ut vel minima impulsio- num huiusce posteriori admixtio robori eius et principatui derogat, quemadmodum minima ratio empirica, qua conditio in demonstratione mathematica, eius dignitatem virtutemque deprimit ac delet. Ratio in lege practica proxime voluntatem determinat, non interueniente quodam iucundi et iniucundi tactu, non vel in hac ipsa lege, et eo duntaxat, quod ea qua ratio pura esse practica potest, efficitur, ut esse *legislatoria* queat.

### S c h o l i o n II.

Felicem esse, quaeque necessario cupit natura ratio- que sed finita, ideoque ea re necessario facultas appetendi determinatur. Vniuersa existentia sua esse contentum, haud munus originarium est, hec beatitas, quippe qua conscientia poneretur *αὐταρκειας* absolutae, sed proble- ma per ipsam naturam finitam nobis obtrusum, quoniam indigenus, et haec indigentia materiam attinet, facul-

tatis nostrae appetendi, id est, quiddam, quod tactum spectat iucundi vel iniucundi subiective constitutum, quo, quae opus sunt, ut statu nostro contenti simus, determinantur. Sed ob eam ipsam causam, quod haec ratio determinans materialis a subiecto potest solum empirice cognosci, fieri non potest, ut hoc problema qua lex consideretur, quoniam haec qua obiectiva in omnibus causis, et vniuersis naturis *eandem* deberet *determinandae voluntatis rationem* continere. Et si enim conceptus felicitatis relationi practicae *rerum obiectarum* ad facultatem appetendi *ubique* fundamento sit, tamen ea tantummodo in titulo versatur vniuersali rationum determinantium subiectuarum, neque quidquam determinat specificè, quod tamen in hoc problemate practico vnicè spectatur, quod nullo modo potest sine determinatione illa expediri. Nimirum in quo quisque debeat felicitatem ponere, ex cuiusque pendet iucundi et iniucundi tactu peculiari, et vel in vno eodemque subiecto ex diuersitate necessitatum, pro eo ac variat hic tactus, atque ex *lege subiective necessaria* (qua lex naturalis), proinde *obiective* principium est practicum admodum fortuitum, quod in variis subiectis valde varium et potest esse, et oportet, ideoque nunquam poterit loco legis esse, quoniam, in cupiditate felicitatis, non forma legalitatis spectatur, sed sola materia, an scilicet quantaque voluptas sit in seruanda lege expectanda. Principia *Φιλανθρωπίας* regulas quidem solertiae possunt vniuersalis (adiumenta ad attingendos fines inueniendi) continere, sed tum ea sunt principia solum theoretica \*), velut quo modo is, qui libenter vesci pane vellet, molam debeat excogitare. Sed normae practicae, in iis constitutae, nunquam poterunt vniuersa spectare,

\*) Enunciata, quae in mathefi vel physica *practica* dicuntur, proprie *technica* vocari deberent. Nam de voluntate determinanda in iis doctrinis minime agitur; ea tantummodo varietatem actionis possibili, quae ad aliquod effectum edendum idonea est, ideoque pariter theoretica sunt, atque omnia pronuntiata, quae colligationem causae et effecti enunciant.

siquidein ratio determinans facultatis appetendi posita est in tactu iucundi et iniucundi, qui numquam qua vniuerse easdem res obiectas spectans, sumi potest.

Sed fac, naturas finitas ratione praeditas respectu eorum, quae res tactibus suis voluptatis dolorisue subiectae iis accipiendae sint, itemque adeo respectu subdiorum, quibus uti debeant, quo illos attingant, alteros arceant, prorsus idem sentire, tamen *principium philanthiae* nullo modo posset pro *lege practica* censeretur; quoniam hic contentus ipse modo fortuitus foret. Ratio determinans tamen semper tantummodo subiectiue valeret, et solum empirice, neque eam necessitatem haberet, quae in quaque lege cogitatur, nempe obiectiuam ex rationibus ex anticipatione; nisi forte hanc necessitatem minime practicam dixeris, sed solum physicam, nimirum actionem per appetitum perinde necessario cogi, atque gaudium, cum alios gaudi conspiciamus. Posset potius adferri, nullas omnino leges practicas esse, sed modo *consilia et suasiones* in gratiam cupiditatum nostrarum, quam ut solum subiectiua principia ad dignitatem legum practicarum eueherentur, quae prorsus obiectiuam habent, nec solum subiectiuam necessitatem, et per rationem debent ex anticipatione, non vero per experientiam (quantumvis ea maxime sit empirice vniuersalis) cognosci. Ipsae regulae phaenomenorum conuenientium tantummodo leges physicae (veluti mechanicae) dicuntur, si eas aut reapse ex anticipatione cognoscas, aut certe (vti in chemicis) sumitur, eae ex anticipatione ex rationibus obiectiuis cognoscerentur, si perspicientia nostra profundius penetraret. Verum principiis practicis solum subiectiuis, expresse praecipitur, ut nullae conditiones obiectiuae, sed subiectiuae arbitrii fundamento subsint; proinde, ut ea semper tantummodo qua solae leges priuatae, numquam vero qua leges practicae liceat proponi. Hoc scholion posterius primo adpectu videtur in sola verborum venatione versari; verum illud in determinatione verbali cernitur discriminis longe grauissimi, quod

vmquam in inuestigationibus practicis cadere sub contemplationem potest.

## §. 4.

*T h e o r e m a III.*

Si natura ratioque leges suas subiectiuas cogitare debeat qua leges practicas vniuersales, potest eas tantummodo qua ea principia cogitare, quae non quoad materiam, sed solum quoad formam, rationem contineant voluntatis determinandae.

Materia principii practici est res voluntati proposita. Haec vero aut ratio est voluntatem determinans, aut non. Si ea est ratio eius determinans, regula voluntatis conditioni empiricae (adfectioni repraesentationis determinantis ad factum iucundi et iniucundi) subiecta foret, proinde nulla lex practica esset. Atqui, omni separata materia, id est, quaque re voluntati proposita (qua ratione determinante) nihil quidquam de lege relinquitur, quam sola *forma* legislationis vniuersalis. Ergo natura rationalis aut non potest principia practica subiectiua sua, id est, leges priuatas, cogitatione informare qua leges vniuersales, aut sumere eam, necesse est, sola formam eorum, qua illa *legislationi vniuersali* conueniunt, ea per se sola legem practicam effici.

*S c h o l i o n.*

Quae forma in lege subiectiua legislationi vniuersali conueniat, quae minus, id intelligentia potest vel maxime communis sine institutione discernere. Velut legem mihi priuatam constitui, vt rem familiarem quibuscumque modis indubitatis augerem. Iam in manibus meis *depositum* est, cuius possessor mortuus est, nullo chirographo illius relicto. Id quod per se ad illam legem meam quadrat. Iam solum scire aueo, an illa lex priuata etiam qua lex queat practica vniuersalis valere. Igitur eam illam ad causam praesentem transfero, quaeroque, an formam ea legis recipere possit, proinde per

legem meam priuatam simul esse eiusmodi lex queat, qua cuique liceat depositum negare, quod creditum esse nemo probare potest. Continuo animaduerto, eiusmodi principium, qua legem, se ipsum sublaturum fore, propterea eo efficeretur, nullum omnino depositum esse. Lex practica, quam qua talein agnosco, ad legislationem vniuersalem, necesse est, idonea sit. Hoc pronunciatum est ex se connexum ideoque per se clarum et manifestum. Si igitur voluntatem meam subesse dicam legi *practicae*, non potero inclinationem meam (verbi causa in hoc casu auaritiam meam) qua rationem illam determinantem legi practicae vniuersali idoneam adducere: tantum enim abest, vt haec ad legislationem vniuersalem idonea sit, vt potius in forma legis vniuersalis se ipsam tollere, necesse videatur.

Quamobrem, cum felicitatis cupiditas, proinde et lex subiectiua, qua sibi quisque hanc rationem facit determinandae voluntatis suae, mirum videtur, qui factum sit, vt viris prudentibus venire in mentem posset, vt eam propterea *legem practicam* perhiberent vniuersalem. Cum enim alias lex naturalis vniuersalis omnia consentanea faciat, hic, si legi subiectiuae vniuersalitas tribueretur, ipsum consentanei contrarium, summa pugna totaque ipsius subiectiuae legis deletio, eiusque consilii consequeretur. Namque voluntati vniuersorum tuum non est vna res atque eadem proposita, sed sua cuique subiecta est (salus propria), quae quidem fortuito, cum aliorum quoque consiliis, quae itidem se ipsa spectant, potest conciliari, neque tamen ad legem idonea est, quoniam, quae iure fieri possunt, exceptiones infinitae sunt, neque villo modo possunt determinate regula vniuersali comprehendendi. Hoc modo contentus efficitur illi similis, quem *Franciscum* primum *Carolo* quinto Imperatori pollicentem dixisse referunt: quod frater Carolus vult, (Mediolanum) idem et ego volo. Rationes determinantes empiricae haud idoneae sunt ad legislationem externam vniuersalem, sed neque minus ad internam; summa enim

quisque subiectum, alius vero aliud subiectum inclinationi fundamento ponit, et ipso subiecto quoque modo haec modo alia praecipue viam suam exserit. Fieri nullo modo potest, ut lex inueniatur, quae eas cunctas sub hac conditione, nempe vniuersis, conspirantibus regat.

## §. 5.

*Problema I.*

Posito, solam formam legistoriam legum subiectiuarum vnā esse rationem determinandae voluntatis idoneam: naturam illius voluntatis inuenire, eo solo determinabilis.

Cum sola forma legis tantummodo ab ratione possit repraesentari, ideoque nulla res sit sensibus obnoxia, proinde quoque haud ad phaenomena pertineat; repraesentatio illius qua ratio voluntatem determinans ab vniuersis rationibus determinantibus euentorum, in natura rerum per legem causalitatis diuersa est, quoniam in his ipsae rationes determinantes phaenomena esse debent. Si vero etiam nulla alia voluntatis determinandae ratio huic esse legi potest, quam sola illa vniuersalis forma legislatoria; eiusmodi voluntas, qua prorsus libera ab lege naturali phaenomenorum, scilicet ab lege causalitatis, ad se inuicem relatiue, cogitanda erit. Eiusmodi autem vacuitas vocatur *libertas* sensu strictissimo, hoc est, transcendentali. Ergo voluntas, cui sola subiectivae legis forma legislatoria vna esse legi potest, libera voluntas.

## §. 6.

*Problema II.*

Posito, esse voluntatem liberam, legem inuenire, quae sola est ad eam necessario determinandam idonea.

Cum materia legis practicae, id est, res legi subiectivae proposita, non queat nisi empirice offerri, contra voluntas libera, qua conditionibus empiricis (ad mendum sensibilem pertinentibus) vacua et nihilominus deter-

minabilis esse debeat; necesse est, voluntatem liberam, vacuum legis materia, tamen rationem determinantem in legeprehendere. Atqui, praeter legis materiam, nihil in ea amplius, quam forma legislativa continetur. Ergo forma legislativa, quatenus in materia inest, una potest rationem voluntatis determinandae efficere.

### S c h o l i o n.

Libertas igitur et practica lex absoluta inutuo se invicem remonstrant. Iam hic non quaero, an etiam reapse diuersae sint, nec potius lex absoluta solum conscientia sui ipsius rationis purae practicae, haec autem prorsus idem sit, quod positivus libertatis conceptus; sed unde cognitio nostra absolute practici proficiatur, vtrum ab libertate, an ab lege practica. A libertate non potest ea proficisci; eius enim nobis nec proxime conscii fieri possumus, quoniam conceptus eius est negativus, nec ad eam ab experientia concludere, siquidem experientia nobis solum legem ministrat phaenomenorum, proinde mechanismum naturae, ipsum libertatis contrarium, cognoscendum proponit. Ergo lex est moralis, cuius nobis proxime conscii sumus (simulatque leges voluntatis subiectivas describimus), quae nobis *primum* se offert, dumque ratio illam, ut rationem determinantem, nulla conditione sensitiva superandam, quin prorsus ea liberam proponit, directo ad conceptum libertatis ducit. Sed quomodo esse potest conscientia legis moralis? Legum practicarum purarum fieri conscii possumus, perinde atque nobis conscii sumus decretorum purorum theoreticorum, dum ad necessitatem, qua ratio nobis ea dictitat, ad separationemque omnium conditionum empiricarum, ad quas illa nos amandat, animum aduertimus. Conceptus voluntatis purae exsistit e legibus puris practicis, quemadmodum conscientia intelligentiae purae ex decretis puris theoreticis: Hanc veram conceptum nostrorum subordinationem esse, nobisque moralitate demum libertatis conceptum aperiri, proinde *ratione practica* primo contemplativae quaestionem inenodabilem in hocce conceptu

proponi, quo ea maxime perturbetur, ad summamque difficultatem ducatur, iam inde planum est, quod, cum ex conceptu libertatis in phaenomenis nihil queat explicari, sed semper duci debeamus mechanismo naturali, praeterea et antinomia rationis purae, cum ad absolutum cupit in serie causarum adscendere, in vno pariter atque in altero, incomprehensibilibus implicatur, interea dum mechanismi naturalis saltem vsus sit in enodandis phaenomenis, numquam quispiam ausit, libertatem in scientiam introducere, nisi lex moralis simulque ratio practica accessisset, nobisque hunc conceptum obtrusisset. Sed experientia quoque hunc ordinem conceptuum in nobis confirmat. Fac, quempiam praetendere, se non posse voluptuosae libidini suae resistere, simulatque persona deamata occasioque eius conueniendi sibi fuerint oblatae, an, si patibulum ante domum, in qua eam occasionem offendit, exstructum foret, vt statim percepta voluptate illi adpendatur, tum haud libidinem vinceret? Haud diu, quid responderet, diuinandum videtur. Sed, roges eum, an, si princeps, proposito vitae supplicio, ab eo posceret, vt contra virum probum falsum testimonium ederet, quem sub specioso praetextu cuperet perdi, an tum quantuscumque amor vitae sibi sit, eum tamen vinci posse putet. Vtrum facturus sit, nec ne, fortasse haud ausit adseuerare; sed illi possibile esse, sine dubitatione illi concedendum erit. Igitur iudicat, se aliquid posse, eo quod sibi conscius sit, se illud debere, et in se libertatem cognoscit, quae illi alias siue lege morali ignota mansisset.

## §. 7.

*Lex constitutiua rationis purae practicae.*

Sic age, vt lex subiectiua voluntatis tuae semper possit simul qua principium valere legislationis vniuersalis.

*S c h o l i o n.*

Geometria pura continet postulata qua decreta practica, quae vero nil in se cohibent, nisi functionem, to



aliquid *posse* facere, si forte postuletur, ut facere *debeas*, eaque sunt decreta vna illius, quae existentiam spectant. Ergo ea regulae sunt practicae sub conditione problematica voluntatis. Sed hoc loco regula enunciat: absolute esse certo modo quodam agendum. Igitur regula practica absoluta est, proinde qua enunciatio categorica practica, ex anticipatione repraesentata, qua voluntas absolute proximeque (per ipsam regulam practicam, quae proinde hoc loco lex est,) obiectiue determinatur. Nam *ratio pura per se practica* hic proxime est legislatoria. Voluntas ut libera a conditionibus empiricis, proinde qua voluntas pura, *per solam legis formam* qua determinata cogitatur, et haec ratio determinans qua omnium legum subiectiuarum suprema conditio spectatur. Res satis mira est, sui que similem nullam habet in vniuersa reliqua practica cognitione. Namque cogitatio ex anticipatione de legislatione vniuersali possibili, quae proinde solum problematica est, nulla quapiam re ab experientia vllaque voluntate externa mutuata, qua lex absolute imperatur. Nec vero etiam norma est, ad quam fieri actio debeat, qua desideratum effectum fieri possit, (tum enim semper regula foret physice determinata,) verum regula, quae solum voluntatem, respectu formae legum suarum subiectiuarum, ex anticipatione determinat, et tum lex commode poterit, quae soli formae decretorum *subiectivae* inseruit, qua ratio determinans per formam *obiectiuam* legis vniuersae cogitari. Conscientia huiusce legis constitutivae dici poterit factum rationis, quoniam non potest ex datis rationis antegressis, velut e conscientia libertatis (quippe quae non ante nobis data est) argutando elici, sed quoniam per se ipsam nobis sese obtrudit qua pronunciatum syntheticum ex anticipatione, quod in nulla, nec pura nec empirica visione positum est, quamquam illud analyticum foret, posita voluntatis libertate, quo autem qua conceptu positivo, visio intellectualis requireretur, quae hoc loco haud licet sumi. Verumtamen, ut ea lex sine calumnia qua *data* spectetur, probe notandum videtur, nullum esse factum empiricum, sed vnum factum

rationis purae, quae eo se originarie legislatariam (sic volo, sic iubeo) declaret.

### *C o n f e c t a r i u m.*

Ratio pura per se sola practica est, legemque vniuersalem fert (homini), quam *legem morum* adpellamus.

### *S c h o l i o n.*

Factum, cuius antea mentionem fecimus, non potest negari. Iudicium, licebit, modo excutias quod homines de legalitate ferunt suarum actionum; et semper inuenies, rationem eorum, quaecumque inclinatio interloquatur, tamen haud posse corrumpi et subornari, per se ipsamque coactam, legem subiectiuam voluntatis in actione semper comparare cum voluntate pura, id est, cum se ipsa, dum se qua ex anticipatione practicam considerat. Quod principium moralitatis igitur, ob ipsam legislationis vniuersalitatem, quae illud rationem voluntatis determinandae formalem facit, nullo respectu habito omnium diuersitatum illius subiectiuarum, ratio simul declarat legem omnibus naturis ratione praeditis, quatenus eae vniuerse voluntate gaudent, hoc est, facultate causalitatis suae per repraesentationes regularum determinandae, proinde quatenus actionum ex principiis, ergo quoque ex principiis practicis ex anticipatione (quippe quibus solis ea inest necessitas, quam ratio ad principium requirit) capaces videntur. Igitur illud haud ad solos homines adstringitur, sed ad vniuersas pertinet naturas finitas, quae ratione gaudent ac voluntate, quin adeo naturam infinitam, qua intelligentiam supremam simul includit. Priori casu lex formam habet imperatiui, quoniam in illo quidem, qua natura rationali, *puram*, sed qua necessitatibus causisque mouentibus sensituius adfecta natura, nullam *sancitam* voluntatem, id est, cum sumere possumus, quae nullius legis subiectiuae capax foret legi morali repugnantis. Quamobrem lex moralis in illis cernitur in *imperatiua*, categorice praecipiente, eo quod lex absoluta est; adfectio eiusmodi voluntatis ad hanc legem

est *dependentia*, quam dicimus obligationem, quae *coactio-*  
*nem* denotat, quamquam per solam rationem, eiusque  
 legem obiectiuam, ad actionem quampiam, quae prop-  
 terea vocatur *officium*, quod arbitrium pathologice ad-  
 fectum (quamuis eo non determinatum, proinde quoque  
 semper liberum), desiderium in se cohibet, quod e causis  
 nascitur *subiectiuis*, ergo etiam rationi determinanti purae  
 obiectivae saepenumero potest aduersari, ideoque renisu  
 indiget rationis practicae, qui potest coactio interna dici,  
 sed intellectualis, qua coactio moralis. In intelligentia  
 omnium perfectissima arbitrium, qua nullius normae  
 capax, quae non eadem lex esse posset, iure reprae-  
 sentatur, conceptusque *sanctitatis*, qui illi propterea  
 competit, eam quidem, haud supra vniuersas leges  
 practicas, sed tamen super omnes practice circum-  
 scribentes, proinde obligationem officiumque euehit.  
 Haec voluntatis sanctitas nihilominus est idea practica,  
 quae necessario esse debet *prototypo*, ad quod ut in infi-  
 nitum adpropinquent, vnice in officio est omnium natu-  
 rarum rationalium finitarum, quodque lex morum pura,  
 quae ipsa propterea sancta vocatur, perpetuo iis vereque  
 ob oculos ponit, de quo quidem legum subiectiuarum  
 progressu in infinitum tendente, eiusque de immutabili-  
 tate et constantia certi sumus, hoc est, virtus, summum  
 erit, quod ab ratione practica finita poterit effici, quae  
 ipsa vicissim certe qua facultas naturaliter parta numquam  
 potest esse absoluta, quoniam certitudo in eiusmodi causa  
 numquam apodictica efficitur, et qua persuasio vehemen-  
 ter periculosa videtur.

## §. 8.

*Theorema IV.*

*Autonomia* voluntatis vnum est principium omnium  
 legum moralium officiorumque iis conuenientium: con-  
 tra vniuersa *heteronomia* arbitrii nullam prorsus obligatio-  
 nem constituit, sed potius contraria est principio illius  
 moralitatisque voluntatis. In independentia scilicet ab

omni legis materia (nempe obiecta re desiderata), et simul tamen determinatione arbitrii per solam formam legislatoriam vniuersalem, cuius lex subiectiua esse capax debet, vnum principium positum est moralitatis. Sed illa *independentia* libertas est sensu *negativo*, haec vero propria *legislatio* rationis purae, et qua talis, practicae, libertas est sensu *positiuo*. Ergo lege morali nil nisi *autonomia* enunciatum rationis purae practicae, hoc est, libertatis, eaque ipsa cernitur in conditione formali legum omnium subiectiuarum, qua sola efficitur, vt eae cum lege practica suprema possint conspirare. Idcirco si materia volendi, quae nihil aliud esse potest, nisi res cupiditati proposita, quae cum lege coniungitur, in legem practicam *qua conditio possibilitatis* ingeritur, inde existit heteronomia arbitrii, nimirum dependentia ab lege naturali, vlli cuiuspiam impulsioni inclinationiue obsequendi, neque sibi ipsa legem voluntas fert, sed praecipit tantummodo leges pathologicas prudenter obseruandas; materia autem, quae hoc modo numquam potest formam legislatoriam vniuersalem in se continere, hac via non solum nullam obligationem profert, sed ipsa est rationis *purae* practicae principio, proinde simul etiam menti morali contraria, quamuis, quae inde existit, actio legibus consentanea foret.

### S c h o l i o n I.

Igitur ad legem practicam numquam debet praeceptum practicum adnumerari, quod conditionem materiale (proinde empiricam) in se cohibet. Namque lex rationis purae liberae, hanc in sphaera longe alia constituit, quam empirica, et, quam ea enunciat, necessitas, cum nulla esse debeat necessitas physica, proinde non potest nisi in solis conditionibus possibilitatis legis cuiuspiam formalibus vniuerse versari. Omnis regularum practicarum materia semper posita est in conditionibus subiectiuis, quae illi nullam comparant vniuersalitatem in gratiam naturarum rationalium, sed solum hypotheticam (quid, si hoc illudue *appetam*, mihi facien-

dum sit, vt reapse eo potiar,) cunctaeque vertuntur in principio *propriae felicitatis*. Iam sane quidem non potest negari, volitioni vniuersae etiam rem esse subiectam debere, proinde materiam; verum ea idcirco non est ratio determinans conditioque legis subiectivae; quod enim si ita sit, haec non poterit in forma vniuersali legislatoria proponi, quoniam tum expectatione existientiae obiectae rei causa foret arbitrium determinans, et dependentia facultatis appetendi ab existientia vllius cuiuspiam rei volitioni deberet fundamento constitui, quae semper tantummodo in conditionibus empiricis quaeri potest, ideoque nunquam regulae necessariae atque vniuersali fundamento esse. Sic felicitas naturarum alienarum esse subiecta poterit voluntati naturae rationisque. Quod si ea vero ratio foret determinans legis subiectivae, ponendum foret, non ex aliorum salute non solum voluptatem naturalem capere, verum etiam necessitatem inuenire, pro eo atque convenientia fert coniunctioque naturarum in homine (ingenium sympatheticum). Verum ea necessitas non in vnaquaque natura rationali (nullo modo in deo) poni. Ergo materia quidem legis subiectivae manere potest, neque tamen esse illius conditio debet, quoniam haec alias non apta legi foret. Quamobrem sola legis forma, materiam coercentis, simul ratio sit, necesse est, huius materiae ad voluntatem adiungendae, non vero ponendae. Fac materiam esse, exempli gratia, meam ipsius felicitatem. Haec, cuique attributa (vti sane in naturis finitis fieri licet) tum solummodo fieri lex *obiectiva* practica poterit, cum aliorum in eam felicitatem includo. Ergo lex aliorum felicitatis promouendae, non oritur ex functione, eam cuiusque arbitrio subiectam esse, sed inde tantummodo, quod forma vniuersalitatis, qua ratio indiget qua conditione, legi subiectivae philantiae valorem obiectuum tribuendi legis, ratio sit determinans voluntatem, et proinde res obiecta (aliorum felicitas) haud erat ratio voluntatis purae determinandae, sed sola fuit forma legalis, qua regulam meam subiectivam, in inclinatione constitutam, circumscriberem, vt ei vniuersalitas legis

impertiat, atque ita ea rationi purae practicae apta et consentanea reddatur, ex qua quidem circumscriptione sola, non vero adiectione cuiuspiam stimuli externi tum posset conceptus *obligationis* regulam philautiae meae etiam ad felicitatem aliorum extendendi, exsistere.

### Scholion II.

Fit ipsum principio moralitatis contrarium, cum decretum felicitatis *proprie* pro ratione adhibetur voluntatis determinandae, ad quod, vti supra disputauimus, omnia omnino referenda sunt, quae rationem determinantem, quae esse legi debet, in vlla re quapiam alia ponunt, quam in forma legislatoria regulae subiectivae. Verum haec pugna non solum logica est, quemadmodum quae in regulis est empirice hypotheticis, quas tamen vellent ad dignitatem euehere principiorum cognoscendi necessarium, sed practica, eaque, nisi vox rationis respectu voluntatis tam distincta foret et penetrans, ipsique ex infima plebe homini tam perspicua, moralitatem funditus euerteret; nunc autem tantummodo in contemplationibus scholarum mentem perturbantibus se tueri potest, quae satis audaces sunt ad obturandas aures contra vocem illam coelestem, quo theoriā nullius negotii conseruent.

Si familiaris alioquin carus apud te de falso testimonio eo se crederet excusari, quod primo sanctum, ex ipsius iudicio, officium propriae felicitatis obtenderet, tum commoda enumeraret, sibi ea re parta, prudentiamque laudaret, quam obseruasset, ne posset aperiri, vel ab te ipso, cui soli secretum aperuisset, quo omni tempore posset illud negare; tum vero serio diceret, se verum humanitatis officium fecisse: aut illi in faciem rideres, aut auersa facie eum abhorresceres, quamuis, si quis solummodo in commodis propriis principia fundaverit; contra vias illas nihil quidquam haberes, quod regereres. Vel ponatis, vobis a quopiam commendari dispensatorem, cui res omnes vestras credere possitis in tenebris, et quem, quo vobis fiducia crescat, vt homi-

nem prudentem, laudari, qui suam ipsius vtilitatem egregie curet, etiam vt indefesse laboriosum, qui nullam occasionein parandi commodi praetermittat, tandem, ne vlli de sordido propriae vtilitatis studio metus officiant, laudari eius vitae elegantia, non in corradenda pecunia, neque in libidine bruta, sed in augendis notitiis, consuetudine bonorum sapientumque, et egenis iuuandis oblectari, caeterum autem non anxium esse de viis et artibus (quarum tamen pretium vitiumue solum ex consilio pendet), alienasque facultates ad eas res, si modo sciat, se latenter posse et libere illud efficere, perinde sibi ac suas esse; tum sane existimaretis, cum, qui vobis illum commendet, aut vobis illudere, aut mentem perdidisse. — Ita distincti sunt accurateque termini moralitatis et philautiae descripti, vt vel maxime vulgaris acies discrimen, vtrum aliquid ad vnam pertineat, an ad alteram, nequeat praeterire. Quamquam, quae innox monebimus, in tam aperta re possunt superuacanea videri, tam certe proderunt ad rationem humanam comunem maiori perspicuitate exornandam.

Principium felicitatis poterit quidem pro regulis subiectiuis esse; numquam vero eas indicare, quae aptae forent legibus voluntatis, si vel ipsam tibi *uniuersalem* felicitatem propositam haberes. Etenim, quoniam huius cognitio in solis est datis experientiae posita, siquidem quodque de ea iudicium maxime pendet ex sua cuiusque sententia, quae ipsa praeterea admodum mutabilis est, regulae *generales* quidem poterunt, numquam autem *uniuersales* esse, id est, tales, quae omnino saeptissime conveniant, non vero eae, quae semper debeant et necessario valere, proinde non possunt *leges* practicae in iis constitui. Idcirco, quod hic res arbitrio subiecta regulae illarum constituta est, ideoque hanc antecedere debet, hacc ad nullam rem aliam potest, quam ad eam, quae commendatur, et proinde ad experientiam referri in eaque constitui, tumque diuersitas iudicii, necesse est, infinita videatur. Neque ergo omnibus naturis ratione praeditis

easdem regulas practicas hoc principium praecipit, quamquam eae quidem communi titulo subsunt, nimirum titulo felicitatis. \* Sed lex moralis propterea solum qua obiective necessaria cogitatur, quoniam ad quemque debet, qui ratione utitur ac voluntate, valere.

Regula subiectiva philantiae (prudentiae) *suadet* tantummodo; lex moralitatis *imperat*. Permagnum tamen discrimen intercedit inter ea, quae nobis *suadentur*, atque ea, ad quae nos *obligati* tenemur.

Quid secundum principium autonomiae arbitrii faciendum sit, quisque ex infima plebe homo facile perspicit; sed difficulter intelligitur multamque cognitionem requirit, quid summa arbitrii heteronomia faciendum videatur; hoc est, quid in *officio* sit, cuique sponte se offert; quid verò verum et duraturum commodum adferat, semper est, si hoc ad totam debeat existentiam extendi, atra caligine obuolutum est, multaque prudentia opus est, ad regulam practicam ad id institutam exquisitis exceptionibus vel saltem tolerabili modo vitae finibus aptandam. Nihilominus lex moralis cuique imperat, et accuratissimum quidem, obsequium. Quamobrem ad id, quod faciendum sit, diiudicandum, non tam difficile erit, quin ingenium vel maxime vulgare atque inexercitatum, vel omni prudentia civili destitutum, queat in eo versari.

Nulla non tempore penes quemque est, praecepto moralitatis categorico satis facere; sed praecepto empirico hypothetico felicitatis admodum raro, nec vel unius modo consilii respectu, neque a quouis satis fieri poterit. Propterea quod in illo superiori tantummodo regula subiectiva spectatur, quae genuina esse et pura debet, sed in hoc posteriori etiam vires spectantur et facultas, rem expetitam efficiendi. Praeceptum, quod quemque iuberet sese felicem reddere, stultum foret; neque enim unquam quempiam iubemus ea, quae iam sponte necessario cupit: nisi ei forte vias praecipias, vel potius subministres, quoniam non omnia, quae vult, potest. Sed honestum siue



moralitatem iubere, nomine officii, sane rationi consentaneum est; primo enim illius praecepto haud fere quisque libenter vult obedire, si pugnet id cum cupiditatibus, ac vias quidem, quibus illi legi possit obtemperare, hic nil attinet doceri; quidquid enim hoc respectu facere vult, illud et potest.

Is, qui in lusu *victus* est, sibi met ipsi quidem poterit de imprudentia sua *succensere*, sed si, *fraude* se in lusu usum esse (quamquam ea lucratum) sibi conscius sit, se ipsum *despiciat*, necesse est, simulatque se cum lege morali comparauerit. Hanc igitur sane aliud quiddam esse oportebit, quam principium propriae felicitatis. Etenim qui se ipsum sic alloqui cogitur: ego *homo* sum  *nihili*, quamvis crumenam oppleuerim, is aliam iudicii normam habeat, necesse est, quam qui ipse sibi applaudere potest, et de se profiteri: ego *homo* sum *prudens*, siquidem rem meam familiarem auxi et amplificaui.

Tandem aliquid in idea inest rationis nostrae practicae, quod transgressionem cuiuspiam legis moralis comitatur, nempe quod ea *digna poena* videtur. Iam cum conceptu poenae qua talis nullo modo potest felicitatis participatio coniungi. Et si enim ei, qui punit, simul quidem consilium esse salutare potest, huiusce poenae ad id consilium dirigendae, tamen ea antea, qua poena, id est, qua solum malum, per se ipsa probata sit, oportebit, ita, ut punitus, si poenae subiectus maneret, neque ullam hac seueritate occultatam gratiam prospiceret, ipse cogatur fateri, se digna perpeßum, sortemque suam apprimere moribus suis conuenire. In vnaquaque poena, qua tali, primo iustitia insit, necesse est, eaque essentiam huius conceptus constituit. Cum ea quidem et benignitas coniungi potest, sed hanc ut speret, fonti, pro moribus suis, nulla prorsus causa videtur. Ergo poena cernitur in malo physico, quod, etiamsi non, qua consequens *physicum*, cum malo morali coniunctum foret, tamen qua consequens ex principiis legislationis moralis coniungi deberet. Quodsi igitur omne crimen, etiam

neglectis consequentibus physicis respectu malefici, per se poena dignum sit, id est, felicitatem (certe ex parte) perdat, manifesto absurdum foret, si dicatur: crimen in eo ipso positum fuisse, quod poenam sibi contraxisset, propterea quod suae ipsius felicitati derogasset (quod ex principio philautiae proprium esse conceptum omnis criminis oporteret). Hoc modo poena ratio foret, cur aliquid crimen nominaretur, iustitiaeque potius in eo ponenda videretur, quod omnis poena nitteretur, ipsaque naturalis impediretur; tum enim in actione nihil quidquam amplius mali foret, quoniam, quae alias eam sequerentur, quarumque causa actio solum mala vocaretur, mala nunc propulsa forent. Qui deinum omnes poenas omniaque praeinia tantummodo qua machinas considerant in manu potestatis superioris, quibus solum commoveri debeant et incitari ad finem suum ultimum (felicitatem) naturae rationales, luce meridiana clarius est, eos mechanisimum defendere voluntatis, omnem libertatem tollentem, quam, ut, diutius in eo nos immorari, necesse foret.

Subtilior quidem, quamquam pariter falsa, eorum sententia est, qui certum quemdam peculiarem sumunt sensum moralem, quae, non vero ratio, legem moralem determinet, secundum quem conscientia virtutis proxime cum tranquillitate et voluptate, sed turpitudinis conscientia cum perturbatione animi ac dolore coniuncta sit, atque ita omnia in propria felicitate ponunt expetenda. Ut; quae supra dicta sunt, hoc loco mittam, mentionem modo faciam illusionis in ea re. Ut turpis et scelestus qua perturbatione animi vexatus possit ex conscientia delictorum depingi, necesse est, eum, quoad praecipua ingenii initia, iam antea, certe quodam gradu, moraliter bonum ostendant, quemadmodum eum, qui conscientia recte factorum oblectatur, iam antea virtutis studiosum. Ergo conceptus honesti (moralitatis) et officii omnem de hac tranquillitate antecederet, necesse fuit, neque vlllo modo ab hac poterit deriuari. Atqui grauitas

eius, quod officium vocamus, auctoritas legis moralis, et dignitas proxima, quam observatio illius homini ex sua ipsius sententia impertit, antea aestimanda erat, ut illam tranquillitatem in conscientia convenientiae suae cum ea lege, seueramque reprehensionem ex violata lege, persentireceres. Ergo non poterit ea tranquillitas quiescere animi ante agnitam obligationem sentiri, eaque causa fieri huiusce obligationis. Certe in via quasi media vir probus sit atque honestus, oportebit, ut de iis animi motionibus vel modo quae cogitationem tibi informare. Caeterum haud infirior, quemadmodum per libertatem voluntas humana potest ex lege morali proxime determinari, ita etiam frequentiori exercitatione, huic rationi determinanti convenienter, subiective posse sensum approbationis sui ipsius effici; potiusque in ipso officio est, ut hic sensus, qui proprie solus meretur sensus moralis vocari, et constituatur, et excolatur; sed conceptus officii ab eo non potest deriuari, nisi sensum legis cuiuspiam qua talis mente et cogitatione depingamus, idque sensui proponamus, quod per solam possit rationem cogitari; quo quidem, nisi in apertam velis incurrere repugnantiam, omnis officii conceptus prorsus tolleretur, in eiusque loco solum lusus quidam mechanicus inclinationum animi subtilium, cum crassioribus nonnumquam dissidentium, poneretur.

Igitur decreto nostro *formali* supremo rationis purae practicae (qua autonomiae voluntatis) cum vniuersis, quae adhuc innotuere, principiis honesti *materialibus* comparato, caetera omnia possumus, qua ea, quibus reuera omnes alii, qui esse possunt, casus, praeter vnum quemdam formalem, exhausti sint, in tabula quadam proponere, atque ita ad oculos demonstrare, frustra aliud, quam quod iam tractauimus, principium quaeri. — Vniuersae scilicet determinandae voluntatis rationes aut solum *subiectivae* sunt, ideoque empiricae, aut etiam *obiectivae* et rationales; vtraeque autem vel *externae* vel *internae*.

*Rationes determinantes practicae materiales in principio honesti sunt:*

<i>subiectivae</i>		<i>obiectivae</i>	
<i>externae</i>	<i>internae</i>	<i>internae</i>	<i>externae</i>
<i>educationis</i>	<i>constitutionis</i>	<i>sensus physici</i>	<i>sensus morali</i>
(secundum	(secundum	(secundum	(secundum
MONTA-	MANDEVIL-	EPICU-	WOLFIUM et
NVM).	LIVM).	RVM).	STOICOS).
			CRYSIVM
			aliosque doc-
			tores morum
			<i>theologicos</i> ).

Quae ad sinistram partem scriptae sunt, cunctae sunt empiricae, nec manifesto ad principium vniuersale idoneae videntur. Sed ad partem dextram scriptae constitutae sunt in ratione, (nam perfectio, qua rerum *qualitas*, summaque perfectio cogitata in *substantia*, id est, in deo, ambo possunt tantummodo per conceptus rationales cogitari.) Verum conceptus prior, nimirum *perfectionis*, aut significatione *theoretica* accipi potest, notatque nil, nisi plenam rei cuiuspiam, solum qua rei, in suo genere conditionem (transcendentalem), aut rei cuiuspiam, solum qua rei in vniuersum (metaphysicam), de qua hoc loco sermo esse non potest. Sed conceptus perfectionis sensu *practico* cernitur in ratione idonea, siue sufficientia alicuius rei ad varios fines. Haec perfectio, qua hominis *qualitas*, proinde interna, nihil aliud est, quam *indoles*, et, id. quo haec firmatur ac perficitur, *solertia*. Perfectio in *substantia*, hoc est, in deo, proinde externa, (respectu practico considerata,) versatur in ratione idonea huiusce naturae ad fines omnino omnes. Quodsi igitur fines nobis antea debeant proponi, quorum respectu conceptus *perfectionis* (externae, in nobis ipsis, aut externae, in deo,) solum fieri possit ratio voluntatis determinandae, finis autem, qua *res obiecta*, quae determinationem voluntatis debet ex quadam regula practica antecedere causamque possibilitatis eiusmodi continere, proinde *materia* voluntatis, qua ratio eius determinandae accepta, semper empirica sit, proinde ad principium doctrinae felicitatis *Epicureum* quidem, nunquam vero ad principium purum rationale doctrinae morum atque officii esse idonea possit, (quoniam admodum dotes animi, earumque cultura, quoniam eae ad commoda vitae conferunt, aut voluntas dei, si conuenientia cum ea, hand antegresso ab eius idea libero principio practico, qua res voluntati proposita sumta fuerit, solum per *felicitatem*, quam inde expectamus, fieri monenta voluntatis possunt,) sequitur *primo*, cuncta, quae hoc loco ostendimus, principia esse materialia, *deinde*, iis, quae esse possunt, omnia principia materialia contineri, inde *denique* elicitur: eo, quod prin-

cipia materialia ad legem supremam moralem prorsus inutilia sunt, (vti docuimus,) *principium formale practicum* rationis purae, secundum quod sola forma legislationis vniuersalis per nostras regulas subiectiuas possibilis supremam proximamque determinandae voluntatis rationem efficiat, necesse est, *unum, quod possit esse*, videri, quod ad imperatiua categorica, id est, ad leges practicas, (quae actiones imperant), omninoque ad principium honesti, cum in iudicando, tum in adhibendo ad voluntatem humanam, in ea determinanda, idoneum sit.

## I.

## DE DEDUCTIONE DECRETORVM RATIONIS PVRAE PRACTICAE.

Haec analytica docet, rationem puram esse practicam, hoc est, per se, ab omni empirico liberam posse voluntatem determinare — idque per factum quoddam, in quo ratio pura reapse in nobis practicam se manifestat, nimirum per autonomiam in principio honesti, quo ea voluntatem ad agendum determinat. — Eadem ostendit, hoc factum cum conscientia liberae voluntatis arctissime coniunctum, quid? quod idem cum ea esse, quo voluntas naturae rationisque, quae, qua pars mundi sensibilis, se ipsam, instar aliarum causarum efficientium, legibus colligationis causarum necessario subiectam agnoscit, in practico, simul tamen ex alia parte, nempe qua natura per se ipsa, existentiae suae in intelligibili ordine rerum determinabilis sibi conscia est, non peculiari quidem sui ipsius visioni, sed certis quibusdam legibus dynamis conuenienter, quae efficientiam eius possunt in mundo sensibili determinare; namque, libertate, si nobis ea tribuatur, in rerum ordinem nos intelligibilem transferri, alio loco satis probatum est.

Quocum si partem analyticam critices rationis purae contemplatiuae comparauerimus, infra vtriusque emerget

diuerſitas. Ibi enim non principia decretaque, ſed *viſio* para animalis ſiue ſenſitiua (ſpatium tempusque) primum in datis erat, quo efficeretur, vt eſſe poſſet cognitio ex anticipatione et quidem rerum modo ſenſibus obnoxiarum. — Fieri non poterant decreta ſynthetica ex ſolis conceptibus ſine viſione, illa potius tantummodo ex relatione ad hanc, quae ſenſitiua erat, proinde ad ſolas res experientiae poſſibili ſubiectas poterant locum habere, quoniam conceptus intelligentiae, cum hac viſione coniunctae, efficiunt ſoli, vt ea eſſe cognitio queat, quam experientiam adpellamus. — Ultra res experientiae obuias atque propoſitas, proinde rerum, qua nouenorum, rationi contemplatiuae vniuerſa poſitiua *cognitio* iure optimo denegata eſt. — Attamen haec tantum effecit, vt conceptum nouenorum, hoc eſt, poſſibilitatem, quin neceſſitatem cuiusmodi cogitandi, ſaluam praeflaret, et velut libertatem, negatiue ſpectatam, accipiendi, qua amicam decretis iſtis et circumſcriptionibus rationis purae theoreticae, contra omnia dubia ſeruaret, neque tamen vllum quidpiam earum rerum obiectarum determinatum, ad augendamque cognitionem aptum oſtenderet, propterea, quod ea omnem earum rerum cognoscendarum ſpem prorfus praecideret.

Contra lex moralis, quamuis nullum *proſpectum*, tamen factum quoddam ſubminiſtrat, ex omnibus datis mundi ſenſibilis, vniuerſaeque compage vſus rationis theoreſici noſtri prorfus inenodabile, quod purum mundum intelligibilem monſtrat, quin cum adeo *poſitiue determinatum* nobis quidpiam illius, nimirum legem, cognoscendum oſtendit.

Haec lex mundo ſenſibili, qua *naturae ſenſibili* (quantum ad naturas attinet rationales) formam mundi intelligibilis, id eſt, naturae *ſupraſenſibilis* debet largiri, neque tamen quidquam mechanismo illius detogare. Atqui natura ſenſu maxime vniuerſali cernitur in exiſtentia rerum ſub legibus. Natura naturarum rationalium ſenſitiua vniuerſa verſatur in exiſtentia earum ſub legibus empirice hypotheſicis, proinde ea rationi *heteronomia* videtur. Natura ſu-

præsensitiua earumdem naturarum e contrario est existentia earum ex legibus, ab omni conditione empirica liberis, quæ proinde ad *autonomiam* rationis puræ pertinent. Cumque leges, secundum quas existentia rerum pendet a cognitione, practicæ sint; natura suprasensitiua, quantum nobis de ea possumus cogitationem efformare, nihil aliud est, nisi *natura autonomiæ subiecta rationis puræ practicæ*. Sed lex huius autonomiæ est lex moralis, quæ proinde lex est constitutiua naturæ suprasensibilis mundique puri intelligibilis, cuius ectypon in mundo sensibili, sed simul tamen saluis legibus illius, exstet. Illam possis naturam *archetypam* dicere, quam solum in ratione cognoscimus; hanc vero, quoniam possibile effectum ideæ prioris, quæ rationis voluntatem determinandi continet, naturam *ectypam* adpellare. Etenim reapse lex moralis, quoad ideam, nos in naturam transfert, in qua ratio pura, si cum facultate physica sibi conueniente instructa foret, summum bonum procrearet, nostræque voluntati formam mundi sensibilis, quæ totius cuiuspiam naturarum rationalium, constituit impertiendam.

Haec idea re ipsa determinationibus nostris voluntatis quasi prædelinatio quaedam exemplo esse, leuissima ad nosmet ipsos animi attentione confirmatur.

Si regula subiectiua. ex qua testimonium dicere decreui, per rationem practicam exploretur, semper considero, qualis ea foret, si qua lex physica vniuersalis valeret. Manifestum est, ea in hoc genere quemque ad veracitatem coactum iri. Neque enim cum vniuersalitate legis naturalis potest consistere, ut enunciatis vis probandi tribuatur, et nihilominus qua de industria falsis et mendacibus locus concedatur. Pariter regula subiectiua, quam ratione libertatis de vita mea statuendi constituo, continuo determinatur; si memet ipsum interrogem, qualis ea deberet esse, ut natura quaedam secundum legem ipsius conferuet. Manifestum est, neminem posse in eiusmodi natura vitam *prohibitu* sinire; eiusmodi enim constitutio nullus naturæ ordo durabilis foret, et sic in vniuersis aliis causis. Atqui in



natura vera, pro eo atque ea subiecta experientiae est, voluntas libera haud per se est ad tales regulas subiectiuas determinata, quae per se possent naturam quamdam ex legibus vniuersalibus constituere, vel etiam ei, quae ad eas ordinata foret, sponte conuenirent; potiusque eae sunt inclinationes priuatae, quibus totum quidem naturale aliquod ex legibus pathologicis (phyficis), non vero natura efficitur, quae per solam esse posset voluntatem nostram ex legibus puris practicis. Nihilominus per rationem nobis conscii legis sumus, cui, quasi per voluntatem nostrum simul existere naturae ordinem, necesse foret, omnes leges subiectiuae nostrae subiectae videntur. Ergo haec, oportebit, idea sit naturae haud empirice datae, et tamen per libertatem possibilis, proinde suprasensibilis, cui, certe respectu practico, obiectiuam realitatem impertimur, propterea quod eam, qua voluntati nostrae subiectam ac propositam, qua puris naturis rationalibus consideramus.

Igitur discrimen inter leges naturae, cui *voluntas subiecta est*, et *naturae*, quae *voluntati cuiusdam* (ratione eorum, quae adfecta sunt ad liberas eius actiones) subiecta est, positum in eo est, ut in illa res obiectae in causis sint, necesse sit, repraesentationum, voluntatem determinantium, in hac autem voluntas esse causa debeat rerum obiectarum, ita, ut effectio illius rationem determinantem solummodo habeat in facultate pura rationali, quae propterea quoque poterit ratio pura practica adpellari.

Duae ergo quaestiones illae: quomodo ratio pura ex vna parte ex anticipatione queat obiectas res *cognoscere*, et quomodo ea ex altera parte proxime possit ratio esse determinandae voluntatis, hoc est, causalitatis naturae rationisque respectu existentiae rerum obiectarum (per solam cogitationem valoris vniuersalis suarum ipsius regularum subiectiuarum qua legis), admodum ab se inuicem abhorrent.

Prior illa, quippe quae ad critice[m] pertinet rationis purae contemplatiuae, postulat, ut antea explicetur, quo-

modo visiones, sine quibus nulla nobis res omnino offerri potest ac proponi, nec proinde synthetice cognosci, esse possint ex anticipatione, ad eamque sic respondetur, eas cunctas tantummodo animales esse, seu sensitivas, proinde haud permittere, ut vlla fieri possit cognitio contemplativa, quo progrediatur ulterius, quam experientia possibilis pertinet, omniaque proinde decreta rationis illius purae practicae nihil amplius efficere, quam, ut experientia, aut rerum obiectarum datarum, aut earum, quae dari possint in infinitum, numquam autem plene data sunt, fieri queat.

Altera deinde quaestio, quae critice attinet rationis practicae, non postulat, quomodo res facultati adpetendi subiectae esse possint, ut explicetur; hoc enim, qua quaestio cognitioni naturae theoreticae obnoxia, criticae rationis contemplativae relinquitur, sed solum, quomodo ratio queat regulam voluntatis subiectivam determinare, utrum solum interuentu fiat repraesentationum empiricarum, qua rationum determinantium, an etiam ratio pura practica et lex foret, ordinis naturae possibilis, empiricae nullo prorsus modo cognoscendi. Possibilitas eiusmodi naturae suprasensibilis, cuius conceptus simul esse ratio possit existentiae illius per nostram voluntatem liberam, nullius indiget visionis ex anticipatione (mundi intelligibilis), quae in hac causa, qua suprasensibilis, nobis etiam esse impossibilis deberet. Namque ex sola pendet ratione determinante volitionis in legibus eius subiectivis, utrum illa empirica sit, an conceptus rationis purae (legalitatis illius uniuersae), et quomodo hic conceptus esse possit. Vtrum voluntatis causalitas existentiam rerum obiectarum attingat, nec ne, principiis rationis theoreticis diiudicandum relinquitur, qua inuestigatio possibilitatis rerum volitioni subiectarum, quarum proinde visio nullum prorsus momentum efficit quaestionis practicae. Sola hic voluntatis determinatio, ratioque determinans materiae illius, qua voluntatis liberae, non vero euentum, spectatur. Etenim, si *voluntas* soli rationi purae legitima sit, cum *facultate* illius in exsequendo utcumque comparatum sit, siue ad eas regulas subiectivas

legislationis naturae possibilis ea reapse inde oriatur, siue non, id critice nequaquam curat; quippe quae inuestigat, an et quomodo ratio pura practica, hoc est, proxime voluntatem determinans esse possit.

In ea re itaque sine reprehensione potest, et debet ea a legibus puris practicis earumque existentia exordiri. Pro visione vero iis conceptum existentiae in mundo intelligibili, hoc est, libertatis, constituit. Hic enim nihil quidquam denotat aliud, illaeque leges ex sola ad libertatem voluntatis relatione possunt esse, sed ea sunt necessariae sunt, vel, ad vicissitudinem, haec necessaria est, quoniam illae leges, qua postulata practica, necessariae videntur. Quomodo igitur haec conscientia legis moralis, siue, quod idem est, libertatis conscientia, esse queat, non vltius potest enodari, sed eam adniti posse, in critica theoretica commode poterit defendi.

*Expositio* decreti rationis practicae supremi nunc absoluta est, hoc est, ostendimus primo, quid illud contineat, prorsus ex anticipatione illud atque a principiis empiricis liberum per se consistere, tum denique quam in re ab vniuersis aliis principiis practicis discernatur. In *deductione*, id est, defensione valoris obiectiui sui atque vniuersalis perspicientiaeque possibilitatis eiusmodi enunciati synthetici ex anticipatione, non tantus sperari successus licet, quantus in decretis erat intelligentiae purae theoreticae. Namque haec res spectabant subiectas experientiae possibili, nempe phaenomena, poteratque euinci, solo eo, ut haec phaenomena pro norma legum illarum categoriis subiiciantur, haec phaenomena, qua res experientiae obnoxias posse *cognosci*, proinde vniuersam, quae possit esse, experientiam hisce legibus esse consentaneam debere. Eiusmodi iter vero non potest institui in deducenda lege morali. Siquidem ea haud cognitionem attingit naturae rerum obiectarum, quae rationi vlla quapiam re possint alibi proponi atque offerri, sed cognitionem, quatenus ea fieri ratio possit existentiae ipsius obiectarum rerum, ratioque eandem causalitatem habet in natura ratione praedita, id est,

ratio pura, quae qua facultas potest voluntatem proxime determinans spectari.

Atqui omnis humana perspicientia haeret, simulatque ad vires aut facultates constitutivas peruenerimus; quippe quarum possibilitas nulla re comprehendi potest, nec vero ad libidinem licet fingi sumique. Quamobrem in usu rationis theoretico solum nobis potest experientia potestatem facere earum sumendarum. Hocce surrogatum, loco deductionis ex fontibus cognitionum ex anticipatione, argumenta empirica adferendi, hoc loco etiam nobis respectu facultatis rationalis purae practicae non licet. Quod enim opus habet, ut argumentum exsistentiae suae ab experientia depromat, necesse est, quoad rationes possibilitatis, pendeat ex principiis experientiae, qualis vero fieri non potest, ut ratio pura et tamen practica iam per solum suum conceptum possit reputari. Praeterea lex moralis quasi quoddam factum rationis purae, cuius nobis ex anticipatione conscius sumus, quodque apodictice certa videtur, data est ac proposita, ut etiam in experientia nullum posset exemplum ostendi, quod eam exacte seruatum esse, planum faceret. Ergo realitas obiecliuæ legis moralis nulla deductione potest, quantumvis ratio theoretica et contemplatiua, vel empirice sussulta omnes vires contendat, probari, ideoque, etiamsi certitudinem apodicticam mittere velis, per experientiam confirmari, atque ita ex adsumto cuinei, nihilominus tamen per se ipsa consistit.

Verum aliud quid, idque prorsus absconum in locum succedit huiusce deductionis frustra quaesitae principii moralis, nimirum hoc, quod ipsum vice versa principio intervit facultatis cuiuspiam imperscrutabilis deducendae, quam nulla potest experientia probare, sed rationi contemplatiuae (ad absolutum in ideis cosmologicis quoad causalitatem eius, ne ea secum ipsa pugnet, inueniendum,) certe qua possibilis sumenda erat, nempe facultas libertatis, cuius non solum possibilitatem, verum etiam exsistentiam lex moralis, quae ipsa nullarum indiget rationum deducentium, in naturis cuineit, quae eam legem qua eam agnoscunt,

ad quam se sentiunt adstrictas. Lex moralis vere lex est causalitatis per libertatem, ideoque possibilitatis naturae cuiuspiam suprasensibilis, quemadmodum lex metaphysica euentorum in mundo sensibili lex erat naturae sensitiuae, illaque ea determinat, quae philosophia contemplatiua cogebatur indeterminata relinquere, nempe legem causalitatis eius, cuius conceptus in hac philosophia duntaxat negativus erat, ideoque huic primum comparat realitatem obiectiuam.

Hoc genus fidei legi morali conciliandae, cum ipsum qua principium libertatis, utpote causalitatis cuiuspiam rationis purae, proponatur, ratione theoretica saltem ad possibilitatem libertatis *sumendam* coacta, prorsus est ad supplendam quamdam illius necessitatem, loco cuiusque deductionis ex anticipatione, idonea. Namque lex moralis realitatem suam ita euincit, ut etiam criticae rationis contemplatiuae satis fiat, eo quidem, quod ea ex causalitate solum negatiue cogitata, cuius possibilitas illi incomprehensa quidem, sed necessario sumenda erat, determinationem positiuam, nimirum conceptum rationis voluntatem proxime determinantis (per conditionem formae legalis vniuersalis regularum suarum subiectiuarum) adiungit, atque ita rationi, in ideis suis, si contemplando vellet agere, semper transcendenti, primum realitatem obiectiuam potest, quamquam modo practicam impertire, vsumque illius *transcendentem* in *immanentem* transmutet (ut in campo queat experientiae per id ea causa esse sponte efficiens).

Determinatio causalitatis naturarum in mundo sensibili, qua tali, numquam esse absoluta poterat, et tamen ad omnem conditionum seriem necessario quiddam absolutum esse debet, proinde quoque causalitas se ipsam prorsus sponte determinans. Idcirco idea libertatis, qua facultatis spontaneitatis absolutae, non erat necessitas, sed, *quod eius possibilitatem attinet*, decretum analyticum rationis purae contemplatiuae. Verum, cum nullo modo fieri possit, ut ei conuenienter exemplum in vlla quapiam expe-

rientia ostendatur, quoniam in causis rerum, quae phaenomenorum, nulla determinatio causalitatis, quae simpliciter absoluta foret, deprehendi potest, tantummodo *cogitationem* causae libere agentis, si eam ad naturam adhibeamus in mundo sensibili, quatenus ea etiam ex altera parte qua noumenon spectetur, *defendere* poteramus, namque docuimus, haud pugnare, si omnes actiones eius qua physice hypotheticae, quatenus eae phaenomenua sint, et tamen simul earum causalitas, quatenus natura agens natura intelligibilis sit, qua physice absolutae spectentur, atque ita conceptus libertatis principium rationis fiat regulatum, quo rem obiectam quidem, cui eiusmodi causalitas tribuitur, qualis sit, neutiquam cognosco, verum tamen impedimentum tollo, propterea quod partim in explicandis mundi euentis, proinde quoque actionibus naturarum rationalium, mechanismo necessitatis physicae, ab eo quod pendet, ad conditionem, ex qua illud pendet in infinitum regrediendi, concedo, partim vero rationi contemplativae locum ei vacuum tuor apertam, nempe intelligibile, ut absolutum eo transferatur. Neque tamen hanc *cogitationem* poteram *dare effectum*, hoc est, in *cognitionem* naturae cuiuspiam sic agentis, vel quoad eius solam possibilitatem, mutare. Hunc locum vacuum nunc explet ratio pura practica per legem causalitatis determinatam in mundo intelligibili (per libertatem,) nimirum legem moralem. Quo quidem iam rationi contemplativae respectu perspicientiae nihil quidquam accedit, sed tamen conceptus libertatis problematici *tuendi*, cui hic *realitas obiectiva*, quamquam modo practica, nihilominus tamen indubitata. Ipsum causalitatis conceptum, cuius usus, proinde etiam significatio, proprie tantummodo respectu phaenomenorum, ut ea ad experientias copulentur, locum habet, (quemadmodum critica rationis purae euincit,) haud sic ea amplificat ac dilatat, ut usum eius ultra istos terminos extendat. Quodsi enim hoc sibi propositum ea haberet, eam oporteret ostendere, quomodo relatio logica rationis et consequentis in alio quodam visionis genere, quam sensitivae, synthetice possit adhiberi, id est, quomodo esse queat causa noume-

non; quod quidem ea haud poterit praestare, quod vero etiam qua ratio practica nullo modo spectat, propterea quod ea tantummodo *rationem determinantem* ponit causalitatis hominis, qua naturae sensitivae, (quae data est,) *in ratione pura*, ideoque conceptum ipsius causae, a cuius usu ad res obiectas in gratiam cognitionum theoreticarum ea hoc loco prorsus potest se continere, (quoniam hic conceptus semper in intelligentia, etiam ab omni visione vacuus, ex anticipatione inuenitur,) non ad res obiectas cognoscendas, sed ad causalitatem ratione illarum uniuerse determinandam, proinde non nisi respectu practico usurpat, ideoque rationem voluntatis determinandae in ordinem rerum intelligibilem potest transferre, propterea quod ea lubenter fatetur, ea se nullo modo intelligere, quem finem habeat causae conceptus in harum rerum cognitione. Causalitatem respectu actionum voluntatis in mundo sensibili sane ea, necesse est, determinate cognoscat, neque enim alias ratio practica posset ullam reuera actionem producere. Verum non opus est, ut, quam de sua ipsius causalitate qua noumenon sibi informat, cogitationem in gratiam existentiae suae suprasensibilis cognoscendae theoretice determinet; eique proinde eatenus vim possit notionemque tribuere. Nam significationem ea virtuteinque, quamquam solum ad usum practicum, iam accipit, nempe per legem moralem. Etiam theoretice spectata manet ea semper conceptus purus intellectualis ex anticipatione datus, qui ad res obiectas potest, siue per sensum datae sint, siue non, adhiberi; quamquam, si non sit per sensum data, eius nulla determinata vis potestasque theoretica, nullusque usus erit, sed is modo in cogitatione versetur formali, sed tamen essentiali intelligentiae de re obiecta in uniuersum. Significatio, quam ei ratio comparat per legem moralem, tantummodo practica est, cum scilicet idea legis causalitatis cuiuspiam (voluntatis) ipsa causalitatem habet, eiusue ratio determinans videtur.

---

## II.

## DE IVRE RATIONIS PURAE IN VSV PRACTICO CAPIENDAE AMPLIFICATIONIS, QVAE IPSI PER SE NON POTEST ESSE IN VSV CONTEMPLATIVO.

In principio morali legem causalitatis proposuimus, quae rationem causalitatis determinandae supra omnes conditiones euehit mundi sensibilis, nosque cogit, ut voluntatem, quomodo, qua ad mundum ea intelligibilem pertinet, determinari queat, proinde subiectum huiusce voluntatis (hominem) non solum qua ad mundum purum intelligibilem pertinens, quamquam in hac relatione qua nobis ignotum (quomodo secundum criticam rationis purae fieri poterat) *cogitemus*, verum etiam respectu causalitatis eius, interuentu legis, nulli legi physicae mundi sensibilis accensendae, illud *determinemus*, proinde cognitionem nostram ultra terminos mundi sensibilis ea re *dilataremus*, quam tamen arrogantiam critica rationis purae in vniuersa contemplatione vanam declarasset. Quomodo igitur hic vsus rationis purae practicus cum vsu eiusdem practico respectu terminorum facultatis illius finiendorum poterit coniungi?

*Dauides Humius* is, qui dici potest omnem impetum in iura rationis purae, quae plenam illius inuestigationem postulabant, proprie instituisse, sic conclusit. Conceptus *causae* est conceptus *necessitatem* continens copulationis existentiae diuersorum, et quidem quatenus diuersa sunt, ita, vt, posito A, cognoscam, quiddam ab eo penitus diuersum, B, necessario etiam exstare oportere. Sed necessitas tantummodo coniunctioni attribui potest, quatenus ea ex anticipatione cognoscatur; nam experientia coniunctionem duntaxat esse doceret, non vero, eam necessario sic esse. Atqui, ait, fieri non potest, vt coniunctionem vnius cuiuspiam rei cum *alia* quadam, (siue determinationis alicuius cum alia aliqua, ab ea prorsus diuersa), nisi in perceptione proponantur, ex anticipatione et vt



necessariam cognoscamus. Ergo ipse causae conceptus mendax est et fallax, isque, ut lenissime dicam, in illusione versatur eatenus excusanda, quod *consuetudo* (necessitas *subiectiua* quaedam) certas res quasdam, earumque determinationes modosque, saepius pone, vel post se inuicem constitutas quoad existentiam, qua sibi inuicem iunctas, percipiendi, sensum pro necessitate *obiectiua* sumitur in obiectis rebus ipsis eiusmodi coniunctionem ponendi, atque ita conceptus causae per subreptionem est nec legitime comparatus, quin ne umquam quidem comparari aut confirmari potest, quoniam is coniunctionem postulat vanam, fictitiamque, nullique rationi comprobendam, cui nulla omnino potest res obiecta umquam respondere. — Hinc factum est, ut primo respectu vniuersae cognitionis, existentiam rerum attingentis, (mathesi proinde excepta,) *empirismus* velut vnus principiorum fons, cum eoque vero simul ipse *scepticismus* grauissimus respectu totius philosophiae naturalis (qua philosophiae) induceretur. Neque enim umquam, secundum eiusmodi principia, ex datis rerum determinationibus quoad existentiam earum possumus *concludere* ad consequentiam, (ad id enim opus foret conceptu causae, qui necessitatem talis coniunctionis contineret,) sed modo ad phantasiae regulam, velut alias, casus funiles expectare, quae quidem expectatio, ut saepissime enenerit, nunquam certa videtur. Quid? quod in nullo posset euentu dici, *necesse esse*, ut quidpiam illud antegressum sit, quod *necessario* sequeretur, id est, habere illud causam oportere, ideoque, etiamsi hoc frequentissime scires accidere, ut adeo regula inde posset deponi, non tamen propterea illud semper et necessario sic usu venire sumi posset, atque ita casui fortuito, in quo omnis rationis usus expirat, etiam aliquid tribuendum videri, quo quidem scepticismus, ratione ratiocinationum ab effectis ad causas adscendentium firmiter constituitur, ita ut nequeat reuelli.

Adhuc quidem salua mathesis manserat, propterea, quod vniuersa illius enunciata *Humius* analytica censuerat,

Id est, ab vna determinatione ad aliam, identitatis causa, proinde ex decreto repugnantiae progredi, (quod vero falsum est, siquidem ea potius cuncta synthetica sunt, et, quamvis exempli gratia geometria non in existentia rerum, sed sola determinatione ex anticipatione in visione possibili versatur, tamen perinde, atque per conceptus causales, ab vna determinatione A ad aliam plane diuersam B, qua nihilominus necessario cum illa coniunctam, transit. Verum tamen scientia illa propter certitudinem apodicticam tantopere celebrata tandem etiam *decretorum empirismo*, necesse est, succumbat, ob eandem causam, per quam loco necessitatis obiectivae in conceptu causae *Humini* consuetudinem reposuit, eaque, quantumvis superba, patiatur, iura sua audacia, ad sensumque ex anticipatione iubentia minui, ad sensumque vniuersalitati decretorum suorum a gratia expectet obseruatorum, qui qua testes nihilominus confessuri forent, se ea, quae geometra qua decreta proponit, semper etiam sic obseruasse, proinde, quamuis haud fere necessarium foret, tamen porro vt sic expectari liceret, potestatem facerent. Hoc modo *Humii* empirismus in decretis necessario ducit ad scepticismum, vel ipso respectu matheseos, ergo etiam in vniuerso rationis vsu *scientifico* et theoretico (quippe qui aut philosophiam attingit, aut mathesin). An vsui rationis communi (in euerfione tam tristi, quam capita videmus cognitionis experiri) melius successurum sit, uec potius in eandem vniuersae scientiae euerfionem implicetur, proinde ex iisdem decretis scepticismus *vniuersalis* (sed qui sane ad solos doctos pertineret,) secuturus videatur, suo cuiusque iudicio permittam.

Atque locum illum quidem critices rationis purae, cui quidem ansa dederat *Humiana* dubitatio, sed quia latius ea patebat, vniuersumque rationis purae theoreticae in vsu synthetico campum proinde et eius, quod metaphysicam vniuersae vocamus, continebat, locum, inquam, illum respectu dubii philosophi Scotici conceptum causalitatis attingentis sic tractaui. Quod *Humini*, si (quod fere ubi-

que fieri solet,) res experientiae subiectas pro *rebus per se ipsis* acciperet, conceptum causae fallacem fucumque inanem declararet, id quidem iure optimo fecit; neque enim in rebus per se ipsis earumque determinationibus qua talibus perspicui potest, quomodo propterea, quod aliquid A ponitur. quiddam aliud B etiam necessario ponendum videatur, ideoque eiusmodi rerum per se ipsarum cognitionem ex anticipatione nullo modo concedere poterat. Multo minus originem huius conceptus empiricum homo acutus poterat concedere, quippe qui e diametro necessitati coniunctionis repugnat, quae essentiam constituit conceptus causalitatis; proinde conceptus proscribebatur, locumque eius capiebat consuetudo in observando itinere perceptionum.

Ex his inuestigationibus autem manifestum erat, res oblatas, quibus in experientia occupamur, nullo modo res per se ipsas esse, sed solum visa siue phaenomena, atque, etsi in rebus per se ipsis haud queat intelligi, nedum perspicui, quomodo, posito A, repugnet B, quod prorsus est ab A diuersum, non poni, (necessitatem coniunctionis inter A qua causam et B qua effectum,) tamen communode posse cogitari, eas qua phaenomena *in experientia quadam* quodam modo (velut respectu relationum temporis) necessario coniunctas esse oportere neque diuelli posse, nisi illi coniunctioni *repugnent*, cuius interuentu fieri haec experientia potest in qua illae res obiectae sint, a nobisque solis queant cognosci. Atque sic etiam euentu probatum est, ita, vt conceptum causae non solum secundum realitatem eius obiectiuam ratione rerum experientiae obnoxiarum probare poteram, sed illum etiam, qua conceptum ex anticipatione, ob coniunctionis necessitatem, quam inuoluit, *deducere*, id est, eius possibilitatem ex intelligentia pura, sine fontibus empiricis, euincere, atque ita, sublata empirismi origine, necessarium illius consequens, nimirum scepticismum, primo respectu scientiae naturalis, tum vero etiam, propter ea, quae ex iisdem rationibus respectu mathematicos rite consequuntur, ratione vtriusque scientiae, quae ad res spectant possibili experientiae subiectas, eoque uni-

versam de omnibus dubitationem, quae ratio theoretica perspicere adseuerat, funditus tollere.

Sed quid fiet in vfu huius categoriae causalitatis (et sic quoque reliquarum omnium; quippe sine quibus nulla eorum, quae exstant, effici cognitio poterit;) ad res experientiae possibili haud obnoxias, sed vltra huiusce terminos fitas? Etenim realitatem horum conceptuum obiectivam solum respectu *rerum experientiae possibili subiectarum* potui deducere. Verum eo ipso, quod eam etiam solum hanc in causam servaui, quodque docui, eo tamen posse res obiectas *cogitari*, quamquam haud ex anticipatione determinari, locum naetae sunt in intelligentia pura, a qua ad res obiectas (sensibiles, vel non-sensibiles) possunt referri. Si quid reliqui fecerim, id erit istarum categoriarum v<sup>us</sup> *conditio*, nominatim causalitatis, ad res obiectas, nempe visionem, qua, vbi non data est, v<sup>us</sup> *in gratiam cognitionis theoreticae* obiectae rei, qua noumeni, impossibilis redditur, qui proinde, si quid istud ausit, (vti etiam factum est in critica rationis purae,) prorsus recufatur, interea dum realitas conceptus obiectiua semper manet, etiam de noumenis vsurpari potest, nec vero ille conceptus vel minimum theorelice determinetur, eoque cognitio efficiatur. Namque huic conceptum etiam respectu cuiuspiam rei obiectae nihil, quod esse nequeat, in se continere, eo manifestum erat, quod illi sedes in intelligentia pura seruaretur in omni vfu ad res sensibus subiectas, et quamuis is postea fere, ad res per se ipsas (quae non possunt experientiae subiectae esse) adhibitus, nullius capax est determinationis, ad repraesentationem *cuiuspiam obiectae rei determinatae*, in gratiam cognitionis theoreticae, tamen is ad vllum aliud quodpiam (fortasse practicum) consilium capax esse poterat determinationis cuiuspiam ad eius vsum, quod non foret, si, ex *Humii* sententia, hic causalitatis conceptus quidquam, quod omnino nequeat cogitari, contineret.

Quamobrem ad hanc conditionem conceptus illius ad noumena adhibendi inueniendam, modo respiciendum erit, *quare in eo ad res experientiae propositas adhibendo, haud*

*adquiescimus*, verum etiam de rebus quoque per se ipsis ut illo cupercimus. Tum enim mox adparet, consilium haud theoreticum esse, sed quoddam practicum, quo cogi ad id videamur. Ad contemplationem, etiamsi res succederet, tamen nullum verum lucrum faceremus in cognitione naturae omninoque respectu rerum obiectarum, quae vspiam dari nobis possint atque offerri, sed fere gradum a sensitivae hypothetico, (in quo ut maneamus causarumque catenam studiose percurramus, fatis iam nobis laborandum videtur) sed suprasensibile faceremus, ut cognitionem nostram ex parte rationum perficiamus et terminemus, interea dum semper hiatus infinitus inter terminos illos eaque, quae novimus, haud repletus relinqueretur, magisque nos vanae cupiamus interrogandi insaniae, quam verae discendi cupiditati, paruissemus.

Praeter adfectionem autem *intelligentiae* ad res obiectas (in cognitione theoretica) et alia eius adfectio est ad facultatem adpetendi, quae propterea nominatur voluntas, et voluntas pura, quatenus intelligentia pura (quae tum ratio vocatur) per solam legis cuiuspiam repraesentationem practica videtur. Realitas obiectiva voluntatis purae, siue, quod idem est, rationis purae practicae in lege morali ex anticipatione quasi per quoddam factum data est atque oblata; sic enim, quae inevitabilis est, determinatio voluntatis dici poterit, quamvis haud posita sit in principiis empiricis. In conceptu voluntatis autem iam inest conceptus causalitatis, proinde in conceptu voluntatis purae conceptus causalitatis ex libertate, id est, eius, quae haud ex legibus physicis determinabilis est, proinde nullius capax visionis empiricae, qua argumenti realitatis suae, nihilominus tamen in lege pura practica ex anticipatione realitatem obiectivam habet, sed (quod facile intellectu est,) non in gratiam theoretici, sed practici usus rationis rite tuetur. Atqui conceptus naturae, quae voluntate libera gaudet, conceptus est causae noumeni, huncque conceptum sibi met ipsi haud repugnare, eo iam prouisum videtur, quod conceptus utpote prorsus ab intelligentia pura profectus, simul

de realitate sua obiectiua ratione rerum obiectarum in vni-  
versum per deductionem certus est, praeterea quoad origi-  
nem ab omni conditione sensibili vacuus, proinde per se  
haud ad phaenomena adstrictus, (nisi ubi certum earum  
vsum theoreticum facere velis,) ad res qua naturas puras  
intelligibiles profecto posset adhiberi. Quoniam vero huic  
vsum nulla visio, quippe quae semper tantummodo anima-  
lis potest et sensitiva esse, subiici potest, causa noumenoni  
respectu vsum rationis theoretici, quamvis possibilis con-  
ceptus est, quoque possit cogitari, sed tamen vacuus atque  
inanis. Neque eo vero cupio naturam entis, *quatenus* id  
voluntatem puram habet, *theoretice* cognoscere; mihi suf-  
ficit, illud eo qua tale notasse, proinde solum causalitatis  
conceptum cum conceptu libertatis (et quae ab eo non pot-  
est separari, cum lege morali, qua ratione illius determi-  
nandae,) coniunxisse, quod quidem ius, vi purae, haud  
empiricae originis conceptus causae, profecto mihi compe-  
tit, propterea eo non, nisi respectu legis moralis, eius  
realitatem determinantis, id est, tantummodo practice uti  
mihi licitum videtur.

Quodsi cum *Humio* conceptum causalitatis realitate  
obiectiua in vsum practico non solum ratione rerum per se  
ipsarum (suprasensibilium), verum etiam respectu rerum  
sensibus subiectarum priuasset; tum is viam omnem virtu-  
temque perdidisset, et qua conceptus theoretice impossibi-  
lis prorsus inutilis foret, cumque nihili nullus quoque vsum  
fieri possit, vsum practicus conceptus *theoretice vani atque  
inanis* penitus absurdus fuisset. Cum autem conceptus  
causalitatis empiricae absolutae theoretice quidem vacuus  
atque inanis (sine visione illi consentanea) sit, sed tamen  
esse possit, obiectamque rem incertam atque indetermina-  
tam spectet, cuius loco vero ei tamen in lege morali, pro-  
inde respectu practico, vis ac significatio impertitur, nul-  
lam equidem visionem habeo, quae eius obiectiuam reali-  
tatem theoreticam determinet, verum nihilominus verus  
illius vsum est, qui in singulo proponi poterit, in sensu  
animi, regulisue subiectiuis, hoc est, realitas practica.

quae potest indicari; quod quidem ad ius eius vel ipso nomenorum respectu idoneum videtur.

Verum haec semel instituta realitas obiectiva conceptus puri intellectualis in campo suprasensibilium, nunc omnibus reliquis categoriis, quamquam semper modo, quatenus eae cum ratione voluntatis purae determinandae (lege morali) in coniunctione *necessaria* versantur, etiam obiectivam impertit realitatem, sed nullam aliam, quam quae practice queat adhiberi, cum interim ne minima illis vis sit in notitiis earum rerum theoreticis, qua perspicientia naturae illarum per rationem puram, amplificandis. Quemadmodum etiam in sequentibus inuenimus, eas semper duntaxat naturas spectare, qua *intelligentias*, in iisque etiam tantummodo fere adsectionem *rationis* ad *voluntatem*, proinde solum *actionem* attingere, ultraque nullam sibi earum cognitionem arrogare; quae vero praeterea cum iis coniunctae proprietates, quae ad theoreticum repraesentandi modum talium rerum suprasensibilium pertinent, possint adduci, eas cunctas tum neutiquam ad scientiam numerari, sed ad ius (respectu vero practico ad necessitatem) eas sumendi ponendique, vel tum, cum naturae suprasensibiles (velut deus) secundum analogiam, hoc est, relationem rationalem puram, quo nos respectu sensibilium practice utimur, atque ita rationis purae practicae per usum ad suprasensibilia, sed duntaxat fine practico, euagationi in transcendens minime fauetur.

## ANALYTICES RATIONIS PRACTICAE

## CAPVT SECVNDVM.

D E

## CONCEPTV REI SVBIECTAE.

## RATIONI PVRAE PRACTICAE.

Conceptum rationis practicae dico repraesentationem rei cuiuspiam obiectae qua effecti per libertatem possibilis. Igitur res subiecta cognitioni practicae, qua talis, solummodo in adfectione cernitur voluntatis ad actionem, qua ea, eiusue contrarium vt existat, efficeretur, iudiciumquo vtrum quidpiam subiectum sit rationi *purae* practicae, nec ne, tantummodo in discernenda possibilitate vel impossibilitate versatur, ea actionem *volendi*, qua, si illius facultatem haberemus, (de quo experientia iudicare debet) certa quaedam res obiecta existeret. Quodsi res obiecta qua ratio determinandae nostrae facultatis adpetendi sumatur, necesse erit, vt *possibilitas* illius *physica* per vsum liberum virium nostrarum iudicium, vtrum ea subiecta rationi practicae sit, nec ne, antecedit. Contra, cum lex ex anticipatione, qua ratio actionis determinandae, proinde haec qua per rationem puram practicam determinata considerari potest, iudicium, an aliquid subiectum sit rationi *purae* practicae, nec ne, prorsus liberum est a comparatione cum *physica* nostra facultate, et quaeritur modo, an, quae existentiam cuiuspiam rei obiectae spectat, *actionem* velle nobis licitum sit, si penes nos foret, proinde *possibilitas moralis* actionem, necesse est, antecedit; ibi enim ratio eius determinandae non in re obiecta versatur, sed in lege voluntatis.



Solae igitur res rationi practicae propositae cernuntur in *bono maloque*. Namque *bonum* dicimus rem facultati adpetendi necessario obnoxiam, quemadmodum *malum* in re ponimus facultati auersandi necessario subiectam, vtrumque vero ex principio quodam rationis.

Quodsi conceptus boni non ab lege practica antegressa deriuari debeat, sed huic potius fundamento esse, poterit is solum conceptus esse cuiuspiam, cuius exsistentia vocetur, atque ita causalitatem subiecti ad illud producendum, hoc est, facultatem adpetendi determinet. Quoniam igitur fieri non potest, vt perspiciatur, quam repraesentationem *voluptas*, quamque contra *dolor* comitetur, solummodo ab experientia penderet, vt, quid proxime bonum sit quidue malum, statuatur. Qualitas ea subiecti, cuius respectu solum potest haec experientia institui, cernitur in *tactu* iucundi et iniucundi, vtpote receptiuitate sensui interno propria, atque ita conceptus eius, quod proxime bonum est, ea solum spectaret, quibuscum sensatio *voluptatis* proxime coniuncta est, conceptusque simpliciter absoluteque mali ad ea sola, quae proxime *dolorem* excitant, referri deberet. Quod quoniam contrarium est consuetudini verborum, quae *iucundum* a *bono*, *iniucundum* a *malo* distinguit, postulatque, vt bonum malumque semper per rationem, proinde per conceptus, qui vniuerse possunt communicari, nec per solam sensationem, quae ad res singulares earumque receptiuitatem adstringitur, diiudicetur, nihilominus autem per se cum nulla repraesentatione cuiuspiam rei obiectae potest ex anticipatione, iucunditas vel iniucunditas proxime coniungi, philosophus, se coactum autumans sensum iucundi diiudicationi suae practicae pro fundamento constituere, *bonum* diceret, quod instrumentum est iucunditatis, *malumque*, quod causa iniucunditatis est atque doloris; namque diiudicatio relationis subfidiorum ad fines propositos sane pertinet ad rationem. Verum quamquam ratio sola potest coniunctionem adiumentorum cum finibus perspicere, (ita, vt etiam voluntatem possis per facultatem finium definire, quippe qui

semper rationes sunt facultatis adpetendi ex principiis determinandae,) tamen regulae subiectivae practicae, quae ex superiori boni conceptu qua adiumenta sequebantur, numquam quidpiam per se ipsum, sed semper modo *ad ullam rem quampiam* boni, quod voluntati propositum foret, continerent: bonum semper solum foret utile, idque, ad quod illud utile est, semper extra voluntatem esse in sensatione oporteret. Quae igitur si, qua sensatio iucunda, a conceptu boni distingui deberet, nusquam omnino quidpiam proxime bonum exstaret, sed bonum duntaxat in viis et adiumentis ad aliud quid, nempe in vlla quapiam iucunditate quaerendum foret.

Est vetus illa formula scholarum: nihil adpetimus, nisi sub ratione boni; nihil auersamur, nisi sub ratione mali; eiusque vsus saepenumero verus, at philosophiae quoque haud raro perniciosus vsus est, quoniam vocabulis boni et mali quaedam ambiguitas inest, e circumscriptione linguae orta, qua ea dupliciter accipi possunt, legesque proinde practicae necessario dubiae redduntur, et philosophia, quae in iis vtendis discrimen conceptus in eodem verbo facile sentire potest, neque tamen peculiaria verba invenire, ad distinctiones subtiles cogitur, de quibus postea non potest conueniri, propterea quod discrimen illud nullo vocabulo apto potest proxime denotari \*).

Est ea linguae Teutonicae conditio, vt vocabulis posseat, quibus discrimen istud queat indicari. Pro eo, quod Latini vno verbo *boni* denominant, duos ea conceptus habet

\*) Praeterea locutio *sub ratione boni* etiam ambiguitate laborat. Ea enim hanc vim habere potest: nos aliquid cogitamus bonum, cum et *quoniam* istud *adpetimus* (volumus); verum etiam: *adpetimus* aliquid eo, quod illud *bonum cogitamus*, ita vt vel cupiditas ratio determinandi conceptus rei obiectae qua boni cuiuspiam, vel conceptus boni ratio determinandae facultatis adpetendi (voluntatis) sit; vbi tum locutio: *sub ratione boni* sensu priori denotaret: volumus atque expetimus aliquid *sub idea* boni, sed posteriori significatione: *secundum* hanc ideam, quae volitionem adpetitumque qua ratio eius determinandae debet antecedere.

admodum diuerfos, totidemque diuerſa vocabula. Pro verbo *boni* vocabulis vtitur *gut* et *wohl*, pro vocè *maſi* verbis *böſe* et *übel* (ſiue *weh*): ita, vt duo ſint diiudicandi genera prorfus diuerſa, vtrum in actione aliqua *bonitatem prouitatemque* illius, an *proſperam triſtemque* conditionem noſtram conſideremus. Exinde ſequitur; enunciatum pſychologicum illud, quod ſupra attulimus, ſaltem eſſe adhuc incertum dubiumque, ſi ſic efferatur: nihil nos adpetimus, niſi ſub ratione *boni maſiue* noſtri; contra illud, ſi ſic exprimitur: volumus et expetimus, ſecundum rationem, nihil, niſi quatenus iſtud bonum malumque cenſemus, indubitato certum idemque, prorfus perſpicuum efferitur.

*Bonum malumue* (*wohl* vel *übel*) fere modo adfectionem denotat ad ſtatum noſtrum *iucunditatis* aut *iniucunditatis*, voluptatis dolorisque, et, ſi propterea rem expetimus, aut fugimus, ſit illud tantummodo, quatenus ad noſtram ſentiendi facultatem tactumque iucundi et iniucundi, quem id procreat, refertur. Sed *bonum malumue* ſemper relationem designat ad *voluntatem* quatenus hæc per *legem rationalem* determinatur ad quidpiam ſibi proponendum; neque ea vniquam per rem obiectam eiusque repræſentationem proxime determinatur, ſed in facultate verſatur, regulam rationis ſibi pro momento actionis (qua res obiecta ad exiſtentiam perducī poſſit) conſtituendi. Igitur bonum malumue proprie ad actiones refertur, non ad ſtatum ſenſationis perſonæ, et, ſi quidpiam absolute (atque omni omnino reſpectu, et ſine vltiore adiunctione) bonum malumue eſſe debeat, aut pro eo reputari, ſolum iſtud agendi modus foret, lex voluntatis ſubiectiua ideoque ipſa perſona agens, qua bonus malusue homo, non vero res foret, quæ ſic dici poſſet.

Quamobrem quantumuis ille iſderetur Stoicus qui in ardentiffimis podagrae doloribus exclamaret: quantumuis, dolor, me torqueas, numquam tamen, te malum (*κακόν*) eſſe fatebor! Vera dixit. Triſte quidem fuit, quod ſenſit, idque clamor prodidit; ſed eo illi aliquid maſi ineſſe, nullo

modo erat, cur concederet; dolore enim dignitas personae minime minuitur, sed modo conditionis. Vnum, cuius sibi conscius fuisset, mendacium animum eius perdidisset; verum dolor fecit, ut eum tolleretur, si sibi conscius esset, nulla sibi actione iniusta culpam se contraxisse, neque eo poenae obnoxium reddidisse.

Quod bonum nobis dicendum erit, ex cuiusque sani hominis sententia res esse debet facultati adpetendi propofita, malumque ex cuiusque iudicio res obnoxia auersioni; proinde, praeter sensum, ad id diiudicandum opus est ratione. Sic cum veracitate mendacio contraria, sic cum iustitia contraria violentiae, et id genus aliis comparatum videtur. Sed possumus quidpiam malum vocare, quod tamen quisque bonum nonnumquam interuentu, subinde adeo proxime declarare debet. Is qui operationem chirurgicam fieri in se patitur, sine dubio eam sentit qua malum; sed per rationem et ipse, et quisque alius eam bonam reputat. Si quis autem, qui homines pacis studiosos libenter petit atque perturbat, tandem aliquando infelicius impingat, verberibusque probe depexus mittatur; sane hoc malum videtur, sed quisque istud adsensu probat, ac per se bonum existimat, etiamsi nihil quidquid amplius inde nascatur; quia ipse, qui plagas accipit, per rationem, necesse est, sibi recte fieri, agnoscat, quoniam, quae inter bene valere et bene agere intercedit, quamque ratio ei necessario ostendit; proportio hic diligenter seruatur.

Ac profecto quidem iudicio rationis nostrae practicae permultum pendet ab salute nostra ac miseria, et, quod naturam nostram attinet, qua entium sensitiuorum, *omnia* vertuntur in *felicitate* nostra, si ea, quemadmodum ratio praecipue postulat, haud ex sensatione fugiente, verum ex vi et contagione, quam fortuitum istud cum vniuersa nostra existentia et tranquillitate habet, diiudicetur; neque tamen *omnia* *ominino* inde pendere videntur. Homo est natura indigens, quatenus pertinet ad mundum sensibilem, et eatenus sane est in officio rationis necessario, ex parte facultatis sensitiuae, ut, quae huius intersint, curet, regu-

lasque sibi practicas statuatur, etiam respectu ad felicitatem habito huius, et, si fieri possit, etiam vitae futurae. Nec vero is ita prorsus animal est, ut nihil quidquam eorum, quae ratio per se ipsa dicat, curet, eaque solum pro instrumento vtatur necessitatis suae, qua naturae sensitivae, explendae. Neque enim rationis munere, si ea solum ad potienda ea vtatur, quae in bestiis impetu (siue, quem vocant, instinctu) fiunt, dignitas eius supra animalem naturam euehitur; tum enim ratio non nisi modus peculiaris foret, quo vsa natura fuisset, hominis ad eundem, ad quem bestias formauit, finem exornandi, neque ad altiorum finem eius condendi. Igitur sane pro consilio naturae, indiget rationis, ut salutem suam ac miseriam semper ad deliberationem reuocet, verum ea praeterea illi ad altiorum causam data videtur, nimirum, ut ea, quae per se bona malaue sunt, et de quibus ratio pura, nullis, quae sub sensum cadant, rebus commota sola potest iudicium ferre, non solum simul consideret, sed hanc diiudicationem prorsus ab illa discernat, eamque conditionem huiusce faciat supremam.

In diiudicando per se bono maloque, ut discernatur ab eo, quod modo relative ad salutem ac miseriam sic dici potest, sequentia sub contemplationem cadunt. Principium rationale aut iam per se qua ratio voluntatis determinandae cogitatur, nullo respectu habito rerum possibilium facultati adpetendi subiectarum, (ergo solum per formam regulae legalem,) tum illud principium lex erit practica ex anticipatione, ratioque pura per se practica esse accipitur. Lex tum voluntatem *proxime* determinat, actio ei conueniens *per se ipsa bona* est, et voluntas, cuius regula subiectiua semper huic legi consentanea est, *absolute, omni respectu, bona* est, supremaque *vniversi boni* conditio: aut ratio determinandae facultatis adpetendi regulam voluntatis subiectiuam antecedit, quae rem iucunditati iniucunditatieque subiectam ponit, proinde quidpiam, quod *deleat dolent*, regulaque subiectiua rationis illam adpetendi, hanc fugiendi, actiones determinat, prout relative ad propensionem nostram, proinde solum interuentu (respectu

alius cuiuspiam vltioris finis, qua adiumenti) bonae sunt, atque eae regulae tum nunquam poterunt leges vocari, sed tamen praeceptiones sanae, practicae. Ipse finis, voluptas, quam quaerimus, in posteriori casu haud *bonum (guttes)* est, sed *commodum (wohl)*, non conceptus rationis, conceptus rei sensationi subiectae empiricus; verum vsus adiumenti ad id, hoc est, actio, (quoniam deliberatio ex ratione instituta requiritur) tamen bona vocatur, sed non absolute, sed modo respectu facultatis nostrae sensitivae, ratione tactus iucundi et iniucundi; voluntas autem, cuius regula ea adscitur, non est voluntas pura, quae solum ea spectat, in quibus ratio pura per se ipsa potest practica esse.

Hoc loco e re est, paradoxon viae ac methodi enodari in critica rationis practicae: *scilicet conceptum boni malique non ante legem moralem, (cui, ut videtur, adeo fundamento deberet substerni,) sed modo (quod et hoc loco fit) ex ea per eamque determinari oportere.* Quippe etiamsi nesciremus, principium moralitatis legem esse puram ex anticipatione voluntatem determinantem, tamen, ne plane gratis decreta acciperemus, primo certe deberemus *in medio relinquere*, vtrum voluntas solum rationes determinantes empiricas habeat, an etiam puras ex anticipatione: est enim contra vniuersas regulas principes tractationis philosophicae, ea, de quibus demum statui debet ac decerni, iam antea statuta decretaque accipere. Fac, nos velle a conceptu boni instituere, vt inde leges voluntatis deriuemus, hic conceptus rei oblatae cuiuspiam (qua cuiusdam boni) simul hunc, vtpote solam determinandae voluntatis rationem indicaret. Quoniam igitur huiusce conceptibus norma in nulla lege practica ex anticipatione inest; boni malique obrussa non nisi in conuenientia rei obiectae cum tactu nostro iucundi vel iniucundi posset poni, vsusque rationis duntaxat in eo cerneretur, vt partim ea iucunditas vel iniucunditas in vniuerso contextu cum omnibus existientiae meae sensationibus, partim adiumenta rei illi subiectae comparandae, determinentur. Cum autem, quod tactui iucunditatis consentaneum sit, solum per experientiam decerni queat, lex vero practica eo tamen, qua conditione,

debeat constitui, possibilitas legum practicarum ex anticipatione directo excluderetur; siquidem ante necessarium ducebatur, ut res voluntati obnoxia inueniretur, cuius, qua boni, conceptu, ratio vniuersalis, quamquam empirica voluntatis determinandae efficeretur. Atqui antea opus erat inuestigatione, ane quoque ratio determinandae voluntatis ex anticipatione exstet (quae numquam vspiam, nisi in lege quadam pura practica, et quidem quatenus solam formam legalem, nullo ad rem quampiam obiectam respectu habito, regulis praecipit, inuenta fuerit). Quoniam vero iam res obiecta quaedam ex conceptu boni mali-que fundamento vniuersae legis practicae constituebatur, ea res autem, sine lege praecua tantummodo, secundum conceptus empiricos cogitari poterat, eo ipso possibilitas legis purae practicae vel modo cogitandae iam in antecessum erepta foret; cum e contrario, si legem practicam ante inuestigassent analytice, apertum foret non conceptu boni, qua rei obiectae, legem moralem, sed vice versa morali lege demum boni conceptum, quatenus simpliciter hoc nomine dignum sit, determinari, atque, ut is esse possit, effici.

Scholion, quod solum viam ac methodum attinet summarum inuestigationum moralium, permagni momenti videtur. Illud enim causam explanat, quae ansam dedit philosophorum erroribus respectu summi principii philosophiae moralis. Etenim rem conquisiuerunt voluntati subiectam, quam materiam facerent rationemque legis (quae tum haud proxime, sed interuentu illius obiectae rei sensui iucundi vel iniucundi propositae, ratio esset voluntatis determinandae, cum tamen primo legem quamdam debuissent percontari, quae ex anticipatione proximeque voluntatem, huicque conuenienter demum rem obiectam determinaret). Eam rem iucunditati propositam, quae pro summo boni conceptu esse deberet, siue in felicitate, siue in perfectione, siue in lege morali, siue in voluntate dei ponerent, semper principium erat in heteronomia positum, necessarioque iis ad conditiones empiricas legis moralis deueniendum fuit: siquidem rem obiectam, qua proxi-

nam determinandae voluntatis rationem, solum ad adfectionem eius proximam ad tactum, qui semper empiricus est, bonam poterant malamque nominare. Solum lex formalis, hoc est, ea, quae rationi nihil amplius quidquam praeter formam legislationis vniuersalis pro suprema regulam subiectiuarum conditione, ex anticipatione potest ratio determinandae practicae rationis videri. Interim veteres huc peccatum eo aperte ostenderunt, quod inuestigationem moralem prorsus in conceptu *summi boni* determinando, proinde rei obiectae ponerent, quam deinceps rationem determinandae voluntatis in lege morali facere vellent: quae quidem obiecta res postea demum, cum lex moralis per se probata et qua proxima voluntatis determinandae ratio deducta fuerit, voluntati nunc quoad formam ex anticipatione determinatae qua res obiecta potest proponi, id quod in dialectica rationis purae practicae conabimur. Recentiores, quibus quaestio de summo bono inusitata facta esse, saltem ad leuiiores causas numerata videtur, peccatum istud (quemadmodum alias) verbis occultant vagis atque indeterminatis, cum illud interea e systematibus eorum emicare videamus, vbi tum vbique heteronomiam prodit rationis practicae, ex qua nullo modo potest lex moralis ex anticipatione vniuersalis exsistere.

Cum igitur conceptus boni malique, qua consequentia determinationis voluntatis ex anticipatione, etiam principium purum practicum ponant: originarie non (sere qua determinationes unitatis syntheticae variarum visionum datarum in conscientia) ad res obiectas, velut conceptus puri intellectuales, siue categoriae rationis theoreticae, quas potius qua datas sumunt: sed cuncti sunt modi vnius categoriae, nimirum causalitatis, quatenus ratio earum determinans in repraesentatione rationali legis illarum cuiuspiam cernitur, quae, qua lex libertatis, ratio sibi ipse praecipit eoque sese ex anticipatione practica manifestat. Cum interea actiones, *ex parte* quidem sub lege quadam, quae nulla lex physica sit, sed lex libertatis, ad vitam et mores naturarum intelligibilium, *ex parte* vero tamen etiam, qua euenta in mundo sensibili, ad phaeno-



mena pertineant, determinationes rationis practicae tantummodo respectu phaenomenorum, proinde quidem categoriis intelligentiae conuenienter, nec vero ad vsum eius theoreticum, vt varia *visionis* (sensitiuae) in vna conscientia indiuidua ex anticipatione copulentur, sed modo vt varia *adpetitionum*, vnitati conscientiae rationis cuiuspiam practicae in lege morali imperantis, voluntatisue cuiuspiam purae ex anticipatione subiiciantur, locum habere poterunt.

Hae categoriae libertatis, sic enim eas, pro conceptibus illis theoreticis, vtpote categoriis naturae, vocabimus, apertum principatum tenent prae his posterioribus, quod, cum hae solum in formis cogitationum versentur, quae duntaxat indeterminate res obiectas in vniuersum cuique, quae nobis esse potest, visioni per conceptus vniuersales designant, contra, hae e contrario, cum determinationem spectent *liberi arbitrii*, (cui quidem nulla visio poterit, prorsus consentanea, proponi, quae vero, quod in nullis locum habet conceptibus vsus theoretici facultatis nostrae cognoscendi, in lege pura practica ex anticipatione constituta est,) qua conceptus practici elementares loco formae visionis (spatii et temporis) quae non in ratione ipsa inest, sed aliunde, nempe a facultate sensitiua, depromenda videtur, in *forma voluntatis purae* in ea, proinde in ipsa cogitandi facultate, quādata constitutae sunt; quo quidem fit, vt, cum in vniuersis rationis purae practicae praeceptis tantummodo de *determinanda voluntate*, non de conditionibus physicis (facultatis practicae) *exsequendi consilii* agatur, conceptus practici ex anticipatione cum summo libertatis principio comparatae, statim cognitiones fiant, nec debeant visiones exspectare, quo vim et significatum nanciscantur, et quidem ob hanc causam grauissimam, quoniam eius, quod spectant, (desiderii voluntatis) existentiam ipsam producant, quod non cadit in conceptus theoreticos. Modo probe notetur, has categorias solum ad rationem practicam pertinere, atque ita in ordine suo a moraliter indeterminatis, et sensitiue hypotheticis, ad ea, quae sensu absoluta, per solam legem moralem determinata sunt, progredi.

T A B V L A

*ategoriarum libertatis ratione conceptuum boni  
et mali.*

1.

*Quantitatis*

Subiective, ex regulis (*declarationes voluntatis singuli siue  
individui*).

Obiective, ex principiis (*praecepta*).

Ex anticipatione cum obiectiva, tum subiectiva principia  
libertatis (*leges*).

2.

*Qualitatis*

regulae practicae *actionis*  
(*praeceptivae*).

regulae practicae *omissionis*  
(*prohibitivae*).

regulae practicae *exceptionum* (*exceptivae*).

3.

*Relationis*

ad *personalitatem*.

ad *statum personae*.

*mutuo* unius personae ad  
statum alterius.

4.

*Modalitatis*

*Licium et illicitum.*

*Officium et officio contrarium.*

*Officium perfectum et imperfectum.*

---

Hoc loco mox intelligitur, in hac tabula libertatem, qua genus quoddam causalitatis, nec tamen rationibus determinantibus empiricis subiectam, respectu actionum, quae per eam fieri possunt, qua phaenomena in mundo sensibili, considerari, proinde categorias spectare possibilitatis suae physicae, cum tamen quaeque categoria tam vniuersalis sumatur, ut ratio determinans illius causalitatis etiam extra mundum sensibilem in libertate, quae proprietas est naturae intelligibilis, possit sumi, donec categoriae modalitatis a principiis practicis vniuerse ad principia moralitatis transitum, sed modo *problematicè*, instituunt, quae postea demum per legem moralem possunt *dogmaticè* ostendi.

Hoc loco ad illustrandam hunc tabulam nihil amplius addo, siquidem per se satis dilucida ea ac perspicua est. Eiusmodi diuisio ex principiis descripta cuique scientiae, cum ob perfectionem illius, tum perspicuitatem, valde utilis videtur. Sic, exempli gratia, ex superiori tabula eiusque numero primo statim intelligimus, vnde in deliberationibus, quae actionem spectant, instituendum sit: a regulis subiectiuis, quas in suam quisque propensionem conilituit, praeceptisque, quae ad genus-quoddam naturalium rationalium, quatenus in quibusdam adpetitionibus conspirent, valent, tandemque lege, quae ad vniuersas valet, nullo habitu cupiditatum respectu, et sic porro. Hoc modo tota forma patet eorum, quae facienda sunt, atque etiam quaeque quaestio philosophiae practicae, ad quam respondendum, simulque ordo, qui tenendus videtur.

## DE TYPICA FACULTATIS IUDICANDI PVRAE PRACTICAE.

Conceptus boni et mali primum ad rem obiectam quampiam voluntatem determinant. Ipsi vero regulae cuiquam subsunt practicae rationis, quae, si ratio pura est, voluntatem ex anticipatione respectu rei illi subiecta determinat. Vtrum autem, quae fieri per facultatem sensitivam possit, actio regulae subsit, nec ne, facultate iudi-

candi practica declaratur, qua, quae in regula vniuerſe (in abstracto) enunciata erant, ad actionem quandam in ſingulo (in concreto) adhibentur. Quoniam autem regula practica rationis purae *primo*, qua *practica*, exiſtentiam rei cuiuſpiam obiectae attiigit, et deinde, qua *regula practica* rationis purae, neceſſitatem in ſe colibet reſpectu exiſtentiae actionis, proinde lex practica videtur, et quidem non lex phyſica, per rationes determinantes empiricas, ſed lex libertatis, ſecundum quam voluntas, ab omni empirico libera, (ſolum per repraeſentationem legis cuiuſpiam vniuerſe cuiusque formam) eſſe determinabilis debet, omnes autem cauſae obuiæ ad actiones poſſibiles ſolum empiricae poſſunt, id eſt, ad experientiam naturamque pertinere; abſonum videtur, in mundo ſenſibili caſum quemdam putare deprehendi, qui, cum ſemper eatenus modo legi phyſicae ſubſit, tamen uſum legis libertatis ad ſe concedat, atque in quem idea honeſti (ſiue moralis boni) ſupraſenſibilis, quod in ea in ſingulo debet proponi, queat adhiberi. Ergo facultas iudicandi rationis purae practicae iisdem difficultatibus obnoxia eſt, quibus ratio theoretica expoſita videtur, quae nihilominus, quo ſe ex iis expediret, remedium in promtu habebat; nimirum, cum uſus theoreticus e viſione penderet, ad quam conceptus puri intelligentiae poſſent adplicari, cuiusmodi viſiones (quamquam tantummodo de rebus ſenſibus ſubiectis) tamen ex anticipatione, proinde, quoad coniunctionem variorum in iis, conceptibus puris intelligentiae ex anticipatione conuenienter (qua ſchemata) dari poſſunt atque proponi. Contra honeſtum (bonum morale) quiddam quoad rem obiectam ſupraſenſibile, cui quidem quod reſpondeat, in nulla viſione ſenſitiua inueniri poſteſt, facultasque iudicandi ſub legibus rationis purae practicae, proinde praecipuis difficultatibus obnoxia videtur, quae in eo poſitae ſunt, quod lex libertatis ad actiones debeat, qua euenta, quae in mundo ſenſibili ſiunt, ideoque eatenus ad naturam pertinent, adhiberi.

Verum hic rursus aperitur fauſtus facultati purae practicae iudicandi proſpectus. In actione quapiam in mundo

sensibili mihi possibili ad *legem purem practicam* adhibenda, non de possibilitate *actionis* agitur, qua euenti cuiusdam in mundo sensibili, ea enim vsum rationis theoreticum attinet diiudicandum, secundum *legem causalitatis*, conceptus puri intellectualis, cuius ea *schema* continet in visione sensitua. Causalitas physica, conditione, sub qua ea locum habet, attingit conceptus phylicos, cuius schema phantasia transcendentalis delineat. Hoc loco vero non de schemate casus cuiuspiam secundum leges agitur, sed de schemate (si hoc verbo apte hoc loco vti possis) ipsius legis cuiuspiam, quoniam *determinatio voluntatis* (non actionis quoad eius consequens) per solam legem, sine vlla alia ratione determinante, conceptum causalitatis ad longe alias conditiones adiungit, quam quibus coniunctio physica efficitur.

Legi physicae, qua legi, cui, quae sub visionem sensituiam cadunt, res, qua tales, subiectae sunt, schema, id est, vniuersalis tractandi ratio phantasiae, (conceptus puri intellectualis, quem lex determinat, sensibus ex anticipatione propouendi) respondeat, necesse est. Verum legi libertatis. (vtpote causalitati haud sensituae adstrictae,) proinde quoque conceptui absolute boni nulla prorsus visio, proinde nullum schema in gratiam vsum illius potest in singulo subponi. Ergo legi morali nulla alia facultas cognoscendi est, qua vsum eius ad res naturae subiectas transferatur, quam intelligentia (non vero phantasia,) quae ideae rationali non *schema* facultatis sensituae, sed legem potest, eam tamen, quae in rebus sub sensu subiectis in singulo queat proponi, proinde legem physicam, sed modo quoad formam, qua legem in gratiam facultatis iudicandi supponere, eamque proinde *typum* possumus legis moralis adpellare.

Regula facultatis iudicandi sub legibus rationis purae practicae haec est: te ipsum percontare, an, quam tibi propositam habes, actionem, si ea, secundum legem naturae, cuius tute ipse pars fores, fieri debeat, possis qua per voluntatem tuam possibilem spectare. Ad hanc regulam

quisque reapse actiones diiudicat, honestae (moraliter bonae) sint, an turpes seu malae. Sic dicimus: quid? si *quisque*, cum putat utilitati suae consulere, sibi licere decipere crederet, aut penes se esse, vitam finire, simulatque taedio illius corripere, alienasque aerumnas aequo animo conspiceret, et tute ad eiusmodi rerum ordinem pertineres, num in eo tandem libenter degeres? Iam quisque probe nouit, si occultam fraudem tentet, ideo haud quemque idem facere, aut si nulla alterius miseria commoueatur, continuo non quemque erga se pariter se gesturum fore; ideo haec comparatio regulae actionum suarum cum lege physica vniuersali non est ratio voluntatis suae determinandae. Verum tamen haec posterior (lex physica vniuersalis) *typus* est diiudicandae prioris (regulae actionum) secundum principia honesti. Quodsi regula actionum haud ita comparata sit, vt ad formam legis naturae vniuerse probetur, ea moraliter impossibilis erit. Sic ipsa iudicat intelligentia communis; nam lex naturae vniuersis iudiciis suis frequentissimis, vel ipsius experientiae, semper quasi fundamentum quoddam constituta videtur. Ea igitur illi semper in promptu est, ita tamen, vt modo tum, cum causalitas ex libertate diiudicanda est, illa *naturae lege* solum pro *typo legis libertatis* vtatur, legi rationis purae practicae vsum in ea adhibenda non posset comparare, nisi aliquid in promptu haberet, quo vti pro exemplo posset occasione data.

Quamobrem etiam licebit *natura mundi sensibilis* pro typo vti *naturae intelligibilis*, dum modo visiones, quaeque ex his pendent, ad hanc transferam, sed solum *formam legalitatis* vniuerse (cuius conceptus etiam in purissimo rationis vsum locum habet, verum in nullum alium finem, nisi solum ad vsum purum practicum rationis, ex anticipatione determinate cognosci potest) referam. Leges enim, quae tales, eatenus eadem sunt, vnde cumque earum rationes determinantes, depromptae videantur.

Caeterum, cum omnium omnino intelligibilium nihil quidquam, nisi (interuentu legis moralis) libertas, et ea

quoque solum quatenus in sumtione versatur ab illa inseparabili, omnesque porro res intelligibiles, ad quas ratio nos, duce lege illa, forte ducat, rursus pro nobis nullam amplius realitatem habeant, quam in gratiam eiusdem legis vsusque rationis purae practicae, haec autem potestatem habeat pro typo facultatis iudicandi naturam (secundum formam puram intellectualem illius) vsurpandi, eiusque etiam indigeat; hoc scholion cauere debet, ne, quae solum ad *typicam* conceptuum pertinent, ad conceptus ipsos numerentur. Haec igitur, qua typica facultatis iudicandi, *empirissimum* arcet rationis practicae, qui conceptus practicos boni malique solum in consequentibus ponit empiricis (sic dictae felicitatis), quae quamquam cum infinitis consequentibus salutaribus voluntatis per philautiam determinatae, si haec se ipsam simul legem faceret naturae vniuersalem, profecto potest typo esse honesti prorsus consentaneo, verum tamen cum hoc non idem videtur. Eadem typica arcet etiam *mysticissimum* rationis practicae, quae, quod solum *symbolo* seruiret, *schema* efficit, hoc est, veras, et tamen non sensitivas, visiones (regni dei inuisibilis) vsui conceptuum moralium supponit, atque in transcendentia euagatur. Vsui conceptuum moralium solum conuenit *rationalissimus* facultatis iudicandi, qui ab natura sensibili nihil depromit, nisi quod etiam ratio pura per se queat cogitare, id est, legalitatem, neque quidquam in supra-sensibilem infert, quam quod vicissim possit per actiones in mundo sensibili ad regulam legis naturae formalem vniuerse vere proponi. Interim munitio contra *empirissimum* rationis practicae multo grauior est, longeque dignior, quae suadeatur, quoniam *mysticismus* cum puritate excellentiaque legis moralis conciliari potest, praetereaque haud fere naturae ingenioque hominum comuni consentaneum videtur, phantasiam vsque ad visiones sensitivas contendere, proinde in ~~ha~~ parte discrimen non tam late patet; cum contra empirismus honestatem animorum (in qua tamen, neque solum in actionibus, summa dignitas consistit, quam sibi humanum genus per eam et potest comparare et debet) funditus exstirpat, eique longe aliud quid,

pro officio supponit, nempe inuitamentum quoddam empiricum, quocum vnuerse inuicem rem habent adpetitiones, propterea quoque, ob eam ipsam causam, cum vnuerfis inclinationibus animi, quae (quam iis cumque formam induas) si in locum dignitatemque summi principii practici euehantur, animum humanum loco mouent, cumque nihilominus omnium ingenio admodum faueant, idcirco multo periculosior est, quam vnuerfa fanaticorum insania, quae nunquam potest multorum hominum mentes diu tenere.

---



## CAPVT TERTIVM.

DE

## ELATERIBVS

## RATIONIS PVRAE PRACTICAE.

**Q**uae naturam vniuersi actionum pretii moralis constituunt, eo redeunt, *vt lex moralis proxime voluntatem determinet*. Quodsi determinatio voluntatis legi morali *conuenienter* quidem fiat, sed solum interuentu cuiuspiam tactus, cuius ille cumque generis sit, quod poni debet, vt illa ratio fiat idonea voluntatis determinandae, proinde non *propter legem*; actio *legalitatem* quidem, non vero *moralitatem* continebit. Si igitur *elaterem animi* dicamus rationem subiectiuam determinandae voluntatis naturae, cuius ratio non, iam per naturam suam, legi obiectivae necessario conuenit, primo inde efficietur, vt voluntati diuinae nulli prorsus queant elateres attribui, sed elater voluntatis humanae (et cuiusque naturae rationisque creatae) nunquam quidpiam aliud esse possit, quam lex moralis, proinde ratio determinans obiectiua semper solaque simul ratio actionis determinandae subiectivae idonea esse debeat, si haec non solum *literam* legis attingere debeat, neque *sententiam* \*) eius ostendere.

Cum igitur in gratiam legis moralis, vtque ei vis in facultatem impertiatur; nullus vltior elater, in quo elateribus legis moralis superfederi queat, debeat quaeri, quippe quo nil nisi mera species efficeretur, adeoque *periculosum* sit, praeter legem moralem alios quosdam elateres (velut utilitatis,) in communionem vocari; nihil relinqui-

\*) De vna quaque actione legali, haud propter legem facta, dici potest: eam solum quoad *literam* honestam esse et moraliter bonam, non vero secundum *sententiam*.

tur, quam ut solum diligenter determinetur, quo modo lex moralis fiat elater, quidque, dum ea elater est, in humana adpetendi facultate agatur, qua effectio illius rationis determinantis in eam. Quomodo enim lex per se proximeque esse possit ratio voluntatis determinandae, (in quo quidem consistit essentia vniuersae moralitatis,) quaesitio est rationi humanae inenodabilis, eademque cum hac: quomodo esse possit voluntas libera. Quamobrem laud ratio, cur lex moralis in se elater sit, sed quid, quatenus ea talis est, in animo efficiat, (vel potius, efficere oporteat,) ex anticipatione debemus monstrare.

Natura vniuersae determinationis voluntatis per legem moralem eo redit, ut ea qua voluntas libera, proinde non solum sine contagione impulsione sensitivarum, sed ipsis iis cunctis repudiatis, omnibusque inclinationibus, quatenus illi legi possunt officere, coercitis, solum per legem determinetur. Eatenus igitur effectio legis moralis qua elater tantummodo negatiua est, et qua talis hic elater potest ex anticipatione cognosci. Etenim omnis inclinatio et quaeque sensitua impulsio in tactu constituta est, effectioque in tactum negatiua (per vim inclinationibus illatam) ipsa in tactu cernitur. Ergo ex anticipatione perspicere possumus, lege morali qua ratione determinandae voluntatis eo, quod omnibus ea inclinationibus vim adfert ac derogat, tactum effici oportere, qui possit dolor vocari, et hic primum accidit, et fortasse quoque semel, ut ex conceptibus ex anticipatione adfectionem cognitionis cuiuspiam (quae hic est rationis purae practicae) ad tactum iuendi vel iniuendi possemus determinare. Vniuersae inclinationes praecipitationesque coniunctum, (quae fere quoque possunt quodam modo systemate comprehendere, quarumque satiatio tum propria felicitas vocatur) efficiunt *insaniam colendi sui* (solipsismum). Quae quidem vel *amore sui*, *beneuolentia* erga se ipsum summa (philautia), vel *beneplacencia* sui ipsius (arrogantia) continetur. Ratio pura practica philautiae solum derogat, eo, quod eam qua per naturam, et iam ante legem moralem, in nobis viuam, tan-

tummodo ad conditionem conuenientiae cum hac lege adfringit; vbi tum *philantia rationalis* vocatur. Sed *arrogantiam* ea penitus *proflernit*, propterea, quod omnia iura obseruandi sui ipsius, quae conuenientiam cum lege morali antecedunt, vana sunt et nulla, siquidem ipsa sententiae certitudo, huic legi consentaneae, prima conditio est pretii dignitatisque omnis personae (vti innox clarius docebimus, omnisque ante illam arrogantia falsa est et legi contraria. Atqui animi propensio ad se ipsum venerandum in inclinationibus est, quibus derogat lex moralis, quatenus illa solum in moralitate posita videtur. Ergo lex moralis arrogantiam proflernit. Attamen cum haec lex quiddam per se positium sit, uimirum forma causalitatis cuiuspiam intellectualis, hoc est, libertatis ea, dum ex opposito contrarii subiectiui, nempe procliuittatum in nobis, arrogantiam *debilitat*, simul res est *obseruantiae* proposita, dumque ea illam adeo *proflernit*, id est, deprimit, res *obseruantiae* summae subiecta, proinde quoque ratio tactus cuiuspiam positiui, qui non est originis empiricae, et ex anticipatione cognoscitur. Ergo obseruantia legis moralis in tactu versatur, qui per rationem efficitur intellectualem, atque is tactus vnus est, quem prorsus ex anticipatione cognoscimus, cuiusque possumus necessitatem perspicere.

Superiori capite vidimus, vniuersa, quae qua res voluntati subiectae *ante* legem moralem nobis se offerunt, a rationibus voluntatis determinandae, sub titulo absolute boni, per hanc ipsam legem, qua conditionem rationis practicae supremam, excludi, solaque forma practica, quae ratione regularum ad legislationem vniuersalem idonea cernitur, primum id, quod per se absoluteque bonum sit, determinari regulamque constitui voluntatis purae, solius omni respectu purae. Iam naturam nostram, qua animalium, ita comparatam videmus, vt materia facultatis adpetendi (res inclinationi subiectae, siue spes sit, seu metus) primum se obtrudat, nostrumque ipse ego pathologice determinabile, etsi per regulas suas penitus laud idoneum sit ad legislationem vniuersalem, tamen perinde

atque eo totum illud nostrum ipse ego efficiatur, iura sua ante conetur, utque prima atque originaria tueri. Hanc inclinationem, se ipsum ex rationibus determinandae voluntatis subiectivis rationem voluntatis determinandae obiectivam uniuersae faciendi, *amorem* possumus *sui ipsius* vocare, qui, si se legislatorum efficit, ad dignitatemque euehit principii practici absoluti, poterit *arrogantia* nominari. Iam lex moralis, quae sola vere obiectiua est (nimirum omni respectu), contagionem amoris sui cum principio supremo practico penitus excludit, arrogantiaeque, conditiones illius subiectiuas qua leges praecipienti, immensum derogat. Atqui quod arrogantiae nostrae ex nostra sententia derogat, id deprimit. Ergo lex moralis quemque hominem necessario deprimit, quippe qui cum ea inclinationem animalem naturae suae comparat. Id, cuius repraesentatio, qua *ratio determinandae voluntatis nostrae*, nos in conscientia nostra deprimit, per se, quatenus posituum est ratioque determinans, *aestimationem* mouet. Ergo lex moralis etiam subiectiue ratio est aestimationis. Cum autem omnia, quae in amore sui deprehenduntur, ad propensionem pertineant, sed uniuersa propensio in tactibus posita sit, proinde quod cunctis propensionibus in amore sui derogat, eo ipso necessario vim exserat in tactu, comprehendimus, qui fieri possit, ut ex anticipatione perspiciamus, legem moralem, propterea quod propensiones inclinationemque, eas conditiones statuendi practicas supremas, hoc est, amorem sui, ab omni aditu ad legislationem supremam excludit, vim posse in tactu exserere, quae partim solum negatiua sit, partim autem et quidem respectu rationis coercentis rationis purae practicae *positiua*, et ad quam nulla prorsus peculiaris tactus species, sub titulo practici siue moralis, qua legem moralem autegressae, illique fundamento constituti necesse est accipi.

Negatiua in tactu effectio (iniucunditatis), quemadmodum omnis vis in eam, et uti omnis omnino tactus, *pathologica* est. Verum qua effectio conscientiae legis moralis, proinde respectu causae intelligibilis, nimirum sub-

iecti rationis purae practicae, qua legislatricis supremae, hic tactus subiecti rationalis ab inclinationibus adfecti pulsive, depressio quidem (contentus intellectualis) vocatur, sed respectu rationis illius legis positivae simul observantia nominatur, cuius quidem legis nullus omnino tactus locum habet, verum in iudicio rationis, propterea quod impedimentum tollit, impedimenti remotio equiparatur promotioni positivae causalitatis. Idcirco hic tactus etiam tactus observantiae legis moralis, ob utranque causam vero potest *tactus moralis* adpellari.

Itaque lex moralis, prout ea formalis ratio determinandae actionis est, per rationem practicam, quemadmodum ea quidem et materialis, verum solum obiectiva ratio est determinandarum rerum actioni obnoxiarum sub titulo boni inaliique, ita ea etiam ratio est determinans subiectiva, hoc est, elater, ad hanc actionem, propterea quod ea contagione continetur cum moralitate subiecti, tactumque efficit, qui vim legis in voluntate promouet. Hic nullus in subiecto tactus *antecedit*, ad moralitatem intentus. Id enim fieri non potest, siquidem omnis tactus sensitivus est; sed elater sententiae moralis ab omni conditione sensitiva esse liber debet. Potius tactus sensitivus, qui omnibus inclinationibus nostris fundamento subest, conditio quidem est eius sensationis, quam observantiam vocamus, verum causa determinationis eius inest in ratione pura practica, eaque proinde *sensatio*, propter originem suam, non pathologice, sed *practice effecta* dici potest; propterea, quod eo, quod repraesentatio legis moralis amoris sui vim, arrogantiaeque opinionem derogat, impedimentum rationis purae practicae minuit, repraesentatioque principatus legis obiectivae prae impulsione facultatis sensitivae, proinde pondus illius prioris (respectu voluntatis per posteriorem adfectae) remouendo pondere contrario, in iudicio rationis, producit. Atque ita observantia legis non elater est ad moralitatem, sed ea est ipsa moralitas, subiectivae qua elater animi spectata, propterea quod ratio pura practica, eo quod philautiae omnia iura recusat, legi.

quae nunc sola vim exferit, dignitatem conciliat. In quo quidem notandum est, quemadmodum obseruantia effectio est in tactu, proinde in facultate sensitua naturae rationisque, eo hanc sensitivam facultatem, proinde quoque finitatem eiusmodi naturarum, quibus lex moralis obseruantiam imponit, poni, naturaeque supremae, ab omni sensu liberae, cui haec ideo nullum quoque rationis practicae impedimentum esse potest, obseruantia legis haud posse attribui.

Hicce tactus (qui moralis vocatur) proinde solum per rationem efficitur. Haud facit ad actiones diiudicandas, aut adeo ipsam legem moralem obiectivam constituentem, sed tantummodo pro elatere est, ut legem eam in sese reddat regulam. Sed quo nomine hunc tactum, qui cum nullo potest pathologico comparari, aptius vocare possis? Est is generis tam peculiaris, ut solum rationi, eique practicae purae rationi, praesto esse videatur.

*Obseruantia* semper duntaxat personas spectat, numquam vero res. Quae quidem res *propensionem* possunt, et si animantes sint (veluti equi, canes, et similia), adeo *amoreni*, *metumue*, quemadmodum, mare, vulcanus, fera rapax, numquam vero *aestimationem* in nobis excitare. Ad istum tactum propius accedit *admiratio*, eaque, qua motus animi, stupor etiam res spectare potest, veluti montes ad caelum vsque excelsi, magnitudo, multitudo, distantia corporum caelestium, robur ac celeritas quarundam bestiarum, et sic porro. Verum haec omnia non continentur obseruantia. Hominem aniare possum, vel metuere, aut admirari, atque etiam stupere, neque tamen ideo venerari. Eius facetiis, fortitudine, robore, potentia, ordine, quo alios antecellit, capi quidem ad eiusmodi commotiones animi possum, sed interna eius obseruantia mihi deesse poterit. *Fontenellius* coram viro, ait, *principe corpus quidem sese inclinat, sed animus se non inclinat*. Addi potest: coram homine humili atque ignobili; in quo probitatem morum certo modo quodam conspicio, cuius mihi met ipse haud conscius sum, velim, polim,

*animus se meus inclinat.* Qui istud fit? Exemplum eius mihi legem ostendit, quod arrogantiam meam praecipitat, si illud cum vita mea comparem, eiusque obseruationem, proinde *efficiendi possibilitatem*, facto probatam conspiciam. Iam gradus probitatis possum paris atque aequalis mihi met conscius esse, et tamen obseruantia manebit. Namque, cum in homine quodque bonum mancum esse atque imperfectum solet, lex exemplo sub adspectum subiecta, superbiam usque meam prostermit, cuius quidem norma homo est, quem coram video, cuius quidem, quae illi forte adhuc adhaereat, imperfectio, mihi minus, quam mea nota est, quique proinde clariori mihi puriorique lumine conspiciatur. *Obseruantia est tributum*, quod praeclare factis, velis nolis, non possis recusare; externe sere eam poteris retinere, tamen non poterit non interne ea sentiri.

Tantum abest, vt obseruantia tactu quodam *incunditatis* contineatur, vt ei potius respectu hominis cuiuspiam inuiti nosmet permittamus. Anquirimus aliquid, quo onus illius nobis possit leuari, vllum vitium quodpiam, quo, quem per eiusmodi exemplum experti sumus, pudorem compensemus. Ipsi mortui, praecipue cum exemplum eorum nulla imitatione adsequendum videtur, ab hac censura tuti videntur. Atque etiam lex moralis ipsa cum *sesta sua sanctitate* exposita est huic conatui obseruantiae effugiendae. Ecquae causa esse alia poterit, cur eam cupiamus ex nostra familiari inclinatione metiri, praeceptionemque facere proprii commodi nostri, quam quod nosmet ab obseruantia deterrente, quae de nostra nos indignitate tam seuerè increpat, liberemus? Nihilominus in ea tamen vicissim tam parum *iniuenditatis* est, vt, vbi arrogantia semel exuta, illique actioni vis concessa practica fuerit, vicissim splendorem huiusce legis non satis mirari queas, animusque se ipsum pro eo eleuare credat, atque legem sanctam supra se fragilemque naturam elatum videt. Magna quidem ingenii dona, iisque consentanea actiuitas etiam obseruantiam possunt, tactumue illi similem, efficere, eamque iis decet tribui, et sic videtur, admirationem eam-

dem esse cum illa sensatione. Verum, si propius accesseris, animaduertes, cum semper incertum maneat, quantum indoles quantumque cultura per propriam diligentiam ad habilitatem contulerit, eam nobis ab ratione, opinor, quae fructum culturae, proinde ut laudem, ostendi, quod nostram arrogantiam haud parum deprimit, de eoque aut nos reprehendit, aut imitationem eiusmodi exempli, pro eo ac nos decet, nobis iniungit. Haec igitur obseruantia non sola admiratio est, quam eiusmodi personae (proprie legi, eius exemplum nobis monstranti,) tribuimus; id quod etiam eo confirmatur, quod amatorum vulgus, cum prauitatem morum in eiusmodi viro (veluti Voltario,) aliunde credit didicisse, omnem erga illum obseruantiam mittit, sed verus ac genuinus doctus semper eam certa propter dotes illius ingenii sentit, quoniam ipse in negotio est ac munere implicatus, quod imitationem illius ipsi quodammodo imperat.

Quocirca obseruantia legis moralis vnus elater animi est simulque indubitato moralis, quemadmodum hicce tactus nullam aliter rem obiectam spectat, quam solum ex hac ratione. Primum lex moralis voluntatem in iudicio rationis obiectiue proximeque determinat; libertas autem, cuius causalitas solum per legem determinabilis est, in eo ipso cernitur, quod omnes propensiones, proinde ipsam personae aestimationem ad conditionem adstringit, legis purae suae seruandae. Haec circumscriptio vim in tactu exferit, sensationemque excitat iniucunditatis, quae ex lege morali potest ex anticipatione cognosci. Cum ea vero solum effectio *negatiua* sit, quae, utpote e contagione rationis purae practicae orta, potissimum actiuitati subiecti, quatenus inclinationes sunt in rationibus determinantibus illius, proinde opinioni de dignitate sua personali derogat, (quae sine conuenientia cum lege morali ad nihilum reducitur,) effectio huius legis in tactu solum pudor est, quem proinde quidem ex anticipatione perspicimus, neque in ea vero vim legis purae practicae, quae elaterem possumus, sed solum renisum contra elateres sensus cognoscere. Quoniam vero



eadem lex nihilominus obiectiua est, id est, in repraesentatione rationis purae proxima ratio determinandae voluntatis videtur, proinde hicce pudor tantummodo relatiue ad puritatem legis locum habet, deminutio iurium sui ipsius obseruantiae moralis, id est, pudor ex parte sensituiua, eleuatio est moralis, scilicet obseruantiae practicae ipsius legis, ex parte intellectuuali, ad summam obseruantia legis, ergo quòque, secundum causam intellectualem suam, tactus politius, qui cognoscitur ex anticipatione. Quaeque enim deminutio impedimentorum actiuitatis cuiuspiam ipsa promotio est huiusce actiuitatis. Sed agnitio legis moralis cernitur in conscientia actiuitatis rationis practicae ex rationibus obiectiuis, quae solum propterea effectiorem haud exserit in actionibus, quoniam ea per causas subiectiuas (pathologicas) impeditur. Ergo obseruantia legis moralis etiam qua positiua sed indirecta illius effectio in tactu, quatenus illa contagionem inclinationum efficientem per pudorem arrogantiae debilitat, proinde qua ratio actiuitatis subiectiua, id est, qua *elater* ad eam seruandam, et qua ratio regularum vitae ei consentaneae spectanda videtur. Ex conceptu elateris conceptus oritur *inuitamenti*; quod non nisi naturae ratione praeditae attribuitur, voluntatisque *elaterem* denotat, quatenus is *per rationem repraesentatur*. Cum lex ipsa in voluntate moraliter bona esse elater debeat, *inuitamentum morale*, siue inuitamentum purum a sensu liberum solius rationis purae practicae. In conceptu inuitamentum et positus conceptus est *regulae subiectiuae*. Quae proinde duntaxat tum moraliter probe ac genuina erit, si in solo inuitamento, quod ex seruanda lege percipitur, nitatur. Sed omnes tres conceptus, et *elateris*, et *inuitamenti*, et *regulae subiectiuae*, tantummodo ad naturas possunt finitas adhiberi. Cuncti enim circumscriptionem ponunt naturae entis, cum qualitas subiectiua arbitrii illius hand sponte conuenit cum lege obiectiua rationis practicae; cui quidem quaedam inest necessitas, qua ad actiuitatem impellamur, quoniam impedimentum illius internum aduersatur. Quamobrem ad voluntatem diuinam non poterunt adhiberi.

In immensa illa obseruantia legis moralis purae, ab omni vtilitate vacuae quoddam inest peculiare, prout eam ratio practica seruandam proponit, cuius vox audacissimo malefico tremorem incutit, eumque cogit, vt eius adspicuum fugiat: ita, vt haud mirum sit, hanc contagionem ideae solum intellectualis cum tactu rationi contemplatiuae imperscrutabilem videri, in eoque nos adquiescere oportere, quod ex anticipatione tantum tamen pollinus perspicere; eiusmodi tactum necessario cum repraesentatione legis moralis in quaque natura rationali finita coniunctum esse. Quodsi is tactus obseruantiae solum pathologicus foret, ideoque in *sensu* interno constitutus iucunditatis tactus, frustra de coniunctione eius cum vlla quapiam idea ex anticipatione aperienda laborarcmus. Nunc vero tactus, solum spectans practicum, et quidem repraesentationi legis cuiuspiam solum quoad eius formam, non propter vllam quampiam rem ei subiectam, adhaeret, proinde nec ad voluptatem potest, nec ad dolorem numerari, et tamen *innitamentum* in ea seruanda procreat, quod *morale* adpellamus; quemadmodum facultas, eiusmodi innitamenti ex lege percipiendi (vel ipsa legis moralis obseruantia) proprie est *tactus moralis*.

Conscientia submissionis *liberae* voluntatis sub legem, cum coactione tamen necessaria, quae cunctis inclinationibus fit, sed per propriam rationem, coniuncta, est igitur legis obseruantia. Lex, quae hanc obseruantiam postulat eamque etiam instillat, manifeste nulla alia est nisi moralis (nulla enim alia vniuersas inclinationes a proxima ratione contagionis illius cum voluntate arcet). Actio, quae secundum eam legem, omnibus rationibus e inclinatione determinantibus exclusis, obiectiue practica est, vocatur *officium*, quod propter exclusionem illam, in conceptu suo *coactionem* practicam continet, id est, determinationem ad actiones, licet eas maxime *inuiti* suscipiamus. Tactus is, qui ex conscientia huius coactionis oritur, non pathologicus, qua is, qui ab re sensibus subiecta essiceretur, sed solum practice possibilis est, per antegressam (obiectiuam) volun-

tatis determinationem rationisque causalitatem. Igitur, qua *submissio* sub legem, id est, qua praeceptum, (quod subiecto sensitivae adfectio coactionem nunciat,) nullam voluptatem, sed, eatenus, potius taedium ex actione in se continet. Contra vero, cum haec coactio solum per legislationem rationis propriae exerceatur et *elevationem* continet, effectioque in tactu subiectiva, quatenus ratio pura practica sola eius causa est, proinde respectu tactus *propria adprobatio* potest vocari, propterea quod sine omni inuitamento per solam legem nosmet determinatos cognoscimus, nobisque nunc longe alius inuitamenti, ex subiectivae enato, quod pure practicum est *liberumque*, consensum sumus, quod ut ex actione honesta capiamus, nobis, haud vlla fere inclinatio suadet, sed ratio per legem practicam simpliciter imperat etiamque vere producit, propterea autem nomine prorsus peculiari insignitur, quippe observantiae.

Quamobrem conceptus officii in actione quadam *obiectivae* postulat convenientiam cum lege, sed in regula illius, subiectivae, legis observantiam, qua solam voluntatis determinandae rationem per eandem. In quo quidem positum discrimen est inter conscientiam *officio congruenter* et *ex officio*, id est, per legis observantiam egisse, quarum prior (legalitas) etiam esse poterit, si inclinationes solum rationes voluntatis determinandae fuissent, altera vero (*moralitas*) pretium morale tantummodo in eo poni debet, ut actio per officium fiat, hoc est, solum propter legem \*).

Res summi momenti est, ut in omni diiudicatione morali animum cum summa diligentia ad principium

\*) Conceptu observantiae personarum, uti supra propositus est, probe considerato, animadvertes, eam semper positam esse in conscientia cuiuspiam officii, nobis exemplar ostendentis, proinde observantiae nullam esse aliam rationem posse, nisi moralem, atque expedire, adeoque respectu psychologico ad cognitionem hominum admodum conducere, si, hoc vocabulo utentes, animum ad respectum advertamus secretum illum et admirabilem praeterea saepius obuium, quem legis moralis homo in diiudicando habet.

omnium regulatum subiectiuum aduertamus, vt omnis actionum moralitas in necessitate earum *per officium* atque ex obseruantia legis ponatur, non vero ob amorem inclinationemque ad ea, quibus actiones debeant produci. Hominibus cunctisque naturis creatis ratione praeditis necessitas moralis coactio est, hoc est, obligatio, et quaecque actio, qua officium, in ea posita et constituta, non vero qua ratio agendi repraesentetur, quae a nobis ipsis expetita sit, aut expeti possit. Quasi vero vnumquam possumus eo usque pertinere, vt sine legis obseruantia, quae cum metu est transgressionis coniuncta, nos, quemadmodum natura diuina supra omnem dependentiam eleuata, sponte, per quamdam quasi in nobis inueteratam voluntatis cum lege pura morali conuenientiam, numquam loco mouendam vnumquam potiri possemus *sanctitate* voluntatis (quae quidem lex moralis, cum nunquam queamus tentari, vt ab ea deficiamus, tandem fere prorsus desinere posse nobis in praeceptis videtur).

Nimirum lex moralis voluntati entis omnium perfectissimi lex *sanctitatis* est, sed cuiusque naturae rationisque finitae voluntati lex est *officii*, coactionis moralis determinationisque actionum illius *per obseruantiam* huiusce legis atque ex verecundia officii. Neque aliud principium subiectiuum accipiendum erit pro elatere; alias enim actio quidem, pro eo ac lex praecipit, fieri poterit, sed cum ea quidem officio-consentanea, neque tamen propter officium fiat, sententia animi non moralis erit, ad quam tamen in ea legislatione proprie respicitur.

Perpulcrum est, humanitate ductum et beneuolentiae conspiratione aliis bene facere, aut propter ordinis amorem iustum esse, verum in eo nondum inest genuina regula moralis vitae nostrae, quae loco nostro, in naturis ratione praeditis, *qua hominibus* conueniens est, si tantum nobis sumimus, vt quasi inilites voluntarii, superba mente cogitationem officii negligamus, nosque, tamquam a praecepto liberi, solum proprio motu id agere velimus, quae, vt agamus, nil attineat nobis praecipi. *Disciplinae* rationis

subsumus, nec decet in vniuersis regulis subiectiuis nostris subiectionis sub ea obliuisci, nihil ei quidquam detrāhere, auctoritatiue legis (quamquam propria ratio nostra eam dicitat) ex philautiae errore quidpiam eo derogare, quod rationem voluntatis determinandae, quamvis legi conuenienter, tamen in alia re quapiam, quam in ipsa lege, et obseruantia huius legis poneremus. Officium debitumque sola nomina sunt, quibus nostram ad legem moralem relationem insignire debemus. Sumus quidem membra legislatoria regni morum per libertatem possibilis, et per rationem practicam nobis ad aestimandum propositi, sed simul tamen subditi, non caput illius, et ignoratio gradus inferioris nostri, qua naturarum creaturarum, recusatioque arrogantiae contra auctoritatem legis sanctae, iam est defectio ab ea, quoad sententiam, etiamsi litera eius seruaretur.

Quo quidem admodum conspirat possibilitas eiuscemodi legis, vt: *ama deum prae omnibus hominibusque vti te ipsum* \*). Ea enim, qua praeceptum, obseruantiam legis postulat, *amoreiu imperantis*, neque optioni permittit arbitrariae, vt hunc tibi pro principio statuas. Sed amor erga deum, qua inclinatio (amor pathologicus) esse non potest; neque enim deus in re versatur subiecta sensibus. Idem amor erga homines esse quidem potest, non autem poterit iuberi, siquidem penes nullum hominem est, vt solum iussus quempiam amet. Ergo solum *amor practicus* in nucleo illo legum omnium intelligitur. Atque in hac significatione deum amare, est, eius praecepta *libenter* seruare; hominem amare, est, omnia officia erga illum libenter facere. Praeceptum autem, quod hoc pro regula ponit, etiam non imperare potest, vt eam mentem in actionibus officio consentaneis *habeamus*, sed solum ad eam *adspiremus*. Praeceptum enim, quod iubet, vt facere quidpiam libenter debeas, per se pugnat, quoniam, si, quae nobis

\*) Huic legi principium felicitatis propriae, quod quidam summum moralitatis decretum constituere volunt, mire aduersatur. Quod ita sonaret: *ama te ipsum prae omnibus, sed deum hominemque propter te ipsum*.

facienda sint, iam ipsi sponte scimus, si praeterea nobis consilii essemus, nos libenter facere, praeceptum de eo prorsus inutile foret, et, si faciamus quidem, sed haud fere libenter, verum solum per legis observantiam, praeceptam, quod hanc observantiam constituat elatere regulae, ipsam praeceptam mentem aduersum ageret. Quamobrem illa lex legum omnium, quemadmodum omne praeceptum morale euangelii nobis mentem moralem in vniuersa sua perfectione proponentis, vti ea qua ideale sanctitatis a nulla natura creata attingi potest, tamen ea prototypon est, ad quod propius accedere, progressuque haud interrupto, sed infinito ei fieri pares conari debeamus. Si scilicet natura rationalis creata vnquam eo peruenire posset, vt omnibus legibus moralibus *libenter* obsequeretur, hoc idem esset, ac si ne possibilitas quidem cupiditatis, quae eum ad aberrandum incitaret, in eo inueniretur; imperio enim in cupiditatem non poteris nisi dispendio quodam potiri, proinde ad eam rem opus est coactione tui ipsius, hoc est, interna ad ea, quae haud omnino libenter facias. Ad hunc gradum mentis moralis autem natura creata numquam poterit adscendere. Etenim cum ea creata sit, proinde respectu eorum, quae postulat, vt cum statu suo prorsus contenta viuat, semper aliunde pendeat, numquam ea poterit a cupiditatibus inclinationibusque prorsus libera esse, quae, quoniam in causis physicis positae sunt, cum lege morali, e fontibus longe aliis proinante, haud sponte conspirant, proinde semper necessario postulant, vt, ratione ipsarum, mentem sententianque regularum subiectiuarum in coactione morali, non in promptitudine, sed observantia, quam obtemperatio legis, quamquam ea inuito fieret, *postulat*, non vero in amore, quae nullam voluntatis contra legem recusationem internam metuit, constituamus, nihilominus hic, nempe solum amorem erga legem (quae tum haud amplius in *praeceptis* foret, nec moralitas, quae nunc subiectiue in sanctitatem transiret, in *virtutibus*) nobis pro meta perpetua, quamuis inaccessa, conatus nostri proponamus. In eo enim, quod magni facimus, sed tamen (ob conscientiam infirmitatum nostra-

rum) veremur, per maiorem facilitatem, ei satis faciendi, verecundia suspicientia plena, vertitur in inclinationem animi, obseruantiaque in amorem, certe absolutio mentis foret legi sacrata, si vñquam fieri posset, vt natura creata vñquam ad eam pertineret.

Quae quidem contemplatio haud eo spectat, vt allatum istud praeceptum euangelicum ad conceptus disünctos reuocetur, quo *fanatismo religioso* ratione amoris erga deum, verum mens moralis, etiam proximie respectu officiorum erga homines, accurate determinetur, .et fanatismo solum *moralis*, quae multa ingenia infecit, officiatur, et, si fieri possit, occurratur. Gradus moralis, in quo homo (et quantum intelligimus quaeque natura ratioque creata) versatur, cernitur in obseruantia erga legem moralem. Mens autem, quae, ad id obseruandum, ei in officio est, ea est, vt ei haud ex inclinatione spontanea, et fere etiam iniusso sponte libenter suscepto conatu obtineret, statusque eius moralis, in quo vnoquoque tempore esse poterit, *virtus* est, haec est, mens moralis in *certaine*, non vero *sanctitas* in possessione opinata *puritatis* cogitationum voluntatis. Merus fanaticismus moralis est, gradatioque arrogantiae, ad quem animi intenduntur cohortando ad actiones, praeclaras quasi excelsasque et magnanimas, quo iis quidem instillatur opinio, ac si non foret officium, hoc est, obseruantia legis, cuius onus (quod tamen, quia ab ratione ipsa imponitur, facile est ac lenè,) quamuis inuitis, iis *ferendum* esset, quod rationem efficeret actionum eorum determinandarum, et quod eos etiam nunc deprimit, dum illud sequuntur (ei *obediunt*), verum quasi actiones illae haud per officium, sed propter ipsum meritum ab iis expectarentur. Etenim ne dicam, eos eiusmodi actionibus imitandis, nempe ex tali principio, ne minimum quidem sententiae mentique legis satis fecisse, quae in animo legi se submittente, non vero in legalitate actionis cernitur (quale illud cunque principium sit,) elateremque *pathologicè*, (in sympathia vel etiam philautia), non moraliter (in lege) ponere, hoc modo ventosam, et praeteruolantem,

phantasticamque cogitandi rationem generant, sibi que de animi ingenio spontaneo gratulantur, quod neque calcare indigeat neque habena, quodque ne opus quidem sit, ut praecipiat, atque officii, cuius prius meminisse deberent, quam meriti, obliuiscuntur. Aliorum quidem actiones, cum summo dispendio, et quidem propter officium, perpetratae, pro *praeclare fortiterque* factis poterunt laudari, et tamen tantummodo quatenus vestigia adsunt, ex quibus diuinari potest, eas prorsus factas esse per obseruantiam officii, non ex commotionibus animi. Quae vero si pro exemplis imitationi propositis cuipiam ostendantur, necessario debet obseruantia officii (in qua quippe vnus tactus moralis genuinus cernitur) pro elatere adhiberi: haec seuera sanctaque praeceptio, quae vanae philautiae nostrae nequam concedit, ut in impulsibus pathologicis (quatenus similitudine quadam accedunt ad moralitatem) ludamus, nosque de *merito* superbiamus. Si modo inuestigabimus, omnium actionum laudabilem legem inueniemus, quae *imperet* neque voluntati nostrae permittat, quae inclinationi nostrae placitura videantur. Atque hic vnus proponendi modus est, qui animum moraliter informatur, quoniam is solus est principiorum capax stabilium accurateque determinatorum.

Si *fanatissimus* sensu vulgarissimo in migratione versatur terminorum rationis humanae ex principiis suscepta, *fanatissimus moralis* in transgressione cernitur terminorum, ab ratione practica humano generi constitutorum, quibus ea vetat, ne rationem subiectiuam determinandarum actionum officio consentaneam, hoc est, elatere earum moralem, in vlla re quapiam, nisi in lege ipsa, mentemque atque sententiam, quae ea in regulam subiectiuam infertur, vspiam alibi, quam in obseruantia erga hanc legem, ponamus, proinde illam de officio cogitationem, et vniuersam *arrogantiam* et *philautiam* vanam prosterndam imperat pro *principio vitae* moralitatis vniuersae in homine constituendam.

Quae cum ita sint, non solum scriptores fabularum romanensium, vel educatores multum sensum adfectantes,



(quantumuis contra adfectionem sensus stomachentur), verum etiam ipsi nonnumquam philosophi, quin omnium feuerissimi, stoici, *fanatissimum moralem*, pro sobria, sed sapienti, morum disciplina introduxerunt, quamquam sanatissimus stoicorum magis heroicus fortisque, illorum autem natura rapida fuit ac liquefcente, vereque doctrina moralis euangelii poterit laudari, eam primam, per puritatem principii moralis, simul vero per conuenientiam eius cum carceribus naturarum finitarum, omnem virtutem hominis disciplinae subiecisse officii ob oculos positi, quod eos haud patitur in somniatis perfectionibus moralibus circumuagari, arrogantiaeque pariter ac philautiae, quae anbo facile terminos suos ignorant, carceres potuisse miscuisse modestiae, (id est, cognitionis sui ipsius).

*Officium!* o nomen excelsum magnumque, quod nihil complectere iucundum, quod deuulceat, sed submissionem postulas, neque tamen quidquam minaris, quod naturalem excitet in animo auersionem terreatque, quo voluntas commouetur, verum duntaxat legem proponis, quae ipsa sibi aditum in animo aperiat, et nihilominus tamen inuitis verecundiam (et si haud semper obsequium) instillet, coram qua omnes inclinationes obmutescunt, quamuis occulte ei aduersum agant, quatenus est origo te digna, atque ubi radix stirpis tuae uobilis ac generosae invenitur, quae omnem cum inclinationibus adfinitatem fortiter respuit, atque a qua radice ut originem ducamus, conditio est irremissibilis dignitatis illius, quam homines sibi solis possunt impertire?

Nihil esse illud minus poterit, quam id, quod hominem supra se ipsum (qua partem mundi sensibilis) extollit atque euehit, quod illum ad eum ordinem rerum copulat, quem solum cogitare intelligentia potest, cuique simul vniuersus mundus sensibilis, cum eoque exsistentia hominis empirice determinabilis in tempore totumque finium omnium (quod solum legibus eiusmodi absolutis practicis, qualis lex moralis est, consentaneum videtur,) subiecta tenentur. Nihil est aliud nisi *personalitas*, hoc est, liber-

tas vacuitasque ab omni mechanismo vniuersae naturae, simul tamen qua facultas spectata naturae, quae propriis, quippe per suam ipsius rationem propositis, legibus puris practicis, proinde persona, qua pertinet ad mundum sensibilem, suae ipsius personalitati subiecta est, quatenus ea simul ad mundum intelligibilem pertinet; vbi tum haud mirum erit, si homo, qua mundi pars vtriusque, suam ipsius essentiam, respectu destinationis suae alterius ac summae, non nisi cum reuerentia, legesque illius summa debet suspitione considerare.

In hac autem origine vocabula constituta videntur, quae dignitatem pretiumque rerum obiectarum ex ideis moralibus denotant. Lex moralis est *sancta* (inviolabilis). Satis quidem profanus homo est, sed *humani genus* quoad personam ei sanctum esse debet. In vniuersa rerum creaturarum natura, quidquid volueris, et cuiuscumque potestatem habueris, solum quoque *qua adiumentum* adhiberi potest; solus homo, cum eoque quaeque natura ratioque, *finis est per se ipse*. Est is nimirum subiectum legis moralis, qua sancta est, vi autonomiae libertatis suae. Propter hanc ipsam quaeque voluntas, vel cuique personae propria, voluntas in se ipsam intenta, ad conditiones adstricta est conuenientiae cum *autonomia* naturae rationisque, eam scilicet nulli fini subiiciendi, quae fieri non possit secundum legem, quae ex voluntate queat ipsius subiecti perpetientis oriri; proinde hoc numquam solum qua instrumento, sed simul qua *sine ipso* vtendi. Atque hanc conditionem vel voluntati diuinae, respectu naturarum in mundo rationalium, qua rerum creaturarum illius, iure tribuimus, propterea quod ea posita est in *personalitate* illarum, qua sola *ae fines* sunt per se ipsae.

Hae idea personalitatis obseruantiam excitans, quam excellentia naturae nostrae (secundum destinationem illius) nobis ob oculos ponit, dum ea nobis simul defectum conuenientiae vitae nostrae respectu illius conspiciendum ostendit, eoque arrogantiam prostermit, ipsa est rationi humanae vulgarissimae naturalis, ab eaque facile potest ani-

inaduerti. Nonne quisque vel mediocriter probus nunquam inuenit, se mendacium alioquin innoxium, quo vel se ipsum posset, ex molesto quodam negotio expedire, aut adeo amico cuidam adamato beneque merito commodum adferre, solum propterea omisisse, ne secreto se in oculis suis contemnere deberet? Nonne probum hominem in summa calamitate vitae, quam euitare posset, si officium defereret, conscientia erigit, se genus humanum in persona sua tamen in eius dignitate et conseruasse, et obseruasse, ita, vt non habeat, cur pudore suffundatur, internumque explorandi sui ipsius conspectum fugiat atque aueretur? Hoc solatium non felicitas est, neque pars minima illius. Neque enim quisquam occasionem illius, fortasse etiam ne vitam quidem in eiusmodi temporibus, exoptabit. Verum viuit, nec ferre potest, ex sua ipsius sententia indignum vita videri. Ergo haec interna tranquillatio solum negatiua est, respectu eorum omnium, quibus vita potest iucunda reddi; ea scilicet cernitur in arcendo periculo, dignitate personali decrescendi, posteaquam de pretio conditionis suae penitus desperasset. Est ea porro effectio obseruantiae erga quidpiam longe aliud, quam vitam quo cum comparata collataque, vita potius, cum omni iucunditate sua, omni omnino carete pretio videtur. Viuit propter officium, non quoniam vita delectatur.

Sic elater rationis purae practicae comparatus videtur; is in nulla re alia versatur, nisi in ipsa lege pura morali, quatenus ea nobis excellentiam existientiae suprasensibilis nostrae sentiendam praebet, subiectiueque in hominibus, existientiae suae sensibilis cum eaque coniunctae dependentiae ab natura sua, eatenus pathologice adfecta, simul consciis, obseruantiam efficit altioris suae destinationis. Iam cum hoc elatere tot inuitamenta possunt vitaeque iucunditates coniungi, vt etiam earum causa iam solum sapientissimae optio *Epicurari* prudentis, de summaque vitae salute meditantis ad partes obsequii morales accederet, et poterit quoque e re esse, hunc prospectum in laetam vitae fruitionem cum summo illo et per se iam solo idonee determinante

momento coniungi; verum modo, ut inuitamenti ab vitio ex parte contraria ostensis obsistatur, non vero, ut propria vis mouens, ne ex minora parte quidem, in eo ponatur, si sermo de officio sit. Id enim idem foret, ac mentem moralem in fonte illius contaminare velle. Nihil quidquam negotii est dignitati officii cum fruitione vitae; ea legem habet propriam, etiamque proprium forum, et, etiamsi antea quantumvis concusseris, ut ea mixta, quasi quaedam remedia, aegrotanti animo propinentur, tamen continuo sponte separantur, quod, si haud fiat, prior minime efficit, etiamsi aut vita physica ea re vires recuperaret, tamen vita moralis necessaria extabesceret.

### DISQUISITIO CRITICA ANALYTICES RATIONIS PVRAE PRACTICAE.

Disquisitionem criticam cuiuspiam scientiae, sectionis illius, per sese systema constituentis, inuestigationem dico deductionemque, quare ea hanc ipsam debeat et nullam aliam formam systematicam habere, comparatam cum systemate alio, in simili cognoscendi facultate constituto. Atqui ratio practica cum contemplatiua in eadem cognoscendi facultate constituta est, quatenus utraque *ratio pura* videtur. Ergo discrimen formae systematicae vnius a forma alterius, utraque comparata debet determinari ratioque alius adferri.

Analytice rationis purae theoreticae in cognitione rerum obiectarum occupata erat, quae possint intelligentiae proponi, et proinde a *visione*, proinde (quoniam haec semper sensitua est,) a facultate sentiendi debebat proficisci, inde vero demum ad conceptus (rerum huic visioni subiectarum) progredi, neque, nisi ambabus praenissis, in *principiis* illi licebat finiri. Contra, quoniam ratio practica haud in *cognoscendis* rebus obiectis versatur, sed in sua ipsius facultate, illas (cognitioni earum conuenienter) *producendi*, id est, in *voluntate*, quae genus est causalitatis, quatenus

ratio continet earum determinandarum rationem, cum proinde nullam rem visioni obnoxiam, sed (quoniam conceptus causalitatis semper relationem in se cohibet ad legem quampiam, quae existentiam variorum determinat in relatione ad se inuicem) qua ratio practica *tantummodo* eius legem monstrare debet: critica *analytica* illius, quatenus ratio esse practica debet, (in quo quidem propria quaestio versatur,) a *possibilitate*, oportebit, *principiorum practico-rum ex anticipatione* instituire. Inde ea solum ad *conceptus* rerum rationi practicae propositarum, nempe absolute boni malique pergere poterat, vt eos decretis illis conuenienter demum proponeret (illi enim ante principia illa qua boni malique nulla omnino possunt cognoscendi facultate proponi,) et duntaxat tum demum caput vltimum, de adfectione rationis purae practicae ad facultatem sensitivam eiusque contagione necessaria, ex anticipatione cognoscenda, ad eam, id est, de *tactu morali*, partem concludere poterat. Atque ita analytice rationis purae practicae prorsus ad analogiam cum ratione theoretica vniuersam compagem omnium vsus illius conditionum, sed ordine inuerso, particbatur. Analytice rationis purae theoreticae in aestheticam transcendentelem et logicam transcendentalem diuidebatur, sed analytice rationis practicae vice versa in logicam et aestheticen rationis purae practicae, (si liceat, his verbis, alioquin minime congruis, solius analogias causa, hoc loco vti,) logica vicissim in analyticam conceptuum et logicam decretorum, sed hoc loco in analyticam principiorum et conceptuum. Aesthetice illic praeterea partes duas habebat, propter duplex genus visionis sensitivae; sed hic facultas sensitiva minime qua facultas videndi siue intuitiva, sed solum qua tactus (qui ratio subiectiva potest concupiscendi esse) consideratur, et respectu huius ratio pura practica nullam admittit diuisionem vltiorem.

Iam, quod dichotomia illa cum subdiviisione haud reapse (vti fere initio possis exemplo priori ad id conandum adduci) hoc loco fieret, ratio facile poterit perspicui. Etenim

quoniam *ratio pura* est, quae hoc loco, quoad usum practicum, proinde a principiis ex anticipatione, nec vero a rationibus determinantibus empiricis proficiscens, sub contemplationem cadit: diuisio analytices rationis purae practicae ad similitudinem diuisionis ratiocinationis fieri debet, nempe ab vniuersali in *propositione* (principio morali), per adsumptionem actionum possibilium qua bonarum malarumque, in *enunciatione minori* factam, ad *conclusionem*, nempe rationem determinandae voluntatis subiectiuam (inuitamentum boni practice possibilis in eoque constitutae regulae subiectiuae) progredientis. Is, qui de enunciatis in analytica obuiis sibi potuit persuadere, eiusmodi comparationibus delectabitur; eae enim iure expectationem mouent, fore, vt fortasse perspicientia vnitatis vniuersae facultatis rationalis purae (tam theoreticae, quam practicae) attingi possit, omniaque ex vno principio deriuari queant; in quo quidem necessitas inest inuitabilis rationis humanae, quae solum in absoluta vnitatem systematicam cognitionum suarum omnino adquiescit.

Quodsi autem nunc etiam complexum cognitionis, quae nobis de ratione pura practica, per eamque, esse poterit, consideremus, vt illum analytice proponit, inuenimus, in maxima illius et theoreticae similitudine, non minus diuersitates grauissimas videri. Respectu theoreticae *facultatis cognoscendi rationalis purae ex anticipatione* per exempla posset ex partibus scientiae (in quibus, cum principia sua multifariam per usum methodicum explorent, non tam facile, quam in cognitione vulgari, occulta erit empiricarum cognoscendi rationum admixtio metuenda videtur) facillime euidenterque cuinci. Verum rationem puram, nulla quapiam admixta ratione determinante empirica, per se solam etiam practicam esse; e *vulgarissimo rationis usu practico* oportebat posse probari, dum summum principium practicum, quae tale, quod quaeque humana ratio naturalis, qua prorsus ex anticipatione ab nullis datis sensibus obnoxiis pendens, pro summâ voluntatis lege agnitum, confirmamus. Illud primo, quoad puritatem originis,

in ipso *huiusce communis rationis indicio* probari oportebat ac deduci, antequam illo scientia posset uti, quasi factum aliquod, quod omnem argutationem de possibilitate eius vniuersisque consequentibus, quae inde duci possent, anteccedat. Verum ea res facile poterit ex iis, quae modo attulimus, explicari; propterea, quod ratio practica necessario debet a decretis atque principiis proficisci, quae proinde cuique scientiae, qua data prima debent constitui, neque ex ea demum possunt oriri. Quae quidem principiorum, ut rationis purae decretorum, deductio, etiam propterea commode poterat, satisque certo, per solam ad iudicium intelligentiae humanae communis prouocationem fieri, quoniam vniuersum empiricum, quod qua ratio voluntatis determinandae in nostras regulas subiectiuas fortasse irreperet, per tactum voluptatis dolorisue, ei, quatenus appetitum excitat, necessario adhaerentem, continuo se se *offendit*, huic autem illa ratio pura practica directo, obfistit, secus atque eum in principium suum, qua conditionem excipere. Dissimilitudo rationum determinantium (empiricarum et rationalium) hoc renisu rationis practicae legislatoriae, contra omnem inclinationem se immiscentem, peculiari *sensationis* genere, quod vero legislationem rationis practicae non antecedit, sed potius per eam solam et quidem ut coactio efficitur, nempe per tactum obseruantiae, cuiusmodi nemo homo erga inclinationes, cuiuscunque generis sint, sed sane erga legem, habet, ita distinguitur, ut intelligentia humana vel vnius de multis, in exemplo proposito statim animaduertat, rationibus volendi empiricis sibi quidem consuli incitamenta illius sequatur, numquam autem alii, nisi solum legi purae practicae rationis, ut *obediat*, ab eo postulari posse.

Iam distinctio *doctrinae felicitatis*, quae tota est in principiis empiricis constituta, et *doctrinae morum*, quae prorsus libera est ab eiusmodi principiis, praecipuum grauissimumque opus est, quod analyticae rationis purae practicae propositum videtur, quodque ea tanta *diligentia curaque*, quanta vniquam rem suam geometra, debet tractare.

Verum philosopho, cui hic (vti semper in cognitione rationali per solos conceptus, sine eorum constructione) cum grauioribus difficultatibus conflictandum est, quoniam nullam visionem potest (puro noumeno) constituere, tamen etiam conducit, quod, fere quemadmodum chemicus, semper in cuiusque hominis ratione potest experimentum instituire, vt rationem determinantem moralem (puram) ab empirica discernat; si scilicet ad voluntatem empirice adfectam (veluti eius, qui aueret mentiri, quo ea re quidpiam possit sibi comparare) legem moralem (vt rationem determinantem) addat. Perinde est, ac si chemicus solutioni calcis in spiritu salis alcali adiecit; spiritus continuo, calce relicta, cum alcali coniungitur, et calx praecipitatur. Pariter ei, qui alioquin non est vir probus, (vel se nunc modo mente in locum probi hominis collocat) legem moralem ostendas, in qua nequitiam cognoscit hominis mentientis, statim ratio eius practica (in iudicio de eo quid fieri debeat) vtilitatem mittit, coniungiturque cum eo, quod ei obseruantiam seruat personae propriae (veracitatis), vtilitasque nunc a quouis, ab omnibus, quae rationi adhaercent, separata totaque, ponderatur, vt cum ratione aliis fere temporibus coniungatur, non vero, cum legi morali, quam numquam ratio deserit, sed arctissime cum ea sese coniungit, poterit aduersari.

Verum haec *distinctio* principii felicitatis et moralitatis, propterea non est statim vtriusque *disiunctio*, ratioque pura practica non vult, felicitatem *mittere*, sed modo, simul ac de officio agatur, eam non *spectari* debere. Atque etiam certo respectu esse in officio poterit, vt felicitatem tuam cures; partim quoniam ea (quae habilitatem, bonam valetudinem, diuitias complectitur) adiumenta in se continet officii faciendi, partim quoniam carentia illius (veluti egestas) occasiones in se cohibet officii deferendi. Tantummodo proxime non esse in officio potest, nullo minus in principijs cuiusque officij, vt felicitatem tuam promoveas. Cum igitur omnes determinandae voluntatis rationes, si ab sola lege pura practica rationali (moralis) discefferis,



cunctae empiricae sint, qua tales ergo ad principium pertineant felicitatis, vniuersae sunt ab summo principio morali seiungendae, neque vnquam ei qua conditio inferendae, propterea quod eo omnis dignitas moralis perinde, atque admixtione empirica ad decreta geometrica, vniuersa euidencia mathematica, de qua vnice (ex Platonis sententia) mathesi quaeque ipsa omnem antecellit vtilitatem vilius, gratulandum videtur, tolleretur.

Pro deductione summi principii rationis purae practicae, id est, explicatione possibilitatis eiusmodi cognitionis ex anticipatione, nihil poterat amplius adduci, quam, si possibilitatem perspiceres libertatis causae efficientis, etiam haud fere solum possibilitatem, sed adeo necessitatem legis moralis, vt legis summae practicae naturalium rationalium, quibus libertas causalitatis attribuitur voluntatis, perspectum iri; quoniam ambo conceptus tam arcte coniuncti sunt, vt libertatem practicae etiam per vacuitatem voluntatis ab omni alia, sola lege excepta morali, posses definire. Sed libertas causae agentis, praesertim in mundo sensibili nullo modo potest quoad possibilitatem perspicere; praeclareque nobiscum actum videtur, si modo fieri queamus satis certiores, nullum argumentum impossibilitatis illius locum habere, et nunc, per legem moralem, quae eam postulat, coacti, eo ipso quoque nobis potestas fiat eius sumendae. Interim quoniam etiamnum multi sunt, qui putent, eam libertatem, quemadmodum quamque aliam facultatem physicam, posse ex principiis empiricis explicari, eamque vt proprietatem *psychologicam* considerent, cuius enodatio tantummodo in diligentiori inuestigatione posita sit *naturae animorum* elaterisque voluntatis, non vero vt praedicatum causalitatis naturae, ad mundum sensibilem pertinentis, *transcendentale*, (quod hic tamen reapse solum agitur), atque ita praeclaram illam manifestationem, quae nobis fit per rationem puram practicam interuentu legis moralis, nempe manifestationem mundi intelligibilis, conceptu, alioquin transcendentis, libertatis ad effectum perducendo eoque legem ipsam moralem, quae

omnem prorsus rationem determinantem empiricam repudiat, tollant; opus erit, ut quaedam hoc loco in medium proferamus, quo contra fucum istum nosmet muniamus, atque *empirismum* in vniuersa tenuitate sua ostendamus.

Conceptus *causalitatis*, qua *necessitatis physicae*, diuersae ab ea causalitatis forma, quae *libertas* vocatur, attingit tantummodo existentiam rerum, quatenus eae in *tempore determinabiles* sunt, proinde qua phaenomenorum, quorum contraria est causalitas, qua rerum per se ipsarum. Quodsi igitur determinationes existentiae rerum sumantur pro determinationibus rerum per se ipsarum (quae vltimissima est repraesentandi ratio,) necessitas in relatione causali nullo modo poterit cum libertate coniungi; sed eae potius sibi inuicem ex disiunctis contrariae videntur. Ex illa enim superiori sequitur, quodque euentum, proinde quoque quamque actionem, quod in quodam temporis articulo sit, sub conditione eius, quod fuit in tempore antegresso, necessarium esse. Cum autem tempus praeteritum haud amplius sit in mea potestate, cogitur, ut quaeque, quam exfero, actio, per rationes determinantes, quae haud penes me fuit, necessaria sit, id est, in illo temporis articulo, quo ago, numquam liber sum. Quid? quod, etiamsi totam existentiam meam haud pendere fuinerem ab vlla quapiam causa aliena (fere ab deo), ita ut rationes causalitatis meae determinandae, vel totius existentiae meae, omnino haud extra me forent: tamen eo necessitas illa physica minime in libertatem verteretur. Etenim in quoque temporis articulo nihilominus semper subsistit necessitati, ut per id videar ad agendum determinatus, quod non est in mea potestate, eaque euentorum series a parte priori infinita, quam semper duntaxat, secundum ordinem ante iam determinatum, continuarem, nusquam vero sponte inciperem, continua foret catena physica, proinde causalitas mea nunquam in libertate esset futura.

Si igitur naturae, cuius existentia in tempore determinata est, tribuere libertatem velis: eam, eatenus certe, ab lege necessitatis physicae omnium euentuum non poteris

in existentia eius, nec proinde in actionibus, liberare; id enim idem foret, atque eam casui fortuito tradere. Cum vero haec lex necessario vniuersam rerum causalitatem, quatenus *existentia earum in tempore determinabilis est*, attingat, sequetur, vt, si ad eam et *existentia harum rerum per se ipsarum* cogitari deberet, libertas, vt vanus atque impossibilis conceptus reiiciendus videretur. Ergo, si eam seruari velis, nihil relinquitur, nisi, vt existentia rei cuiuspiam, quatenus ea in tempore determinabilis est, proinde quoque causalitas secundum legem *necessitatis physicae, solum phaenomeno, libertas vero eidem naturae, qua rei per se ipsi*, attribuitur. Sic sane euitari non potest, si ambo conceptus sibi inuicem contrarios simul velis seruare; verum in vsu, cum eos vt in vna eademque actione coniunctos, ideoque hanc coniunctionem ipsam voles explicare, permagnae tamen difficultates emergunt, quibus fieri non posse eiusmodi coniunctio videatur.

Cum de homine, qui furtum comuniferit, dico, eam actionem factam secundum legem physicam causalitatis ex rationibus determinantibus temporis antegressi euentum necessarium esse, tum fieri non potuit, vt ea actio posset omitti; qui fit, vt diiudicatio ex lege morali in eo mutationem pariat, eamque nihilominus sumat potuisse omitti, propterea quoniam eam lex ait omitti debuisse, id est, qui poterit is, in eodem temporis articulo, respectu ad eam actionem habito, prorsus liber vocari, in quo, eodemque respectu habito, tamen subest necessitati physicae ineuitabili? Quodsi eo effugium quaeras, vt solum genus rationis determinandae causalitatis secundum legem physicam conceptui libertatis *comparatio* aptes atque accommodes, (secundum quem id nonnumquam esse in effectione libera dicitur, cuius determinandae ratio physica *interne* in natura agente inest, velut id, quod corpus iactum agit, cum in motu libero est, vbi vocabulum libertatis vsurpatur, quoniam illud, dum volat, haud extrinsecus ab re quapiam impellitur, aut, quemadmodum motum horologii itidem motum liberum dicimus, quoniam id ipsum iudicem pellit,

non extrinsecus pelli oportet, itidem actiones hominum, quamquam eae, per rationes determinantes, quae in tempore antecedunt, necessariae sunt, nihilominus liberae dicuntur, quoniam in internis per vires nostras proprias productis repraesentationibus, iisque per temporum occasionem generatis cupiditatibus proinde in actionibus pro nostra lubricitate effectis versantur,) miserum remedium est, quo etiam nunc quidam sibi patiuntur imponi, atque ita difficilem quaestionem illam minutis verborum tricis sese putant soluisse, in cuius solutione tot millia annorum, frustra defudarunt, quae proinde difficultas in superficie inuenietur. Scilicet in quaerenda inuestigandaque libertate illa, quae vniuersis legibus moralibus, imputationique iis consentaneae constituenda est, minime id agitur, vtrum causalitas ad legem physicam determinata, per rationes determinantes in subiecto, an *extra* illud sitas, et si in subiecto insint, vtrum impetu animali an cum ratione cogitatis rationibus determinantibus necessaria sit; quod si hae repraesentationes determinantes ex ipsa confessione eorumdem hominum, rationem existantiae in tempore et quidem in *statu pristino* habent, hic vero vicissim in statu quodam antegresso et sic porro, eae determinationes poterunt fere internae esse, causalitatemque habere psychologicam non vero mechanicam, id est, per repraesentationes, non vero per motum corporeum, actionem producere, tamen eae rationes sunt determinandae causalitatis naturae cuiuspiam, quatenus eius existantia in tempore determinabilis est, proinde sub conditionibus cogentibus temporis praeteriti, quae proinde, si agere subiectum debeat, *non amplius sunt in eius potestate*, quae ideo libertatem quidem psychologicam, (si hoc verbo de concatenatione repraesentationum animae solum interna vtere,) sed tamen necessitatem physicam in se continent, proinde nullam *libertatem transcendentalem* reliquam faciunt, quae ut vacuitas ab omni empirico ideoque de natura in vniuersum cogitari debet, siue ea qua res sensui interno subiecta, in solo tempore, siue etiam ut externis sensibus obnoxia, in spatio et tempore simul consideretur, sine qua libertate, quae sola practica est ex anti-

cupatione, nulla lex moralis esse potest, nullaque ex ea imputatio. Ob eam ipsam causam quaeque necessitas physica euentorum in tempore secundum legem physicam causalitatis, poterit *mechanismus* naturae vocari, quamquam eo haud intelligimus, res illi subiectas veras esse *machinas* materiales oportere. Hic solum necessitas coniunctionis euentorum in serie temporis, uti se ad legem physicam euoluit, spectatur, siue subiectum, in quo sit ille decursus, automaton materiale adpelles, cum machina per materiam pellitur, siue cum Leibnitio automaton spirituale dicas, cum ea per repraesentationes agitatur, et, si libertas voluntatis nostrae nulla alia quam haec spiritualis foret, (forte psychologica et comparatiua, non transcendentalis, id est, absoluta simul), ea reapse nihil melius esset, quam libertas verticilli frixorii, quod etiam, semel intentum, motus suos ipsum edit.

Vt igitur repugnantia putatitia mechanisimi physici libertatisque in vna eademque actione exemplo proposito tollatur, ea in memoriam reuocanda videntur, quae in critica rationis purae dicta sunt, aut inde sequuntur: necessitatem physicam, quae non potest cum libertate subiecti constare, solis determinationibus adhaerere illius rei, quae determinationibus chronicis subest, proinde solum determinationibus subiecti agentis qua phaenomeni, proinde catenus rationes cuiusque actionis determinandae illius in eo inesse, quod ad tempus pertinet praeterlapsum, *neque amplius in eius potestate* est, (quo etiam actiones eius iam patratae, characterque illi eo determinabilis ex ipsius sententia, qua phaenomeni, numerari debebunt). Verum idem subiectum, quod ex altera parte sui, ut rei per se ipsius, conscium est, etiam exsistentiam suam contempletur, *quatenus haud subest determinationibus chronicis*, se ipsum autem duntaxat qua per leges determinabile, quas sibi ipsum per rationem praecipit, in eaque exsistentia sua sibi nihil est determinationem voluntatis antegressum, sed quaeque actio, omninoque quacuis exsistentiae suae determinatio sensui interno congruenter succedens, ipsa vniuersa con-

secutio serierum existentiae suae, qua rei sensibilis, in conscientia existentiae suae intelligibilis nihil est nisi consecutio, nunquam vero ut ratio causalitatis suae, qua *noimēni*, determinandae spectanda videtur. Quo quidem respectu natura ratioque, de vnaquaque actione legibus contraria, quam exserit, etli ea, qua phaenomenon, in praeterito satis determinata, atque eatenus absolute necessaria sit, iure dicere potest, se eam potuisse omittere; siquidem ea, cum omnibus, quibus ea determinatur, praeteritis, ad vnum quodpiam phaenomenon pertinet characteris ipsius, quem sibi ipse comparat, et secundum quem sibi, ut causae ab omni sensu liberae, causalitatem phaenomenorum illorum ipse imputat.

Cum quo quidem sententiae accurate consentiunt mirae illius in nobis facultatis, quam conscientiam adpellamus. Quantumvis homo laboret, ut actionem legi contrariam, cuius ei animum in memoria subit, ut peccatum inuoluntarium sibi depingat, utque meram temeritatem et inconsiderantiam, quae nunquam prorsus queat euitari, proinde ut quidpiam, ad quod flumine necessitatis physicae fuerit abreptus, seque ea de re culpa vacare iudicet, tamen videbit, patronum causae, a quo defenditur, nullo modo posse, ut, quem in se persensit, accusator obmutescat, efficere, si sibi conscius est, se illo tempore, quo malum perpetraret, sensibus valuisse, id est, in usu libertatis suae fuisse, et nihilominus peccatum suum *explicit* ex prava quadam consuetudine, subinde sibi ex neglecta ad se ipsum attentione, usque eo, ut, qua consequens naturale spectare illud possit, ita tamen, ut eo nequeat contra sui ipsius reprehensionem vituperiumque munire, quod ipse sibi exprobrat. In quo etiam constituta est poenitentia de actione dudum perpetrata, quoties illius meminerit; quae quidem angens est, inenteque morali effecta sensatio, eatenus quidem practice vacua atque inanis, quatenus ea haud effici poterit, ut factum infectum fiat, atque adeo, (v*ti Priestleius*, genuinus, quique sibi constat *fatalismi* patronus, eam quoque sic iudicat, et ob quam confessionem inge-

nuam maiori adprobatione dignus videtur iis, qui, dum mechanifinum voluntatis re ipfa, fed libertatem eius oratione adfeuerant, etiamnum volunt videri, eam fe in fyftemate fyneretifico includere, cum tamen haud poffibilitatem doceant eiusmodi imputationis,) verum, qua dolor, tamen admodum iuffa foret, eo quod ratio, fi de lege agitur exiffentiae intelligibilis noftrae (morali), nullum difcrimen agnofcit, fed modo quaerit, an euentum ad me qua factum pertineat, tum autem eundem femper fenfum cum ea moraliter copulat, fiue nunc ea quidem fiat, fiue dudum facta videatur. Namque *vita fenfibilis* ratione confcientiae *intelligibilis* exiffentiae fuae (libertatis) abfolutam vnitatem phaenomeni habet, quod, quatenus folum phaenomena mentis, legem moralem attingentis, (characteris) continet, non fecundum neceffitatem phyficam, quae illi qua phaenomeno competit, fed fecundum fpontaneitatem libertatis abfolutam diiudicari debet. Igitur concedi poteft, fi nobis fieri poffit, vt in mente hominis, vti ea fe per actiones cum internas tum externas prodit, tam profunde penetremus, vt vel minimus quisque elater nobis pateret, omnesque ad hunc occafiones agentes externae, actionem hominis futuram certo, velut eclipfin lunae folisue, computando poffe praedici, et nihilominus tamen adferi, hominem liberum effe. Nimirum fi alius adhuc adfpectus, (qui vero nobis fane neutiquam datus eft, fed cuius loco nobis eft conceptus rationalis) nempe vifionis intellectualis eiusdem fubiekti capaces effemus, tamen animaduverteremus, hanc totam phaenomenorum catenam, refpectu eorum, quae vniquam poterunt ad legem moralem pertinere, a fpontaneitate fubiekti, qua rei per fe ipfius, pendere, cuius de determinatione nulla prorfus poteft enodatio, phyfica proponi. Qua quidem vifione cum careamus, lex moralis nobis difcrimen confirmat relationis actionum noftrarum, qua phaenomenorum, ad naturam fenfibilem fubiekti noftri, ab ea, qua haec ipfa natura fenfibilis ad fubftratum intelligibile in nobis refertur. — Quo quidem refpectu, rationi noftrae naturali, quamquam inenodabili, iudicia defendi poffunt, cum omni religione

lata, quae tamen prima specie cum vniuersa aequitate pugnare videntur. Videmus subinde homines a pueris, vel sub ipsa eadem educatione, quae aliis prodesset, tamen tam mature malitiam ostendere, atque sic ad aetatem virilem in ea crescere, vt natos eos scelestos putes, omninoque animo incorrigibili esse, nihilominus tamen eos de actionibus eorum itidem iudices, crimina iis pariter culpae tribuas, quin ipsi (pueri) eas reprehensiones ita prorsus iustas intelligant, ac si, non habita ratione desperatae animi conditionis, perinde culpa teneantur, ac quisque alius homo. Id quod fieri non posset, nisi sumeremus, omnia, quae ex eius arbitrio oriuntur, (quemadmodum sine dubio quaeque actio de industria patrata) in causalitate libera constituta esse, quae in aetate tenera characterem eorum, in phaenomenis (actionibus) exprimat, quae ob similitudinem actionum contextum physicum ostendunt, quo vero mala voluntatis conditio haud necessaria redditur, sed potius consequentia est principiorum malorum et immutabilitum sponte adoptatorum, quibus eo peior fit poenaeque dignior.

Verum et alia difficultas libertati officit, quatenus ea cum mechanismo physico debet in natura, quae ad mundum sensibilem pertinet, coniungi. Quae quidem difficultas, vel vniuersis iis, quae hactenus disputata sunt, concessis, libertati interitum minatur. In quo quidem discrimine ex re quadam simul spes effulget, exitus obtinendae libertatis felicitis, scilicet, quod eadem difficultate multo grauius (reuera, vti mox videbimus, sola) syllema premittitur, in quo existentia in tempore spatioque determinabilis pro existentia rerum per se ipsarum habetur, eaque nos proinde non cogit, vt functionem principem nostram de idealitate temporis, qua solius formae visionum sensitiviarum, proinde qua merae repraesentandi rationis, subiecto qua ad mundum sensibilem pertinenti propriae, mittamus, ideoque duntaxat postulat, vt eam cum hac idea coniungamus.

Quippe si nobis etiam concedatur, subiectum intelligibile respectu actionis cuiuspiam datae adhuc esse liberum



posse, quanquam illud qua subiectum, quod etiam pertinet ad mundum sensibilem, respectu eius mechanice conditione adstrictum tenetur, tamen, simulatque sumseris *deum*, qua causam primam vniuersalem, cum etiam *causam* esse *existentiae substantiarum* (quod enunciatum non debet mitti, nisi conceptus dei qua naturae omnium naturarum, cum eoque sufficientia eius ad vniuersa tuenda idonea, in qua omnia vertuntur in theologia, simul mittatur) concedi videtur oportere. Actiones hominum rationem determinantem habent in eo, *quod prorsus est extra potestatem illorum*, nimirum in causalitate entis summi ab se diuersi, a quo existentia hominis totaque causalitatis eius determinatio pendet. Quodsi actiones hominis, ita uti cae ad determinationes eius pertinent in tempore, haud solae forent determinationes illius qua phaenomeni, sed qua rei per se ipsius, tum profecto libertas haud esset seruanda. Quippe homo pupa foret mobilis, aut automaton Vaucansonianum, dolatum atque intentum a summo omnium operum artis fabricatore, quod quidem per sui ipsius conscientiam automaton cogitans redderetur, in quo vero conscientia spontaneitatis, si pro libertate habetur, mera illusio foret, siquidem ea solum comparative sic dici meretur, siquidem causae proximae determinandi motus illius, longaque illarum series sursum ad causas determinantes, interne quidem sunt, vltima vero et summa tamen prorsus in manu aliena deprehenditur. Idcirco haud intelligo, quomodo, qui etiamnum tempus spatiumque in determinationibus obstatine ponunt, ad existentiam rerum per se ipsarum pertinentibus, hic velint fatalitatem actionum vitare, aut, si tam recta (quod Moses Mendelii fecit, vir alioquin acutissimus) vtrunque modo qua conditiones ad existentiam naturarum finitarum ac deriuatarum, non vero ad existentiam entis originarii infiniti necessarias concedunt, quomodo se defendant, vnde sibi potestas sit eiusmodi discriminis statuendi, quomodo adeo velint effugere repugnantiam, in quam incurrunt, cum existentiam in tempore qua rebus finitis per se necessario adhaerentem determinationem accipiunt, cum deus huius existentiae causa sit,

verum tamen is haud causa ipsius temporis (spatiiue) esse possit, (siquidem hoc vt conditio necessaria ex anticipatione positum esse debet ante existentiam rerum,) eius proinde causalitas ratione existentiae earum rerum, quoad tempus ipsum, conditione, oporteat, adstricta sit, in quo quidem euitari non poterit, quin cunctae contra conceptus insinuitatis eius et independentiae emergant. Contra nos facillime possumus determinationem existentiae diuinæ, vt liberam ab vniuersis determinationibus temporis, quo ea quippe ab natura differt mundi sensibilis, qua *existentiam entis per se ipsius*, ab existentia *rei in phaenomeno* distinguere. Quamobrem, idealitate illa temporis spatiiue haud admissa, solus relinquitur modo *Spinozismus*, in quo spatium tempusque determinationes essentiales sunt ipsius entis originarii, quae vero ex eo pendent, res (proinde nos quoque ipsi) non substantiae, sed solum accidentia illi inhaerentia videntur; quoniam, si hae res, duutaxat, vt eius effecta, *in tempore* essent, quod conditio foret earum existentiae per se, etiam actiones harum naturarum solum actiones esse illius oporteret, quas is alicubi et aliquando exfereret. Quocirca Spinozismus, quamuis eius idea constitutiva absurda sit, tamen longe accuratius concludit, quam fieri ex theoria creationis possit, si *naturae* pro substantiis acceptae et *per se in tempore exstantes* effecta reputantur causae cuiuspiam supremæ, neque tamen simul ad eam eiusque actionem, sed per se vt substantiae considerantur.

Sed illarum difficultatum solutio, breuiter euidenterque, hoc modo efficitur: si existentia *in tempore* mera sit repraesentatio sensitiua naturarum cogitantium in mundo, proinde eas, qua res per se ipsas, haud attingat: creatio earum naturarum erit creatio rerum per se ipsarum; propterea quod conceptus creationis non ad repraesentationem existentiae sensitiuam neque ad causalitatem pertinet, sed tantummodo ad noumena potest referri. Ergo, cum naturas in mundo sensibili esse creatas dico; eas cateuus qua noumena considero. Quemadmodum autem pugnaret, dici, deum esse creatorem phaenomenorum, sic etiam

pugnabit, dici, eum, qua creatorem, esse causam actionum in mundo sensibili, proinde qua phaenomenorum, etsi causa sit existentiae naturarum agentium (qua noumenorum). Quodsi igitur fieri possit (modo existentiam in tempore accipiamus pro eo, quod solum de phaenomenis valeat, non vero de rebus per se ipsis,) vt libertas, saluo mechanismo physico actionum quae phaenomenorum, obtineatur, non poterit eo, quod naturae agentes res creatae sunt, quodquam ea in re mutari, siquidem creatio existentiam earum intelligibilem, non vero sensibilem attinet, nec proinde poterit vt ratio determinandorum phaenomenorum spectari; quod vero longe secus casurum foret, si naturae mundanae qua res per se ipsae *in tempore* existerent, cum creator substantiae simul auctor foret vniuersi in ea substantia mechanisimi.

Tanti momenti est in critice rationis purae contemplativae facta temporis (perinde ac spatii) ab existentia rerum per se ipsarum separatio!

At vero dices, quae hoc loco proposita fuit, solutioni difficultatis multa tamen obscuritas inest, eaque vix capax est expositionis clarioris. Verum quaero, anne quaeque alia, quae tentata est, vel tentari possit, facilius erit et dilucidior? Potius dici posset, doctores metaphysices dogmaticos magis versutiam suam quam sinceritatem in eo ostendisse, quod hocce caput lubricum atque anceps, quoad eius fieri posset, ex oculis remouerent, sperantes, fore, vt, si illud tacerent, fere etiam nemo facile de eo cogitet. Si cui scientiae debeat succurri, omnes, oportebit, difficultates *aperiri* atque etiam illas *conquiri*, quae ei quam occultissime officiunt; quaeque enim earum excitat remedium, quod haud queat inueniri, nisi scientiae quidpiam ei accedat, siue quoad ambitum atque compagem, siue respectu perspicuitatis euidetiaeque, quo proinde ipso impediamenta in adiumenta vertuntur doctae subtilitatis scientiae. Contra difficultates, si de industria celerentur, vel solum remediis tollantur infirmis, quae malum occultent quidem, non vero funditus exstirpent, aliquando

in mala erumpent, quibus nihil quidquam inderi possit, scientiaque tota in scepticismum praecipitata corrui videatur.

\* \* \*

Cum proprie conceptus libertatis vnus omnium idearum rationis purae contemplatiuae tantam in campo suprasensibilium amplificationem, quamuis solum respectu cognitionis practicae, pariat, memet ipsum interrogo: *unde nam tantam libertatem praeter ceteris solus nactus videatur*, cum tamen reliqui quidem locum vacuum designent puris, quae esse possint, entibus rationis, sed conceptum illorum nulla possint re determinare. Facile intelligo, cum nequeam quidpiam cogitare sine categoria, hanc quoque in idea rationis de libertate, in qua occupatus teneor, primo anquirendam esse, quae hoc loco in categoria cernitur *causalitatis*, atque, etsi *conceptui* libertatis *rationali*, qua conceptui transcendenti, nulla possit, quae illi respondeat, visio supponi, tamen *conceptui* (causalitatis) *intellectuali*, ad cuius synthesein ille absolutum postulat, ante, necesse sit, visio sensitiua proponi, qua illi primum de realitate obiectiua caueatur. Atqui omnes categoriae in duas distributae classes sunt, nimirum in *mathematicam*, quae solum spectant unitatem syntheseos in repraesentatione rerum obiectarum, et in *dynamicam*, quae unitatem syntheseos attingunt in repraesentatione existentiae obiectarum rerum. Iis, quas superius descripsimus (quantitatis et qualitatis) semper continetur synthesis *finilium*, in qua absolutum, ad id, quod in visione sensitiua ad conditiones adstrictum in spatio ac tempore datum est, cum ipsum vicissim ad spatium tempusque pertinere oporteret, ideoque semper vicissim absolutum videri, nullo modo potest inuenire; quocirca quoque in dialectica rationis purae theoreticae genera illa disiuncta, absolutum conditionumque vniuersitas inuenienda, ambo falsa erant. Categoriae classis posterioris (causalitatis necessitatisque cuiuspiam rei) eam similitudinem (eius quod ex conditione pendet, conditionisque in synthesi) minime postulabant, quoniam hic non

visio, vti ea ex variis in se composita, sed solum vti existentia obiectae rei sibi idoneae ad conditionem adstrictae ad existentiam conditionum (in intelligentia vt cum ea coniuncta) accedat, repraesentari debebat, vbi licuit, ad id quod perpetuo aliunde pendet in mundo sensibili (respectu tum causalitatis, tum existentiae fortuitae rerum ipsarum) absolutum, quamuis alioquin indeterminatum, in mundo intelligibili poni, synthetique effici transcendentem; quamobrem etiam in dialectica rationis purae contemplatiuae vidimus, vtrumque modum, ad speciem, invicem sibi oppositum absoluti ad id quod e conditione pendet inveniendi, velut in synthesi causalitatis ad id, quod ad conditionem adstrictum est, in serie causarum et effectorum mundi sensibilis, vt, quae haud vltius aliunde pendet, causalitas cogitetur, reapse haud pugnare, eandemque actionem, quae, qua ad mundum sensibilem pertinens, semper sensibilibiter pendet, id est, absolute necessaria est, tamen simul quoque, qua ad causalitatem naturae agentis pertinens, quatenus ea pars est mundi intelligibilis, in causalitate sensibilibiter absoluta constitutam esse posse, proinde vt liberam cogitari. Iam solum in eo vertebatur, vt istud *posse* conuerteretur in *esse*, hoc est, vt in causa quam vera atque adparente, quasi per factum aliquod, possit doceri: certis actionibus quibusdam eiusmodi causalitatem (intellectualem, sensitivae absolutam) poni, siue eae reuera sint, siue solum ex iussu, hoc est, obiectivae practice necessariae. In actionibus reapse in experientia datis, vt mundi sensibilis euentis, sperare haud poteramus eam conjunctionem, propterea quod causalitas per libertatem semper extra mundum sensibilem in mundo intelligibili quaerenda videtur. Res aliae, praeter naturas sensibiles siue phaenomena, nobis non sunt percipiendae observandaeque propositae. Ergo nihil relinquebatur, nisi vt vllum decretum quodpiam causalitatis certum atque evidens, idque obiectivum, vniuersam conditionem sensitivam a determinatione sua arcens, hoc est, principium inveniatur, in quo ratio haud vltius ad *aliud* quid, qua rationem determinantem respectu causalitatis prouocat, sed quam ea ipsa iam

per principium illud continet, et ubi proinde ea, quae *ratio pura*, ipsa practica videatur. Sed non opus est, ut illud decretum quaeramus atque inueniamus; dudum fuit in omnium hominum ratione naturaque insculptum, illudque principium est *moralitatis*. Ergo causalitas absoluta illa facultasque illius, libertas, cum hac autem natura (ego ipse), quae ad mundum sensibilem pertinet, simul tamen quatenus spectat intelligibilem, non solum incerto atque indeterminate problematiceque *cogitata* est (quod fieri posse iam ratio poterat contemplatiua videre), verum adeo *respectu legis* causalitatis suae *determinata* et adfertorie *agnita*, atque ita existentia mundi intelligibilis, et quidem respectu practico *determinate*, data est atque oblata, eaque determinatio, quae respectu theoretice *transcendens* foret, ratione practica *inmanens* videtur. Quod quidem respectu alterius ideae dynamicae, nempe *naturae necessariae* fieri a nobis haud poterat. Ad eam e mundo sensibili, haud interueniente idea dynamica priori, non poteramus adscendere. Namque, si illud conaremur, saltum ausos nos esse, necesse esset, ut, quae nobis data ac proposita sunt, cunctis missis, ad ea nos eleuaremus, quorum nobis nihil quidquam itidem datum est, quo coniunctionem naturae eiusmodi possemus cum mundo sensibili efficere (propterea quod natura necessaria ut *extra nos* data debebat cognosci); id quod e contrario respectu *nostri ipsius* subiecti, quatenus id per legem moralem *partim* qua natura intelligibilis (per libertatem) se ipsum determinat, *partim* qua ad hanc determinationem in mundo sensibili actiuum, se ipsum cognoscit, uti nunc manifestum est, commode fieri potest. Vnus libertatis conceptus, concedit, nos non opus habere, ut haud extra nos exeamus, quo absolutum atque intelligibile ad id, quod ad conditionem adstrictum ac sensibile est, aperiamus. Est enim ipsa ratio nostra, quae per legem summam et absolute practicam, naturamque huiusce legis sibi consciam (nostram personam ipsam) ut mundum purum intelligibilem pertinentem, et quidem vel modo determinando, quo ea qua talis agere queat, cognoscit. Sic poterit comprehendi, cur in vniuersa facultate rationali

*tantummodo practica* posse nos ultra mundum sensibilem euehere, nobisque cognitiones ordinis cuiuspiam suprasensibilis coniunctionisque largiri, quae vero ob eam ipsam causam sane quidem tantum possunt dilatari, quantum pro ipso consilio puro practico necessarium videtur.

Vnum modo liceat mihi hac data occasione monere, nempe quemque passum, quem cum ratione pura facimus, vel in campo practico, ubi contemplationes subtiles prorsus negligimus, tamen arctissime et quidem sponte vniuersis critices rationis theoreticae inomentis adhaerescere, quasi quisque deliberato consilio, ad hanc confirmandam, excogitatus videatur. Eiusmodi nullo modo quaesita, sed (vti nobismet ipsis possumus ea de re persuadere, si modo inuestigationes morales vsque ad eorum principia velimus continuare) sponte existens, accurata grauissimorum rationis practicae decretorum conuenientia, cum obseruationibus critices rationis purae contemplativae, saepius speciem subtilitatis atque inutilitatis habentibus, opprimit atque ad mirationem rapit, confirmatque regulam illam subiectiuam ab aliis iam agnitam atque laudatam, vt in quaque inuestigatione scientifica iter, qua fieri possit, diligentia ac sinceritate alacres continuemus, neque nos patiamur eo irritari, quod ea extra campum suum forsitan peccet, sed eam solam, quoad eius fieri possit, veram perfectamque absoluamus. Frequentiore obseruatione persuasum mihi est, hoc negotio composito, ea, quae in illo ad dimidium profligato, ratione aliarum doctrinarum externarum, dubia mihi nonnumquam viderentur, si modo eam dubitationem tantummodo mitterem solumque ad negotium meum animum aduerterem, dum absolutum sit, tandem inopinato cum iis exacte conuenire, quae ne minimo quidem illarum doctrinarum habito respectu, sine studio et amore eorum, sponte se aperuissent. Scriptoribus multi errores possent, multaue opera peracta (quippe quae in illusione posita esset) supersederi, si modo constituere possent, maiori quadam sinceritate opus adgredi.

---

 LIBER SECVNDVS.
 

---

 D I A L E C T I C E  
 RATIONIS PVRAE PRACTICAE.
 

---

 CAPVT PRIMVM.
 

---

 D E  
 D I A L E C T I C A  
 RATIONIS PVRAE PRACTICAE  
 IN VNIVERSVM.
 

---

**R**ationi purae, siue eam in vsu contemplatiuo species, siue practicae, sua semper est dialectice; ea enim vniuersitatem postulat absolutam conditionum ad datum quidpiam ad condiciones adstrictum, eaque nullo modo potest nisi in rebus per se ipsis deprehendi. Cum vero vniuersi rerum conceptus debeant ad visiones referri, quae in nobis hominibus non nisi sensitiuae esse possunt, proinde res obiectas, non vt res per se ipsas, sed solum vt phaenomena cognoscendas ostendant, in quarum serie cum eorum, quae aliunde pendent, cum, vnde pendent, conditionum, numquam possit absolutum deprehendi, illusio ineuitabilis oritur ex vsu huiusce ideae rationalis de vniuersitate conditionum (proinde absoluti) ad phaenomena, quasi ea res forent per se ipsae (pro his enim ea, deficiente critica momente, semper reputantur), quae vero numquam vt fallax animaduertetur, nisi per *pugnam* rationis cum se ipsius, in adhibendo illius decreto, absolutum ad quodque cum adiunctione datum ponendi, ad phaenomena, se ipsam



proderet. Quo vero ratio cogitur, ut eam illusionem investiget, unde illa emergat, et quomodo queat ea dispelli, quod non nisi per criticam vniuersae facultatis rationalis purae perfectam fieri potest; ita, ut antinomia rationis purae, quae in dialectica eius manifestatur, reapse saluberrima aberratio sit, in quam vniquam humana ratio incidere potuerit, propterea quod ea nos postremo incitat, ut clauem anquiramus, qua nos expedire ex hoc labyrintho possimus, qua quidem inuenta, ea quoque aperiuntur, quae haud quaerebantur, quibusque tamen indigemus, nempe prospectus in altiorem, immutabilem rerum ordinem, in quo iam nunc versamur, et in qua ut existentiam summo rationis consilio conuenienter continuemus, certis nunc determinatisque praeceptis possumus institui.

Quomodo in vsu rationis purae contemplatio naturalis illa dialectice expedienda sit, errorque, ex specie ceterum naturali debeat vitari, in critica facultatis illius legi vberius poterit. Nec verò meliorem sortem nacta est ratio in vsu practico. Ea, qua ratio pura practica, ad practice conditioni adstrictum (quod in inclinationibus necessitateque positum naturae est) itidem absolutum anquirat, idque non ut rationem determinandae voluntatis, sed, etiamsi haec (in lege morali) iam data fuerit, vniuersitatem absolutam rei rationi purae practicae propositae, sub nomine *summi boni*.

Hanc ideam practice, hoc est, regulae illi subiectivae vitae nostrae rationi conuenientis, idonee determinandi, *doctrina* est *sapientiae*, eaque vicissim, qua *scientia*, est *philosophia*, sensu illo, quo veteres verbum intellexerunt, quibus ea erat institutio ad conceptum, quo summum bonum collocari debeat, ad vitamque, per quam illud possit comparari. Recte fecerimus, si isti vocabulo veterem significationem seruaremus, utpote *doctrinae de summo bono*, quatenus ratio conatur in ea se usque ad *scientiam* euehere. Partim enim adiuncta conditio circumscribens vocabulo Graeco (quod amorem *sapientiae* denotat) consentanea foret et tamen simul idonea ad amorem *scientiae*,

proinde vniuersae cognitionis contemplatiuae rationis, quatenus ea tum ad conceptum illum, tum ad rationem determinantem practicam vti potest, philosophiae nomine, simul complectendum, neque tamen finem principem, cuius causa solum ea poterit doctrina sapientiae dici, oculis subduci sineret. Partim etiam haud abs re foret, si arrogantia eius, qui ausit ipsius titulo philosophi abuti, deterreretur, cum ei iam per definitionem mensura obseruantiae sui ipsius ostenderetur, quae postulata eius admodum temperabit; *doctorem* enim esse *sapientiae* plus, opinor, erit, quam discipulum esse, qui etiam nunc haud satis longe prouectus est, vt se ipsum queat, multo minus alios ducere, ita vt certus esse possit tanto de fine attingendo; idem foret ac *magistrum esse sapientiae cognoscendae*, quod plus enunciat, quam homo modestus sibi ipse arrogauerit, et philosophia, perinde ac sapientia, ipsa etiam nunc maneret ideale, quo obiectiue in ratione sola plene repraesentatur, sed subiectiue, personae, tantummodo meta est indefessi conatus, in cuiusque possessione esse, sub nomine arrogato philosophi, iure se is modo poterit perhibere, qui etiam effectum illius necessarium (in se ipso gubernando, indubitatoque inuitamento, quod praecipue capit e bono publico atque communi) in persona sua possit, vt exemplo, proponere, id quod veteres quoque postularunt ab eo, qui titulo illo honorifico posset dignus iudicari.

Ac dialecticae quidem rationis purae practicae, quantum determinationem attinet conceptus *de summo bono*, (a qua, si rite expediatur, perinde ac dialectice rationis purae theoreticae fructus poterit saluberrimus expectari, eo quod sincere institutae, nec vero celatae rationis purae practicae repugnantiae, ad plenam suae ipsius facultatis criticam cogunt) vnum adhuc monitum nobis praemittendum videtur.

Lex moralis vna est ratio voluntatis purae determinandae. Quae vero cum solum formalis sit, (nempe, tantummodo formam regulae subiectiuae, qua vniuersae legislatoriam, postulat,) temperat sibi ea, qua ratio deter-

minans, ab omni materia, proinde ab omni re volitioni proposita. Quocirca summum bonum esto *res* tota rationi purae practicae *subiecta*, id est, voluntati purae obnoxia, tamen propterea illud non est pro *ratione* illius *determinandae* reputandum, et lex moralis sola ut ratio spectanda erit, illius, eiusque effectiorem promotionemue, sibi ut rem obiectam proponendi. Quod quidem monitum in causa tam delicata, quam determinatio est principiorum moralium, ubi vel minima calunnia mentes sententiasque adverterat, magni momenti videtur. Namque ex analytica intellexeris, vlla obiecta re quapiam, sub nomine boni, ut ratione determinandae voluntatis ante legem moralem sumpta, summoque tum principio practico ab ea deriuato, semper heteronomiam adductum, principiumque morale expulsum iri.

Verum per se intelligitur, si in conceptu summi boni lex moralis, ut suprema conditio, iam una inclusa sit, summum bonum tum non solum *rem obiectam*, sed etiam eius conceptum, repraesentationemque existientiae illius per rationem practicam nostram possibilis simul *rationem* esse *voluntatis determinandae*; propterea quod tum reapse lex moralis in hocce conceptu iam inclusa, simulque cogitata, nullaue res obiecta alia, secundum principium autonomiae, voluntatem determinat. Atque hic ordo conceptuum de voluntatis determinatione semper debet ob oculos versari; quoniam alias nosmet ipsos calumniabimur nobisque ipsi repugnare putabimus, cum tamen vniuersa summo concentu confluita videantur.

---

---

 CAPVT SECVNDVM.
 

---

D E  
DIALECTICE RATIONIS PVRAE  
IN DETERMINANDO  
S V M M I B O N I  
C O N C E P T V.

---

**C**onceptu *summi* iam continetur ambiguitas, qua neglecta, inutiles possunt controuersiae existere. Summum vel *supremum* potest, vel etiam *consummatum* notare. Illud cernitur in ea conditione, quae ipsa absoluta sit, id est, nulli alij subordinata (summi originarium); hoc in illo toto versatur, quod nulla pars sit cuiuspiam totius maioris de genere eodem (summi perfectissimum). *Virtutem* (qua dignitatem felicitatis potiundae) *supremam conditionem* eorum omnium, quae nobis digna, quae expetantur, videri possint, proinde vniuersi studii nostri ad felicitatem consequendam, ideoque *supremum* bonum esse, in analytice vicinus. Verum idcirco nondum ea bonum totum est absolutumque, qua res facultati adpetendi proposita naturalium rationalium finitarum; namque, ut illud sit, etiam *felicitate* opus est, et quidem non solum ex sententia personae studio iudicantis, quae se ipsam metam constituit, sed in ipso iudicio rationis ad neutram partem propensae, quae illam vniuerse in mundo ut finem scopumque per se considerat. Etenim felicitatis egere, eaque et dignum esse, sed tamen illius haud participem fieri, non potest cum voluntione perfecta naturae rationisque, quae simul omni potentia polleret, ullo modo consistere. Quatenus igitur virtus atque felicitas coniuncte possessionem summi boni in persona quadam, sed praeterea quoque felicitas, accurate ad proportionem moralitatis (qua pretii personae eiusque dignae felicitate rationis) distributa, *summi bonum mundi*

possibilis efficiant: hoc totum denotat, bonum absolutum, in quo virtus semper, ut conditio, bonum supremum est, quoniam haud ulterius conditionem supra se habet, verum felicitas semper quiddam designat, quod illi, qui eam possidet, iucundum quidem, sed non per se solum prorsus omnique respectu bonum sit, sed semper vitam moralem et legitimam ponat qua conditionem.

Duae in conceptu quodam *necessario* coniunctae determinationes, ut ratio debent et consequens coniunctae videri, et quidem aut sic, ut haec *unitas* qua *analytica* (coniunctio logica) aut qua *synthetica* (coniunctio realis) illa secundum legem identitatis, haec ex lege causalitatis consideretur. Ergo coniunctio virtutis cum felicitate vel ita potest intelligi, ut studium virtutis conatusque sapiens felicitatis parandae haud duae actiones diuersae sint, sed prorsus identicae, ubi tum superiori nulla alia regula subiectiua, quam quae posteriori, necesse foret constitui: vel illa coniunctio hac conditione ponatur, ut virtus felicitatem pariat ut quidpiam ab conscientia illius diuersum, velut causa effectum.

Veterum scholarum Graecarum proprie duae modo fuerunt, quae in conceptu summi boni determinando eandem quidem viam ac methodum sequerentur, quatenus virtutem ac felicitatem haud ut duo diuersa summi boni elementa decernerent, proinde unitatem principii ex regula identitatis quaererent; verum in eo rursus in diuersa abirent, quod utriusque conceptum constitutum varie eligerent. *Epicureus*, sibi, ait, conscium esse regulae suae ad felicitatem ducentis, id virtus est. Sed contra *Stoicus*: virtutis suae sibi conscium esse, felicitas est. Illi prudentia idem fuit, quod moralitas; huic, qui altius nomen virtuti legisset, sola fuit *moralitas* sapientia vera.

Dolendum est, istorum hominum (quos tamen simul admirari debeas, quod temporibus illis tam mature omnes, quae cogitari possunt, vias occupationum philosophicarum tentarent) acumen misere esse collocatum, quod inter

conceptus maxime dissimiles, nempe felicitatis virtutisque identitatem piscarentur. Verum dialectico istorum temporum genio consentaneum fuit, ut, quo etiamnum subinde videas subtilia ingenia decipi, discrimina principiorum essentialia et numquam concilianda eo tollerentur, ut ea in concertationes verborum verterentur, atque ita, ad speciem, unitas conceptus solum per varia vocabula extorqueretur, idque plerumque in iis causis accidit, ubi coniunctio rationum dissimilium tam profunde vel alte constituta videtur, aut commutationem adeo uniuersum dogmatum in systemate philosophico alias receptarum postularet, ut vertere, ne profundius discrimen reale penetres illudque potius tamquam disensionem in meris formalibus tractes.

Dum ambae scholae identitatem quaerebant principiorum practicorum virtutis felicitatisque cogere, idcirco non iis inter se conuenit, quomodo eam identitatem exigere, sed infinite in diuersa abiere, propterea quod una principium constitueret in parte aesthetica, altera in logica, illa in conscientia indigentiae sensitua, haec in vacuitate rationis practicae ab omni ratione determinante sensitua. Conceptus virtutis, ex mente *Epicurei*, iam inerat in regula subiectiua propriae felicitatis promouendae; contra sensus felicitatis, ex sententia *Stoicorum*, iam inerat in conscientia virtutis suae. Quod vero alio quodam conceptu continetur, id quidem cum parte quapiam continentis, non vero cum toto idem videtur, duoque tota praeterea possunt quoad speciem differre, quamuis ex eadem materia consent, si scilicet partes vtriusque modo prorsus diuerso in toto quodam coniungantur. *Stoicus* contendit, virtutem *totum suum bonum* esse, sed felicitatem solum conscientiam possessionis illius, ut ad statum subiecti pertinentem. Contra *Epicureus* adseruit: felicitatem *totum suum bonum* videri, sed virtutem duntaxat in forma cerni regulae subiectiuae; felicitatis ambiendae, nempe in vsu sapienti adiumentorum ad eam consequendam.

Atqui ex analytice manifestum est, regulas subiectiuas virtutis propriaeque felicitatis respectu summi earum prin-

cipii practici prorsus dissimiles esse, tantumque abesse, ut conspirent, quamvis ad summum bonum pertineant, quod, ut esse possit, quo efficiant, inuicem se in eodem subiecto circumferant, sibi que derogent. Ergo quaestio: *quomodo summum bonum practice esse possit*, quamvis illius solutio sexcenties sit huc usque tentata, problema manet haud solutum. Id vero, quo illius solutio difficultatibus obruitur, in analytice ostendimus, scilicet felicitatem moralitatemque duo *elementa* esse summi boni quoad speciem prorsus *diversa*, earumque proinde coniunctionem *non posse analytice* cognosci (eum fortasse, qui felicitatem anquirit, in vita sua per solam conceptuum solutionem virtutem colere, aut eum, qui virtutem sequitur, in conscientia eiusmodi vitae iam ipso facto se felicem sensurum fore), verum in *synthesi* conceptuum versari. Quoniam vero ea coniunctio ut ex anticipatione, proinde practice necessaria, ergo haud ut ab experientia derivata, cognoscitur, summi que proinde boni possibilitas non posita est in principiis empiricis, necesse erit, *deductionem* huius conceptus *transcendentalem* videri. Ex anticipatione (moraliter) necessarium est, *ut summum bonum per voluntatis libertatem producat*; ergo etiam necesse est conditionem possibilitatis illius solum in rationibus cognoscendi ex anticipatione positam videri.

## I.

## ANTINOMIA RATIONIS PRACTICAE.

In summo nobis practico bono, id est per voluntatem nostram verum efficiendo, virtus felicitasque ut necessario coniunctae cogitantur, ita ut una per rationem practicam accipi nequeat, nisi et altera ad id pertineat. Atqui haec coniunctio (uti omnis omnino alia) aut *analytica* est, aut *synthetica*. Cum vero data haec atque proposita non possit analytica esse, uti modo docuimus, ea, oportebit, syntheticae, et quidem ut coniunctio causae cum effectu cogitetur; siquidem ea bonum practicum attingit, hoc est,

eiusmodi, quod esse per actionem possit. Igitur necesse est, aut cupiditatem felicitatis momentum esse regularum virtutis, aut regulam virtutis causam esse efficientem felicitatis. Superius fieri *nullo pacto* potest; quoniam regulae, quae rationem voluntatis determinandae in desiderio felicitatis ponunt, minimè morales sunt, nullamque possunt virtutem constituisse. Verum *et posterius fieri non potest*, siquidem vniuersa coniunctio practica causarum et effectorum in mundo, qua consequens determinationis voluntatis haud se ad motus voluntatis morales accommodat, verum ad cognitionem legum physicarum facultatemque physicam, iis ad proposita utendi, ergo nulla necessaria potest ad summumque bonum idonea felicitatis cum virtute in mundo coniunctio expectari. Cum igitur summi boni promotio, eam coniunctionem in conceptu suo cohibentis res voluntati nostrae subiecta sit ex anticipatione necessaria, et cum lege morali arctissime cohaereat, sequitur, ut impossibilitate superioris falsitas quoque posterioris probetur. Quod si ergo summum bonum fieri ex regulis practicis nequeat, cogitur, ut etiam lex moralis, quae illud promouendum imperat, fictitia sit, atque ad fines inanes opinatos directa, proinde per se falsa videatur.

## II.

## COMPOSITIO CRITICA ANTINOMIAE RATIONIS PVRAE.

In antinomia rationis purae contemplativae similis pugna occurrit inter necessitatem physicam et libertatem, in causalitate euentorum in mundo. Quae eo quidem composita est, ut doceremus, nullam veram pugnam esse, si euenta, ipseque mundus, in quo ea accidunt, (quod etiam debet fieri) solum ut phaenomena considerentur; cum eadem natura agens, qua *phaenomenon* (vel coram suo ipsius sensu) causalitatem in mundo habeat sensibili, mechanismo physico semper consentaneam, sed respectu eiusdem euenti, quatenus persona agens simul se qua *nomenon*



consideret, (vt intelligentiam puram, in existentia sua non quoad tempus determinabili,) rationem causalitatis illius ex legibus physicis determinandae, ipsam ab omni lege physica liberam, possit continere.

Cum praesente rationis purae practicae antinomia pariter comparatum videtur. Prior duarum illarum enunciationum, conatu felicitatis potiundae rationem produci mentis honestae, *simpliciter falsa* est; altera vero, mente honesta necessario felicitatem procreari, non simpliciter quidem, sed modo, quatenus ea vt forma spectatur causalitatis in mundo sensibili, ideoque, si existentiam in ea pro vna ratione existentiae naturae rationisque accipiam, ergo solum *hypothetice falsa* videtur. Cum autem non solum iure queam, existentiam meam quoque vt noumenon in mundo intelligibili cogitare, verum adeo in lege morali rationem puram intellectualem habeam causalitatis meae (in mundo sensibili) determinandae, fieri poterit, vt moralitas mentis contextu teneatur, si haud proxima, tamen interuentu (intelligibilis rerum naturae auctoris) 'eoque necessario, qua causa, cum felicitate, vt effecto in mundo sensibili, quae quidem coniunctio in natura, quae solum res est sensibus obnoxia, nunquam aliter nisi fortuito locum habere potest, ad summumque bonum haud idonea videri.

Ergo, quamuis videatur sic ratio pura practica secum ipsa pugnare, summum bonum, necessarius finis ille summus voluntatis moraliter determinatae, vere est res illi subiecta; fieri enim practice poterit, et regulae subiectivae voluntatis, quae quoad materiam eo spectant, realitatem obiectiuam habent, quae initio per antinomiam illam in societate moralitatis felicitatisque deprehendebatur, sed per erroris opinionem, quoniam relatio phaenomenorum inter se inuicem pro relatione reputaretur rerum per se ipsarum ad ea phaenomena.

Quodsi nosmet sentiamus coactos, vt possibilitatem summi boni, huiusce per rationem vniuersis naturis ratione

praeditis metæ omnibus illarum desideriis moralibus propositæ, in tanta distantia, nimirum in coniunctione cum mundo intelligibili, quaeramus, mirum videatur, necesse erit, philosophos cum veterum, tum recentiorum temporum, nihilominus iam in *hac vita* (in mundo sensibili) felicitatem ad virtutem prorsus æquabiliter adfectam inuenire potuisse, aut sibi huiusce rationis æquabilis esse confici sibi persuaderi. Etenim cum Epicurus, tum Stoici felicitatem, quæ ex conscientia virtutis in vita oriatur, præ caeteris laudibus extulerunt, et Epicurus quidem in præceptis practicis mentem non tam humilem ostendit, quam ex principiis theoriæ, quibus ad explicandum, non vero ad agendum usus est, colligi possit, aut, vti ea permulti, per vocabulum voluptatis, pro tranquillitate animi, decepti, interpretati sunt, sed severissimum honesti exercitium ad fruitionem intimi gaudii adnumeravit, quemadmodum frugalitatem cupiditatumque dominationem, pro eo ac severissimus morum philosophus postulare possit in voluptate comprehendit (quam in animo posuit semper læto); in quibus ab Stoicis potissimum in eo modo abhorruit, quod in ea voluptate momentum poneret, quod Stoici, idque iure suo, negarunt. Partim enim Epicurus virtutis studiosus, perinde atque hodie multi moraliter bene animati, quamquam de principiis suis haud satis profunde cogitantes viri, in eo peccavit, quod *mentem* honestam in personis iam fumeret, quibus stimulum virtutis atque elatorem vellet iniicere (ac sane quidem homo probus non poterit se sentire felicem, nisi ante sibi probitatis suæ conscius sit; siquidem, in vnoquoque animi consilio, reprehensiones, quas in officiis migrandis per suam ipsius mentem sibi ipse obiicere cogeretur, sui que ipsius condemnatio moralis, omni eum iucunditatis fruitione priarent). Verum quaeritur: qua tandem re efficitur, ut primo esse possit ea mens, idque consilium, pretium existentiae statuendi; cum ante illam nondum ullus omnino sensus pretii moralis in subiecto deprehenderetur. Sane quidem, si virtutem colat, nisi in quaque actione probitatis suæ sibi conscius sit, homo vita frui lactus haud poterit, quantumvis ei in

statu physico fortuna saueat; verum ut demum virtutis studiosus reddatur, proinde antequam pretium exsistentiae suae morale tanti aestimet, num ei tum poterit animi tranquillitas commendari, quae ex conscientia probitatis, quae non mouetur, exoriatur?

Partim vero hic solet fere fundamentum esse vitii subreptionis, quasiue illusionis opticae in conscientia sui eorum, quae *agimus*, contraria iis, quae *sensimus*, quam exercitatissimus quisque haud profus poterit vitare. Consilium animi morale cum conscientia determinationis voluntatis *proxime per legem* est necessario coniunctum. Atqui conscientia determinationis cuiuspiam facultatis adpetendi semper est ratio oblectationis ex actione quae eo producit percipiendae; verum ea oblectatio per se ipsa haud ratio est actionis determinandae, sed determinatio voluntatis proxime, solum per rationem est ratio tactus iucunditatis, illaque determinatio pura practica manet, non vero aesthetica, facultatis adpetendi. Cum autem haec determinatio interne eam ipsam stimuli effectiorem exferat ad actionem, ut sensus iucunditatis, quae ex actione expetita expectatur, fecisset, id, quod ipsi facimus, facile spectamus pro eo, quod solum perpetiundo persentiscimus, sumimusque elaterem morale pro stimulo sensitivo, uti sic semper solet fieri in illusionem, quam vocant, sensuum (hic sensus interni). Sublime quiddam admodum in humana natura atque excelsum videtur, ut homo possit proxime per legem rationis puram ad agendum determinari, adeoque illusionem, subiectuum huiusce determinabilitatis intellectualis voluntatis pro aesthetico quopiam effectoque tactus sensitivi cuiusdam peculiaris (nam intellectualis repugnaret) reputare. Iam vero magni momenti est, ut eam proprietatem personalitatis nostrae probe animaduertamus, effectioremque rationis in illo tactu, quantum fieri queat, excolamus. Sed quoque cavendum erit, ne per falsas laudes huiusce rationis determinantis morales, ut elateris, cum ei sensus singularium laetitiarum, quae rationes (qui tamen modo consequentia sunt) supponuntur, proprium elaterem

genuinum, legem ipsam, instar laminae fucatae, minuamus ac deformemus. Quamobrem obseruantia, non vero voluptas fruitione felicitatis, cernitur in eo, cuius nullus sensus rationi constitutus, *antecedens* (quippe qui semper aestheticus foret et pathologicus) esse possit, qua conscientia voluntatis proxime per legem cogendae, vix quiddam analogon est sensus iucunditatis, propterea quod in relatione ad facultatem adpetendi ea idem ipsum, sed ex aliis causis, agit; hac sola repraesentandi ratione autem, quae volumus, consequi poterimus, nempe actiones non solum officio conuenienter (propter sensus iucundos), sed per officium fieri, quod quidem verus finis ac genuinus esse debet cuiusque informationis moralis.

Nonne autem vocabulum indicauimus, quod haud fruitionem denotaret, quale verbum erat felicitatis, quod tamen oblectationem in exsistentia sua designaret, analogi cuiuspiam felicitatis, quam conscientia virtutis necessario, oportebit, comitetur? Ita sane. Idque est *animus sua conditione contentus* (*αὐτάρεσις*), quo proprie solum oblectatio in nostra exsistentia notamus, in qua nulla nos re indigere nobis conscius sumus. Libertas et conscientia illius, ut facultatis, ex praeponderante animi consilio legi morali obsequendi, est *independentia ab inclinationibus*, certe qua momenti (etiamsi haud *adscientibus*) tamen qua determinantibus adpetitionis nostrae, et, quatenus illius in sequendis regulis meis moralibus mihimet conscius sum, vnus fons tranquillitatis necessario cum ea coniunctae, in nullisque peculiaribus sensibus positae, atque immutabilis, ea-que dici poterit intellectualis. Contra aesthetica (improprie sic dicta), quae in inclinationibus posita est satiandis, quantum fieri poterit, subtiliter excogitatis, nunquam ad ea, quae de eo cogitantur, quadrare potest. Inclinationes enim variantur ad vicissitudinem, crescuntque cum conuiuentia, quam iis concedimus, et semper maius vacuum relinquunt, quam quod explere volumus. Idcirco naturae rationisque semper eae *molestiam* creant, ex quibus, etiamsi se nequeat expedire, tamen illi desiderium extor-

quent, ab iis sese liberandi. Ipsa inclinatio ad id, quod officio conuenit (veluti ad beneficentiam) potest efficacitatem quidem regularum *moralium* admodum adleuare, nullam vero procreare. Namque omnia in hac ad repraesentationem legis, ut rationem determinantem oportebit, spectare, si actio non solum *legalitatem* debeat, verum etiam *moralitatem* continere. *Inclinatio* caeca est et seruilis, siue bona sit, siue non, ratioque in iis, in quibus spectatur moralitas, non modo illius tutorem agere debet, sed, nullo eius habito respectu, ut ratio pura practica, id, quod sua interest, sola curare. Hic ipse misericordiae sensus communionisque mollioris, si deliberationem de eo, quid in officio sit, antecedit naturamque induat rationis determinantis hominibus ipsis naturae bonitate praeditis molestiam facit, deliberatasque regulas eorum perturbat, et desiderium excitat, quo maxime ab iis sese vacuos cupiunt esse solique rationi legislatrici subiectos.

Ex quibus poterit intelligi: quomodo conscientia huiusce facultatis rationis purae practicae per factum (virtutem) possit conscientiam imperii in inclinationes animi, eaque proinde independentiae ab iis, ideoque et anxietatis, eas semper comitantis, et proinde oblectationem in statu suo negatiuam, id est, *animum contentum* gignere, qui proprie in persona sua adquiescit. Libertas ipsa tali modo (scilicet indirecte) capax redditur fruitionis, quae non potest felicitas dici, quoniam ea haud ex accessione pendet cuiuspiam tactus, neque, si accurate loqui velis, *beatitas*, siquidem ea non totam ab inclinationibus necessitatibusque independentiam continet, quae ad hanc tamen similitudinem accedit, quatenus saltem determinatio voluntatis liberam se potest ab earum contagione seruare, ideoque, quoad originem, sufficientiae suae similis atque analogica videtur, quae soli potest enti summo attribui.

Ex hac solutione antinomiae rationis purae practicae sequitur, in principiis practicis naturalem posse ac necessariam conscientiae moralitatis cum expectatione felicitatis illi acquabilis coniunctionem, ut eius consequens, certe ut

possibilem cogitari (nec sane vero propterea cognosci ac perspicere): contra, fieri nullo modo posse, ut ex decretis felicitatis ambiendae moralitas nascatur: proinde bono *supremo* (ut prima summi boni conditione) moralitatem, sed felicitate alterum quidem illius elementum effici, ita tamen, ut haec tantummodo consequens moralitatis moraliter hypotheticum sit, sed tamen necessarium. In hac subordinatione sola *summum bonum* tota res est rationi purae practicae proposita, quam ea sibi necessario ut possibilem repraesentare debet, quoniam ea praecipit, ut ad illud efficiendum, quantum in nobis sit, adlaboremus. Quoniam vero possibilitas eiusmodi coniunctionis eius, quod ex conditione pendet, et, unde pendet, conditionis ad rerum relationem suprasensibilem pertinet atque ex legibus mundi sensibilis nullo modo potest dari atque proponi, quamquam consequens practicum huiusmodi ideae, nimirum actiones, quae id agunt, ut summum bonum producat, ad mundum sensibilem pertinent; rationes illius possibilitatis primum respectu eorum, quae proxime sunt in potestate nostra, et tum deinde in iis, quae ratio nobis, ut complementum infirmitatis nostrae ad possibilitatem summi boni (ex principiis practicis necessario) suppeditat, nec penes nos sunt, proponemus.

## III.

## DE PRIMATV RATIONIS PVRAE PRACTICAE CONIUNCTAE CVM CONTEMPORANEA.

Primatum in duobus pluribusque rebus per rationem coniunctis principatum dico unius, quo prima is ratio est coniunctionis cum omnibus reliquis determinandae. Sensu angustiori practico denotat principatum inuitamenti unius, quatenus ei (quae nulli alii potest postponi) inuitamentum reliquorum subordinatum videtur. Unicuique facultati animi *inuitamentum* potest attribui, hoc est, principium complectens conditionem, sub qua sola exercitium illius

promouetur. Ratio, quae facultas est principiorum, inuitamentum omnium animi facultatum, sed suum ipsa determinat. Inuitamentum vsus illius contemplatiui cernitur in *agnitione* rei obiectae vsque ad summum principium ex anticipatione; sed inuitamentum vsus practici in determinatione *voluntatis*, respectu finis vltimi et perfecti. Id, quod ad possibilitatem vsus rationis vniuerse pertinet, scilicet, ne principia adsertionesque sibi inuicem repugnent, nullam partem conlittit inuitamenti illius, sed conditio est, qua vniuerse possit ratio haberi; tantummodo amplificatio, non sola secum conuenientia, ad inuitamentum illius numeratur.

Cum ratio practica nihil amplius sumere debeat vtque datum cogitare, quam quod ratio *contemplatiua* per se poterat ei ex intellectu suo suppeditare, tum haec primatum obtinet. Quodsi ea autem per se principia originaria ex anticipatione haberet, quibuscum certae quaedam positiones theoreticae arctissime forent coniunctae, quae tamen sese omni perspicientiae rationis contemplatiuae subtraherent, (quamuis ei quidem nec deberent repugnare,) exoritur quaesitio, quodnam inuitamentum superius videatur, (non quod cedere debeat, siquidem alterum alteri haud necessario repugnat;) vtrum ratio contemplatiua, eorum omnium ignara, quae practica ipsi accipienda ministrat, ea pronuntiata recipere debeat, et quamuis ipsi transcendencia sint, cum conceptibus eorum, vt possessionem alienam atque ad sese translatam, coniungere, an iure polleat, inuitamenti proprii sui separati obstinate retinendi, et, secundum Epicuri canonicam, vniuersa vt inanem argutationem reiciendi, quae realitatis suae obiectivae haud exemplis possint perspicuis in experientiaque proponendis fidem facere, vt maxime ea sint cum inuitamento vsus (puri) practici contexta, per se quoque theoreticae haud repugnaret, solum propterea, quod reapse inuitamento rationis contemplatiuae deroget, quatenus, quos haec sibi ipsa posuit, terminos tollat, eamque omni infaniae errorique phantasiae exponat.

Profecto, quatenus ratio practica ut pathologicè conditionibus adstricta, id est, inuitamento inclinationum sub sensitivo felicitatis principio solum fungens, constitueretur, hoc non posset vilo modo ab ratione contemplatiua postulari. Paradisus *Mulhamedis*, aut *theosophorum mysticorumque* liquefcens cum deo coniunctio, prout suus cuiusque sensus fert, portenta sua rationi obtruderent, et perinde foret nullam oturino habere, quam sic vniuersis somniis eam exponere. Verum si ratio pura per se esse practica possit ac reapse sit, uti conscientia legis moralis testatur, tamen semper tantummodo vna eademque ratio est, quae, siue respectu theoretico id fiat, siue practico; ex principiis ex anticipatione iudicat, tumque manifestum est, etsi facultas ipsius respectu theoretico haud suppetat ad certas enunciationes adferendo statuendas, quae illi fere haud repugnent, has easdem enunciationes, simulatque *ad inuitamentum practicum necessario* pertineant rationis purae, ut alienum quiddam sibi oblatum, quod non in suo territorio natum sit, sed satis tamen probatum, sumere, easque cum vniuersis, quae penes se, ut rationem contemplatiuam, videntur, comparare et coniungere debere; memorem tamen, haud intellectus suos, sed tamen dilatationes usus sui vilo quopiam alio respectu, videlicet practico, inuitamento suo, quod in coercenda peruiacitate contemplatiua versatur, contrarios esse.

Quamobrem ratio pura practica cum pura contemplatiua coniuncta *primatum* obtinet, suntto scilicet hoc, eam coniunctionem haud fere *fortuitam* atque arbitrariam, sed ex anticipatione in ipsa ratione constitutam, proinde *necessariam* videri. Etenim sine hac subordinatione pugna rationis cum se ipsius existeret; quoniam, si sibi inuicem solum coordinatae forent, ratio pura contemplatiua terminos arctius clauderet nihilque de practica in ditionem suam reciperet, haec vero terminos suos nihilominus super omnia dilataret, atque, vbi necessitas postularet, illam intra suos coerceret. Sed a ratione pura practica nullo modo postulari poterit, ut contemplatiuae se rationi subiiciat, atque



ita ordo conuertatur, propterea quod omne inuitamentum postremo practicum videtur, ipsumque rationis contemplatiuae inuitamentum hypotheticum modo est in vsuque practico solum plenum atque absolutum.

## IV.

# IMMORTALITAS ANIMAE, VT POSTV- LATVM RATIONIS PVRAE PRAC- TICAE.

Effectio summi boni in mundo res est necessario subiecta voluntati per legem moralem determinabili. In hac autem *conuenientia* consiliorum cum lege morali *perfecta* suprema est summi boni conditio. Quae quidem proinde pariter vt esse possit, necesse est, atque res sibi subiecta atque obnoxia, eo quod ea praecepto continetur huius promouendi. Sed perfecta voluntatis cum lege morali *conuenientia sanctitas* est, cuius quidem laudis nulla natura ratioque mundi sensibilis, in nulla periodo exsistentiae suae, capax videtur. Interim cum ea nihilominus vt practice necessaria postuletur, non potest ea, nisi in *progressu* in *infinitum* tendente ad perfectam conuenientiam deprehendi, et, ex principiis rationis purae practicae, necessarium videtur, vt eiusmodi progressus practicus qua res realis voluntati nostrae proposita sumatur.

Sed progressus is infinitus fieri poterit tantummodo sumta *exsistentia* et personalitate eiusdem naturae rationisque in *infinitum* perdurante (quam immortalitatem animae appellant). Ergo esse potest summum bonum practice, solum sumta animae immortalitate; proinde haec, vt arctissime coniuncta cum lege morali, *postulatum* est rationis purae practicae (sed postulatum dico enunciationem *theoreticam*, qua talem vero haud euincendam, quatenus legi cui-dam *practicae* ex anticipatione absolute valenti necessario adhaeret).

Pronunciatum de destinatione naturae nostrae morali, quod ponit, nos solum in progressu posse in infinitum

tendente ad perfectam cum lege morali convenientiam pertinere, maximam vtilitatem habet, non solum respectu infirmitatis rationis contemplatiuae in praesens perficiendae, verum quoque ratione religionis. Sine quo quidem aut dignitati legis moralis de *sanctitate* detrahitur, propterea quod ea, ut indulgens, atque ita communitati nostrae conveniens, corrumpitur, aut etiam munus nostrum simulque expectatio destinationis inaccessae, nempe speratae plenioris sanctitatis voluntati comparandae, contenditur, et nosmet in delirantia, cognitioni nostri ipsius prorsus repugnantia somnia *theosophica* praecipitamus, quibus conatus indefessus ad praeceptum rationale diligenter ac severe perpetuoque servandum, nec vero ideale, sed verum, impeditur. Ab natura rationali; sed finita, solum fieri progressus potest in infinitum, ab inferioribus ad gradus perfectionis moralis altiores. *Infinitus*, cui temporis conditio nulla est, videt, in hac serie nobis infinita, totum convenientiae cum lege morali, et sanctitatis, quam eius praeceptum necessario postulat, ut se insititiae in parte cuique de summo bono distribuenda conformem ostendat, in una visione intellectuali existentiae naturarum rationalium tota deprehenditur. Quod naturae creatae soli respectu sperandae partis huiusce competere poterit, conscientia erit, consiliorum exploratorum, ut, quem adhuc secerit, ex progressu suo priori ad moraliter melius eoque sibi cognitum propositum constans haud interruptae ulterioris continuationis eius, quoad usque existentia sua pertineat, vel ultra hanc ipsam vitam sperandae \*), atque ita, numquam

\*) *Persuasio firma de constantia consiliorum suorum in progressu ad bonum, nihilominus rei creatae per se impossibilis videtur. Idecirco doctrina religionis christianae eam facit ab eodem spiritu, qui sanctimoniam efficit, id est, firmum istud et constans propositum, cum eoque conscientiam constantiae in progressu morali, solum oriundam. Sed etiam ex ordine naturae, is, qui sibi conscius est, se multam vitae partem usque ad eius finem in progressu ad meliora, et quidem rationibus ductum genuinis moralibus, egisse, tamen laetam spem capere poterit, quatinus haud certo, fore, ut quoque in existentia ultra hanc vitam continuata, in iisdem principiis maneat, et quam-*

quidem hic, aut vilo quopiam futuro existentiae tempore, sed modo infinitate (soli deo perlustranda) existentiae suae continuatae voluntati illius (sine conniuentia aut remissione, quae cum iustitia haud conspirant) prorsus respondere potest.

## V.

# EXISTENTIA DEI VT POSTVLATVM RATIONIS PVRAE PRACTICAE.

Legem moralem, in antegressa analysi vidimus, ad quaestionem practicam ducere, quae, nullis omnino elatibus sensitiuis accedentibus, solum per rationem puram praecipitur, nempe ad perfectionem necessariam primae praecipuaeque partis summi boni, ad *moralitatem*, et, cum haec solum in aeternitate tota queat solui, ad postulatum *immortalitatis*. Eadem lex etiam ad possibilitatem alterius elementi summi boni, nempe *felicitatis* moralitati illi consentaneae, pariter siue omni studio utilitatis propriae, atque antea, ex ratione sola ab omni studio aliena, nimirum ad sumendam causam causae huic effecto ideonae ducat, necesse est, id est, *existentiam dei*, vt ad possibilitatem summi boni (quae res voluntati nostrae subiecta cum legislatione morali rationis purae necessario coniuncta est) necessario pertinentem, postulet. Quem quidem nexum euidenter proponemus.

*Felicitas* cernitur in statu naturae rationisque in mundo, cui, omnino quoad existentiam, *omnia ex animi seu-*

quam ex sua ipsius sententia hic numquam iustus sit, nec vquam se fore sperari licet, tamen in hoc progressu, qui, etsi metam spectat in infinitum propositam, nihilominus coram deo pro possessione valet, prospectum in futurum tempus beatum habeat; hoc enim verbum est, quo ratio vtitur, vt *salutem* ea plenam ab vniuersis causis mundi fortuitis liberam designet, quae perinde ac *sanctitas* in idea versatur, quae solum in progressu infinito eiusque vniuersitate esse complexa potest, prout ab natura creata numquam prorsus attingitur.

*tentia eueniunt*, ideoque in concentu naturae cum vniuerso fine eius scopoque, itemque cum ratione voluntatis determinante essentiali posita videtur. Atque lex moralis, vt lex libertatis, per rationes determinantes, quae ab natura eiusque cum facultate adpetendi (vt elateribus) prorsus esse liberae debent, imperat, nec vero natura ratioque agens in mundo, simul causa mundi est ipsiusque naturae. Ergo in lege morali ne minima quidem ratio inest nexus necessarii inter moralitatem felicitatisque illi aequabilis voluntatis ad mundum vt pars pertinentis, ideoque ex eo pudentis naturae, quae ob eam ipsam causam per voluntatem suam non esse causa huiusce naturae, cumque, quantum ad suam felicitatem attinet, cum principiis suis practicis vi propria haud omnino potest consentaneum reddere. Nihilominus in quaestione practica rationis purae, hoc est, necessario ad summum bonum conatu, eiusmodi nexus vt necessarius postulatur: *debemus* summo bono (quod proinde etiam fieri posse, necesse est) promouendo operam dare. Ergo etiam existentia causae vniuersae naturae ab natura diuersae, quae rationem huiusce nexus, quippe summi felicitatis cum moralitate concentus, contineat, *postulatur*. Veram haec causa suprema rationem conuenientiae naturae non solum cum lege voluntatis naturarum rationalium, verum cum repraesentatione huius *legis*, quatenus hanc ea sibi pro *summa voluntatis determinandae ratione* statuit, proinde non modo cum moribus quoad formam, sed etiam quoad moralitatem vt momentum earum, id est, cum consilio illorum morali debet continere. Ergo summum bonum tantummodo esse poterit, quatenus natura suprema, quae causalitatem habeat cum consilio morali congruam, sumatur. Atqui natura, actionum capax ex repraesentatione legum, *intelligentia* est (natura ratioque) atque eiusmodi naturae causalitas ex hac legis repraesentatione est *voluntas* illius. Ergo causa naturae suprema, quatenus ad summum bonum sumenda videtur, natura est, quae per *intelligentiam* ac voluntatem causa est (proinde auctor) naturae rerum, hoc est, *deus*. Ergo postulatum possibilitatis *summi boni derivati* (mundi optimi) simul postulatum erit

exsistentiae *summi boni originarii*, nimirum exsistentiae dei. Atqui nobis in officio est, ut summum bonum promoueamus, proinde non modo licet, verum etiam per necessitatem, qua indigemus, cum officio coniunctam cogimur, ut possibilitatem huiusce summi boni sumamus, quod, cum solum locum habeat sub conditione exsistentiae dei, functionem illius cum officio arctissime coniungit, id est, exsistentia dei moraliter necessario sumenda videtur.

Hoc loco autem probe notandum est, necessitatem eam moralem *subiectivam* esse, id est, indigentiam, non *vero obiectivam*, hoc est, in ipso officio videri; namque nullum omnino potest officium esse, exsistentiae cuiuspiam rei sumendae (quoniam id solum usum rationis theoreticum attingit). Iam vero eo intelligi nolumus, functionem exsistentiae dei, *ut rationis causaeque omnis omnino obligationis*, necessariam esse (haec enim, uti satis euicimus, tantummodo posita est in autonomia rationis ipsius). Hic ad officium solum pertinet conatus summi boni et producendi in mundo et promouendi, cuius proinde potest possibilitas postulari, quam vero ratio nostra haud videt cogitari posse, nisi posita intelligentia summa, cuius proinde exsistentiae sumtio coniuncta est cum conscientia officii nostri, quamvis ea sumtio ipsa rationi theoreticae propria sit, cuius respectu ea solum ut ratio explicandi spectata, *hypothetis*, sed respectu rei, quae intelligi posset, obiectae nobis tamen per legem moralem propositae, (summi boni) proinde cuiuspiam indigentiae respectu practico, *fides* poterit, eaque pura *fides rationalis* adpellari, quoniam solum ratio pura (quoad usum tum theoreticum tum practicum) fons est, unde ea promanat.

Ex hac *deductione* nunc poterit comprehendere, cur *scholae Graecae* numquam potuerint adsequi solutionem problematis de possibilitate practica summi boni; siquidem tantummodo semper regulam usus, quem voluntas humana servat libertatis suae, pro una per se solam idonea eius ratione statuerunt, ita ut, ad id se exsistentia dei haud

opus habere putarent. Neque in eo quidem peccarunt, quod principium morum libere ab hoc postulato, per se ipsum constituerent ex adfectione rationis solum ad voluntatem, illudque proinde *summam* facerent conditionem practican summi boni; nec vero illud propterea fuit *tota* conditio possibilitatis illius. *Epicurei* falsum quidem morum principium statuerunt supremum, nempe principium felicitatis, regulamque optionis arbitrariae, ad suam cuiusque inclinationem, pro lege supposuerunt: verum in eo tamen satis *sibi consistere*, quod summum bonum suum, nempe humilitati decreti sui aequabiliter, deminuerent, nullamque felicitatem maiorem, quam quae per prudentiam humanam (quo etiam abstinencia pertinet et temperantia inclinationum) comparari posset, exspectarent, quam satis *tenuem* novimus et pro re nata admodum variam, necesse est, videri; ut taceam exceptiones, quas regulae eorum perpetuo concedere deberent, quibusque eae ad leges ineptae redderentur. Contra ea *Stoici* principium suum practicum summum, virtutem nimirum, ut summi boni conditionem rite elegerunt, sed quoniam gradum eius, purae legi virtutis necessarium, ut in hac vita prorsus inaccessum perhibebant, non solum facultatem *hominis* moralem, sub nomine *sapientis*, supra omnes naturae eius carceres intenderunt, et quidpiam, quod vniuersae hominum notitiae repugnat, sumserunt, verum etiam praesertim alterum summi boni *elementum*, scilicet felicitatem nullo modo rem esse subiectam facultati adpetendi humanae agnouerunt, sed *sapientem* suum, instar dei cuiusdam, ab natura (respectu animi contenti) prorsus liberarunt, propterea quod eum aduersitatibus vitae quidem exponerent, non vero subiicerent (simul quoque ut a malo liberum proponerent) atque ita reapse alterum summi boni elementum, propriam felicitatem, praetermitterent, siquidem illud solum in agendo ponerent atque in adquiescendo in pretio personali, ideoque in conscientia consilii moralis includerent, in quo quidem per vocem suae ipsius naturae satis potuissent refelli.

Doctrina christianismi \*), etiamsi non ut doctrina religiosa spectetur, in hac parte summi boni (regni dei) conceptum ministrat, qui solus severissimo rationis practicae praecepto faciat satis. Lex moralis sancta est (haud

\*) Plerumque praeceptio christiana morum respectu puritatis morali Stoicorum conceptui haud putatur praestare; verum discrimen viriusque valde manifestum videtur. Systema Stoicum conscientiam animi robusti fecit cardinem, in quo vniuersa consilia moralia verterentur, et, quamvis sectatores illius de officiis loquerentur, eaque et bene determinarent, tamen elaterem propriamque voluntatis determinandae rationem in elevatione animi supra humiles et solum per imbecillitatem animi potentes sensuum elateres. Igitur virtus ex eorum sententia cernitur in heroismo quodam sapientis supra animalem hominis naturam se extollentis, sibi ipsi sufficientis, qui aliis quidem officia proponit, sibi ipse super ea elatus, nullique legis moralis violationi obnoxius videtur. Quae cuncta vero non poterant facere, si eam legem sibi in puritate illa ac severitate, qua praeceptio euangelii proponit, sibi repraesentassent. Quodsi ideam perfectionem dicam, cui nihil quidquam possit consentaneum in experientia dari atque proponi, haud ideo morales ideae quidpiam erunt transcendens, id est, eiusmodi, cuius ne conceptum quidem possimus idonee determinare, aut cui, incertum sit, an omnino res obiecta respondeat, velut ideae rationis contemplantis, sed, ut prototypa perfectionis practicae, pro norma sit necessaria vitae moralis, simulque pro mensura comparationis. Si igitur doctrinam morum christianam a parte philosophica considerem, ea, enim ideis scholarum Graecarum comparata, sic se ostendit: Cynicorum, Epicureorum, Stoicorum et Christianorum ideae sunt: simplicitas naturae, prudentia, sapientia et sanctitas. Respectu viae, qua ad eam peruenimus, philosophi Graeci sic sese ab se inuicem distinxerunt, ut Cynicis intelligentia communis, aliis solum via scientiae, utrisque proinde solus tamen usus virium naturalium ad id sufficere videretur. Doctrina morum Christiana, quoniam praecepta sua (uti et esse debet) tam pura instituit, quaeque nullam veniam concedunt, fiduciam homini demit, certe hac in vita, ei prorsus conuenienter agendi, eam tamen rursus eo erigit, ut, si, quantum vires perniserint, bene egerimus, sperare possimus, fore, ut, quod haud in nostris viribus sit, alias nobis concedatur, quomodo, sciamus nec ne. Aristoteles et Plato differrebant tantummodo respectu originis conceptuum nostrorum moralium.

conniect) morumque sanctitatem postulat, quamquam vniuersa moralis perfectio, ad quam homo poterit adspirare, semper modo in virtute versatur, hoc est, in animi consilio legi conueniente propter legis *obseruantiam*, proinde in conscientia inclinationis continuæ ad peccatum, certe impuritatis, id est, multorum spuriorum (haud moralium) momentorum seruandæ legis admixtorum, proinde obseruantiam ipsius suæ cum modestia coniunctam, ideoque respectu sanctitatis, quam lex christiana postulat, nihil nisi progressum in infinitum naturæ creatæ reliqui facit, ob eam ipsam causam vero copiam illi potestatemque facit perdurationis sperandæ in infinitum progredientis. *Pretium* consilii legi morali æquabile *propterea* atque conueniens infinitum est; eo quod vniuersa, quæ esse possit, felicitas, ex sententia distributoris illius sapientis et omnipotentis, nulla re alia circumscribitur, quam defectu conuenientiae naturarum rationalium cum officio. Verum lex moralis per se nullam felicitatem *pollicetur*; quippe quæ ex conceptibus ordinis physici in vniuersum haud necessario est cum obseruatione legis illius coniuncta. Sed doctrina morum christiana hunc defectum supplet (alterius elementi ad summum bonum necessari) proposito mundo, in quo naturæ ratione præditæ legi se morali toto animo consecrant, velut *regni dei*, in quo natura moresque in concentum, vtrique per se ipsi alienum, ponuntur per auctorem sanctum, quo efficitur, vt esse queat summum bonum deriuatum. *Sanctitas* morum iis iam hac in vita pro norma statuitur, salus autem huic æquabilis et consentanea, *beatitudo*, quæ duntaxat in æternitate attingi possit, ostenditur; propterea quod *sanctitas* semper debet prototypum vitæ eorum in quouis statu esse, ad eamque progressus iam hac in vita et fieri potest, et necessario erit, sed *beatitudo* in hoc mundo, felicitas dicta, numquam potest obtineri (quantum in nobis erit) ideoque solum res subiecta spei efficitur. Nihilominus ipsum *doctrinæ moralis* principium christianum neutiquam theologicum (nec proinde heteronomia) est, sed autonomia rationis puræ practicæ per se ipsius, siquidem ea cognitionem dei eiusque volun-



tatis non pro fundamento constituit harum legum, sed modo summi boni adsequendi, cum adiunctione legum earum seruandarum, ipsumque *elaterem* proprium ad eas tenendas haud in desideratis illarum consequentibus ponit, verum in sola officii repraesentatione, in quo quippe diligenter faciendo solum reddi dignus poteris beatitate potiunda.

Ita fit, vt lex moralis per summi boni conceptum, vt rei obiectae finisque rationi purae practicae propositi, ducat ad *religionem*, hoc est, ad *cognitionem officiorum omnium vt praeceptorum diuinorum, non vero vt sanctionum*, id est, vt *praeceptorum arbitrariorum, per se ipsorum fortuitorum, voluntatis alienae*, sed vt *legum essentialium* cuiusque voluntatis liberae per se ipsius, quae tamen considerandae sint vt praecepta naturae summae, quoniam tantummodo a voluntate moraliter perfecta, (sancta et benigna) simulque etiam omnipotente, summum bonum, quod conatui nostro proponendum lex nobis moralis praecipit, et proinde per concentum cum hac voluntate possumus sperare. Atque hic quoque vniuersa sunt a studio nostri commodi remota in soloque officio constituta; ita vt nec metus debeat nec spes vt elateres constitui, qui natura principiorum induti, vniuersum actionum pretium morale peruertunt. Lex moralis imperat; vt, quantum esse possit, summum bonum in mundo vt vltimam rem obiectam vniuersae vitae statuam. Quod vero non possum sperare effici, nisi per conuenientiam voluntatis meae cum voluntate auctoris mundi sancti atque benigni, et, quamquam in conceptu summi boni, vt conceptu cuiuspiam totius, in quo summa felicitas cum summo perfectionis moralis (in creatis rebus possibilis) modo, vt in summa aequabilitate ac proportionem coniuncta repraesentatur, *mei ipsius felicitas* simul continetur: tamen haud ea, sed lex moralis (quae potius interminatum illius desiderium in me seuerè ad conditiones adstringit atque coercet) ratio est voluntatis determinandae, quae ad promouendum summum bonum proponitur.

Idcirco quoque doctrina morum haud proprie doctrina est, quae nobis ostendat, quomodo nosinet *reddere* felices possimus, sed quā ratione *digni* felicitate cuadamus. Tum solum, cum religio accesserit, etiam spes accedit, nos aliquando felicitatis participes fore, pro eo atque curaverimus, ne illa indigna videremur.

*Dignus* quispiam possessione rei cuiuspiam aut status dicitur, cum, ut in ea possessione sit, cum summo bono congruere videtur. Iam facile poterit intelligi, omnem dignitatem e vita morali pendere, siquidem ea in conceptu summi boni conditio reliquorum (quae ad statum pertinent) nempe partis efficitur felicitatis. Atqui ex his cogitur: doctrinam moralem per se nunquam debere ut *felicitatis doctrinam* tractari, hoc est, ut institutionem felicitatis potiundae; ea enim solum in conditione sine qua non felicitatis occupatur, non vero in adiumento illius comparandae. Cum ea vero (quae solum officia praecipit, non desiderii propriam utilitatem spectantibus normas ministrat) plene fuerit proposita ac pertractata: tum demum, posteaquam, quod in lege quadam innitur, desiderium morale summi boni promouendi (regni diuini ad nos arcessendi), quod ante in nullo poterat animo propriam utilitatem spectante oriri, excitatum est, in eiusque gratiam facta ad religionem processio, haec morum doctrina etiam poterit doctrina felicitatis vocari, quoniam *spes* eius obtinendae cum religione demum duntaxat incipit.

Ex quo porro quoque poterit perspici: si *ultimum dei finem* in creando mundo quaeras, non *felicitatem* naturarum rationalium in eo debere, sed *summum bonum* dici, quod ad desiderium earum naturarum praeterea conditionem addat, quippe eam, qua digni fiamus felicitate, hoc est, *moralitatem* earundem naturarum rationalium, quae sola in se mensuram continet modumque, quo solo possint, per potentiam *sapientis* auctoris, fieri participes felicitatis, sperari. Etenim, cum *sapientia*, theoretice spectata *cognitio summi boni* sit, et practice considerata, *convenientiam* denotet *voluntatis cum summo bono*, sapientiae summae in

se se consistenti non poterit finis attribui, in sola *benignitate* constitutus. Namque huius effectum (respectu felicitatis naturarum rationalium) solum sub conditionibus circumscriptentibus poterit convenientiae cum *sanctitate* \*) voluntatis eius, ut summo bono originario congruum, cogitari. Quapropter ii, qui finem creationis in honore dei (posito, hunc non anthropomorphistice, ut inclinationem ad laudem et celebrationem, cogitari) posuerunt, sine dubio in optimum vocabulum inciderunt. Nulla enim re magis deus honoratur, quam, quae omnium omnino rerum observantia dignissima est, observantia erga iussu illius, observatione sancti officii, per legem eius nobis iniuncti, si praeclarum eius institutum accesserit, eiusmodi pulchrum ordinem felicitate acquabili et consentanea coronandi. Quod si hoc posteriori (ut humano more loquar,) amore is dignus reddatur, superiori illo erit res adorationi proposita. Ipsi homines amorem quidem sibi beneficiis possunt, sed eis solis numquam observantiam comparare, ita ut maxima benignitas iis eo solum honori cedat, quod pro dignitate ea collocetur.

Iam vero sponte consequitur, in ordine finium, hominem (cum coque quamque naturam rationemque) *finem per se ipsum esse*, hoc est, numquam solum ut adiumentum a quopiam (ne vel ab ipso deo) nisi ut in eo simul finis sit, usur-

\*) In quo quidem atque ut peculiarem eorum conceptuum naturam distinguam, adhuc animaduerto: cum deo variae proprietates tribuantur, quarum qualitatem etiam rebus creatis consentaneam videmus, ita tamen, ut in deo ad summum usque gradum tollantur, veluti potentiam, scientiam, praesentiam, benignitatem et similes, quas omnipotentiam, omniscientiam, omnipraesentiam, summamque benignitatem vocamus, tamen esse tres, quae praecipue, nec vlla tamen quantitatis ratione adiecta, deo attribuuntur, quaeque universae morales sunt. Deus est *solus sanctus, solus beatus, solus sapiens*; quoniam iam conceptus in se cohibent vacuitatem a carceribus. Ergo ad ordinem earum deus quoque *legislator sanctus est* (et creator) *moderator benignus* (conseruatorque) et *iustus iudex*. Quibus tribus proprietatibus continentur cuncta, quibus efficitur, ut deus res sit religioni subiecta, quibusque convenienter perfectiones metaphysicae sponte sese in ratione adiungunt.

pari posse, proinde *naturam humanam* in persona nostra ipsa nobis esse *sanctam* oportere, quoniam homo *subiectum est legis moralis*, proinde eius, quod in se sanctum est, eius causa, cuique convenienter etiam vel quidquam univ-erse potest sanctum adpellari. Haec enim lex inoralis constituta est in autonomia voluntatis illius, ut voluntatis liberae, quae ex legibus suis univ-ersalibus necessario, oportebit, cum eo simul possit *conuenire*, cui sese debeat *subiicere*.

## VI.

SVPER POSTVLATIS RATIONIS PVRAE  
PRACTICAE IN VNIVERSVM.

Haec cuncta ex decreto moralitatis proficiuntur, quod nullum postulatum, sed lex est, qua proxime ratio voluntatem determinat, quae quidem voluntas eo ipso, quod ita determinata est, ut voluntas pura, conditionem postulat necessariam praeceptionis illius obseruandae. Quae postulata quidem haud sunt dogmata theoretica, sed *sum-ptiones* respectu necessario practico, proinde ea quidem cognitionem contemplatiuam amplificant, sed ideis rationis contemplatiue *in univ-ersalibus* (per adfectionem earum ad practicum) realitatem obiectiuam impertiunt, iisque copiam faciunt conceptuum, quorum alias ne possibilitatem quidem sibi posset sumere adserendam.

Atque postulata illa *immortalitatis* sunt, et *libertatis*, positue spectatae (ut causalitatis naturae, quatenus ad mundum intelligibilem pertinet,) *deique existentiae*. Postulatum *immortalitatis* ex conditione promanat practice necessaria conuenientiae durationis cum plena legis moralis obseruatione; postulatum *libertatis* sumptione necessaria independ-entia a mundo sensibili oritur facultatisque determinandi voluntatem, secundum legem mundi intelligibilis, hoc est, libertatis; postulatum *existentiae dei* ex necessitate fuit conditionis mundi eiusmodi intelligibilis, ut summum bonum sit, sumptione summi boni in sese consistentis, id est, existentiae dei.

Quamobrem respectus summi boni per obseruantia  
 erga legem moralem necessarius atque exinde promanans  
 sumtio realitatis illius obiectiuæ, per postulata rationis  
 practicæ ad conceptus ducit, quos ratio contemplatiua vt  
 quaestiones quidem proponere poterat, nec eas vero sol-  
 vere. Ergo 1) ad eam, in qua soluenda ratio nil, nisi  
*paralogismus* poterat committere, (nempe immortalitatis,) quoniam ei notae deerant constantiae, vt conceptus sub-  
 iecti vltimi psychologicus, qui animæ in conscientia sui  
 ipsius necessario attribuitur, ad repræsentationem realem  
 substantiæ supplendam, quod ratio practica, per postula-  
 tum, efficit, durationis conuenientiae cum lege morali in  
 summo bono, vt integro totoque rationis practicæ fine,  
 necessariae. Deinde 2) ducit is ad illud, de quo ratio  
 contemplatiua nihil complectebatur, praeter *antinomiam*,  
 cuius solutionem ea solum in conceptu problematice qui-  
 dem cogitabili, sed quoad realitatem eius obiectiuam haud  
 euincendo nec determinabili constituere poterat, nimirum  
 ad ideam *cosmologicam* mundi intelligibilis conscientiam-  
 que nostrae in illo existentiae, per postulatum libertatis,  
 (cuius realitatem per legem moralem ostendit, cum eaque  
 simul legem mundi intelligibilis, quem contemplatiua ratio  
 tantummodo indicare poterat, nec vero conceptum eius  
 determinare.) 3) ei, quem ratio contemplatiua cogitare qui-  
 deni debebat, neque tamen, vt merum *ideale* transcenden-  
 tale indeterminatum relinquere cogeatur, conceptui entis  
 originarii *theologico* vim virtutemque impertit, (respectu  
 practico, hoc est, vt conditioni possibilitatis obiectæ rei  
 voluntatis per legem determinatae,) vt supremo principio  
 summi boni in mundo intelligibili per legislationem mora-  
 lem in eo potestate polentem.

Num autem cognitio nostra hoc modo per rationem  
 puram practicam vere amplificatur, et efflue id, quod ra-  
 tioni contemplatiuae *transcendens* fuit, practicæ *imma-  
 nens*? Ita sane, sed *solum respectu practico*. Namque eo  
 quidem neque animæ nostrae naturam cognoscimus, neque  
 mundum intelligibilem, nec naturam suam, ita vt ea

per se ipsa sunt, sed conceptus solum de iis coniunximus in *summi boni* conceptu, ut rei voluntati nostrae propositae, pleneque ex anticipatione, per rationem puram, sed tantummodo interuentu legis moralis, etiamque solum ex adfectione ad eam, respectu rei, quam ea imperat. Sed quomodo vel esse libertas queat, et quomodo hoc causalitatis genus theoretice et positue cogitari debeat, eo non perspicitur, sed solum, talem esse, per legem moralem in eiusque gratiam postulatur. Sic quoque cum reliquis ideis comparatum videtur, quas quoad possibilitatem nulla unquam humana intelligentia inuestigando aperiet, verum etiam, eas haud in veris conceptibus versari, nulla persuasionis sophisinata, vel hominis ex infima plebe unquam nobis eripient.

## VII.

QVOMODO AMPLIFICATIO RATIONIS PVRAE RESPECTV PRACTICO, ITA VT EO ILLIVS COGNITIO, QVA CONTEMPLATIVAE SIMVL AMPLIFICETVR, FIERI POSSIT, VT COGITETVR.

Ad quam quidem quaestionem, ut ne nimium subtiles euadamus, statim ad causam praesentem respectu habito respondebimus. Ut cognitio pura quaedam *practice* amplificetur, *finis* quidam sit scopusque ex anticipatione datus atque propositus, hoc est, finis, ut res obiecta (voluntatis), quae, libera ab uniuersis principiis theologicis per imperatiuum voluntatem proxime determinans (categoricum), ut *practice* necessaria repraesentetur, idque hoc loco *summum bonum* videtur. Hoc vero esse non potest, nisi tres conceptus theoretici sumantur (quibus, quoniam meri sunt conceptus puri rationales, nulla potest visio consentanea, proinde, in via theoretica, nulla realitas obiectiua inueniri): nempe libertas, immortalitas, deusque. Quocirca per legem practicam, quae existentiam summi boni imperat in mundo possibilis, possibilitas rerum illarum rationi purae contemplatiuae obnoxiarum, obiectiua realitas, quam in

haec non poterat cauere, postulatur; quo cognitio rationis purae theoretica sane incrementum accipit, quod vero solum eo continetur, quod conceptus illi alias problematici (solum cogitabiles), nunc adsertorie declarantur tales, quibus reapse res obiectae competant, quoniam ratio practica necessario opus habet existentia illarum ad possibilitatem rei suae obiectae, et quidem practice simpliciter necessariae, summi boni, eoque theoreticae potestas fit illius sumendae. Haec amplificatio rationis theoreticae autem non cernitur in amplificanda contemplatione, id est, ut *respectu theoretico* nunc vsus positivus fiat. Etenim cum nihil quidpiam amplius in eo per rationem practicam effectum est, quam, ut conceptus illi reales videantur, vereque res (possibiles) habeant sibi subiectas, praeterea vero nihil quidquam visionis illarum nobis detur (quod etiam haud poterit postulari,) nulla esse potest enunciatio synthetica per hanc realitatem earum concessam. Ergo haec satisfactio nobis respectu contemplatiuo ne minimum quidem proderit, sed sane vero respectu vsus practici rationis purae, ad hanc cognitionem nostram amplificandam. Tres illae superiores ideae rationis contemplatiuae per se nondum cognitiones sunt; tamen *cogitationes* (transcendentes) sunt, in quibus, quod esse nequeant, non potest ostendi. Iam illae per legem apodicticam practicam, ut conditiones necessariae possibilitatis eorum, quae ea lex sibi *proponenda* imperat, realitatem accipiunt obiectiuam, hoc est, nos lege illa edocemur, *iis res subiectas esse*, ita tamen, ut, quomodo earum conceptus ad rem obiectam referatur, non possint declarare, idque etiam nondum cognitio est *rerum earum obiectarum*; eo enim omnino nihil poteris de iis synthetice iudicare, neque usum earum theoretice determinare, proinde nullum earum usum rationis theoreticum facere, quippe in quo proprie vniuersa eorum cognitio contemplatiua consistit. Verum tamen cognitionem theoreticam, *non harum rerum obiectarum quidem*, sed rationis omnino, eo vidimus amplificatam, quatenus per postulata practica illis ideis *obiectae res* darentur, propterea quod cogitatio mere problematica eo demum realitatem obiectiuam acciperet. Ergo non

cognitionis *datarum rerum suprasensibilium*, sed tamen rationis theoreticae cognitionisque illius amplificatio respectu suprasensibilium genetatim fuit, quatenus, *eiusmodi res obiectas esse*, ut concederet, ea cogereetur, neque eas tamen accuratius determinaret, nec proinde eam rerum obiectarum cognitionem (nunc illi quidem ex ratione practica, etiamque ad usum tantummodo practicum datarum) ipsa posset amplificare, quam itaque accessionem ratio pura theoretica, cui omnes istae ideae transcendentes sunt, obiectaque re destitutae, solum facultati purae practicae suae fert acceptam. In hac *immanentes* fiunt et *constitutivae*, propterea quod in rationibus versantur causisque possibilitatis, rem rationi purae practicae *necessario propositam* (summum bonum) *ut exstet, efficiendi*, cum, sine hac, ideae *transcendentes* sint et in principiis rationis contemplantis solum *regulativis* versentur, quae illi haud praecipiunt, ut rem obiectam novam ultra experientiam sumat, sed solum earum usum in experientia plenitudini propius adducat. Quodsi autem ratio semel possessione gaudeat huiusce accessionis, tum ea, qua ratio contemplativa, (proprie solum ad usum practicum custodiendum) negativae, hoc est, non amplificando, sed explorando, in illis ideis versabitur, partim *ut anthropomorphismum*, ut fontem *superstitionis* arceat, vel opinatam conceptuum amplificationem illorum per putativam experientiam, partim, *ut fanaticismum* abigat, qui per visionem suprasensitivam vel eiusmodi tactus illi imponit; quae omnia in impedimentis sunt usus practici rationis purae quorum proinde amolitio respectu practico sane pertinet ad amplificationem cognitionis nostrae neque tamen repugnat, ut confiteare, rationem respectu contemplativo nihil eo quidquam esse lucratum.

Ad quemque rationis usum respectu cuiuspiam rei obiectae opus est conceptibus puris intellectualibus (*categoriis*), sine quibus nulla res potest obiecta cogitari. Quae quidem tantummodo ad usum rationis theoreticum possunt, id est, ad eiusmodi cognitionem solum adhiberi, quatenus iis simul visio (quae semper sensualis est) supponitur, ideo-



que solum, vt iis res experientiae, quae possit esse, subiecta repraesentetur. Atqui hic *ideae* rationis, quae in nulla prorsus possunt experientia dari atque proponi, id sunt, quod, vt cognoscerem, per categorias foret mihi cogitandum. Verum hoc loco non de cognitione theoretica rerum hisce ideis subiectarum agitur, sed id solum spectatur, vt iis omnino res subiectae videantur. Hanc realitatem ratio pura practica parit, in quo quidem rationis theoreticae nullum aliud munus est, quam vt res illas obiectas solum *cogitet* per categorias, quod, vti alias perspicue ostendimus, effici commodè poterit, ita vt haud opus habeamus visione (nec sensuali, nec suprasensuali), propterea quod categoriarum in intelligentia pura libere absoluteque atque ante vniuersam visionem, solum vt in facultate cogitandi sedes atque origo est, eaeque semper modo rem obiectam in vniuersum denotant, *utrumque ea data nobis atque oblata videatur*. Iam categoriis, quatenus debent ad ideas illas adhiberi, nulla quidem res obiecta dari in visione potest atque proponi; verum tamen *talem vere exflare*, proinde categoriam, vt solam cogitandi formam, hic non ihanem esse, sed vim virtutemque habere, iis per rem obiectam, ab ratione practica in conceptu summi boni indubitata suppeditatam, satis illis de *realitate conceptuum*, ad possibilitatem summi boni pertinentium, satis prouisum videtur, quamuis per hanc accessionem ne minima quidem cognitionis ex principiis theoreticis amplificatio efficiatur.

Si praeterea hae *ideae* de deo, mundo intelligibili (regno dei) et immortalitate per praedicata determinentur, a propria natura nostra deprimta, ea determinatio, neque vt *sensificatio* illarum purarum idearum rationalium (anthropomorphismus,) neque vt cognitio transcendens rerum *suprasensibilem* spectanda erit; haec enim praedicata nulla alia sunt, quam intelligentia et voluntas, et ita quidem in adfectione erga se inuicem considerata, vti in lege morali debent ea cogitari, proinde tantummodo, quatenus eorum usus fieri poterit purus practicus. Ab omnibus reliquis,

quae hisce conceptibus psychologice adhaerent; id est, quatenus has facultates nostras in *actione* empirice obseruamus, (veluti, intelligentiam hominis discursiuam esse, eius repraesentationes proinde in cogitationibus versari, non vero in visionibus, hasce in tempore sibi inuicem succedere, voluntatem eius semper esse dependentia quadam tranquillitatis ab existentia rei sibi subiectae adfectam, et sic porro, quod non potest sic esse in natura summa) tum nosmet continemus, atque ita ex conceptibus, per quos nobis ens purum intellectuale cogitatione informamus, nihil amplius relinquitur, quam quod ipsum ad possibilitatem opus sit legis moralis cogitandae, proinde cognitio quidem dei, sed modo respectu practico, quo, si periculum fecerimus illius ad theoreticam dilatandae, intelligentiam eius accipiemus, quae haud cogitet et moueatur, sed *videat* atque *intueatur*, voluntatemque res spectantem, a quarum existentia tranquillitas eius minime pendeat (vt taceam praedicata transcendentalia, velut quantitatem existentiae, hoc est, durationis, quae haud locum habeat in tempore, vno illo adiumento, quo fieri potest, vt existentiam nobis qua quantitatem repraesentemus,) quae cuncta in proprietatibus sunt, de quibus nullam nobis prorsus cogitationem informare possumus, ad *cognitionem* obiectae rei idoneam, eoque edocentur, eas numquam posse ad *theoriam* naturarum suprasensibilium adhiberi, ideoque ex hac parte iis nullo modo posse cognitionem contemplatiuam constitui, vsumque eorum duntaxat ad obseruationem huiusce legis moralis adstringi.

Quod postremo diximus, adeo manifestum est itaque euidenter potest facto euinci, vt audacter queas viuiuersos putatitios istos *theologos naturales* (mirabile nomen!) prouocare, vt vnā modo proprietatem nominent, hanc iis rem subiectam (praeter praedicata mere ontologica) determinantem, intelligentiae fere, aut voluntatis, in qua manifesto nequeat probari, cunctis ab ea anthropomorphislicis separatis, non nisi solum verbum relinqui, quocum ne minimus possit conceptus coniungi, quo amplificatio cognitionis theoreticae

liceat sperari. Sed ratione practici ex proprietatibus intelligentiae voluntatisque tamen conceptus nobis relinquitur relationis, cui lex practica (quae hanc ipsam intelligentiae ad voluntatem adfectionem ex anticipatione determinat) realitatem obiectivam impertit. Quod cum semel factum fuerit, tum conceptui rei subiectae voluntati moraliter determinatae (conceptui summi boni) cum eoque conditionibus possibilitatis eius, ideis de deo, libertate atque immortalitate, etiam realitas, sed semper modo respectu servandae legis moralis (ad nullum usum contemplativum) tribuitur.

His monitis facile poterunt inveniri, quae ad gravissimam quaestionem respondeantur: *utrum conceptus de deo ad physicam* (proinde quoque ad metaphysicam, quippe qua solum principia pura ex anticipatione physices sensu generali continentur) *pertinent, an ad philosophiam moralem.* Enodationes institutorum naturalium, si in iis ad deum confugas, utpote omnium rerum auctorem, nulla certe enodatio physica est omninoque confessio de philosophia laborante; siquidem coactum te sentias, ut, de quo caeteroquin nullam cogitationem habeas, quidpiam sumas, ut de possibilitate eius, quod ante oculos constitutum vides, cogitationem possis informare. Sed ut per metaphysicam ab notitia huius mundi ad conceptum de deo, ad argumentumque existentiae illius *per certas indubitatasque ratiocinationes* peruenias, propterea fieri non potest, quod hunc mundum, ut perfectissimum, quod esse possit, totum, proinde, ad hoc efficiendum, omnes, qui esse possint, mundos (ut eos cum hoc comparare queamus) cognoscere, proinde omni-scios esse, oporteret, ut eos fieri solum per *deum* (uti hunc conceptum cogimur cogitare) potuisse diceremus. Tum denuum fieri nullo modo poterit, ut existentiam huius naturae e solis conceptibus cognoscas, quoniam quaeque enunciatio existentialis, id est, ea, quae naturam, de qua mihi cogitationem informo, enunciat exstare, pronunciatum syntheticum est, hoc est, eiusmodi, quo conceptum illum transeo et plus de illo dico, quam fuit in conceptu cogitatum: nimirum isti con-

ceptui in *intelligentia* subiectam rem esse, quae ei respondeat, extra *intelligentiam*, quod, manifestum est, fieri non posse, ut per ullam quampiam ratiocinationem eliciatur. Ergo vnus solum procedendi modus rationi relinquatur, quo ad hanc cognitionem perueniat, cum scilicet, ut ratio pura, a summo vsus puri sui practici principio proficiens (eo quod hic praeterea solum existentiam cuiuspiam spectat, ut consequentis rationis) rem sibi subiectam determinat. Ac tum quidem, non solum in quaestione sua ineuitabili, nempe in voluntate ad summum bonum necessario dirigenda, necessitas emergit, eiusmodi naturae originariae sumendae, respectu possibilitatis huius boni in mundo, sed, quod caput est, aliquid, quod progressui rationis in via naturali prorsus debeat, nempe *conceptus huius naturae originariae accurate determinatus*. Cum hunc mundum ex parua duntaxat particula norimus, multo eum minus cum vniuersis, qui possunt esse, mundis comparare possimus, poterimus quidem ab ordine illius, convenientia ac magnitudine ad auctorem eius *sapientem*, *benignum potentemque* concludere, non vero ad *omniscientiam* illius, *omnipotentiam* etc. Facile etiam poterit concedi hunc defectum ineuitabilem per licitam rationique consentaneam hypothesein commode posse suppleri; nimirum, si in multis illis partibus, quae propius se nobis cognoscendas ostendunt, sapientia, benignitas et id genus alia elucet, in cunctis quoque reliquis ita fore, ideoque rationi consentaneum esse, ut auctori omnes, quae esse possunt, perfectiones attribuantur; sed ea non in *ratiociniis* versantur, quibus ne nosita queamus perspicientia superbire, sed modo iura, quae nobis possint concedi, quaeque et alia commendatione indigent, si iis uti velimus. Igitur conceptus dei in via empirica (physices) etiam nunc *conceptus* manet *parum accurate determinatus* de perfectione entis primi, ita ut non possit conceptu naturae diuinae consentaneus putari (per metaphysicam vero in parte transcendentali nullo modo quidquam efficietur).

Iam si periculum fecero huiusce conceptus cum re rationi practicae subiecta comparandi, eum deprehendo per

principium morale concedi quidem vt possibilem, posito mundi auctore, qui *summa* gaudeat *perfectione*. *Omniscius* sit, necesse est, vt vitam meam vsque ad intestinos animi motus adfectionesque in vniuersis, quae esse possunt, causis atque in onine futurum tempus cognoscat; sit porro *omnipotens*, vt, quae illi conuenienter sequantur, efficiat; sit itidem *ubicumque locorum praesens*, sit *aeternus*, et sic porro. Proinde lex moralis per summi boni conceptum, vt rei rationi purae practicae propositae, determinat conceptum entis originarii, *vt entis summi*, quod iter rationis physicum (atque vltius continuatum metaphysicum) proinde totum contemplatiuum non potuit efficere. Ergo conceptus dei non est conceptus ad physicam pertinens, hoc est, ad rationem contemplatiuam, sed ad philosophiam moralem, atque hoc ipsum de caeteris quoque conceptibus rationalibus dici poterit, de quibus, vt postulatis rationis in vsu practico, supra disputauimus.

Cur in historia philosophiae Graecae vltra *Anaxagorae* tempora nulla perspicua theologiae purae rationalis vestigia deprehendantur, eius rei causa non est in philosophis vetustioribus quaerenda, quibus intelligentia perspicientiaque deficeret, quo minus per viam contemplationis, sanis certe hypothesebus adiuti, eo sese eueherent; quid facilius esse poterat, quid naturae conuenientius, quam, quae sponte se cuique obicit, cogitatio, pro indeterminatis gradibus perfectionis diuersarum mundi causarum, vnam ratione praeditam sumendi, cui *omnis* in sit *perfectio*? Verum mala in mundo longe iis grauiora obstacula videbantur, quam vt sibi ea hypothesis licita esset. Idcirco in eo ipso intelligentiam perspicientiamque prodidere, quod eas sibi hypotheses haud permitterent, potiusque in causis physicis anquirerent, annon in iis qualitatem ad causam primam necessariam facultatemque inuenirent. Posteaquam autem hic populus acutus tantum in inuestigando indagandoque progressus erat, vt ipsas res morales, de quibus alii populi duntaxat nugati sunt, philosophice tractarent; tum deum nouam offendeant indigentiam, scilicet practicam, quo fieri non

poterat, quin entis originarii conceptum determinate posset ostendere, in quo quidem negotio ratio contemplatiua sese tenuit otiosam, ad summum laudem meruit, conceptum se, in suo haud territorio natum, exornasse, comitatuque confirmationum et inuestigatione naturae, quae nunc demum prodibant, stipare, quo haud sane quidem (quae iam constituta erat) auctoritatem illius, sed potius tantummodò pompam ostentationemque ex opinata perspicentia rationali theoretica promouerent.

\* \* \*

His monitis perceptis atque intellectis lectori critices rationis purae contemplatiuae ad veritatem plane erit persuasum: quàm necessaria fuerit, quamque et theologiae et doctrinae morum salutaris operosa illa categoriarum *deductio*. Ea enim sola caueri poterit, ne, si in intelligentia pura ponantur, eas, cum *Platone*, insitas atque innatas putemus, in iisque conatus constituamus transcendentes theoriarum rerum suprasensibilem, quarum nullos fines videmus nec terminos, quibus vero theologia in laternam magicam phantasmatum ingenii convertitur; quas vero si partas paratasque putaueris, cauebis, ne, cum *Epicuro*, omnem usum eorum ac singulum, vel ipso respectu practico, solum ad res adstringamus rationesque determinantes sensibus subiectas. Nunc autem, cum critica in deductione illa *primo* probauerit, eis nullam originem empiricam esse, sed sedem earum ex anticipatione fontemque in intelligentia pura versari; *deinde* quoque, cum *ad res obiectas generatim*, a visione libere, referantur, iis quidem ad res *empiricas* adhibendis *cognitionem theoreticam* effici, sed eas tamen quoque, ad rem obiectam adhibitâs datam per rationem puram practicam, *determinatae suprasensibilem cogitationi* inferuire, verum duntaxat, quatenus haec solum per praedicata determinetur, quae ad *finem* purum *practicum* ex anticipatione datum eiusque possibilitatem pertineant. Contemplatiua rationis purae circumscriptio et practica illius amplificatio eam demum ad illam *aequalitatis rationem* adducit, in qua omnino possit ratio conuenienter vsurpari,

eoque exemplo melius, quam vlllo alio, probatur, semitam ad *sapientiam*, si tuta esse debeat, neque inuia fieri aut decipiens, per scientiam ducere oportere, quo vero ad metam illam nos duci, illa denum absoluta poterimus certi euadere.

## VIII.

## DE ADSENSV EX INDIGENTIA QVADAM RATIONIS PVRAE.

*Indigentia* rationis purae in vsu speculatio tantummodo ducit ad *hypotheses*, sed indigentia rationis purae practicae ad *postulata*; siquidem per indigentiam rationis purae a deriuato in sese rationem tam alte, *quam lubet*, ascendendo, opusque habeo ratione prima, non quo deriuato illi (veluti colligationi causarum in rebus mutationibusque mundi) realitatem obiectiuam impertiam, sed vt rationem indagantem meam respectu illius plene expleam. Sic ordinem conuenientiamque in natura rerum coram video, nec, quo certus fiam de veritate existentiaque illius, opus est, vt contemplationem adeam, sed inodo, vt, quo eam *enodem*, *naturam diuinam*, vt eius causam, *supponam*; vbi tum, quoniam ab effectu ad causam determinatam, praefertim tam adcurate pleneque determinatam, qualis in deo cogitari debet, dubia ratiocinatio atque ambigua est, eiusmodi sumtio non nisi ad gradum potest opinionis, nobis hominibus, omnium maxime cum ratione conuenientis \*), promoueri. Contra indigentia rationis purae *practicae* in

\*) Sed vel hic quoque haud possemus indigentiam *rationis* praetendere, nisi conceptus quidam problematicus, sed tamen inuitabilis rationi foret ob oculos positus, scilicet conceptus entis absolute necessarii. Hic conceptus determinandus est, idque, si adpetitio amplificationis accedit, ratio est obiectiua indigentiae rationis contemplatiuae, nempe vt conceptus entis necessarii, quod aliorum esse ratio prima debet, propius determinetur, et hoc proinde posterius quapiam re distinguatur. Sine eiusmodi problematibus necessariis antegressis, nullae sunt *indigentiae*, saltem haud *rationis purae*; ceterae sunt indigentiae *inclinotionis*.

*officio* constituta est, ut quidpiam (summum bonum) voluntati nostrae proponamus, pro viribus promouendum; in quo vero possibilitatem eius, proinde et conditiones, deum libertatem atque immortalitatem ponere cogor, quippe quas per rationem contemplatiuam non euincere possum, quamuis etiam haud refellere. Atque hoc officium in lege constitutum est, sane quidem ab hisce functionibus prorsus libera, per se ipsa apodictice certa, nempe in lege morali, neque eatenus ullius ulterioris adiumenti indiget ex opinione theoretica de interna rerum natura, secretoque ordinis mundani scopo, aut moderatoris cuiuspiam, qui illi praesit, ad nos plenissime ad actiones absolute legibus consentaneas obligandos. Verum effectum huius legis subiectuum, nempe *consilium* animi illi conueniens per eamque necessarium, practici, quoad esse possit, summi boni promouendi, tamen certe supponit, hoc summum bonum possibile esse, cum e contrario practice impossibile foret, ut rem subiectam conceptui sequare, qui omnino vanus atque inanis foret omnique re obiecta destitutus. Iam postulata non nulla physicas modo vel metaphysicas, verbo, quae in rerum natura insunt, conditiones attingunt *possibilitatis* summi boni, non vero in gratiam consilii contemplatiui arbitrarii cuiuspiam, sed finis cuiusdam practice necessarii voluntatis purae rationalis, hic non *optantis*, sed irremissibili rationi iussu *obtemperantis*, cuius fundamentum, *obiectiue*, in natura rerum est, uti eae per rationem puram vniuerse debent diiudicari, nec fere in *propensione* constitutum est, quae in gratiam eorum, quae ex rationibus mere *subiectivis expetimus*, ut continuo adiumenta eorum ut possibilia sumat, aut rem obiectam fere adeo ut exstantem, nullo modo potestatem habet. Ergo haec *indigentia est respectu absolute necessario*, sui que functionem defendit non solum ut hypothefin, sed ut postulatum respectu practico; concessoque, lege pura morali, quemque, ut praecepto, (non vero ut regula prudentiae,) maxime obligari, num probo licebit dicere: equidem *volo*, deum esse, meanque in hoc mundo existentiam, etiam praeter uexum naturae, existentiam in mundo puro intel-



ligibili, tandem quoque durationem meam infinitam, haec mordicus teneo, eamque mihi persuasionem haud patiar eripi; quippe hoc unum est, in quo, quae mea interfunt, de quibus, non *licet*, ut quidquam remittam, iudicium meum necessario determinatur, argutationibus neglectis, quamvis minime ad eas respondere possim, iisque speciosiores opponere.

\* \* \*

Vt in conceptu tam inusitato, qualis fidei conceptus est purae practicae rationalis, adhibendo, euitentur calumniae, liceat mihi scholium his adiungere. — Propemodum videri possit, ac si haec fides rationalis hoc loco ipsa ut *praeceptum* declaretur, nempe ut summum bonum ut possibile sumatur. Sed fides iussa atque praecepta nihil est. Verum in animum reuocetur discussio eorum, quae in summi boni conceptu sumenda postulantur, et manifestum erit, eam possibilitatem accipiendam minime debere imperari, nullaue postulare consilia practica, eius *concedendae*, sed a ratione contemplatiua haud rogata concedi eam oportere; namque nemo poterit contendere, fieri per se non posse, ut digna felicitate conditio naturarum in mundo rationalium, legi morali consentanea, cum fruitione felicitatis coniuncta huic aequabili videatur. Iam respectu vnius elementi summi boni, nimirum moralitatis, lex moralis nobis solum imperat ac praecipit, et, qui de possibilitate illius elementi dubitaret, perinde faceret, ac si ipsam legem moralem in dubium vocaret. Sed alterius quidem elementi, nempe felicitatis perpetuo dignitati illi consentaneae atque aequabilis possibilitas generatim ut concedatur nullius omnino praecepti indiget, neque enim, quod contra dicat, ipsa ratio theoretica quidquam habet; sed in solo *modo*, quo eiusmodi legum naturalium concentum cum legibus libertatis debeamus cogitatione informare, inest quidpiam, cuius respectu nobis *optio* competit, eo quod ratio theoretica de ea re nihil cum certitudine apodictica decernit, et, huius respectu, esse inuitamentum morale potest, ex quo momentum pendeat.

Supra diximus, secundum solum in mundo cursum naturae, felicitatem dignitati morali adcurate conuenientem atque aequabilem neque expectandam esse, neque impossibilem reputandam, ideoque possibilitatem summi boni, ab hac parte, posito solum auctore mundi inorali, posse concedi. De industria circumscriptionem huiusce iudicii, ad conditiones rationis nostrae *subiectiuas* adstringendi, retinui, ut tum demum ea vterer, cum modus adfensionis adcuratius determinandus foret. Reapse impossibilitas sic dicta solum *subiectiua* est, id est, ratio videt, per se non posse fieri, ut contextum tam exacte consentaneum perpetuoque conuenientem finibus, duorum euentorum mundanorum ex legibus tam diuersis euenientium, comprehendat; quamuis, uti in vniuersis caeteroquin in rerum natura secundum fines constitutis, nec impossibilitatem eius ex vniuersalibus legibus physicis euincere possit, id est, ex rationibus obiectiuis idonee demonstrare.

Verum nunc alia decidendi ratio accedit, unde momentum accipiat ratio titubans atque vacillans contemplatiua. Praeceptum, ut summum bonum promoueatur, obiectiuum est (in ratione practica), eiusque possibilitas omnino iidem obiectiue (in ratione theoretica, quae non habet, quod regerat) constituta videtur. Sed modus, quo debeamus eam nobis possibilitatem repraesentare, utrum ex legibus vniuersalibus physicis, siue auctore, qui naturae praesit, sapiente, an modo, eo posito, ratio non potest obiectiue decidere. Hic igitur conditio rationis *subiectiua* se ostendit; qua sola modus continetur theoretice illi possibilis, ideinque moralitati (*obiectiuae* legi rationis subditae) solum salutaris, plenissimum concentum regni naturae cum regno morum, ut conditionem possibilitatis summi boni cogitandi. Cum igitur illius promotio, ideoque possibilitatis eius sumtio, *obiectiue* (sed modo secundum rationem practicam,) necessaria sit, simul vero, quomodo nobis illud ut possibile cogitatione informare velimus, ex nostra optione pendeat, in qua vero inuitamentum liberum rationis purae practicae functionem decernit auctoris mundi

sapientis: principium, quo iudicium nostrum in eo determinat, *subiectivum* quidem, qua indigentia, sed simul quoque qua adiumentum eius promouendi, quod *obiectiue* (præctice) necessarium est, ratio *regulae* adfensionis respectu morali, id est, *fides rationalis pura practica*. Haec igitur non iussa est, verum ex ipso morali consilio exorta, qua spontanea, fini morali (iusso) salutaris, praetereaque cum indigentia rationis theoretica conspirans iudicii nostri determinatio, ad sumendam existentiam illam rationisque vñui porro funtamento constituendam; proinde saepenumero ea potest in ipsis ingeniis probis nonnumquam vacillare, numquam vero verti in dissidentiam.

## IX.

DE RATIONE FACULTATVM COGNOSCENDI HOMINIS' DESTINATIONI EIVS  
PRACTICAE SAPIENTER CONVENIENTE.

Quodsi natura humana, vt ad summum bonum tendat, destinata sit, modus quoque humanarum cognoscendi facultatum, praecipue earum in se inuicem ratio, vt huic fini consentanea, sumendus videtur. Atqui critica rationis purae *contemplativae* summam illius infirmitatem atque insufficientiam ostendit, vt grauissimas quaestiones ei propositas, scopo convenienter expediendas, quamquam nutus rationis eiusdem naturales nec negligendos, itemque magnos illos progressus haud ignorat, quos facere possit, vt ad metam illam sibi propositam propius accedat, ita tamen, vt eam numquam, vel maxima cognitione physica adiuta, per se ipsam adsequatur. Ergo natura, instar *novæ*, hic facultate ad scopum nostrum necessaria nobis prospexisse videtur.

Sed fac, eam, votis nostris in eo obsecutam, illam nobis perspiciendi facultatem, cultumue ingenii et collustrationem dedisse, quam aumus habere, in cuius possessione nonnulli *opinantur* videri, quid tum inde probabiliter con-

sequeretur? Nisi vniuersa natura nostra simul conuerteretur, *inclinationes*, quae semper sibi praerogatum arrogat, suam primo exsationem, cumque deliberato consilio coniunctae, quanta esse potest, maximam longissimeque durantem fatiationem, *felicitatis* nomine notatam, desiderarent; alter dicendi locus legi morali foret, quo illam carceribus congruis coerceret, adeoque cunctas eas altiori fini, nullius respectum inclinationis habenti, subiiceret. Verum, loco certaminis quod nunc quidem consilio morali est cum inclinationibus, in quo, acceptis aliquot claudibus, sensum tamen morale robur animi acquirendum videtur, *deus* atque *aeternitas*, cum *terribili* vtriusque *maiestate*, perpetuo *ob oculos* versarentur, (siquidem, quae plene possum euincere, respectu certitudinis, idem valent, quam quorum fidem nobis adspectus facit). Sane quidem legem haud migrares, iussumque seruares; quoniam vero *consilium animi*, quo fieri actiones debent, nullo potest praeccepto instillari, sed stimulus actiuitatis continuo in promptu est atque *extrinsecus*, proinde ratio non demum se se propere debet, ut vires colligat ex viuâ excellentiae legis repraesentatione, quo inclinationibus resistat, pleraeque actiones legibus consentaneae metu fierent, admodum paucae ex spe, nullaeque prorsus propter officium fusciperentur, actionum vero pretium morale, unde tamen solum pretium personae ac dignitas ipsiusque mundi coram sapientia summa pendet, nullum omnino exstaret. Itaque vita hominum, donec ita, uti nunc est, natura illorum ingeniumque maneret, in solum mechanismum conuerteretur, ubi, quemadmodum in forinis puparum mobilium, omnia probe *gesticularentur*, neque vlla tamen *vita* in figuris deprehenderetur. Iam, cum longe aliter nobiscum comparatum sit, cum omni neruorum rationis nostrae contentione prospectum admodum obscurum atque ambiguum status futuri habeamus, gubernator mundi existentiam suam excellentiamque nobis concedat duntaxat coniiciendam diuinandamque, non vero conspiciendam aut euidenter demonstrandam. contra, quae in nobis est, lex moralis, nulla re nobis promissa, nullis minis propositis, a nobis obser-

vantiam postulet, ab omni studio propriae utilitatis alienam, caeteroquin autem, cum ea observantia vim suam exseruit ac dominatur, tum deum et eo solum prospectum in regnum suprasensibilem, sed modo tenuiter, nobis concedat; verum animi consilium morale, legi proxime consecratum, locum habere potest naturaque rationalis digna fieri participatione summi boni, pretio personae suae morali, non solum actionibus suis, consentanei atque aequalis. Quamobrem dubitari non poterit, id quod alias quoque per studium naturae hominisque satis edocemur, sapientiam haud peruestigabilem, qua fit, ut simus, haud minus veneratione dignam in iis, quae ea nobis recusat, videri, quam in iis, quae nobis concessit.

---

CRITICES RATIONIS PRACTICAE

*PARS POSTERIOR.*

---

M E T H O D O L O G I A

RATIONIS PVRAE PRACTICAE.



**M**ethodologia rationis purae practicae non potest de modo (cum in cogitando, tum in disputando) intelligi tractandi ex principiis puris practicis respectu cognitionis eorum *scientificae*, qui alias in *theoreticis* proprie solus via ac methodus vocatur, (namque cognitio popularis *rationalis* indiget *modique*, sed *scientia rite ac methodi*, id est, tractationis *ex principiis* rationis, quo varia cognitionis solo possunt naturam *systematis* inducere). Hanc methodologiam potius modum dicimus, quo legibus rationis purae practicae *aditus* ad animum humanum possit *contingique* cum regulis subiectivis parari, hoc est, ratio obiectivae practica etiam *subiectivae* practica effici queat.

Iam quidem manifestum est, eas voluntatis determinandae rationes, quibus solis regulae subiectivae proprie redduntur morales, iisque pretium morale conciliatur, proximam legis repraesentationem eiusque observationem obiectivae necessariam ut officium, tamquam proprios actionum elateres proponi debere; siquidem alias actionum quidem *legalitas*, non vero *moralitas* consiliorum efficereetur. Verum cuique parum manifestum, potiusque prima specie longissime a vero abesse videatur, necesse est, illam descriptionem virtutis pure etiam subiectivae *maiores vim* in animo humano exferere posse longeque vehementiorem elaterem esse, illius ipsius actionum legalitatis efficiendae, firmitioraque consilia producendi, ut lex, ex observantia ipsius pura, cuique alii respectui praeseratur, quam omnes illectiones, quae ex voluptate omnibusque omnino iis, quae possint ad felicitatem accenseri, offensis, queant, minaque dolorum malorumque umquam efficere. Nihilominus vere sic res se habet, et nisi sic cum natura humana comparatum foret, nulla legis offensione per ambages anfractuum commendationumque adiumento umquam consiliorum moralitas gigneretur. Cuncta in mera simulatione versarentur, lex odio haberetur, aut adeo despiciatui, interim tamen propter utilitatem servaretur. Litera quidem legis (*legalitas*) in actionibus nostris emicaret, sed mens



eius atque sententia in consiliis nostris (moralitas) nulla prorsus foret, cumque, utcumque laboremus, nihilominus tamen in iudicando haud plane possemus ab ratione nos liberare, necessario ex nostra ipsorum sententia nequam naucique homines videremur, etiamsi istam coram iudice interno castigationem eo compensare conaremur, ut voluptatibus nosmet oblectaremus, quas lex quaedam a nobis accepta naturalis siue divina, ex opinione nostra, cum mechanismo politiae coniunxisset, solum ea, quae aguntur, sequentis, neque momenta curantis, quibus ducti sic agamus.

Non quidem potest negari, ad animum aut nondum adhuc formatum, aut etiam effertum, in orbitam honesti siue moraliter boni ducendum, opus esse institutionibus quibusdam praeparantibus, quibus is per propriam utilitatem adiciatur, aut per damnum deterreatur; sed simulatque hic mechanismus ullam quandam vim exseruit, necesse erit, ut momentum purum morale menti admoueat, quod non eo solum, quod vnum est, quo *Χαρακτήρ* (animus practicus sibi met constans ex regulis subiectivis immutabilibus) constituitur, sed etiam idcirco, quia hominem docet sensu sui ipsius dignitatis perfundi, animo vim impertit ipsi inexpectatam, ab omni se contagione sensuum, quatenus ea imperium adfectat, liberandi, atque in independentia naturae suae intelligibilis auique magnitudine, ad quam se factum intelligit, iacturae libenter factae vberissimam compensationem ferendi. Eam igitur proprietatem animi nostri, eam vim recipiendi invitamenti puri moralis, ideoque vim purae repraesentationis virtutis commouentem, si animo humano rite adinoveatur, ut vehementissimum, et, si de duratione diligentiaque agatur in regulis subiectivis moralibus sequendis, vnum elaterem boni, observationibus, quas quisque proponere poterit, euincemus; in quo quidem simul tamen monendum videtur, si haec observationes tantummodo existentiam eiusmodi tactus, non vero ea re effectam emendationem moralem probauerint, vni hoc viae ac methodo, leges rationis pure obiectivae

præcticas per solam puram officii cogitationem subiectivæ præcticæ efficiendi, nihil quidquam derogare, quasi ea in solo phantasiæ lusu versetur. Etenim, cum hæc viâ ac ratio adhuc numquam frequentata sit, experientia quoque nondum quidquam de eius eventu poterit ostendere, sed tantummodo argumenta pro vi recipiendi eiusmodi elaterum postulari possunt quæ nunc quidem breviter proponam, tumque viam ac methodum constituendorum excolendorumque animi consiliorum genuinorum moralium, paucis delineabo.

Si iter sermonum in circulis mixtis conspexeris, non solum doctorum et argutorum, verum etiam hominum negotia tractantium vel muliercularum, animaduertes, præter narrationes iocosque, aliud sermonum genus in iis frequentari, scilicet opinionationem disferendique rationem; propterea quod narratio novitatem debeat et proinde quoddam inuitamentum ad oblectationem in se cohibere, brevi exhauritur, iocusque facile putidus fit. In omni autem opinionatione disferendique forma nulla est, quæ magis accessionem hominum, quos alioquin cuiusvis argutationis taedium capit, excitet, quam quæ pretium morale huius illiusve actionis attingi quo de charactere vllius cuiuspiam hominis statuendum videtur. Il, quibus quæque subtilis ratio atque inuestigans in quaestionibus theoreticis ieiuna videtur ac taediosa, mox accedunt veniuntque in communionem sermonis, si de pretio morali actionis narratae bonæ malæve debeat decerni, adeoque diligentes sunt, adeo ruminantur, adeo subtilitati indulgent in vniuersis, quæ puritatem consilii, ideoque gradum virtutis in eo minuere, aut modo in suspitionem vocare possint, excogitandis, ut in nulla re alia contemplationi proposita alias queat ab iis expectari. In eiusmodi iudiciis sæpenumero accidit, ut characterem videas ipsorum hominum de aliis iudicantium emicare, propterea quod potestatem censoriam, in primis in mortuos, exercent, ita ut, quæ de hac illaue eorum actione narrantur, alii contra omnes reprehensiones impunitatis et vniuersum tandem hominis pretium morale contra

vituperium simulationis occultaeque malitiae defendant, alii e contrario inculpationes meditentur et crimina, quibus pretium illud impugnent. Neque his posterioribus tamen haud semper poterit consilium attribui, virtutis ex omnibus hominum exemplis argutando prorsus tollendae quo ea in nomen inane vertatur, sed saepenumero fit istud ex severitate haud improba in determinando pretio morali genuino, ex lege severissima, quacum, non vero cum exemplis, comparata arrogantia in rebus moralibus admodum labitur, et modestia haud sere modo docetur, verum in severiori sui ipsius exploratione ab unoquoque sensu percipitur. Nihilominus eorum, qui puritatem consilii in exemplis propositis defendunt, plerumque vultus ostendit, se velle in iis, ubi illi suspicio probitatis patrocinator, vel minimam ei maculam lubenter abstergere, ne, si omnium exemplorum veritas impugnaretur, omnique humanae virtuti puritas denegaretur, virtus tandem pro solo phantasmate ingenii haberetur, atque ita univ ersus ad illam adspirandi conatus, ut vana adfectatio, fallaxque atque decipiens arrogantia contentui exponeretur.

Nescio, quare educatores iuventutis hanc rationis inclinationem haud iam dudum adhibuerint ad subtilissimam quaestionum practicarum propositarum examinationem instituendam, et cur, catechismo solum morali constituto, non biographias et veterum temporum et recentiorum eo consilio perscrutati sint, ut in promptu haberent propositorum officiorum exempla, in quibus, praecipue actionibus similibus ex diuersis temporibus comparatis, iudicium iuvenum exercerent, in maiori minoriue earum pretio morali animaduertenda, quippe quo matura iuventus, ad universam contemplationem adhuc immatura, brevi ipsis acuta videretur, et praeterea, quoniam ea progressum sentit facultatis iudicandi suae, haud parum inuitamento capti, sed, quod caput est, certo posset sperari, exercitatione crebriore in virtute in omni puritate sua cognoscenda, eique assentiendo, contra vel minima ab ea aberratione cum dolore contentuque animaduertenda, quamvis usque eo tantum-

modo lusu facultatis iudicandi, in quo pueri invicem decertari possent, tamen vestigium observantiae ab vna parte, auersionisque ab altera relinqueretur indelebile, quae ex sola consuetudine eiusmodi actiones ad sensum vel reprehensione dignas spectandi formam, probitatis in futura vita constitutionem efficeret. Velim tamen ne pueri exemplis onerentur actionum, quae vocantur, *nobilium* (supererogationis), quas scripta nostra sensus profundioris crepare tantopere videmus, potiusque omnia solum ad officium referant pretiumque, quod homo sibi ex sua ipsius sententia per conscientiam et potest statuere et debet, quoniam, quae vota inania spectant ac desideria perfectionis inacessibilia, iis non nisi heroes nascuntur in fabulis romanensibus frequentes, qui, dum sensum iactant ingentis, liberant se ab officio communi quotidianoque faciendo, quod iis tum instar minutiarum videtur \*).

Quodsi autem interrogas: quidnam proprie moralitas *pura* videatur, ad quam, velut ad obrusam, cuiusque actionis possit pretium morale explorari, fateri cogor, solum posse per philosophos explicationem quaestionis huiusce dubiam reddi; namque in ratione hominum communi, non formulis quidem separatis abstractisque et universalibus, verum tamen ex usu consueto, quasi ut, quod manum inter dextram est laevamque, discrimen, diu explicata est et constituta. Igitur primo notam virtutis purae exploratoriam in quodam exemplo ostendemus, dumque

\*) Actiones, e quibus magna, a propria utilitate aliena, in communionemque venientia animi consilia atque humanitas elucet, laudari, conducit. Sed in ea re non tam *elatio animi*, quae fugit ac praeterit, quam potius *submissio animi* subter officium debet attendi, cuius vestigia diutius duratura expectari possunt, quoniam ea principia (illa vero solum ebullitiones) in se cohibet. Breui opus meditatione erit, quo possis culpam in te aperire, vlla vspiciam re respectu generis humani contracti, (si vel in eo modo ea cernatur, quod, per hominum inaequalitatem in constitutione civili, commodi gaudcas, ob quas aliis eo pluribus carendum videatur,) ut ne opinione *meriti* arrogante cogitatio *officii* expellatur.

cogitamus, eam fere puero decem annorum ad diiudicandum proponi, videbimus, num is etiam sponte, ab nullo unquam doctore institutus, necessario ita debeat iudicare. Historiam narres hominis probi, quem adducere volunt, ut obrectatoribus hominis innocentis, verum caeteroquin haud locupletis (vti fere Annae Boleniae ab Henrico VIII. rege Britanniae accusatae) sese adiungat. Lucra ostenduntur, id est, permagna munera, summiue honores. Sed ea recusat. Id quod in mente auditoris solum adfensionem adprobationemque excitabit, propterea quod lucrum videtur. Iam comminationes adhibentur iacturae. In obrectatoribus istis amici sunt, intima cum eo familiaritate coniuncti, qui nunc vinculum amicitiae cum eo dissoluunt, cognatique propinqui, cum (qui inops est,) minitantes exhaereditari, potentes, qui quouis cum loco ac tempore persequi possunt et cruciare, princeps, libertatis iacturam illi, ipsiusque vitae minans. Ut autem aduersitatum modus plenus fiat, isque dolor ab eo sentiat, quem solum potest animus moraliter bonus intime persentiscere, familiam illi ostendas suam summis angustiis maximaque inopia expectantem, quae cum *ut concedat roget*, ipsumque, quamuis probum, proponas, tamen haud sensu obtuso, nec commiserationis, nec propriae calamitatis, in temporis articulo quo cupit illum diem haud vidisse, qui se tam immenso dolori exponeret, nihilo secius tamen in probitatis proposito constantem, dubiisque immotum: puer gradatim, a sola adprobatione ad admirationem, inde ad stuporem, tandem usque ad summam venerationem, viuumque desiderium euehetur, ut ipse aliquando talis vir euadere possit, (quamquam haud quaquam in eodem illius statu); et nihilominus hic virtus solum propterea tanti colitur, quoniam tam care parta est, non quia aliquam adserat utilitatem. Vniuersa admiratio ipseque conatus ad similitudinem huiusce characteris adsequendam, hic omnino posita est in puritate principii moralis, quae eo solum in oculos incurrens poterit proponi, ut vniuersa, quae homines possint ad felicitatem accensere, ab elateribus actionis remoueantur. Ergo eo maior vis moralitatis in animo humano

erit, quo ea purior proponitur. Ex quo proinde sequitur, si legi morum imaginique sanctitatis virtutisque vlla omnino esse debeat cum animo nostro contagio, eam tantummodo illi esse posse, quatenus pura, atque a consiliis salutis nostrae vacua, ut elater, animo admoveatur, propterea quod ea sese in calamitatibus excellentissimam ostendat. Id vero, cuius remotione effectum vis moticis corroboratur atque augetur, impedimentum fuerit, necesse erit. Ergo omnis admixtio elaterum, ab felicitate propria defunctorum, impedimentum est, quod contagioni officit legis moralis cum animo humano. — Iam vero contendo, in illa ipsa actione admiratione accepta, si, vnde exsisteret, momentum, in obseruantia officii poneretur, tum hanc eandem legis obseruantiam, haud fere ius quoddam in opinionem internam animi magui et generosi beneque promerentis, ipsam in animo spectatoris maximam vim exferere, proinde officium, non vero bene meritum oportere, non solum certissimam et maxime determinatam definitamque, sed, si iusto lumine sanctitatis suae proponatur, etiam vehementissimam in animo vim exferere.

Nostris temporibus, cum liquefcentibus magis molli-  
busque tactibus, vel elatis inflatisque animumque potius  
flaccum marcidumque, quam fortem ac robustum efficien-  
tibus arrogantiae generibus homines sperant animum cogi  
posse, quam officii descriptione ieiuna et seria imperfectioni  
humanae progressionique in bono rectoque conuenientiori,  
magis, quam vlllo vnquam tempore necessaria est huiusce  
viae ac methodi commendatio. Ab omni denique consilio  
prudentialique profus videtur abhorrere, si paruulis actio-  
nes ut generosae, magnanimae et bene promerentes exem-  
plo proponantur, ea mente, ut eorum animi ardore quo-  
dam atque impetu (enthusiastico) illarum concitati abripiantur.  
Cum enim in faciendo vel vulgarissimo officio, ipso-  
que in eo diiudicando tam infirmi sint, ea re nihil aliud  
efficietur, quam ut illi mature somniores reddantur.  
Verum quoque in cultiori peritiorique parte hominum opi-  
natus iste elater, nisi noxiam, certe nullam genuinam mo-

ralem effectiōnem in animo habet, quam eo tamen voluerunt efficere.

Vniuersi *tactus*, ii in primis, quibus effici studium insolens debeat, eo temporis articulo, quum vehementes sunt, et priusquam fugiunt, vim suam debebunt exserere, caeteroquin iis nihil quidquam efficietur; propterea quod animus ad naturalem motum vitalem suum temperatum solet reuerti, atque ita in languorem incidit, antea sibi proprium; quoniam ei quidem, quod adliceret, nihil vero, quod corroboraret, admotum fuit. *Principia* debent in conceptibus constitui, ex vniuersis aliis constitutionibus tantummodo celeres motus ac praetereuntes possunt enasci, quibus personae nullum morale pretium poterit, ne fiducia sui quidem impertiri, sine quibus conscientia moralis animi talisque characteris, summum bonum in homine, nullo pacto possunt locum inuenire. Hi igitur conceptus, si fieri subiectiue practici debeant, non debent in legibus obiectiuis moralitatis consistere, vt eas admiremur, respectuque humanae naturae magni faciamus, sed repraesentationem earum, cum homine eiusque singulo atque indiuiduo comparatorum, considerare; vbi tamen lex illa in forma adparet, summa quidem obseruantia digna, non vero adeo placente, quam si ea ad elementum pertineret, cui per naturam suam adfectus est, sed vt cum cogit, vt sapenumero id, haud siue abnegatione sui, relinquat, altiusque quoddam petat, in quo se, perpetuo relapsum metuens, multo solum labore se possit tueri. Verbo, lex moralis postulat obedientiam propter officium, non per praedilectionem, quae nullo modo poterit supponi nec debet.

Nunc, age, exemplis cognoscamus, vtrum in repraesentatione actionis cuiuspiam, vt generosae actionis et fortis maior vis subiectiue mouens elateris insint, quam, si ea solum vt officium respectu legis seuerae moralis cogitetur. Actio illa, qua quis, cum summo vitae discrimine, homines e naufragio seruare laborat, si ipse vitam postremo perdat, partim quidem in eius officiis ponimus, partim vero,

et maxime quoque ut bene meritum laudamus, verum observantia illius admodum per cogitationem *de officio erga se ipsum*, cui hic quidpiam detrahi videtur, minuitur. Maiorem vim habet magnanima vitae deuotio pro conservanda patria, et tamen quodammodo in dubio relinquitur, an etiam perfectum officium sit, sponte et iniussu huic se consilio deuovere, actioque haud omnem vim in se cohibet exempli stimuli ad imitandum. Quod si autem necessario in officio sit, quo migrato lex moralis per se, non habita ratione salutis humanae, violetur, cuiusque quasi pedibus sanctitas conteratur, (cuiusmodi officia solent officia erga deum vocari, quoniam in eo sanctitatis ideale in substantia cogitamus,) sequitur, ut observationi eius, vniuersis, quae intimae inclinationum nostrarum ut cumque esse cara atque in pretio poterunt, neglectis, observantiam perfectissimam omnibusque numeris absolutam consecremus, nostrumque animum tali exemplo confirmatum sentiemus atque elatam, in quo si nobis possumus persuadere, naturam humanam capacem esse tantae elationis super vniuersis, quae natura vniquam queat elaterum stimulorumque ad contrarium conquirere. Eiusmodi exemplum *Iuuenalis* proponit in gradatione quadam, qua lector possit vim elateris, quae in lege inest pura officii, ut officii, admodum persentiscere:

Esto bonus miles, tutor bonus, arbiter idem,  
Integer; ambiguae si quando citabere testis  
Incertaeque rei, Phalaris licet imperet, ut sis  
Falsus, et admoto dicet periuria tauro,  
Summum crede nefas animam praeferre pudori,  
Et propter vitam viuendi perdere causas.

Cum vllum quidpiam quod nos meriti opinione demulceat actioni nostrae possumus inferere, tum elater iam aliquantum concretus est mixtusque philautia, proinde opus est adiumento quodam ex parte facultatis sensitivae. Sed sanctitati officii soli cuncta postponere, tibi que conscium fieri, te illud *posse*, siquidem nostra ipsorum ratio illud ut praeceptum suum agnoscit pronunciatque, nos illud facere *debere*, est quasi se ipsum supra mundum sensibilem prorsus



euehere, in eademque conscientia legis etiam ut elater facultatis *vim sensitiuam dominantis* acutissime, etsi haud semper cum efficacitate, coniunctum est, qua tamen ex frequentiori exercitatione, vsuque illius initio quidem tenuiter tentato, sperari licet maior effectio, qua paulatim in nobis, inuitamentum purum morale nascatur.

Igitur viae ac methodi tale iter videtur. *Primo* solum id agitur, ut ad diiudicationem ex legibus moralibus nosmet ita adfuescamus, ut ea vniuersam obseruationem nostram, cum nostrarum actionum liberarum, tum alienarum comitetur, eamque exacuamus, dum primo quaeritur, an actio obiectiue *moralis legi*, et cui, *consentanea* sit; in quo tum attentionem ad eam legem, quae solam *rationem* obligationis suppeditat, ab ea discernimus, quae reapse obligat, velut legem eius, quod *indigentia* hominum a me postulat, cui contraria est ea, quod *iur* eorum desiderat, (quae quidem posterior officia essentialia praescribit, sed superior officia extraessentialia praescribit) et sic varia officia, quae in actione conueniunt, discernere docet. Alterum deinde caput, quo dirigenda attentio videtur, quaestione continetur: an etiam actio (subiectiue) *propter legem moralem* facta sit, eaque proinde non modo puritatem moralem, ut actio, habeat, verum etiam, ut animi consilium, pretium morale, quoad regulam subiectiuam. Atqui dubium non est, ea exercitatione, conscientiaque inde nascentis culturae rationis nostrae solum de actione iudicantis, certum quoddam inuitamentum ipsius legis, proinde actionum honestarum et moraliter bonarum produci oportere. Namque ea tandem cara habemus, quorum contemplatione fit, ut ampliorum virium cognoscendi nostrarum usum persentiscamus, qui praesertim iis promouetur, in quibus puritatem moralem deprehendimus; quoniam solum poterit ratio taleni rerum ordinem facultatibus suis comprehendere, ex anticipatione determinandi ex principiis, quae fieri debeant. Nonne perscrutatori naturae carae res sunt, in quas initio sensus eius offenderunt, cum ingentem illam conuenientiam organisationis in iis aperit, atque

ita rationem suam iis contemplandis pascit? nonne Leibniti-  
us, quod per microscopium diligenter contemplatus esset,  
insectum elementer in folium reposuit, quoniam eius ad-  
spectu se sensit edoctum, ab eoque quoddam quasi benefi-  
cium accepit.

Verum hoc facultatis iudicandi negotium, quo fit,  
vt nostras proprias cognoscendi vires perlentiscamus, non-  
dum ipsum est inuitamentum actionum earumque moralita-  
tis. Eo solum efficitur, vt libenter in eiusmodi diiudica-  
tione versentur, virtutisque siue animi ingenio morali, for-  
mam impertit pulcritudinis, quae admiratione quidem acci-  
pitur et laudatur, sed propterea nondum expetitur, potius-  
que alget; quemadmodum cuncta, quorum contempla-  
tione subiectiue conscientia efficitur concentus nostrarum  
repraesentationum, et qua vniuersam nostram cognoscendi  
facultatem (intelligentiam et phantasiam) videmus corro-  
boratam, oblectatio efficitur, quae cum aliis quoque possit  
communicari, in qua nihilominus existentia rei nihil  
nostra interfit, propterea quod ea tantummodo vt occasio  
spectatur dotis in nobis indolisque supra animalem naturam  
excellentis aperiendae. Iam vero et altera exercitatio acce-  
dit, nempe vt in viua repraesentatione consilii moralis in  
exemplis, puritas voluntatis declaretur, primo quidem  
solum vt perfectio illius negatiua, quatenus nulla actionis  
propter officium susceptae cum elateribus inclinationum vt  
rationibus determinantibus contagio videtur; quo tironis  
ad conscientiam *libertatis* attentio acuitur; et quanquam ea  
abdicatione initio sensus doloris excitatur, tamen eo, quod  
tironem illum ipsi necessitatum verarum coactioni eripit,  
illi simul liberationem a vario taedio illo pollicetur, quod  
ex hisce necessitatibus cunctis capit, animumque parat, ad  
sensum tranquillitatis percipiendum. Animus quippe onere  
leuatur, quo semper occulte premitur, cum homini in con-  
siliis puris moralibus, quorum exempla proponuntur,  
interna quaedam, ei alioquin ipsi ne satis quidem cognita  
facultas, *libertas interna*, aperitur, ab importuno inclina-  
tionum impetu ita sese liberandi, vt nullius, ne vel carissi-

mae quidem, cum consilio, ad quod nos nunc adhibere rationem debeamus, contagio videatur. In causa, cum *egomet solus modo* scio, me in culpa versari, et quamvis ingenua confessio illius, promissioque satisfactionis vanitatem, studiumque utilitatis propriae, ipsamque haud iniustam iram erga eum, quem laeseram, tantopere offendat, tamen eas omnes potero dubitationes negligere, nihilominus conscientia vacuitatis inest inclinationum fortunarumque, possibilitatisque sibi ipsi satis se iudicandi, continetur, quae omnino mihi etiam alio respectu salutaris videatur. Iam fit, ut lex officii, per pretium positivum, quod ex faciendo illo persentiscimus, eo faciliorem aditum inueniat per *observantiam nostri ipsius* in conscientia libertatis nostrae. Atque in hac, si bene constituta sit, si homo nihil vehementius auerfetur, quam si in explorando se intus ex sua ipsius sententia se reprobandum intelligat, quodque bonum poterit consilium morale propagari; quoniam ea optima, quid? quod una custodia videtur, qua stimuli turpes noxiique ab animo possint arceri.

Quibus quidem regulam maxime generalem methodologiae formationis exercitationisque moralis volui indicare. Cum varietas officiorum peculiare cuiusque eorum generis determinationes postulasset, prolixumque laborem iniunxisset, satis me excusatum iri confido, si in eiusmodi libello, qui solum in prolatione versatur, in hac delineatione consistam.

### C O N C L U S I O.

Res sunt duae, quae animum implent admiratione et reuerentia perpetuo nova et augefcente, quo saepius atque diutius cogitatio in iis occupetur: *caelum stellatum supra me, et lex moralis in memet.* Vtrumque neque tamquam obscuritatibus involutum, aut in transcendenti, extra orbem cognitionis meum, anquirendum ac solum suspicandum videtur; coram me video proximaeque cum conscientia existentiae meae coniungo. Illud caelum stellatum a loco incipit, quem in mundo sensibili externo occupo, coniunctionemque, in qua collocatus sum, amplificat in

infinite magnum mundis super mundis et systematibus super systematibus, praeterea quoque in tempora infinita motus eorum periodici, eiusque initium ac durationem. Haec lex moralis a memet ipso nullius adspectui subiecto instituit, a personalitate mea, et memet in mundo proponit, qui veram infinitatem habet, sed intelligentiae solum peruestigabilis videtur, atque in quo memet (eoque etiam simul cum vniuersis illis, qui sub adspectum cadunt, mundis), non uti illic, fortuito, sed vniuerse necessarioque coniunctum intelligo. Ille adspectus mundorum innumerabilium delet quasi dignitatem meam, ut *naturae animalis*, quam, vnde enata est, materia, planetae (soli puncto in rerum vniuersitate) reddere debet, posteaquam per breue tempus (quomodo? nescias) vi vitali praedita fuit. Sed alter auget adspectus pretium meum dignitatemque, ut *intelligentiae*, admodum, per personalitatem, in qua lex moralis vitam mihi patefacit, ab animali natura ipsoque mundo sensibili vniuerse liberam vacuumque, certe quantum ex determinatione conueniente existentiae meae per eam legem, non ad determinationes terminosque huius vitae adstrictae, sed in infinitum tendentis, potest diiudicari.

Verum admiratio obseruantiaque ad inuestigationem quidem incitare possunt atque adlicere, non vero defectum illius resarcire. Quid igitur faciendum erit, ut hanc utiliter queamus reique excellentia digne instituere? Exemplum in eo et monitioni esse possunt, et quoque imitationi. Contemplatio mundi profecta est ab adpectu praeslantissimo, quem vniquam possunt humani sensus proponere, et intelligentia nostra, quam late pateant, persequi; et finit tandem in interpretatione astrorum. Philosophia moralis in excellentissima humanae naturae virtute initium cepit, cuius explicatio et cultura infinitam utilitatem prospeclat; finitque in fanaticismo, aut superstitione. Tale fatum est periculis omnium adhuc rudium, in quibus maxima negotii pars ex usu pendet rationis, qui haud, uti usus pedum, exercitatione crebra, sponte venit, praesertim si proprietates attingat, quae non possunt ita proxime in experientia vulgari proponi. Posteaquam vero, quamquam serius,

regula subiectiua illa frequentata erat, vt omnes gradus ante probe perpenderentur, quod natura factura est, et non nisi in orbita viae methodique prius bene perpenſae iter facere concedatur, diiudicatio ſyſtematis mundi longe aliter directæ eſt, cum eaque ſimil exitum perquam feliciffimum inuenit. Caſus lapidis, motus fundæ, in elementa viresque in eo ſe exſerentes ſolutus, mathematicæque elaboratus perſpicientiam huius rerum vniuerſitatis claram poſteritatiue cunctæ immutabilem effecit, quæ, continuata obſervatione, ſperare poſſit, vt, ſeſe perpetuo amplificaturam, nunquam vero retrogreſſuram, metucendum videatur.

Hanc igitur viam in tractandis naturæ noſtræ initiis dotibusque moralibus vt nos quoque ingrediamur, exemplo illo poſſumus adduci ſpemque de ſimili euentu bono concipere. In promptu ſunt exempla rationis moraliter iudicantis. Quibus in conceptus ſuos elementares reſolutis, deſiciente *matheſi* vero, vt tractatio *chemiæ* ſimilis, empiricorum ab rationalibus *ſeparandorum*, repetitis periculis in intelligentia communi inſtituatur, vtrumque *purum*, et, quod quiſque per ſe ſolus poſſit præſtare, certo oſtendere, atque ita, partim errori *rudis* adhuc atque inexerçitatae diiudicationis, partim (quod longe magis neceſſarium eſt) *extranagationibus ingeni* occurrere, quibus, vt ab adeptis lapidem philoſophorum fieri ſolet, ſine vlla inueſtigatiõne ab ratione inſtituta, naturæque cogitione, ſomniati theſauri promittuntur, verique perduntur. Verbo, ſcientia (critice quaefita methodiceque inſtituta) eſt porta illa anguſta, quæ ad *ſapientiæ doctrinam* ducit, ſi hæc non ſolum dicatur, quid *ſatere* debeas, verum etiam *doctõribus* eſſe debeat pro norma, vt via ad ſapientiam, quam quiſque debet ingredi, bene diſtincteque muniatur, aliisque erroribus caueatur; cuius quidem ſcientiæ cuſtos ſemper, neceſſe eſt, philoſophia maneat, cuius ſubtilem indagatiõnem populus non eurat, ſed tamen *doctrinas* curare debet, quas, facta cuiusmodi tractatiõne, demum dilucide poterit perſpicere.

---

IMMANVELIS KANTII  
CRITICE  
FACULTATIS IUDICANDI.





## P R A E F A T I O.

**F**acultas cognoscendi ex principiis praconceptis dici poterit *ratio pura* ac genuina, inuestigatioque possibilitatis ac terminorum illius generatim critice rationis purae ac simplicis: quamquam vocabulo huiusce facultatis solum rationem in usu eius theoretico intelligimus, quod etiam eo nomine factum est in opere primo, facultate illius, ut ratione practica, ex peculiaribus istius principiis nondum sub inuestigationem vocata. Illa tum facultatem nostram spectat, res ex anticipatione cognoscendi; et proinde tantummodo in *facultate cognoscendi* occupatur, seclusis et sensu voluptatis taedique, et facultate adpetendi; et in facultatibus cognoscendi versatur ea in *intelligentia* ex principiis illius antecceptis, exclusa *iudicandi facultate* ac *ratione* (vtpote facultatibus ad theoreticam cognitionem itidem necessariis), quoniam in progressu inueniemus, nullam aliam cognoscendi facultatem, praeterquam intelligentiam, principia cognoscendi constitutiva posse ex anticipatione suppetere. Quamobrem critica, quae cunctas, pro ea, quam quaeque cognitionis verae possessae ex propria quasi radice habere dixerit, partes cernit atque examinat, nihil quidquam reliqui facit, praeterquam quod, ut legem naturae, quippe complexui phaenomenorum, (quorum forma pariter ex anticipatione data est atque oblata) intelligentia praecipit ex anticipatione; omnes autem conceptus puros alios amandat ad ideas, nostrae cognoscendi facultati theoreticae transcendentis, neque tamen fere inutiles aut superuacua-



neas, sed principiis inferuientes regulatiuis: partim vt metuendae vsurpationes depellantur intelligentiae, quasi ea propterea ex anticipatione potest conditiones possibilitatis rerum omnium, quas cognoscere potest, indicare, eo quoque possibilitatem omnium omnino rerum hisce terminis incluserit, partim vt ea ipsa in contemplanda natura ex principio perfectionis, quamuis eam numquam adsequi queat, ducatur, eoque finis vltimus vniuersae cognitionis promoueatur.

Igitur proprie *intelligentia* sua ditione gaudet et quidem in *facultate cognoscendi*, quatenus illa constitutiva in se continet cognoscendi principia ex anticipatione, quae quidem per criticam generatim sic dictam rationis purae contra omnes reliquos competitores in possessione poni tuta debuit, sed aliqua. Pariter *rationi* quoque, quae nuspiam nisi solum respectu *facultatis adpetendi* principia in se constitutiva ex anticipatione cohibet, in critica rationis practicae possessio attributa videtur.

An vero *facultatis iudicandi*, quae in ordine facultatum cognoscendi nostrarum inter intelligentiam rationemque media est, itidem principia sint ex anticipatione; an haec constitutiva vel solum regulatiua videantur (et proinde nullam ditionem propriam euincunt) an ea denique sensui voluptatis taediique, medio quippe inter facultatem cognoscendi vimque adpetendi, (perinde atque intelligentia priori, sed posteriori leges ex anticipatione praecipit) ex anticipatione regulam praescribat; id vero est, in quo haec critica facultatis iudicandi occupatur.

Critica rationis purae et genuinae, hoc est, facultatis nostrae ex principiis iudicandi praesumptis atque anteceptis, minus plena foret, nisi critica facultatis iudicandi, quae per se ut facultas cognoscendi eodem iure utitur, ut peculiaris pars illius pertractaretur; quamquam non est, cur principia illius in systemate philosophiae purae partem peculiarem inter theoreticam practicamque constituant, sed pro re nata cuique utriusque per occasionem queant adiungi. Etenim, si quando eiusmodi systema nomine generali metaphysices perfici debeat atque absolui (quod sane fieri poterit ut efficiatur plene, ad usumque rationis omni respectu longe grauissimum est); critica, fundum huiusce aedificii, oportebit, antea tam profunde, atque primum fundamentum facultatis principiorum ab experientia liberorum, situm est, perscrutata sit, ne in vlla parte quadam illud nutet, id quod ruinam totius necessario efficeret.

Ex natura autem facultatis iudicandi (cuius rectus usus tam necessarius atque vniuerse utilis est, ut proinde nomine intelligentiae communis nulla alia, praeter hanc eandem facultatem intelligatur) facile potest intelligi, inventionem principii illius proprii (vltimum enim quoddam, necesse est, ex anticipatione complectatur, quoniam alioquin qua peculiaris cognoscendi facultas, vel vulgarissimae criticae exposita foret) multis difficultatibus obstitam esse, quod nihilominus haud oportebit ductum esse a conceptibus ex anticipatione; quippe qui ad intelligentiam pertinent, et facultas iudicandi solum illius usum attingit.

Itaque ipsa conceptum indicare debet, per quem proprie nulla res cognoscitur, sed qui modo illi ipsi pro regula fit, sed non pro obiectiua, cui suum queat iudicium aptare, quoniam ad id rursus alia iudicandi facultate opus foret, ut, locumne hic regula habeat an minus, possit discerni.

Haec difficultas de principio (siue subiectiuum illud quidem sit, siue obiectiuum) obuia potissimum in iis diiudicationibus est, quas aestheticas dicimus, quae pulcrum et sublime, naturae artisue, attingunt. Et tamen disquisitio critica principii facultatis iudicandi in iis caput est critices huiusce facultatis. Etsi enim per se solae nihil quidquam conferunt ad res cognoscendas, tamen ad solam pertinent cognoscendi facultatem, adfectionemque proximam huiusce facultatis ad sensum voluptatis taedique ex illo quopiam principio anticipato testantur, neque eam cum eo, quod esse ratio potest determinandae facultatis adpetendi confundunt, propterea quod huius principia praesumpta in notionibus insunt rationis. — Verum in natura quidem logice diiudicanda, ubi experientia legalitatem proponit in rebus, ad quas intelligendas enodandae vniuersalis conceptus intelligentiae de sensibili haud amplius suppetit, et iudicandi facultas ex se ipsa potest principium relationis rei naturalis ad suprasensibile haud cognoscendum promere, illudque etiam duntaxat sui ipsius respectu ad cognoscendam naturam adhibere debet, eiusmodi principium anteceptum ad *cognitionem* naturarum mundanarum et potest adhiberi, et debet, simulque

prospectus illud aperit rationi practicae vtile: verum nulla illius ad sensum voluptatis taediique proxima adfectio est, quae ipsa est obscuritas in principio facultatis iudicandi, qua fit, vt peculiaris descriptio in critica huiusce facultatis necessaria videatur, cum diiudicatio logica ex conceptibus (ex quibus numquam consequentia proxima ad sensum voluptatis dolorisque poterit effici) parti fere theoreticae philosophiae, vna cum circumscriptione eorum critica, potuisset adiungi.

Cum inuestigatio facultatis gustus, vt facultatis iudicandi aestheticae, hoc loco non ad formandum poliendumque gustum (haec enim sine omni tali inuestigatione, vt huc vsque, ita et porro quoque, iter suum faciet), sed solum respectu transcendentali instituatur; ratione imperfectionis finis illius cum conniuentia, spero, ea diiudicabitur. Sed respectu posterioris finis feuerissimum examen illi expectandum videtur. Verum ibi quoque magna difficultas soluendi problematis, ab natura tantopere intricati, excusationi esse, opinor, potest, obscuritatis cuiusdam in explicando illo haud prorsus euitandae, si modo fati manifesto demonstraerimus, principium rite declaratum videri; vt modus phaenomeni iudicandi facultatis inde deriuandi haud omni polleat perspicuitate, quam alibi, nempe in cognitione ex conceptibus, iure possis desiderare, quam equidem quoque altera huiusce operis parte mihi videor consecutus esse.

Quo quidem vniuerso meo negotio critico finem impono. Sine vlla haesitatione ad rationem nunc doctrina-

lem progrediar, ut, si fieri possit, senectutis aggrauescentis meae quodammodo opportunum tempus lucrer. Per se intelligitur, facultatis iudicandi nullam in eo partem peculiarem esse, quoniam respectu illius critica locum theoriae occupat; verum, diuisa philosophia in theoreticam et practicam, puraque in easdem partes, metaphysicam naturae morumque negotium illud effecturam fore.

---

---

# I N S T I T U T I O.

---

## I.

### DE PHILOSOPHIAE PARTITIONE.

**R**æde quidem faciunt, qui, quod fieri solet, philosophiam, quatenus principia cognitionis rerum rationalis (non solum, uti logica, principia formae cogitandi in genere, nullo rerum adhibito discrimine) ex conceptibus continet, in *theoreticam* et *practicam* diuidunt. Tum vero conceptus quoque, principiis huiusce cognitionis rationalis rem sibi subiectam indicantes, in specie differant, necesse est, quoniam alias nullam potestatem facerent diuisionis, qua semper principiorum ponitur oppositio cognitionis rationalis ad diuersas scientiae partes pertinentis.

Est autem duplex genus conceptuum, totidem diuersa possibilitatis rerum illis subiectarum principia admittentium: nimirum *conceptus naturae*, et *conceptus libertatis*. Cum utrem illis (conceptibus naturae) sit, ut possit esse cognitio *theoretica* ex principiis praesumptis, alter autem (conceptus libertatis) respectu illius tantummodo principium negatiuum (soliis oppositionis) iam in conceptu suo contineat, contra ea vero determinandae voluntatis decreta dilatantia, quae propterea practica dicuntur, stabiliat: philosophia in duas partes, quoad principia prorsus diuersas iure diuiditur, scilicet in *philosophiam naturalem*, et practicam ut *philosophiam moralem* (sic enim legislatio rationis practica ex conceptu libertatis vocatur.) Verum permagnus huc usque horum verborum abusus in diuidendis principiis variis, cum iisque in philosophia quoque, obtinuit: propterea quod quae practica ex conceptibus naturae cum iis, quae ex conceptu libertatis practica sunt, eadem putarentur, atque ita, iisdem vocabulis philosophiae theoreticae et practicae, efficeretur diuisio, qua (cum utrique parti eadem esse principia possent) nihil omnino quidquam diuisum videretur.

Scilicet voluntas, vt facultas adpetendi vna est variatum in mundo causarum naturalium, quippe ea, quae agit ex conceptibus; omniaque, quae vt per voluntatem possibilia (aut necessaria) cogitantur, practice possibilia (vel necessaria) dicuntur, ad possibilitatem necessitatemue effecti physicam distinguendam, cuius causa haud per conceptus (sed, vt in materia inanimata, per mechanismum, in bestiisque, per impetum) ad causalitatem determinatur. — Hoc loco respectu practici indefinitum relinquitur, vtrum conceptus, qui causalitati voluntatis regulam praecipit conceptus naturae sit, an conceptus libertatis.

Hoc vero discrimen posterius essentiale videtur. Quodsi enim conceptus causalitatem effectionemque determinans conceptus naturae sit, principia *technice practica* erunt; sin autem conceptus sit libertatis, ea principia *moraliter practica* videntur: quoniamque in partienda scientia rationali tantummodo de diuersitate agitur rerum illi subiectarum, quarum cognitio variorum principiorum indiget, priores ad partem philosophiae theoreticam (vt physici) pertinebunt, reliquis autem solis altera pars (vt doctrina morum) philosophia practica efficietur.

Vniuersae regulae technice practicae (id est, artis dexteritatisque generatim, vel etiam prudentiae, vt dexteritatis hominum eorumque voluntatis adficiendorum), quatenus earum principia posita sunt in conceptibus, duntaxat vt corollaria sunt ad philosophiam theoreticam referendae. Eae namque solum spectant possibilitatem rerum ex conceptibus naturae, quo non solum adiumenta pertinent, quae in natura deprehenduntur, verum voluntas ipsa (vt facultas adpetendi, proinde vt facultas naturalis) quatenus ea per elateres naturae potest, regulis illis conuenienter determinari. Verum tamen eiusmodi regulae practicae non leges (vt fere physicae) dicuntur, sed solum praescriptiones: et ideoque quidem, quoniam voluntas non solum conceptui naturae subest, verum etiam conceptui libertatis, cuius quidem respectu principia illius leges vocantur, et, cum consequentibus suis, alteram philosophiae partem, nimirum practicam, sola constituunt.

Quam minus solutio problematum geometriae purae ad peculiarem illius partem pertinet, aut geometria nomine omnino digna est geometriae practicae, quo a pura discernatur, vt altera pars geometriae: tam nūnus, quin multo minus ars mechanica aut chemica experimentorum obseruationumque physices pars practica putanda erit, oeconomia denique, agricultura, politia, ars hominibus vtendi, praeceptio diaeteticæ, nec vel ipsa felicitatis doctrina vniuersalis, adeoque ne domatio quidem coercitioque inclinationum animique motuum, ad philosophiam practicam adnumeranda est, nec his altera philosophiae pars generatim constituenda; siquidem cunctae duntaxat regulas continent dexteritatis, quae proinde tantummodo technice practicae videntur, ad edendum effectum, quod ex conceptibus naturae causarum et effectuum fieri potest, quae, cum ad philosophiam theoreticam pertineant, praeceptionibus illis, vt meris ex ea (physica) corollariis subiectae sunt, nec proinde in philosophia peculiari, practica dicta, locum possunt expectare. Contra praeceptis moraliter practicis, quae solum conceptu libertatis, rationibus determinandae voluntatis ex natura prorsus seclusis, nituntur, peculiaris quaedam praeceptorum ratio efficitur: quae itidem, vti, quibus natura paret, regulae, simpliciter leges vocantur, non vero, vti haec, in conditionibus sensitivis, verum in principio suprasensibili positae, pone partem philosophiae theoreticam, per se solae aliam partem postulant, quae philosophia practica adpellatur.

Ex quo intelligitur, complexu praeceptorum practi-  
corum, quae philosophia proponit, haud peculiarem  
quamdam, theoreticae adiunctam, illius partem effici,  
propterea quod practica sint; id enim esse possent, etiamsi  
principia illorum prorsus forent e cognitione naturae theo-  
retica (vt regulae technice practicae) depromita; verum id-  
circo, quia et cum principium illorum minime a conceptu  
naturae, qui semper sensitivae hypotheticus est, desumptum  
est, proinde in suprasensibili, quod solius libertatis concep-  
tus per leges formales distinguit, positum, eaque proinde  
moraliter practica, id est, haud solum praecepta ac regulae



hoc illoue respectu, sed nulla relatione ad fines atque consilia antegressa, leges videntur.

## II.

## DE DITIONE PHILOSOPHIAE IN GENERE.

Quam late vsus patet conceptuum praesumptorum, tam late quoque patet facultatis nostrae cognoscendi ex principiis, et simul etiam philosophia.

Sed complexus vniuersarum obiectionum rerum, ad quas conceptus illi referuntur, vt, si fieri queat, cognitio earum perficiatur, pro diuersa firmitate vel imbecillitate facultatum nostrarum ad hunc finem, potest diuidi.

Conceptus, quatenus ad res referuntur obiectiones, nulla ratione habita, an cognitio earum esse possit nec ne, *conceptum* habent, qui solum ex adfectione rei illis subiectae ad nostram cognoscendi facultatem in vniuersum, determinatur. — Ea pars huiusce campi, in qua nobis esse cognitio poterit, *territorium* est horum conceptuum facultatisque cognoscendi ad id necessariae. Ea vero pars territorii, in quo isti conceptus legislatorii videntur, *ditio* est istorum conceptuum, eorumque facultatum cognoscendi. Ergo conceptibus experientiae territorium quidem est in natura, vt complexu rerum, quae sub sensus cadunt, omnium, nulla vero ditio, sed modo *domicilium*; propterea quod legibus quidem conuenienter gignuntur, non vero legislatorii sunt, sed regulae in iis constitutae empiricae, proinde fortuitae videntur.

Vniuersae facultatis cognoscendi nostrae duplex ditio est, et conceptuum naturae, et conceptus libertatis; per vtramque enim ea ex anticipatione legislatoria est. Cui quidem congruenter philosophia quoque in theoreticam et practicam dispescitur. Verum, in quo ditio illius instituitur legislatioque *exercetur*, territorium nihilominus tamen continetur complexu rerum vniuersae, quae potest esse, experientiae obnoxiarum, quatenus eae non nisi vt mera phaenomena accipiuntur; alias namque nulla intelligentiae legislatio posset respectu illarum cogitari.

Legislatio per conceptus naturae per intelligentiam efficitur, eaque theoretica est. Sed legislatio per conceptum libertatis fit per rationem, et solum practica videtur. Duntaxat in iis, quae actionem spectant ratio potest legislatoria esse; respectu cognitionis theoreticae (naturae) ea solum (vt legum perita, interuentu intelligentiae) ex legibus datis per conclusiones potest consequentia elicere, quae semper tamen solummodo in natura consistunt. Contra, vbi regulae practicae sunt, ratio haud idcirco erit continuo legislatoria, siquidem illae possunt etiam technice practicae esse.

Quamobrem intelligentiae rationisque duae leges diuersae sunt in vno eodemque territorio experientiae, neutra alteri quidpiam derogante. Quam parum enim conceptui naturae cum legislatione per libertatis conceptum contagionis est, tam parum hic quoque legislationem perturbat naturae. — Possibilitas, consistentiam vtriusque legislationis facultatumque ei propriarum in eodem subiecto certe sine repugnantia cogitandi, critica rationis purae vicit, propterea quod, quibus occurreretur, dubia illusione dialectica in iis aperienda tolleretur.

Quod vero hae ditiones duae diuersae, quae non quidem in legislatione sua, verum tamen in effectis suis in mundo sensibili perpetuo se circumferunt, haud *vnam* efficiunt, causa est, quod conceptus naturae res sibi subiectas in visione quidem, sed non vt res per se ipsas, verum vt sola phaenomena, contra libertatis conceptus in re sibi obnoxia rem per se ipsam quidem, sed non in visione proponere, proinde neutri cognitionem theoreticam rei sibi subiectae (et vel ipsius subiecti cogitantis) vt rei per se ipsius suppeditare potest; id quod suprasensibile foret, cuius quidem idea possibilitati omnium illarum rerum experientiae obnoxiarum substernenda est, ea ipsa vero nunquam potest cognitio fieri nec amplificari.

Igitur indefinitus campus est, sed quoque inaccessus vniuersae facultatis cognoscendi nostrae, nimirum campus

suprasensibilem, cuius nobis nullum territorium videmus, proinde in eo conceptibus neque intellectualibus nec rationalibus ditionem habere cognitionis theoreticae possumus; quem campum quidem in gratiam usus rationis cum theoretici, tum practici, ideis conferere debemus, quibus vero respectu legum ex conceptu libertatis, nullam aliam possumus realitatem, quam practicam impertire, quibus proinde cognitio theoretica nostra minime ad suprasensibilia dilatatur.

Quamquam immenso quidem hiatu ditio conceptus naturae, ut sensibilis distet a ditione conceptus libertatis, ut suprasensibilis, ita ut ab illa ad hanc (proinde per usum rationis theoreticum) nulla fieri transitio queat, quasi totidem mundi forent diuersi, quorum prioris cum posteriori nulla esse possit contagio: haec tamen *debet* in illam vim exferere, nimirum conceptus libertatis finem per leges suas propositum in mundo sensibili dare effectum debet; naturaeque proinde quoque sic cogitetur necesse est, ut conuenientia formae illius certe cum possibilitate finium in ea efficiendorum ex legibus libertatis conspiret. — Ergo ratio sit *unitatis* suprasensibilium, oportebit, quae naturae fundamento sunt, cum iis, quae conceptus libertatis practice complectitur, quorum conceptu, etsi nec theoretice, nec practice ad cognitionem illorum peruenit, proinde nulla propria ditione gaudet, tamen efficitur, ut fieri transitio queat a cogitandi modo ex principiis vnius, ad cogitandi modum ex principiis alterius.

### III.

#### DE CRITICA FACULTATIS IUDICANDI, VT AD- IVMENTO DVARVM PHILOSOPHIAE PARTIVM IN TOTO QVODAM CONIVNGENDARVM.

Critices facultatum cognoscendi respectu eorum, quae possunt ex anticipatione praestare, proprie nulla est ditio ratione rerum obiectarum; siquidem ea nulla doctrina est, sed tantummodo anquirat ea inuestigatque, an et quomodo, pro ratione facultatum nostrarum, doctrina fieri per eas

possit. Campus illius ad omnes earum petitiones extenditur, vt eas terminis legitimis coerceat. Quod autem non potest in diuisionem philosophiae ingredi, illud tamen poterit, vt pars primaria, ingredi criticam facultatis cognoscendi purae in vniuersum, si scilicet principia contineat, per se nec ad vsum theoreticum, nec ad practicum idonea.

Conceptus naturae, qui fundamentum complectuntur vniuersae cognitionis theoreticae ex anticipatione, niti vidimus intelligentiae legislatione; sed conceptum libertatis, fundamentum continens omnium sensitiue absolutorum practicorum praeceptorum ex anticipatione positum vidimus in legislatione rationis. Ambarum igitur facultatum, praeterquam quod quoad formam logicam ad principia, vnde illa cunq̃ue orta fuerint, queant adhiberi, sua cuiusque propria, quoad materiam, legislatio est, qua nulla est alia (ex anticipatione) superior, quaque proinde philosophiae in theoreticam et practicam diuisio confirmatur.

Verum in familia facultatum cognoscendi superiorum tamen adhuc quoddam membrum medium est intelligentiam inter et rationem. Idque in *facultate* cernitur *indicandi*, quam est cur ad rationem similiū suspiceris pariter, vt haud propriam legislationem, tamen principium quoddam proprium, certe solum subiectiuum ex anticipatione in sese continere: cui, etsi nullus campus foret rerum obiectarum vt ditio illius, tamen vllum quodpiam esse territorium poterit, et quaedam illius conditio, ad quam ipsam solum hocce posset principium valere,

Huc vero accedit (vt ex similiū ratione iudicemus) noua praeterea ratio facultatis iudicandi cum alio quodam virium repraesentatiuarum nostrarum ordine copulandae, quae copulatio quidem maioris esse momenti videtur, quam ratio adfinitatis cum familia facultatum cognoscendi. Namque omnes animi vires, vel facultates, ad hanc tres possunt reuocari, quae haud vltius queant ex communi

fundamento deriuari, quae quidem sunt: *facultas cognoscendi, sensus voluptatis taediique, et facultas adpetendi* \*). Facultati cognoscendi sola intelligentia est legis-

\*) Vtile erit, conceptuum, quibus pro principiis empiricis utimur, si est cur suspiceris, eos facultati cognoscendi purae ex anticipatione adfines esse, huius relationis causa, definitionem experiri transcendentalem, scilicet per categorias puras, quatenus his solis iam discrimen conceptus praesentis ab aliis satis indicant ac declarant. In quo quidem exemplum sequimur mathematici, data problematis sui empirica indefinita relinquentis, solamque in synthesi illarum pura relationem conceptibus arithmetices purae sub iicientis, quo efficitur ut eorum solutio latius pateat. — Similem mihi rationem (crit. rat. praef. pag. 10. Vol. III. praefat.) vitio mihi nonnulli verterunt, et definitionem facultatis adpetendi, ut *facultatis qua per tuas repraesentationes causa sua existentiae rerum repraesentationibus illis subiectarum*, reprehenderunt: propterea quod mea optata etiam adpetitiones essent, quibus quisque concedat solis non posse rem illis subiectam effici atque produci. — Verum hoc nihil amplius probat; quam adpetitiones quoque in homine esse, quibus secum ipse homo pugnare videatur: propterea quod per repraesentationem suam *sola* operam dat obiectae rei producendae, quam tamen laud poterit expectare, quoniam sibi conscius est, vires suas uehementes (si ita dici liceat, quae haud psychologicae sunt), quae per repraesentationem illam deberent determinari, ad rem obiectam (proinde eum interuentu) efficiendam aut idoneae sunt nec sufficiunt, aut adeo aliquid spectant, quod fieri non potest, velut ut factum insectum reddatur (o mihi praeteritos etc.), aut impatienter expectando interuallum posse, usque ad momentum exoptatum in nihilum verti. Quamvis in eiusmodi adpetitionibus infans inbecillitatis (atque etiam mutilitatis) repraesentationum nostrarum rerum iis subiectarum efficiendarum conscius simus; tamen relatio illarum, ut causa, proinde cogitatio *causalitatis* earum, in quouis optato continetur, in primisque tum conspicitur, cum optatum illud in motu animi cernitur et perturbatione, nimirum in *desiderio*. Namque eiusmodi motus animi eo, quod cor expandunt et flaccidum reddunt, atque ita vires exauriunt, declarant, vires per repraesentationes repetitis viribus contendendi, sed animum respectu impossibilitatis perpetuo rursus sine in *deffatationem* recidere. Ipsi precibus de auertendis magnis, et quantum intelligi licet, necessariis malis, multisque adiumentis superstitionis ad fines per naturam rerum impossibiles consequendos,

latoria, cum illa (vti quoque fieri debet, si per se, haud confusa cum facultate adpetendi consideretur) vt facultas *cognitionis theoreticae* ad naturam refertur, cuius respectu solo (vt phaenomeni,) fieri potest, vt per conceptus naturae praesumptos, qui proprie conceptus sunt intellectuales puri, leges condamus. — Facultati adpetendi, vt facultati superiori ex libertatis conceptu, solum ratio (in qua sola hic conceptus locum habet) legislatoria est ex anticipatione. — Atqui inter facultatem cognoscendi et adpetendi medius voluptatis sensus, vti intelligentiam inter et rationem iudicandi vis media continetur. Ergo certe in antecessum suspicandum videtur, facultatem iudicandi pariter per se principium quoddam ex anticipatione continere, cumque cum facultate adpetendi voluptas taediumue necessario coniuncta sit (sive, vti in facultate adpetendi inferiori, principium illius antecedit, siue, velut in superiori, solum ex determinatione eius per legem moralem consequatur), pariter a facultate cognoscendi pura, id est, a ditione conceptuum naturae ad ditionem conceptus libertatis transitus effecturam fore, atque per eam efficitur, vt in usu logico fieri ab intelligentia transitio possit ad rationem.

Quamquam igitur philosophia in partes duas potest, in theoreticam et practicam diuidi; quamquam, quae de principiis propriis facultatis iudicandi dicere possimus, cuncta in ea ad partem theoreticam, hoc est, ad cognitio-

relatio causulis demonstratur repraesentationum ad res iis subiectas, quae adeo non potest per conscientiam iubecillitatis ad efficiendum a nisu conatuque retineri. — Quid autem causae sit, quare in naturam nostram inclinatio ad adpetitiones cum conscientia vacuas atque inanes, indita fuerit, quaestio est anthropologica teleologica. Videtur si haud prius ad adhibendas vires determinaremur, quam certi fuerimus de firmitate facultatis nostrae ad quampiam obiectam rem efficiendam, vires maximam partem mansuras fore haud usurpatas. Fit enim plerumque vt eo demum vires nostras cognoscamus, quod eas experimur. Ergo haec illusio in votis inanibus duntaxat consequens est benignae cuiusdam institutionis in nostra natura.

nem rationalem ex conceptibus naturae, accenferi deberent; tamen critica rationis purae, quae vniuersa haec, antequam illud systema fuscipiat, in gratiam possibilitatis illius, conficere debet, tribus partibus constat: et critica intelligentiae purae, et facultatis iudicandi purae, et rationis purae, quae quidem facultates propterea purae dicuntur, quod legislatoriae sunt ex anticipatione.

## IV.

DE FACVLTA TE IVDICANDI, VT FACVLTA TE  
LEGISLATORIA EX ANTICIPATIONE.

Facultas iudicandi in genere cernitur in facultate speciale vt complexum generali cogitandi. Quodsi generale (regula, principium, lex) datum sit, facultas iudicandi, quae ad illud speciale adsumit, (etiam, cum vt facultas iudicandi transcendentalis, ex anticipatione condiciones indicat, quibus conuenienter solum potest ad generale illud adsumi) *determinans* est. Cum autem speciale datum est, ad quod generale illi inueniendum est, tum facultas iudicandi est *reflexens*.

Facultas iudicandi determinans sub vniuersalibus legibus transcendentalibus, ab intelligentia dictatis, duntaxat adsumens est; lex ei ex anticipatione praescripta est, nec ea proinde opus habet, vt per se ipsa de lege cogitet, vt speciale, in natura rerum subordinare vniuersali queat. — Verum tam variae naturae formae sunt, tam multae quasi mutationes vniuersalium conceptuum naturae transcendentalium, qui per leges illas, quas intelligentia pura dictat ex anticipatione, quoniam illae solum possibilitatem spectant naturae (vt rei sensibus obnoxiae) generatim, indeterminati relinquuntur, vt eorum quoque leges sint, necesse videatur, quae quidem, vt empiricae, ex *nostra* quidem intellectu fortuitae fuerint, quae tamen, si dici leges debeant, (vti quoque conceptus naturae postulat) ex principio quodam vnitatis variorum, quamuis nobis ignoto, vt necessariae spectandae videntur. — Facultas iudicandi reflexens, cui, vt a speciali in rerum natura ad vniuersale

ascendat, in officio est, indiget principii cuiusdam, quod non potest ab experientia depromi, quoniam illud eam ipsam unitatem omnium principiorum empiricorum sub principiis debet itidem empiricis sed altioribus constituere. Eiusmodi principium transcendenteale igitur facultas iudicandi reflectens sibi duntaxat ipsa potest legem ferre, haud aliunde petere (quoniam ea alias iudicandi vis determinans foret), neque naturae praecipere; quoniam de naturae legibus reflexio ad naturam seie, nec haec se ad conditiones adcommodat, ex quibus respectu huius conceptum illius prorsus fortuitum nobismet cupimus comparare.

Iam principium istud nullum potest aliud esse, quam: vt, cum legum naturae vniuersalium fundamentum in nostra intelligentia sit, natura eas (quamuis solum ex conceptu illius vt naturae vniuersali) praecipiente, singulares leges empiricae respectu eorum, quae in iis per illas indeterminata mansere, ad eiusmodi unitatem considerari debeant, quasi itidem intelligentia quaedam (licet haud nostra) eas in gratiam facultatis cognoscendi nostrae dedisset, quo fieri systema experientiae posset ex legibus peculiaribus naturae. Non. vt si hoc modo reapse eiusmodi intelligentia sumenda foret (solum enim facultati iudicandi reflectenti haec idea principio est reflexionis, non vero determinacionis); verum haec facultas eo sibi ipsa legem fert, non naturae.

Quoniam vero conceptus obiectae rei, quatenus is simul rationem continet existientiae huiusce rei obiectae, *finis* dicitur, conceptusque cuiuspiam rei cum ea rerum qualitate, quae solum potest ex finibus fieri, *conuenientia* formae earum vocatur: sequitur, vt principium facultatis iudicandi ratione formae rerum naturalium sub legibus empiricis vniuerse, *conuenientia naturae* in eius varietate efficiatur; scilicet natura per hunc conceptum repraesentatur, quasi intelligentia quaedam rationem unitatis variorum in legibus eius empiricis contineat.

Ergo conuenientia naturae cernitur in peculiari conceptu praesumpto, cuius origo solum sit in iudicandi facul-



tate reflectente. Neque enim effectus naturae eiusmodi quidpiam, uti adfectio naturae in iis ad fines, potest attribui, sed conceptus iste tantummodo poterit adhiberi, ut de ea respectu coniunctionis phaenomenorum in ea, ex legibus empiricis data, reflectamus. Iam hic conceptus abhorret totus a convenientia practica (artis humanae vel morum quoque), quanquam ex similitudine illius quadaam cogitatur.

## V.

PRINCIPIVM CONVENIENTIAE FORMALIS NATURAE  
PRINCIPIVM EST TRANSCENDENTALE  
FACULTATIS IUDICANDI.

Principium transcendente illud dico, per quod conditio vniuersalis ex anticipatione repraesentatur, qua sola fit, ut res vniuerse possint cognitioni nostrae subiectae esse. Contra principium metaphysicum vocatur, quod conditionem ex anticipatione repraesentat, qua sola efficitur, ut res obiectae, quarum conceptus datus esse empirice debet, ex anticipatione queant ulterius determinari. Veluti principium cognoscendorum corporum, ut substantiarum utque mutabilium substantiarum, transcendente est, cum eo enunciatur, eorum mutationem habere causam oportere; sed metaphysicum erit, cum eo pronuntiatur, eorum mutationem fieri per causam *externam* oportere: quoniam in illo corpus duntaxat per praedicata ontologica (conceptus intelligentiae puros), exempli gratia, ut substantia, cogitari poterit, ut enunciatum ex anticipatione cognoscatur; in hoc altero autem conceptus corporis empiricus (ut rei in spatio mobilis) huic pronuntiationi constitutus est, tum vero, corpori hoc praedicatum posterius (motus solum per causam externam) competere, prorsus poterit ex anticipatione perspicui. — Sic, uti mox ostendam, principium convenientiae naturae (in varietate legum illius empiricarum) principium transcendente est. Etenim conceptus rerum obiectarum, quatenus ut huic principio subiectae cogitantur, tantummodo conceptus purus est rerum,

quae potest esse, cognitioni experientiae subiectarum vniuerse, neque quidquam continet empirici. Contra si principium conuenientiae practicae, quae in idea *determinat* voluntatis liberae cogitanda est, principium metaphysicum foret; propterea quod conceptus facultatis adpetendi vt voluntatis tamen empirice detur, necesse est (non ad praedicata transcendentalia pertinet). Ambo tamen principia laud empirica sunt, sed principia praconcepta: quoniam ad praedicatum cum conceptu empirico subiecti iudiciorum illorum copulandum nulla opus est experientia vltiori, sed copulatio ea ex anticipatione poterit perspicui.

Conceptum conuenientiae naturae ad principia transcendentalia pertinere, satis potest ex normis intelligi facultatis iudicandi, quae inuestigationi naturae ex anticipatione constituuntur, quaeque tamen nihil quidquam spectant, nisi possibilitatem experientiae, proinde cognitionis naturae, non vero solum vt naturae vniuerse, sed vt naturae per varietatem legum peculiarium determinatae. — Vt sententiae sapientiae metaphysicae, occasione multarum regularum, cuius non potest necessitas ex conceptibus euinci, in progressu huius scientiae, satis frequenter, sed sparsim, occurrunt. „Natura iter breuissimum instituit (lex parsimoniae); nihilominus nullum ea saltum facit, nec in successione mutationum suarum, nec compositione formarum ex specie diuersarum (lex continui in natura); magna illius varietas in legibus empiricis nihilominus in unitate versatur sub paucis principiis (principia praeter necessitatem non sunt multiplicanda): et cactera generis eiusdem.“

Quodsi vero principiorum cogites originem monstrare, illudque in via tendes psychologica, prorsus contra sensum eorum ages. Neque ea enim, quae fiant atque eueniant, enunciant, hoc est, ex qua regula vires cognoscendi nostrae reapse lusum suum agant, et quomodo iudicetur, sed potius, quomodo debeat iudicari; et tunc haec necessitas logica obiectiua neutiquam efficitur, cum principia solummodo empirica videntur. Ergo conue-

nientia naturae nostris cognoscendi facultatibus earumque vsui, qui manifesto ex iis elucet, principium est iudiciorum transcendentalis, et proinde quoque opus habet deductione transcendentali, cuius ope ratio sic iudicandi in fontibus cognitionis est ex anticipatione anquirenda.

Nimirum in rationibus possibilitatis experientiae primo saue quidpiam necessarium inuenimus, nempe leges vniuersales, siue quibus natura vniuerse (vt res sub sensus subiecta) non potest cogitari; et eae positae sunt in categoriis, ad conditiones adhibitis formales vniuersae, quae nobis esse potest, visionis, quatenus ea quoque ex anticipatione data est atque oblata. Inter eas leges igitur iudicandi facultas determinans est: neque illi nihil quidquam agendum est aliud, quam vt ad leges datas adsumat. Velut intelligentia dicit: cuiusque mutationis quaedam causa est (lex naturae vniuersalis); nullum nunc aliud facultatis iudicandi transcendentalis negotium est, quam vt conditionem adsumtionis ad conceptum intelligentiae propositum ex anticipatione indicet: eaque est successio determinationum vnius eiusdemque rei. Naturae igitur vniuerse (vt rei, quae possit esse, experientiae obnoxiae) lex illa vt absolute necessaria agnoscitur. — Iam vero res cognitioni empiricae subiectae, praeter conditionem illam temporis formalem, vario praeterea modo determinatae sunt, aut, quantum ex anticipatione potest iudicari, determinabiles, ita vt naturae specie diuersae, praeterquam quae his sunt, vt ad naturam vniuerse pertinentibus, communia, modis adhuc infinite variis esse causae possunt; et quisque modorum istorum (ex conceptu causae generatum) regulam, necesse est, habeat, quae lex sit, proinde necessitatem in se cohibeat: quamquam per naturam et carceres nostrarum cognoscendi facultatum, nullo pacto possumus necessitatem eam perspicere. Ergo necesse est, vt in natura, respectu legum illius mere empiricarum, possibilitatem cogitemus legum empiricarum infinite variarum, quae tamen sunt nostrae perspicientiae fortuitae (non possint ex anticipatione cognosci); earumque respectu vnitatem naturae ex

legibus empiricis diiudicamus et possibilitatem vnitatis experientiae (vt systematis ex legibus empiricis), vt fortuitam. Quoniam autem eiusmodi unitas tamen necessario ponenda est ac sumenda, cum alioquin nullus perpetuus cognitionum empiricarum in toto experientiae quodam locum contextus haberet, eo quod leges naturae vniuersales eiusmodi contextum quidem rerum quoad earum speciem, vt res naturae in vniuersum, sed non speciatim, vt tales essentiae naturae peculiares, suppeditant; sequitur, vt facultas iudicandi in vsum suum proprium pro principio ex anticipatione sumat, id, quod perspicientiae humanae fortuitum videtur, in peculiaribus (empiricis) naturae legibus nihilominus unitatem continere legalem in coniunctione variorum in experientia per se possibili, nobis quidem haud peruestigandam, sed tamen cogitabilem. Ergo, quoniam unitas legalis in coniunctione, quam fini cuidam necessario, necessitati cuidam, conuenienter intelligentiae, sed simul tamen vt per se fortuitam cognoscimus, vt conuenientia obiectarum rerum (hoc loco naturae) proponitur; sequitur, vt facultas iudicandi, quae ratione rerum sub possibilibus (adhuc aperiendis) legibus, solum reflectens est, naturam harum respectu ex *principio conuenientiae* cogitet nostrae facultati cognoscendi, id quod in superioribus facultatis iudicandi normis enunciatur. Hic autem conceptus transcendentalis conuenientiae naturae aut naturae conceptus est, aut conceptus libertatis, quoniam nihil quidquam rei is obiectae (naturae) tribuit, sed vnum duntaxat modum repraesentat, quo in reflexione super rebus naturae subiectis respectu experientiae perpetuo cohaerentis nosmet componere debeamus, proinde principium subiectivum (normam) facultatis iudicandi; hinc fit, vt, quasi de casu quodam fortunato ad scopum nostrum consiliumque prospero, laetati (proprie ab indigentia quadam liberati) sumus, cum eiusmodi unitatem systematicam in legibus mere empiricis deprehendimus: quamquam necessario nos sumere oportebat, eiusmodi unitatem esse, quam tamen nec perspicere possemus, nec probare.

Vt de veritate huius deductionis conceptus praesentis, ac de necessitate sumendi illum pro principio cognoscendi transcendentali, tibi persuadeatur, cogita magnitudinem problematis: ex perceptionibus datis naturae varietatem omnino infinitam legum empiricarum continentis experientiam cohaerentem efficere atque continuam, quod quidem problema ex anticipatione in nostra inest intelligentia. Sunt quidem intelligentiae ex anticipatione leges naturae vniuersales, sine quibus ea nulla prorsus posset res esse experientiae obnoxia: verum ea praeterea indiget quoque certo quodam naturae ordine, in regulis illius peculiaribus, quae illae cumque possunt empirice sibi innotescere, quaeque respectu sui fortuitae videntur. Quae quidem regulae, sine quibus nullus ab analogia vniuersali experientiae possibilis generatim ad specialem progressus locum haberet, ei vt leges cogitandae sunt (h. e. necessario): quoniam iis alias nullus naturae ordo efficeretur, quamquam nequitiam necessitatem earum ea cognoscit, aut vnquam non posset perspicere. Etsi igitur respectu illarum (rerum obiectarum) nihil ea quidquam potest ex anticipatione determinare ac decernere, tamen, ad has leges, quas dicunt, empiricas indagandas, principium, oportebit, autceptum, ex iis scilicet fieri posse ordinem naturae cognoscibilem, vniuersae de iis reflexioni fundamento constituat, cuiusmodi principium his modis enunciat: in natura subordinationem esse generum et formarum nobis comprehensibilem; illa (genera) rursus inuicem principia cuidam communi adpropinquare, vt fieri transitio queat ab vno ad alterum eoque ad genus altius; cum diuersitatis specialis effectorum naturalium totidem formas esse causalitatis sumendas, initio intelligentiae nostrae haud posse vitari videatur, ea tamen tenui principiorum numero subesse posse, in quibus conquirendis nobis versandum sit, et caetera generis eiusdem. Hic naturae cum nostra cognoscendi facultate concentus a vi iudicandi, in gratiam suae de ea reflexionis, ex legibus illius empiricis, ex anticipatione supponitur; siquidem intelligentia illam simul obiectiue vt fortuitam agnoscit, solumque facultas iudicandi naturae illam vt convenientiam

transcendentalem (respectu facultatis cognoscendi subiecti) attribuit: quoniam, nisi haec supponatur, nullus naturae ordo ex legibus empiricis, proinde nullum filium Ariadneum experientiae inuestigationisque illius cum his quoad vniuersam eius varietatem instituendae haberemus.

Namque cogitari potest, quantacumque sit rerum naturalium cum legibus vniuersalibus conformitas, sine quibus forma cognitionis experientiae generatim nullo modo locum haberet, specialem empiricarum naturae legum diuersitatem, vna cum effectis earum, tamen esse tantam posse, vt per intelligentiam nostram fieri nequeat, vt ordo aperiatur perspicuus effectorum illius in genera et species diuidendorum, vt principia enodationis intellectusque vnius ad enodationem intellectumque alterius adhibeantur, atque ex materia nobis adeo confusa (proprie duntaxat infinite varia, facultati comprehendendi nostrae minus congrua) experientia cohaerens atque continua efficiatur.

Itaque facultati iudicandi itidem principium inest possibilitatis naturae praesumptum, sed modo respectu subiectiuo, quo, haud naturae quidem (vt autonomia), verum sibi ipsa (vt-heteronomia) legem praecipit de illa reflectendi, quae *lex posset specificationis naturae* vocari respectu legum illius empiricarum, quam ex anticipatione in ea haud cognoscit, sed in gratiam ordinis illius intelligentiae nostrae cognoscibilis in legibus illius vniuersalibus sumit diuidendis, cum his varietatem vult specialium subordinare. Quodsi ergo dicatur: natura leges vniuersales suas ex principio convenientiae facultati cognoscendi nostrae proponit id est, ad congruentiam cum intelligentia humana in negotio suo necessario: ad speciale, quod ei perceptio ministrat, vniuersale, ad diuersumque (cuique formae vniuersale quidem) vicissim coniunctionem in vnitatem principii inueniendi; eo quidem neque naturae lex praecipitur, nec quidquam ab ea obseruando discitur (quanquam hac poterit principium illud confirmari). Neque enim principium est facultatis iudicandi determinantis, sed modo reflectentis; tantummodo sententia est, oportere necessario, vtcumque ad leges

vnuerſales ſuas compoſita ſit, ex illo principio noſtrisque in eo conſtitutis leges ſuas empiricas indagare, quoniam, tantummodo quatenus illud locum habet, intelligentia noſtra vtenda progredi in experientia poſſumus, cognitio- nemque acquirere.

## VI.

DE SENSU VOLVPTATIS CVM CONCEPTV CON-  
VENIENTIAE NATVRAE CONIVNGENDO.

Cuius quidem mentionem fecimus, conſentus natu-  
rae in varietate legum illius ſpecialium cum indigentia  
noſtra, vnuerſalitatem inueniendi principiorum illius,  
quantum equidem intelligo, vt fortuitus, diiudicandus eſt,  
nihilominus tamen, pro indigentia intelligentiae noſtrae,  
vt neceſſarius, proinde vt conuenientia, qua natura cum  
noſtro, ſed ſolum cognitionem ſpectante, ſine conſilio-  
que conſpirat. — Vniuerſales leges intelligentiae, eadem-  
que leges naturae, illi perinde neceſſariae ſunt (quamquam  
ex ſpontaneitate ortae), ac leges motus materiae; earum-  
que geneſi nullus finis ſupponitur facultatis cognoscendi  
noſtrae, quoniam iis tantummodo illius, quod cognitio  
rerum (naturae) eſt, primo conceptum haurimus, eaeque  
neceſſario naturae competunt, vt res cognitioni noſtrae  
vnuerſe ſubiectae. Verum, ordinem naturae ſecundum  
leges ſpeciales eius in varietate ac diſſimilitudine omnem  
vim comprehendendi noſtram ſuperante certe poſſibili,  
tamen huic vere conſentaneum eſſe, quantum nos quidem  
intelligere poſſumus, fortuitum videtur; cuiusque inuentio  
opus eſt intelligentiae, quod cum reſpectu ad finem illius  
neceſſarium, quippe vt vnitas principiorum illi inferatur,  
tractatur: quem finem quidem tum tribuere naturae debet  
facultas iudicandi, quoniam ea de re nullam legem poteſt  
intelligentia praecipere.

Cuiusque finis conſecutio cum ſenſu coniuncta eſt vo-  
luptatis, et, ſi conditio conſequendi finis cernitur in reprae-  
ſentatione praeconcepta, vti hoc loco in principio faculta-  
tis iudicandi reflectentis vnuerſe, etiam ſenſus voluptatis

per rationem quamdam ex anticipatione determinatus est, atque ita vt ad quemque pertineat: et quidem solum obiecta re ad facultatem cognoscendi transferenda, et sic quidem vt conuenientiae conceptus hoc loco nullo modo respiciat adpetendi facultatem, ideoque ab omni naturae conuenientia practica distinguatur.

Ac profecto quidem, cum congruentiae perceptio-  
num cum legibus ex conceptibus naturae vniuersalibus  
(categoriis) ne minimam quidem effectiorem in sensum  
voluptatis in nobis deprehendamus, nec deprehendere possi-  
mus, quoniam intelligentia haud ex consilio ea in re, sed  
per naturam suam necessario agit; fit, vt ex altera parte  
duarum pluriumue legum naturae empiricarum heteroge-  
nearum ratio in vno quodam principio vtramque com-  
plectente conciliandarum causa sit voluptatis cuiusdam per-  
quam insignis, saepenumero adeo admirationis, vel eius-  
modi, quae haud cessat, quamuis iam satis nobis res illi  
subiecta cognita videatur. Ex natura quidem facili com-  
prehensu, eiusque vnitatem in diuidendo ad genera et species,  
quo solo fit, vt esse possint conceptus empirici, quibus  
eam ex legibus peculiaribus cognoscamus, nullam fere  
voluptatem percipimus: verum ea profecto suo tempore  
percepta fuit, et solum ideo, quoniam non posset abs-  
que illa experientia vulgarissima exstare, paulatim ea cum  
sola cognitione confusa est, neque amplius separatim ani-  
maduersa. — Igitur quidpiam, quo mentis acies in diu-  
dicanda natura ad conuenientiam illius pro intelligentia  
nostra dirigitur, nimirum studium opus est, leges illius  
heterogeneas, si fieri possit, altioribus, quamquam sem-  
per etiamnum empiricis, subiiciendi, vt, si successerit, in  
hoc concentu earum ad facultatem cognoscendi nostram,  
quam solum vt fortuitam consideramus, voluptatem pet-  
sentiscamus. Contra repraesentatio naturae prorsus, nobis  
displicitura foret, qua nobis praediceretur, in minima nos  
inuestigatione vltra vulgarissimam experientiam, dissimi-  
litudinem illius legum offensuros fore, qua efficeretur, vt  
fieri per intelligentiam nostram non posset coniunctio legum.



specialium illius in empiricis vniuersalibus; siquidem istud principio cum specificationis in generibus eius subiectiue conuenientis, tum facultati iudicandi reflectenti nostrae respectu huiusce specificationis repugnat.

Haec suppositio facultatis iudicandi nihilominus adeo parum determinat, quam longe debeat conuenientia naturae idealis illa pro nostra cognoscendi facultate extendi, vt, si nobis dicatur, profundiori ampliorique naturae cognitione per obseruationem offendi demum varietatem legum oportere, quas nulla queat humana intelligentia ad vnum principium reuocare, etiam contenti simus, quamuis audiamus libentius, aliis nobis spem excitari, quo magis interiora naturae cognituri simus, aut cum membris externis nobis in praesentia ignotis comparare possemus, eo illam in principiis simpliciore, atque in opinata legum empiricarum dissimilitudine conformiorem eam nos fore deprehensuros, quo longius experientia nostra progrediretur. Etenim iussum est facultatis iudicandi nostrae, vt ex principio congruentiae naturae cum facultate nostra cognoscendi agamus, quo vsque ea suppetat, nec vero (quoniam ea non in iudicandi facultate determinante versatur, quae eam nobis regulam praecipit) an illius vsquam termini sint, nec ne, decernamus; propterea quod respectu quidem vsus rationalis facultatum cognoscendi nostrarum possumus siue ac terminos statuere, nulla vero in campo empirico terminorum potest constitutio fieri.

## VII.

### DE REPRAESENTATIONE AESTHETICA CONVENIENTIAE NATURAE.

Id quod in repraesentatione cuiusdam rei obiectae solum subiectiuum est, hoc est, relationem illius efficit ad subiectum, non vero ad rem obiectam, qualitas illius aesthetica videtur; quod vero in ea ad rem obiectam (ad cognitionem) determinandam facit, vel adhiberi potest, eo quidem illius valor logicus efficitur. In cognitione rei sensibus subiectae vtrique relatio occurrit. In repraesentatione

fenſitiua rerum extra me poſitarum, qualitate ſpatii, in quo eas videmus et intuemur, ſolum ſubiectiuum meae illarum repraeſentationis (quo, quid vt res per ſe ſint, in medio relinquitur) efficitur, cuius quidem relationis cauſa res obiecta quoque eo tantummodo vt phaenomenon cogitatur; ſpatium autem, quamuis qualitate gaudeat mere ſubiectiua, nihilominus tamen pars eſt cognitionis rerum qua phaenomenorum. *Senſatione* (hoc loco externa) pariter mere ſubiectiua ratio noſtrarum repraeſentationum rerum extra nos poſitarum, exprimitur, ſed proprie materiale (reale) earum (quod quidpiam exſans in rerumque veritate adparens datur), ac ſpatio ſola forma ex anticipatione poſſibilitatis illarum viſionum; et nihilominus illa quoque ad cognoscendas res obiectas extra nos poſitas vtimur.

Ea vero repraeſentationis ſubiectiua ratio *quae nullo modo pars poſſeſt cognitionis fieri*, cernitur in voluptate taedium cum ea coniuncta; per eam enim nihil quidquam in re repraeſentationi ſubiecta cognosco, quamquam ea quidem cerni in effeſto poſſeſt vllius cuiuſpiam cognitionis. Atqui conuenientia cuiuſpiam rei, quatenus in perceptione repraeſentatur, nulla quoque qualitas eſt obiectae rei ipſius (quippe quae percipi non poſſeſt), quamuis ex rerum cognitione quadam queat concludi: Conuenientia proinde, quae cognitionem rei cuiuſdam obiectae antecedit, atque adeo, etſi repraeſentatione illius ad cognitionem vt i nolis, nihilominus cum ea proxime coniungitur, cernitur in ratione illius ſubiectiua, quae nulla prorfus pars cognitionis fieri poſſeſt. Ergo res obiecta tum ſolum propterea conueniens dicitur, quoniam eius repraeſentatio proxime cum ſenſu voluptatis coniuncta videtur; eaque repraeſentatio ipſa eſt aeſthetica repraeſentatio conuenientiae. — Quaeritur modo, an omnino ſit eiꝰmodi conuenientiae repraeſentatio.

Quodſi cum ſola formae rei cuiuſpiam viſioni obnoxiæ adprehentione, ſine relatione illius ad conceptus cognitionis cuiuſdam determinatae, voluptas coniuncta eſt; repraeſentatio eo haud ad rem obiectam, ſed ſolum ad

subiectum refertur; et voluptate nihil aliud poterit exprimi, quam conuenientia illius cum facultatibus cognoscendi, quae in vi iudicandi reflectenti mouentur, et quatenus eae mouentur, ergo solum conuenientia rei obiectae subiectiua formalis. Illa enim formarum in phantasia adprehensio nunquam fieri potest, nisi facultas iudicandi reflectens, etiam sine consilio, eas cum vi sua, visionum ad conceptus referendarum, comparet. Quodsi ergo in hac comparatione phantasia (vt facultas visionum ex anticipatione) ad intelligentiam, vt facultatem conceptuum, repraesentatione data haud consulto in concentum ponatur, coque sensus quidam excitetur voluptatis, tum res obiecta vt conueniens facultati iudicandi reflectenti considerata videtur. Eiusmodi iudicium est iudicium aestheticum de conuenientia rei obiectae, quod nullo praesenti rei obiectae conceptu nititur, nullumque illius conceptum subministrat. Cuius obiectae rei forma (non materiale repraesentationis eius, vt sensatio) in sola de illa reflexione (nullo respectu habito conceptus de ea comparandi) vt ratio et causa voluptatis ex repraesentatione eiusmodi rei obiectae diiudicatur; cum eius repraesentatione hanc voluptatem quoque vt necessario coniunctam iudicamus, proinde vt haud solum subiecto, hanc formam adprehendenti, verum cuique omnino iudicanti. Res obiecta tum pulchra adpellatur; et facultas, per eiusmodi voluptatem (ergo et vniuersaliter) iudicandi, gustus vocatur. Namque cum ratio voluptatis ponatur solum in forma rei obiectae in gratiam reflexionis generatim, proinde in nulla obiectae rei sensatione; et quoque sine relatione ad conceptum, qui vllum quempiam finem contineret; sola erit legalitas in facultate iudicandi empirice vtenda vniuerse, (vnitas phantasiae et intelligentiae) in subiecto, quacum repraesentatio rei obiectae in reflexione, cuius conditiones ex anticipatione valent, conspirat; cumque ea conspiratio concentusque obiectae rei cum facultate subiecti fortuita sit, sit, vt per eam repraesentatio conuenientiae illius respectu facultatum cognoscendi subiecti efficiatur.

Hic igitur voluptas est, quae, uti omnis voluptas taediumne, quae haud per conceptum libertatis (id est, per antegressam facultatis superioris adpetendi ex ratione pura determinationem) efficitur, numquam potest ex conceptibus, ut cum repraesentatione obiectae rei necessario coniuncta, perspicui, sed semper duntaxat per perceptionem reflexam ut cum hac coniuncta, oportebit. cognoscatur, ergo, quemadmodum cuncta iudicia empirica, nullam necessitatem obiectiuam indicare potest, neque ex anticipatione valere. Verum, iudicium gustus, arrogat sibi, ut quodque aliud iudicium empiricum, valorem vniuersalem, quod, quamuis fortuita ratio illius interna sit, fieri tamen potest. Mirabilis atque insolens ratio inest modo in eo, quod non conceptus empiricus est, sed sensus voluptatis (proinde nullus omnino conceptus); quod tamen per iudicium gustus, quasi praedicatum foret cum cognitione rei obiectae coniunctum a quouis homine postulari debet et cum repraesentatione illius copulari.

Iudicium experientiae singulum, velut ab eo, qui in crystallo montano mobilem guttam aquae percipit, iure postulat, ut quemque alium pariter sic percipere necesse sit, quoniam hocce iudicium, ex conditionibus facultatis iudicandi determinantis, sub legibus experientiae possibilis vniuerse tulit. Pariter is, qui in sola reflexione de forma cuiuspiam obiectae rei, nullo habito conceptus cuiuspiam respectu, voluptatem percipit, quamuis hocce iudicium empiricum sit et singulum, iure cuiusque ad sensum postulat; quoniam causa ratioque huiusce voluptatis in conditione vniuersali, quamquam subiectiua iudiciorum reflectentium deprehenditur, nempe in conuenientia rei cuiusdam obiectae (sive ea in effectu naturae cernatur, sive artis) cum ratione facultatum cognoscendi erga se inuicem, quae ad quamque cognitionem empiricam delideratur (ad phantasiam intelligentiamque). Voluptas proinde in iudicio gustus ab repraesentatione quidem empirica pendet, nec cum vilo potest conceptu ex anticipatione coniungi (neque enim ex anticipatione decerni poterit, quae res ad gustum

adcommodata futura sit, sed ea experienda est); verum ea tamen ratio est iudicii determinandi eo solum, quod eam conscii sumus tantummodo reflexione niti conditionibusque vniuersalibus, quamquam subiectiuis modo, conuenientiae illius cum cognitione obiectarum rerum vniuersae, quibus forma conuenit obiectae rei.

Id quod in causa est, quare iudicia aesthetica quoad possibilitatem, quoniam haec principium supponit ex anticipatione, quoque sint criticae subiecta, quamquam principium istud neque in principio cognoscendi in gratiam intelligentiae, neque in practico versatur voluntati adcommodato, ideoque ex anticipatione nullo modo determinans videatur.

Verum receptiuitate voluptatis ex reflexione de rerum (cum naturae tum artis) formis non solum conuenientia rerum obiectarum denotatur respectu facultatis iudicandi reflectentis, conceptui naturae in subiecto conuenienter, sed etiam vice versa subiecti ratione rerum obiectarum formae illius, conceptui libertatis consequenter; eoque fit, vt iudicium aestheticum, non solum qua iudicium gustus, ad pulcrum, verum etiam, vt ex sensu quodam animi ortum, ad *sublime* referatur, atque ita critica illa facultatis iudicandi aestheticae in partes duas his congruas dispescatur.

### VIII.

#### DE REPRÆSENTATIONE LOGICA CONVENIENTIAE NATVRAE.

In re obiecta per experientiam data ac oblata conuenientia potest proponi, vel ex ratione mere subiectiua, vt contentu formae eius, in *adprehensione* illius ante omnem conceptum, cum facultate cognoscendi, ad visionem cum conceptibus in vna cognitione vniuersae coniungendam; vel ex ratione obiectiua, vt conuenientia formae illius cum ipsa rei possibilitate, ex conceptu eius praecedente causamque formae huius complectente. Vidimus, repræsentata-

nem conuenientiae generis superioris positam esse in voluptate proxima ex forma obiectae rei in sola repraesentatione de ea; igitur repraesentatio conuenientiae generis posterioris, cum formam obiectae rei haud ad facultates cognoscendi referat subiecti in ea adprehendenda, sed ad cognitionem rei obiectae determinatam sub dato quodam conceptu, neutiquam sensum voluptatis ex rebus percipiendae attingit, verum intelligentiam in iis diiudicandis. Cum conceptus alicuius rei obiectae datus est, tum negotium facultatis iudicandi versatur in illo ad cognitionem in *exhibitione* vtendum, hoc est, in eo, vt conceptui visio consentanea adponatur: siue istud per propriam phantasiam nostram fiat, vt in architectura, cum conceptum ante formatum cuiusdam obiectae rei, qui nobis pro fine est, effectum damus; siue per naturam in technica illius (vt in corporibus organicis), cum ei conceptum nostrum finis ad effectum eius diiudicandum subiicimus; vbi tum non solum *conuenientia* naturae in forma rei, verum hoc illius effectum vt *finis naturae* repraesentatur. — Quamquam noster conuenientiae subiectivae naturae cum formis eius ex legibus empiricis conceptus, nullus omnino conceptus sit rei obiectae, sed modo principium iudicandi in hac eius varietate nimia conceptus comparandi; tamen illi eo quasi respectum quemdam tribuimus ad nostram cognoscendi facultatem ex analogia finis; atque ita *pleritudinem naturae* vt *exhibitionem* conceptus formalis (soli subiectiui) spectare possumus, *finisque naturae* vt exhibitionem conceptus conuenientiae realis (obiectivae) quarum vnam per gustum (aesthetice, interueniente voluptatis sensu) alteram per intelligentiam rationemque (logice, ex conceptibus) diiudicamus.

In quo quidem nititur diuisio critices facultatis iudicandi in *aestheticam* et *teleologicam*; siquidem *aestheticam* dicimus facultatem diiudicandae conuenientiae formalis (quae alias et subiectiua vocatur) per sensum voluptatis taedique; sed *teleologicam* in facultate ponimus conuenientiae realis (obiectivae) naturae per intelligentiam rationemque diiudicandae.

Criticae facultatis iudicandi pars, facultatem iudicandi aestheticam complectens, essentialiter propria est, quoniam haec sola principium continet, quod iudicandi vis prorsus ex anticipatione reflexioni suae de natura fundamento constituit, nempe principium conuenientiae formalis naturae ex legibus peculiaribus (empiricis) nostrae cognoscendi facultati, sine quibus parum potest intelligentia in indaganda illa proficere: cum nulla prorsus ratio adferri queat ex anticipatione, nequidem possibilitas eius e conceptu naturae, ut rei sub experientiam subiectae cum vniuersae, tum speciatim, patet, fines esse naturae obiectivos, hoc est, res tantummodo ut fines naturae possibiles, oportere; sed solum facultate iudicandi quamuis ea nullum principium ex anticipatione in sese cohibeat, in causis obulis (certorum quorundam effectuum) regulam contineri, ad conceptum finium in gratiam rationis ad usum transferendum, posteaquam principium istud transcendentale ad conceptuum finis (saltem quoad formam) ad naturam adhibendum intelligentiam praeparauit,

Verum decretum transcendentale, conuenientiam naturae in subiectiua ad nostram cognoscendi facultatem relatione in forma rei cuiuspiam ut principium diiudicandae illius sibi repraesentandi, prorsus in medio relinquit, ubi et quibus in causis diiudicationem, ut effecti cuiuspiam ex principio conuenientiae debeam, nec potius solum ex legibus naturae vniuersalibus instituere, iudicandique facultati *aestheticae* relinquit, in gustu conuenientiam illius (formae) cum nostris viribus cognoscendi (quatenus ea haud per concentum cum conceptibus decernit, verum per sensum) conficiendam. Contra iudicandi facultas teleologica conditiones accurate indicat, quibus fiat, ut quidpiam (velut corpus organicum) ex idea finis naturae debeat diiudicari; verum non potest decretum adferre iuris ex conceptu naturae, ut rei experientiae obnoxiae, quo illi adfectionem liceat ad fluxus ex anticipatione attribui, vel etiam duntaxat indeterminate de experientia vera in eiusmodi effectis sumi: cuius quidem rei causa est, quod multae experientiae pecu-

liares instituendae et sub unitate earum principii contemplandae sunt, ut in quadam re obiecta convenientia obiectiva possit vel modo empirice cognosci. — Ergo vis iudicandi aesthetica peculiaris quaedam facultas est, rerum ex regula quadam, non vero ex conceptibus diiudicandarum. At teleologica non cernitur in facultate quadam peculiari, sed solum facultas iudicandi reflectens generatim, quatenus ea, uti ubique in cognitione theoretica, ex conceptibus, verum respectum certarum rerum naturae subiectarum, ex peculiaribus principiis, nimirum facultatis iudicandi solius reflectentis non vero obiectas res determinantis, agit, proinde quoad usum ad partem philosophiae theoreticam pertinet, et propter peculiaria principia, quae neutiquam, uti debet in doctrina esse, determinantia sunt, etiam specialem critices partem efficiat, oportebit; cum facultas iudicandi aesthetica nihil quidquam conferat ad res sibi subiectas cognoscendas, ideoque *duntaxat* ad criticam subiecti iudicantis facultatumque cognoscendi illius, quatenus principiorum sunt ex anticipatione capaces, cuiuscumque modi caeteroquin usus earum (theoreticus an practicus) fuerit, accensenda sit, in qua uniuersae philosophiae propaedeutica versatur.

## IX.

## DE LEGISLATIONIBVS INTELLIGENTIAE RATIONISQUE PER FACULTATEM IUDICANDI CONIVNGENDIS.

Intelligentia naturae ut rei sensibus obnoxiae ex anticipatione legislatoria est, ad cognitionem illius theoreticam in experientia possibili. Ratio ex anticipatione legislatoria est in gratiam libertatis propriaeque causalitatis suae, ut suprasensibilis in subiecto, ad cognitionem absolute practicam. Ditio conceptus naturae, sub una, ditioque conceptus libertatis sub altera legislatione, contra omnem contagionem mutuam, quae per se (ad sua cuique decreta) esse iis inuicem posset, per magnum hiatum illum, quo suprasensibilia diuelluntur a phaenomenis, prorsus separa-



tae seiunctaeque videntur. Conceptus libertatis ratione cognitionis naturae theoreticae nihil quidquam determinat; neque conceptus naturae respectu legum libertatis practicarum; neque eatenus fieri potest, vt ab vna ditione pontem ad alteram exstruamus. — Verum, etiamsi rationes determinantes causalitatis ex conceptu libertatis (regulaeque, quam is continet, practicae) haud sitae sint in natura, et sensibili nequeat suprasensibile in subiecto determinari; tamen fieri hoc retro potest (non quidem respectu cognitionis naturae, sed tamen ratione consequentium e priori ad posteriorem), iamque in conceptu causalitatis per libertatem complexum est, cuius *effectio* fieri his legibus suis formalibus conuenienter in mundo debet, quamquam vocabulum *causae*, de suprasensibili vsurpatum, tantummodo *rationem* denotat determinandae causalitatis rerum naturae ad efficiendum legibus illius propriis conuenienter, simul autem principio legum rationalium conformiter, cuius quidem haud perspici possibilitas potest, verum dubitatio de repugnantia opinata, quae in eo inest, satis confutari \*).

Effectio ex conceptu libertatis finis est, qui (cuiusue phaenomenon in mundo sensibili) debet exstare, cuius possibilitatis conditio in natura (subiecti vt naturae sensibilis, rempe vt hominis) supponitur. Id, quod hanc ex anticipatione, nullaue habita ratione practici, supponit,

o) Diuersarum pugnarum opinatarum in tota hac distinctione causalitatis naturae et libertatis vna haec est, cum ei obiicitur: si de *impedimentis* loquar, quae natura causalitati ex legibus libertatis (moralibus) struit, aut de *promotione* illius per eas, tamen illi *vis* memet in hanc posteriorem concedere. Verum, si, quae dicta sunt, modo intelligere velis, facile poterit calumnia euitari. Renisus promotione non est naturam inter et libertatem, verum inter naturam qua phaenomenon et inter *effectus* libertatis vt phaenomena in mundo sensibili; ipsaque libertatis causalitas (rationis purae et practicae) cernitur in causalitate causae naturalis (subiecti, qua hominis, proinde vt phaenomenon considerati) illi subordinatae, cuius quidem *determinandae* intelligibile, quod in libertate cogitatur, modo cacteroquin (velut idem, quo substratum naturae suprasensibile efficitur) inenodabili, rationem in se continet.

nimirum facultas iudicandi conceptui in conceptibus naturae libertatisque conceptu medio, quo sit, vt esse transitio possit a pura theoretica ad puram practicam, a conuenientia ex superiori ad finem ex posteriori, in conceptu *conuenientiae* naturae subministrat; eo enim possibilitas finis cognoscitur, qui solum in natura potest cunq̃ue concentu legum illius effici.

Intelligentia, per possibilitatem legum suarum ex anticipatione naturae praeceptarum, argumento est, hanc a nobis tantummodo vt phaenomenon cognosci, proinde simul iudicio est suprasensibilis cuiusdam illius substrati; quod vero prorsus indefinitum relinquit. Facultas iudicandi per principium autceptum naturae diiudicandae, ex possibilibus legibus peculiaribus, substrato suprasensibili (cum in nobis tum extra nos) *determinabilitatem* impertit *per facultatem intellectualem*. Ratio vero eidem per legem suam practicam ex anticipatione largitur *determinationem*; atque ita fit, vt per facultatem iudicandi effici transitio queat a ditione conceptus naturae ad conceptum libertatis.

Respectu facultatum animi in genere, quatenus vt superiores, id est, vt tales spectantur, in quibus insit autonomia, *cognoscendi facultati* (theoreticae naturae) intelligentia principia praesumta continet *constitutina*; sensui *voluptatis taediique* facultas iudicandi est, a conceptibus et sensationibus libera, quae ad determinandam adpetendi facultatem referri possent eoq̃ue proxime practicae videri; *vi animi in adpetitu positae* ratio est, quae, nulla quapiam voluptate interueniente, vnde illa cumq̃ue existat, practica videtur, eique, vt facultas superior, finem determinat, qui simul adprobationem puram intellectualem obiectae rei in se cohibet. — Conceptus facultatis iudicandi de conuenientia naturae pertinet adhuc ad conceptus naturae, sed solum vt principium facultatis cognoscendi regulatum; quamquam iudicium aestheticum de certis quibusdam rebus obiectis (naturae artisue), quod ansam praebet, respectu sensus voluptatis taediue principium constitutum videtur. Spontaneitate in lusu facultatum cognoscendi, in quarum concentu ratio inest huiusce voluptatis, conceptus

ille ad coniungendas ditiones conceptus naturae et libertatis in consequentibus illorum idoneus redditur, propterea quod haec simul receptiuitatem promouet animi ratione sensus moralis. — Sequenti tabula perlustratio omnium facultatum superiorum quoad vnitatem earum systematicam reddi poterit facilior \*).

c) Mirum nonnullis visum est, diuisiones meas in philosophia purâ semper sere tripartitas esse. Hoc vero positum in natura rei videtur. Namque diuisio, si ex anticipatione debet fieri, aut *analytica* erit ex decreto repugnantiae, tumque semper bipartita videbitur (quodlibet ens est aut A aut non A); aut *synthetica*, vbi si ex conceptibus ex anticipatione (non vero, vti in mathesi, ex visione ex anticipatione conceptui consentanea) fieri debeat, necesse est, vt, pro iis, quae ad vnitatem syntheticam generatum requiruntur, nimirum 1) conditione, 2) ad conditionem adstricto, 3) conceptuque ex coniungendo eo, quod ad conditionem adstrictum est, cum conditione sua experientie, diuisio per trichotomiam efficiatur.

<i>Cunctae facultates animi</i>	<i>Facultates tognoscendi</i>	<i>Principia ex anticipatione</i>	<i>Vfus</i>
Facultas cognoscendi	Intelligentia	Legalitas	Natura
Sensus voluptatis taedique	Facultas iudicandi	Conuenientia	Ars
Facultas adpetendi.	Ratio.	Finis vltimus.	Libertas.

---

CRITICES FACVLTATIS IVDICANDI

*PARS PRIOR.*

---

CRITICE FACVLTATIS

IVDICANDI AESTHETICAE.



---

SECTIO PRIOR.

---

ANALYTICE FACULTATIS  
IUDICANDI AESTHETICAE.

---

LIBER PRIMVS.

---

ANALYTICE PVLCRI.

---

MOMENTVM PRIMVM

IUDICII GVSTVS \*) QVOAD QUALITATEM.

§. 1.

*Iudicium gustus aestheticum est.*

**V**t, pulcrum quidpiam sit nec ne, discernamus, repræsentationem haud per intelligentiam ad rem cognitioni subiectam, sed per phantasiam (fortasse cum intelligentia coniunctam) ad subiectum eiusque sensum voluptatis tædiue referimus. Ergo iudicium gustus nullum est iudicium cognitionis, proinde haud logicum, verum æstheticum, quod

\*) Definitio gustus, hoc loco fundamento posita, hæc est: gustum in facultate cerni pulcri diiudicandi. Quæ autem opus sint, ut res obiecta quaedam dici pulcra queat, analysis aperiet iudiciorum gustus. Momenta, quæ in considerando reflectendoque hæc iudicandi facultas spectat, ductu functionum iudicandi logicarum, conquisivi (namque in iudicio gustus semper adhuc relatio ad intelligentiam continetur). Momenta qualitatis prima sub rationem vocavi, quoniam iudicium æstheticum, de pulcro hæc primo respicit.

illud vocamus, cuius determinandi ratio *non* potest *nisi* *subiectiva* esse. Omnis autem repræsentationum, vel ipsa sensationum relatio esse obiectiva potest (tuncque ea reale denotat in repræsentatione empirica); si ab ea discesseris, quæ ad tactum sit sensumve voluptatis ac tædij, qua nulum quidpiam in re obiecta designatur, sed in qua subiectum, pro eo atque per repræsentationem mouetur atque adficitur, se ipsum sentit.

Aedificium, cuius partes inter se omnes concinunt, facultate cognoscendi (siue distincta siue confusa cogitatione) comprehendere, longe quiddam aliud est, quam huiusce repræsentationis cum sensatione oblectationis sibi conscium esse. Hic repræsentatio tota ad subiectum refertur, et quidem ad sensum vitæ illius, quem sensum voluptatis dicimus vel tædij: quo quidem peculiaris quædam discernendi diiudicandique facultas constituitur, quæ nihil confert ad cognitionem, sed modo repræsentationem datam in subiecto comparat cum facultate repræsentationum, cuius sibi animus conscius sit statum suum sentiens. Repræsentationes datæ in iudicio quodam possunt empiricæ (proinde æstheticæ) esse; sed iudicium, quod iis sit, logicum erit, cum illæ tantum in iudicio ad rem obiectam referuntur. Sed vice versa, cum repræsentationes datæ adeo forent rationales, sed in iudicio quodam solummodo ad subiectum (ad sensum illius) referrentur, tum semper erunt æstheticæ.

## §. 2.

*Oblectatio, qua iudicium gustus determinatur, omni omnino inuitamento caret.*

\* Inuitamentum dicitur oblectatio, quam cum repræsentatione existentiae cuiusdam rei obiectæ copulamur. Quod proinde semper simul quodam modo adfectum est ad vim animi in appetitu positam, aut ut ratio eius determinandæ, aut certe ut ratione illius determinandæ necessario coniunctum. Iam vero, si quaeritur, an quidpiam pul-

crum sit, haud scire cupimus, utrum nostra, an vllius cuiuspiam existentia rei intersit, aut modo interesse possit; verum, quomodo eam in sola contemplatione (visione aut reflexione) diiudicemus. Si quis me interroget, an, quod coram video, palatium inueniam pulcrum; dixerim equidem, eiusmodi rebus solum ad stupendum factis haud memet delectari, aut, vt *Sachemus* ille Iroquesius, sibi Luteiis Parisiorum nihil magis arridere, quam popinas; praeterea potero cum *Russauo* vanitatem principum increpare, sudorem populi in res inutiles impendentium; potero denique facile mihi persuadere, si in insula deserta, omni spe destitutus ad homines vnquam perueniendi, versarer, soloque voto possem eiusmodi palatium creare, tamen memet id nequitiam fore curaturum, si iam casa foret, apta mihi fatis et comoda. Haec omnia concedi mihi poterunt atque probari; verum nunc non sermo de eo videtur. Scire tantummodo auemus, an sola rei obiectae repraesentatio in me sit cum oblectatione coniuncta, quantumvis nihil ad me intersit existentia rei huic repraesentationi subiectae. Facile intelligitur, de eo agi, quid ex hac repraesentatione in me ipse faciam; nequitiam de eo, in quo ab existentia rei obiectae pendeam, vt eam dicere *pulcram* queam, atque euincere, gustu memet gaudere. Quisque fateatur necesse est, illud iudicium, cui minimum sese inuitamentum immiscet, admodum iniquum nullumque purum gustus iudicium videri. Ne minime quidem, oportebit, studio existentiae rei tenere, prorsusque hoc respectu aequus sis, vt personam iudicis sustinere queas in rebus, quae spectare gustum videntur.

Neque verò hanc sententiam, quae praecipui momenti est, haud melius illustrare possumus, quam si oblectationi purae nulloque inuitamento captae \*) in iudicio

\*) Iudicium de re oblectationi proposita sane quidem in nullo prorsus inuitamento esse constitutum potest, sed inuitamentum gignit; cuiusmodi omnia sunt iudicia pura moralia. Verum iudiciis gustus per se nullum omnino inuitamentum constituitur. Duntaxat inter socios illud inuitamentum pariur, si gustu variis, cuius quidem causa ratioque in posterum indicabitur.



gustus, eam, quae cum inuitamento coniuncta est, opponamus: praesertim si simul esse certi possimus, non plura inuitamenti genera esse, quam quae mox indicabimus.

§. 3.

*Oblatio ex iucundo percepta cum inuitamento est coniuncta.*

*Iucundum est id, quod sensibus placet in sensatione.* Hoc quidem loco sese nobis ansa praebet continuo confusionem maxime frequentatam duplicis significationis illius, quae esse subiecta potest vocabulo sensationis, reprehendendi. Quaeque oblatio (sic dicunt vel cogitant) ipsa in sensatione (voluptatis cuiusdam) versatur. Proinde quidquid placet, eo ipso, quod placet, iucundum est (et pro variis gradibus vel etiam relationibus ad alias sensationes iucundas, *amoenum, suave, delectans, laetabile* et sic porro). Quo vero concessio, impressiones sensuum, quibus inclinatio, aut decreta rationis, quibus voluntas, aut solae formae visionum reflexae, quibus vis iudicandi determinatur, quod vim attinet affectionemque in sensu voluptatis, prorsus eadem videntur. Haec enim iucunditas foret in sentiendo statu, cumque tamen inuicem nostrarum facultatum tractatio actionem spectet rationemque practicam in eaque sese tanquam in suo quodam scopo debeat coniungere, nulla ab iis alia rerum earumque pretii obseruantia postulari posset, quam quae in voluptate constat, quam pollicentur. Modus, quo eo perueniunt, nil quidquam ad rem facit, cumque eligendis adiumentis solum in eo effici discrimen queat, homines sese inuicem stultitiae imprudentiaeque inculcare possent, nunquam autem in crimen animi humilis abiectique ac malitiae vocare: siquidem omnes possent, suo quisque modo res videndi, vnam metam cursu expetere, in qua cuiusque inest voluptas.

Cum determinatio sensus voluptatis taediue sensatio dicitur, tum hoc verbum longe aliud quid denotat, quam cum repraesentationem cuiuspiam rei (per sensus, ut quam-

dam, quae ad facultatem cognoscendi pertinet, receptiuitatem) sensationem adpello. Namque in hac posteriori causa repraesentatio refertur ad rem obiectam, in illa superiori autem ad subiectum, nulloque modo quidquam ad cognitionem facit, ne ad eam quidem, qua se ipsum subiectum *cognoscit*.

Sed in definitione illa verbi sensationis repraesentationem intelligimus sensuum obiectiuam; et, ne semper metiendum sit, ne calumniam experiamur, id, quod semper solum manere subiectiuum oportet, neque vllam prorsus potest repraesentationem cuiuspiam efficere, nomine alias vsitato sensus tactusque notabimus. Color pratorum viridis ad sensationem *obiectiuam* pertinet, vt perceptio rei sensibus subiectae; sed iucunditas illius sensationem spectat *subiectiuam*, qua nulla res repraesentatur; hoc est, ad sensum, quo res vt oblectationi obnoxia (quae non cernitur in eius cognitione) consideratur.

Iudicio in eo vero de re quadam obiecta, quo eam declaro iucundam, inuitamentum quoddam in ea enunciari, inde iam planum est, quod per sensationem illud cupiditatem eiusmodi rerum excitat, proinde oblectatio non solum iudicium de illa supponit, sed relationem existentiae illius ad statum meum, quatenus per talem rem adficitur ac mouetur. Idcirco iucundum non solum dicitur *placere*, sed etiam *delectare*. Non est solus adsensus, quem illi praebeo, sed ea gignitur inclinatio; tantumque abest, vt ad id, quod maxime iucundum sit, vllum quoddam de qualitate obiectae rei iudicium opus sit, vt ii potius, qui semper solum sibi propositam fruitionem habent, (hoc enim vocabulo intima delectatio designatur), omni omnino lubenter iudicio supersedeant.

#### §. 4.

*Oblectatio ex bono percepta coniuncta est cum inuitamento.*

*Bonum* est id, quod interuentu rationis placet, per solum conceptum. Nonnulla rei cuiuspiam bona (vtilia)

vocamus, quae placent duntaxat vt adiumentum; aliud autem *per se bonum* dicimus, quod per se ipsum placet. In utroque boni genere semper inest conceptus finis cuiuspiam, proinde adfectio rationis ad (certe possibilem) volitionem, ergo oblectatio per *existentiam* cuiuspiam rei obiectae actionisue, hoc est, vllum aliquod inuitamentum.

Vt aliquid bonum iudicem, semper sciam necesse est, qualis res obiecta videatur, hoc est, illius conceptum habeam. Verum hoc non opus est ad pulcritudinem in aliqua re deprehendendam. Flores, liberae delineationes, ductus inconsulto in se inuicem complicati, quos opus frondiculatum vocamus, nihil quidquam denotant ab nulloque pendent conceptu, et tamen placent. Oblectatio ex pulcro ex consideratione reflexioneue cuiusdam obiectae rei, ad vllum quempiam conceptum (ad quem liberum erit) pendeat, oportebit; eoque etiam distinguitur ab iucundo, quod totum positum est in sensatione.

Saepe numero quidem iucundum idem esse cum bono videtur. Sic plerumque dicimus: omnis (in primis durabilis) voluptas per se ipsa bona est; quod fere hanc vim habet, durabile iucundum esse et bonum esse, eadem videri. Sed facile intelligitur, hoc solum in vitiosa verborum permutatione versari, cum, qui vocibus istis proprie adhaerent, nullo modo conceptus possint inuicem permutari. Iucundum, quod, qua tale, obiectam rem tantummodo relatum ad sensum repraesentat, per conceptum cuiuspiam finis principis rationis demum subiiciendum est, vt, qua voluntati obnoxium, bonum queat nominari. Quod verum in relatione longe alia ad oblectationem versari, cum, quod delectat, simul *bonum* dico, inde poterit intelligi, quod in bono semper quaeritur, solumne cum interuentu sit an proxime bonum (vtile an per se bonum); cum e contrario in iucundo de eo nullo modo quaeri possit, propterea quod hoc verbo semper, quod proxime placet, denotetur. (Eademque ratio illius est, quod pulcrum vocamus).

Consuetudine sermonis vel maxime communi vulgarique iucundum a bono distinguitur. Cibum ex condunen-

tis aliisque additauentis saporem augmentem haud haesitandi gratum dicimus ac iucundum, simulque, haud bonum esse, fatemur; quoniam is proxime quidem sensibus *arridet*, cum interuentu vero, hoc est, per rationem, quae consequentia spectat, consideratus, displicet. In ipsa valitudinis diiudicatione hoc discrimen animaduerti potest. Cuique eam tenenti proxime grata est atque accepta (certe negatiue, id est, ut vacatio ab omni corporis dolore). Verum ut ea dici bona queat, simul quoque per rationem ad fines regenda est, eam nimirum in statu versari, qui nos ad negotia nostra omnia promptos reddat atque alacres. Ac felicitatis quidem respectu summam tandem maximam (cum quoad copiam, tum quoad durationem) iucunditatum vitae quisque posse putat verum, atque etiam summum bonum vocari. Verum et isti quoque sententiae ratio reluctatur. Iucunditas cernitur in fruitione. Quam si solam spectes, stultum foret, anxium esse respectu adiutorum, quibus ea possit comparari, vtrum patiundo pariatur per munificentiam naturae aut agendo ex propria nostra effectione. Numquam vero persuaderi sibi ratio patietur, existentiam hominis per se pretium habere, solum *ad persuadendum* viuientis, vel si aliis praeterea, qui cuncti pariter solum fruitionem expetunt, ut adiumentum illius maxime conducere, et propterea quidem, quoniam per conuenientiam coniunctionemque naturae (*συμπάθειαν*) vniuersa voluptate simul frueretur. Id solum, quod, nullo habito fruitionis respectu, facit, ex libertate plena vacuusque ab iis vniuersis, quae natura sibi perpetiundo quoque posset conciliare, existentiae suae, ut existentiae personae pretium impertit absolutum; nec felicitas cum vniuersa iucunditatum copia, permultum abest ut in bono absoluto versetur \*).

9) Obligatio ad fruendum manifesta absurditas est. Eadem ergo quoque opinata ad vniuersas actiones obligatio erit, quibus sola fruitio proposita est: vtrumque ea spiritualis sit (distinctae) excogitata, et si fruitio sit vel mystica quaedam, dicique solita caelestis.

Verum, ut maxime diuersum sit ab iucundo bonum, ambo tamen in eo conueniunt, quod semper sunt cum quodam inuitamento ex re sibi subiecta coniunctum, non solum iucundum §. 3, remoteque bonum (utile), quod ut adiuumentum ad ullam quampiam iucunditatem placet, verum etiam absolute omnique respectu bonum, nimirum morale, quod summum in se inuitamentum cohibet. Namque bonum in re versatur proposita voluntati (hoc est, facultati adpetendi per rationem determinatae). Sed aliquid velle, et ex eius existentia capere oblectationem, hoc est, quoddam inuitamentum, idem est.

## §. 5.

*Comparatio trium oblectationis generum specie diuersarum.*

Vtriusque, et iucundi, et boni, certa quaedam adfectio est ad facultatem adpetendi, atque eatenus oblectationem in se continet, nimirum illud pathologice hypotheticam (per stimulos), hoc vero puram practicam, quae non solum per repraesentationem rei obiectae, sed simul per coniunctionem subiecti cum illius existentia repraesentatam determinatur. Non solum res obiecta placet, sed etiam eius existentia. Quapropter iudicium gustus solum est *contemplatum*, id est, iudicium, quod, respectu existentiae cuiuspiam rei obiectae medium, solum qualitatem eius comparat cum sensu voluptatis taediique. Nec vero haec ipsa contemplatio conceptus spectat; namque iudicium gustus nullum est iudicium cognitionis (neque theoreticum, neque practicum), nec proinde quoque in conceptibus *constitutum*, neque *pertinet ad eos*.

Igitur iucundo, pulero, bono tres repraesentationum diuersae ad sensum voluptatis taediique adfectiones designantur, quarum respectu res obiectas, modosue repraesentandi inter se inuicem distinguimus. Neque porro vocabula cuique conuenientia, quibus in iis complacentia denotatur, haud eadem videntur. *Iucundum* cuique dicitur,

quod *delectat*; *pulcrum*, quod solum *placet*; *bonum*, quod *aestimatur*, *probaturque*, hoc est; in quo pretium collocatur obiectiuum. Iam vero ad animalia bruta quoque iucunditas valet; sed pulcrum solum ad homines; hoc etiam, naturas animales, sed tamen ratione instructas, verum quoque non modo qua tales (exempli gratia, spiritus) sed simul qua animales; bonum autem omnino ad quamque naturam rationemque. Quae quidem sententia in sequentibus plenius consumari poterit et explicari. Dici potest: in vniuersi tribus hae oblectationis generibus, id, quod in gustu pulcri versatur, vnum solumque in oblectatione cerni vacua ab inuitamento *liberaque*; nullum enim, nec sensuum, nec rationis, inuitamentum adfensionem extorquet. Idecirco oblectationem dicere posses in tribus causis illis referri vel ad *inclinationem*, vel ad *ferrem*, vel *obseruantiam*. Fauor enim vna libera oblectatio est. Res inclinationi obnoxia, et res, quae per legem rationis nobis adpetenda proponitur, nullam nobis libertatem relinquunt, nobis ipsis ex vlla re quapiam rem voluptati subiectam reddendi. Omne inuitamentum supponit indigentiam, aut parit aliquam; et, qua ratio determinandi adfensus, haud permittit iudicium de re obiecta amplius liberum esse.

Ac respectu quidem inuitamenti inclinationis in iucundo, quisque dicit, famem optimum coquum esse, et cuncta, quibus vesci possis, hominibus sapiunt, recto sanoque adpetitu praeditis; proinde eiusmodi oblectatione nullam ex gustu optionem euincit. Expleta denuum indigentia, tum solum distingui poterit, qui ex multis gustum habeat nec ne. Pariter mores sunt sine virtute, comitas sine beneuolentia, decorum sine honesto et sic porro. Vbi enim lex moralis loquitur, ibi, obiectiue, ratione eorum, quae facienda sunt, nulla amplius libera optio relinquitur; gustumque in moribus (aut in aliorum moribus diiudicandis) proderet, longe aliud quid est, quam mentem animi moralem ostendere: haec enim praeceptum continet indigentiamque parit, cum contra gustus moralis in rebus oblectationi subiectis modo ludat, neque vni cuidam adhaereat.

DEFINITIO PVLCRI E MOMENTO PRIMO CON-  
CLVSA.

*Gustus* cernitur in facultate rei cuiuspiam obiectae modius repraesentandi diiudicandae per complacentiam vel disci, *absque omni inuitamento*. Res eiusmodi complacentiae subiecta, vocatur *pulcra*.

## MOMENTVM SECVNDVM

IUDICII GVSTVS, NEMPE SECVNDVM QVAN-  
TITATEM.

## §. 6.

*Pulcrum est id, quod, sine conceptu, ut res complacentiae vniuersalis repraesentatur.*

Haec pulcri definitio ex superiori eius definitione, ut rei complacentiae sine omni inuitamento subiectae, potest concludi. Id enim, cuius quis sibi conscius est complacentiam in se ipso sine omni inuitamento esse, id is non potest nisi sic iudicare, ut rationem statuatur in sese complacentiae continere cuique debere. Cum enim non in vlla quapiam subiecti inclinatione (neque in vlllo quodam deliberato inuitamento) constitutum sit, sed iudicans ratione complacentiae, quam obiectae rei tribuit, prorsus sese *liberum* sentiat; nullas poterit condiciones priuatas ut rationes complacentiae inuenire, quibus solis subiectum suum adhaereat, ideoque illam ut in eo fundatum spectet, necesse est quod quoque in quouis potest supponere; ergo causam putet habere, oportebit, a quoque similem complacentiam postulandi. Igitur ita de pulcro loquetur, ut si pulcritudo cernatur in qualitate rei obiectae, iudiciumque logicum (per conceptus rei obiectae cognitionem eius efficiat) videatur; quamquam solum illud aestheticum est, et duntaxat relationem rei obiectae continet ad subiectum: propterea, quod similitudinem habet logici, quatenus illius valor potest cuique in eo supponi. Nec vero ex con-

ceptibus ea vniuersalitas poterit existere. Nulla namque a conceptibus transitio est ad sensum voluptatis taediue (si a legibus puris practicis discesseris, quibus vero nullum inuitamentum inest; cuiusmodi cum iudicio gustus puro haud coniunctum est). Ergo iudicio gustus, cum conscientia separationis in eo ab omni inuitamento, ius adhaereat, necesse est, valoris ad quemque, hoc est, cum eo ius, oportebit, coniunctum sit, vniuersalitatis subiectiuae.

### §. 7.

#### *Comparatio pulcri cum iucundo bonoque per notam superiorem.*

Ratione *iucundi* quisque concedit, iudicium suum, quod in sensu quodam priuato constituit, et quo rem obiectam dicit sibi placere, solum ad personam suam adstringi. Idcirco libenter concedit, vt, cum dicit, vinum Cauariense iucundum est, alius vocabulum corrigat inoneatque, dici debere: *michi* iucundum est; atque ita non solum in gustu linguae, palatique ac gulae, verum etiam in iis quae oculis possunt auribusque cuiusuis iucunda accidere. Vni color violaceus mitis est et gratus, alteri ingratus et mortuus. Alter cantum amat tiliarum, alter fidium. Stultum foret, propterea litigari, vt iudicium aliorum a nostro diuersum, quasi illud huic logice contrarium foret, falsum vituperetur; ergo respectu iucundi locum habet hocce decretum: *suo quisque gustu (sensuum) proprio gaudet.*

Longe alia pulcri ratio videtur. Ridiculum contra foret, si quis, qui de gustu suo superbiret, eo sese putaret defendere: haec res (hoc aedificium, quod videmus, haec vestis, quam ille gerit, haec musicorum, quam audimus, concertatio, hoc carmen ad diiudicandum propositum) *michi* pulcra est. Neque enim, quae ipsi solum placent, vocare *pulcra* debet. Multa illum sollicitare possunt et iucunditate demulcere, hoc nemo curat; si vero aliquid declarat pulcrum, ab aliis complacentiam postulat: non solum suo nomine iudicat, sed cuiusque nomine, tumque



de pulcritudine loquitur, quasi in qualitate rerum versetur. Idcirco dicit: *res* pulchra est; neque aliorum consensus cum suo complacentiae iudicio rationem habet, quoniam saepius eam cum sua conspirantem expertus est, sed *postulat* istud ab iis. Vituperat eos, si secus iudicant, iisque gustum denegat, quem tamen habere eos debere cupit; atque eatenus dici non potest: suo quisque peculiari gustu gaudet. Hoc enim idem foret, ac: nullum omnino gustus est, hoc est, nullum iudicium aestheticum, quod cuiusque iure possit adfensionem postulare.

Nihilominus tamen inuenimus, in diiudicando iucundo contentum posse in hominibus deprehendi, cuius respectu tamen nonnullis gustus denegatur, aliis conceditur, et haud quidem ut sensus organicus, verum ut facultas iudicandi ratione iucundi generatim. Sic eum, qui convivas iucunditatibus (fruitionis per omnes sensus) ita nouit fouere, ut cunctis iis placeat, dicimus gustum habere. Verum hic vniuersalitas tantummodo comparatiue sumitur, tumque regulae duntaxat *generales* (ut cunctae sunt empiricae) videntur, non vero *vniuersales*, quippe iudicium gustus de pulcro enunciat. Iudicium est respectu socialitatis, quatenus regulis ea empiricis nititur. Ratione boni quidem quoque valorem petunt, qui ad quemque pertineat; sed bonum tantummodo *per conceptum quemdam* ut res complacentiae vniuersali subiecta repraesentatur, id quod neque in iucundo accidit, neque in pulcro.

#### §. 8.

*Vniuersalitas complacentiae in iudicio gustus solum ut subiectiua repraesentatur.*

Haec peculiaris vniuersalitatis iudicii aesthetici determinatio, in iudicio gustus conspicua, res est notatu digna, non homini quidem logico, sed sane philosopho transcendentali, quae ad aperiendam eius originem, haud exiguum illius laborem postulat, sed contra quoque proprietatem manifestat nostrae cognoscendi facultatis, quae, hac analysi omissa, ignota mansisset.

Ac primo quidem prorsus tibi persuadeas, te iudicio gustus (de pulcro) complacentiam rei obiectae cuiuspiam in *unoquoque* ponere, neque tamen quodam conceptu niti (tum enim haud pulcrum foret, sed bonum); praeterea hanc valoris vniuersalis rationem tam necessario ad iudiciū pertinere, quo quidpiam nos *pulcrum* declaramus, vt, nisi ille in eo cogitetur, nemini in mentem venturum sit, hoc verbo uti, sed cuncta, quae sine conceptu placent, ad iucunda referrentur, in quo quidem suum quemque sequi ingenium patimur, nullusque alterius cum suo gustus iudicio conuenientiam postulat, quod tamen in iudicio gustus de pulcro semper fieri videmus. Illum priorem gustum sensuum possum, hunc alterum gustum reflexionis vocare: quatenus ille prior solum iudicia priuata fert; hic aiter vero iudicia opinata vniuersalia (publica), vterque autem aesthetica (haud practica), de re obiecta, tantummodo respectu relationis repraesentationum suarum ad sensum voluptatis et taedii. Iam vero, cum non solum experientia doceat, iudiciū gustus sensuum (voluptatis taediiue ex vlla re quapiam) non vniuersale valere, sed etiam quisque sponte sibi temperet, ne illam conuenientiam ab aliis postulet (quamquam reapse saepius eiusmodi conspiratio in his quoque iudiciis inuenitur), mirum videtur, gustum reflexionis, qui tamen quoque satis frequenter cum iure suo in vniuersalem iudicii sui valorem (de pulcro) ad quemque, teste eadem experientia, repudiatur, tamen existimare, fieri posse, vt (quod is etiam reuera facit) sibi iudicia repraesentet, quae conspirationem istam vniuersae possent postulare, eamque reapse a quoque cuiusque hominis iudicio gustus poscere, quamuis nulla iudicantium controuersia sit de eiusmodi petitionis possibilitate, sed modo in causis singularibus de recto huiusce facultatis vsu nequeant conuenire.

Hoc igitur loco primum notandum est, vniuersalitatem, haud in conceptibus obiectae rei (etsi tantummodo empiricis) positam, nullo modo logicam esse, verum aestheticam, id est, nullam iudicii quantitatem obiectiuam,

sed modo subiectiuam continere, pro qua et vocabulo vtor *valoris communis*, qui valor est relationis cuiuspiam repræsentationis ad facultatem cognoscendi, sed ad sensum voluptatis taediique cuique subiecto. (Poteris etiam eodem vti vocabulo pro logica quantitate iudicii, si modo addatur vniuersalitas *obiectiua*, ad distinguendam eam ab sola subiectiua, quae semper aesthetica est.)

Iam iudicium *obiectiue vniuersale* semper quoque subiectiuum est, hoc est, si iudicium ad vniuersa valet, quae dato quodam conceptu continentur, valet etiam ad quemque, qui rem obiectam aliquam eo sibi conceptu repræsentat. Verum ab *vniuersalitate subiectiua*, hoc est, aesthetica, quae in nullo posita conceptu est, non potest ad logicam concludi; quoniam illud iudiciorum genus nullo modo rem obiectam spectat. Propter id ipsum autem vniuersalitas aesthetica, quae iudicio tribuitur, necesse est, ut peculiaris generis videatur, eo quod praedicatum pulcritudinis cum conceptu *rei obiectae*, in logica illius sphaera consideratae, haud se coniungit, et tamen eandem super vniuersam *iudicantium* sphaeram extendit.

Respectu quantitatis logicae vniuersa gustus iudicia sunt iudicia *singula*. Etenim quoniam rem obiectam proxime debeo cum sensu meo voluptatis taediique comparare, neque tamen per conceptus, non poterit ei quantitas inesse iudicii obiectiue communiter valentis; quamuis, repræsentatione rei iudicio gustus subiectae ex conditionibus, quae hoc determinant, per comparisonem in conceptum mutata, iudicium inde queat logice vniuersale fieri: veluti, quam conspicio, rosam per iudicium gustus pulcrum declaro. Contra iudicium, quod ex comparisonem exsistit multorum singularium: rosae generatim pulcræ sunt, nunc non solum ut aestheticum, sed ut iudicium logicum in aesthetico quodam constitutum, enunciatum videtur. Iam iudicium: rosa (in usu) iucunda est, quidem etiam aestheticum et singulare est, sed non iudicium gustus, verum iudicium sensus. Ab illo enim superiori distinguitur eo, quod iudicium gustus *quantitatem vniuersalitatis aestheticam*, hoc est,

valorem ad quemque hominem in se cohibet, qui non potest in iudicio de iucundo deprehendi. Sola iudicia de bono, etiamsi quoque complacentiam obiectae rei determinant, vniuersalitate logica pollent, non solum aesthetica; valent enim de re obiecta, vt cognitiones illius, atque idcirco ad quemque hominem.

In rebus obiectis solum ex conceptibus considerandis, omnis pulcritudinis repraesentatio perit. Ergo nulla quoque potest regula esse, qua quis cogatur ad aliquid pulcrum agnoscendum. Num vellis, domus, flos, pulchra sit, vt iudicium feras, nullis rationibus decretivae adducaris. Volumus rem nostris propriis oculis subiicere, quasi complacentia eius a sensatione pendeat; et tamen, si rem tum pulcram vocamus, suffragium existimamus vniuersale nosmet sequi, quod quisque sequi debeat, cum e contrario quaeque sensatio priuata tantummodo in gratiam solius sui suaeque complacentiae decretura foret.

Hic videmus, in iudicio gustus nihil quidquam postulari, nisi eiusmodi *suffragium vniuersale*, respectu complacentiae haud interuenientibus conceptibus; proinde possibilitas iudicii aesthetici, quod simul quoque possit vt ad quemque valens considerari. Ipsum gustus iudicium non postulat consensum cuiusque (id enim solum logice vniuersale poterit, quoniam adferre rationes potest); tantummodo cuique istum consensum *adstringit*, vt casum regulae, cuius respectu confirmationem non a conceptibus expectat, sed ab aliorum accessu. Ergo suffragium vniuersale duntaxat idea est (quo ea nitatur, hoc loco nondum inuestigatur). Illum, qui iudicium ferre gustus existimat, reapse huic ideae conuenienter iudicare potest dubium videri; verum tamen se illud ad eam referre, proinde iudicium esse gustus debere, vocabulo pulcritudinis declarat. Per se ipse vero per solam conscientiam separationis eorum omnium, quae pertinent ad iucundum bonumque, a complacentia, quae sibi etiamnum relinquitur, certus reddi potest; quod quidem est, cuius consensum a quouis expectat; cuius quidem iuris sub his conditionibus potesta-

tem haberet, nisi contra illud saepius peccaret, eoque iudicium gustus erroneum ferret.

§. 9.

*Disquisitio quæstionis: utrum in iudicio gustus sensus voluptatis rem diiudicandam, an hæc illam antecedit?*

Solutione huiusce problematis clavis continetur criticæ gustus, quæ propterea digna est omni attentione.

Quodsi voluptas ex obiecta re data antecederet, solumque vniuersalis communicabilitas illius deberet in iudicio gustus repræsentationi obiectæ rei adiudicari, tum eiusmodi ratio secum ipsa pugnaret. Talis enim voluptas nulla foret alia, quam sola iucunditas in motu sensus, ideoque secundum naturam suam tantummodo posset valorem priuatum habere, quoniam ea ex repræsentatione, qua res datur atque offertur, proxime penderet.

Ergo communicabilitas vniuersalis status animi in data repræsentatione erit, quæ ut subiectiua iudicii gustus conditio ei fundamento esse debet, quamque, necesse est, voluptas ex re obiecta sequatur. Sed nihil potest quidquam vniuerse communicari, quam cognitio, et repræsentatio, quatenus ea ad cognitionem pertinet. Eatenus enim hæc posterior tantummodo sola subiectiua est, atque eo tantum respicienda est, quatenus vis repræsentandi omnium illi conuenire cogitur. Si igitur ratio determinandi iudicii de hac vniuersali communicabilitate repræsentationis solum subiectiue debeat, nempe siue conceptu obiectæ rei cogitari, ea nulla esse alia poterit, quam status animi, qui in relatione virium repræsentatiuarum ad se inuicem deprehenditur, quatenus iis repræsentatio data ad *cognitionem generatim* refertur.

Quæ hæc repræsentatione excitantur, vires cognoscendi in eo libere mouentur, si quidem nullò conceptu determinato ad peculiarem quamdam cognitionis regulam

adstringuntur. Ergo status animi in hac repraesentatione, necesse est, in statu versari cuiusdam sensus lusus liberi virium repraesentatiuarum in repraesentatione quadam ad cognitionem quandam generatim data. Iam ad repraesentationem, qua res quaedam datur atque offertur, vt omnino inde cognitio exsistat, et *phantasia* pertinet ad varia visionis componenda, et *intelligentia* ad vnitatem conceptus repraesentationes coniungentis. Hic status *lusus liberi* facultatum cognoscendi, in repraesentatione qua res quaedam datur ac proponitur, necesse est, vt vniuerse queat communicari: siquidem cognitio, vt determinatio rei obiectae, qua repraesentationes datae (in quocumque subiecto) debent conuenire, vna repraesentandi ratio est, quae ad quemque hominem valet.

Subiectiua illa vniuersalis communicabilitas rationis repraesentandi in iudicio gustus, cum, nullo posito conceptu determinato, locum habere debeat, nihil potest aliud esse, quam status animi in lusu libero phantasiae atque intelligentiae (quatenus eae secum inuicem, vti ad cognitionem in vniuersum necesse est, conueniunt), propterea quod nobis conscius sumus, relationem hanc subiectiuam cognitioni generatim consentanea pariter debere ad quemquam valere, ideoque vniuerse communicabilem esse, quam quamque cognitionem determinatam, quae tamen semper in relatione illa nititur, vt conditione subiectiua.

Haec solum subiectiua (aesthetica) diiudicatio rei obiectae, vel, qua ea datur, repraesentationis igitur voluptatem ex ea percipiendam antecedit, et ratio est huiusce voluptatis et concentus virium cognoscendi; in illa vero vniuersalitate conditionum subiectiuarum rerum obiectarum diiudicandarum sola constitutus hic vniuersalis subiectiuus valor complacentiae, quam cum repraesentatione copulamus obiectae rei, quam pulcram vocamus.

In statu animi, vel ipso facultatum cognoscendi respectu, communicando, voluptatem inesse, facile posset ex naturali hominis ad societatem inclinatione (empirice et

psychologicæ) euinci. • Verum hoc ad nostrum propositum haud sufficere videtur. Voluptatem, quam nosmet persentiscimus, in vno quoque alio vt necessariam in iudicio gustus statuimus, quasi vero, cum aliquid pulcrum dicimus, id pro qualitate obiectæ rei, in ea ex conceptibus determinata, sumenda foret; cum tamen pulcritudo haud ad sensum relata subiecti per se nihil videatur. Sed expositio huiusce quaestionis differenda est ad explicandam quaestionem aliam, nimirum hanc: an et quomodo fieri possint iudicia æsthetica ex anticipatione?

In praesentia adhuc in quaestione occupati sumus leuiori: quo tandem modo nobis fieri conscii possimus mutui virium cognoscendi inter se inuicem concentus in iudicio gustus, vtrum æsthetico per solum sensum internum sensationemque, an intellectuali modo per conscientiam actionis nostræ prouidæ, qua illas excitamus:

Quodsi repræsentatio data, quæ ansam dat iudicio gustus, foret conceptus, intelligentiam phantasiamque in diiudicanda obiecta re ad vnam rei cognitionem coniungens, tum conscientia huius relationis intellectualis foret (vti in schematismo facultatis iudicandi obiectiuo, de quo critica tractat). Verum tum quoque iudicium haud foret relate ad voluptatem taediumque pronunciatum, proinde nullum foret iudicium gustus. Atqui iudicium gustus, a conceptibus vacuum, rem obiectam determinat respectu complacentiæ prædicatiue pulcritudinis. Ergo vnitas illa cognitionis subiectiua solum sese distinguere potest per sensationem. Animata vtriusque facultatis (et phantasie, et intelligentiæ) ad actionem indeterminatam, sed tamen per occasionem repræsentationis datæ conspirantem, eam nimirum, quæ opus est ad cognitionem in genere, sensatio est, cuius communicabilitatem vniuersalem iudicium gustus postulat. Relatio obiectiua cogitari quidem tantummodo potest, verum, quatenus secundum conditiones suas subiectiuum est, tamen in effectione in animum sentiri; et relationis, nullum conceptum constituentis (veluti virium repræsentatiuarum ad facultatem cognoscendi vniuersæ rela-

tio est) nulla quoque alia potest conscientia esse, quae sensatione efficitur effectiōis, quae in motu adleuato ambarum animi virium (et phantasiae et intelligentiae) per mutuum concentum animatarum cernitur. Repraesentatio, cuius vt singularis neque cum aliis comparatae, nihilo minus concertus est cum conditionibus vniuersalitatis, qua negotium intelligentiae vniuerse efficitur, facultates cognoscendi ad conspirationem ducit, quam ad vniuersam cognitionem postulamus, et proinde quoque ad quemque, qui per intelligentiam sensusque coniunctim ad iudicandum determinatus est (ad quemque hominem) valere censemus.

DEFINITIO PULCRI E MOMENTO SECUNDO CON-  
CLUSA.

*Pulcrum est id, quod sine conceptu vniuerse placet.*

### MOMENTVM TERTIVM

IVDICIORVM GVSTVS SECVNDVM RELATIO-  
NEM FINIVM, QVI IN IIS SVB RATIONEM  
REVOCANTVR.

§. 10.

*De conspiratione cum finibus generatim.*

Si, quid finis sit, ex determinationibus eius transcendentalibus (haud sumta re quapiam empirica, cuiusmodi sensus est voluptatis) definire velis: finis erit res conceptui proposita, quatenus hic vt causa spectatur illius (realis ratio possibilitatis eius); et causalitas cuiuspiam *conceptus* respectu eius *obiectae rei*, est forma finalis. Vbi igitur haud fere solum rei cuiuspiam obiectae cognitio, sed res obiecta ipsa (forma illius vel exsistentia) vt effectum, tantummodo vt per conceptum effecti possibilis cogitatur, ibi finis quidam cogitatur. Repraesentatio effecti hoc loco ratio est causae illius determinandae, eaque effectum antecedit. Conscientia causalitatis repraesentationis cuiuspiam respectu status subiecti, vt id in ea *conseruetur*, hic potest



vniuerſe id, quod voluptas dicitur, designare; contra tædium cernitur in ea repræſentatione, quæ rationem in ſe continet, ſtatu repræſentationum ad earum ipſarum contrarium determinandi (cas vel arcendi, vel remouendi).

Vis animi in adpetitu poſita, quatenus ſolum per conceptus, id eſt, ad repræſentationi cuiuſpiam finis cõuenienter agendum, determinabilis eſt, voluntas foret. Finalis autem res dicitur obiecta quædam ſtatuſue animi, vel etiam actio, eſſi poſſibilitate illius repræſentatio finis haud neceſſario ſupponatur, propterea tantummodo, quod poſſibilitas illius definiri a nobis poteſt et comprehendere, quatenus cauſalitatem ex finibus, hoc eſt, voluntatem, quæ illos ex repræſentatione certæ cuiuſdam regulæ ſic ordinaret, pro fundamento illius ſumimus. Itaque forma finalis poterit fine carere, quatenus cauſas huiuſce formæ non in voluntate ponimus, ſed tamen explicationem poſſibilitatis illius, tantummodo eam a voluntate quadam deriuant, nobis poſſumus facilem comprehenſu reddere. Atqui ea, quæ obſeruamus, haud ſemper neceſſe eſt vt per rationem (ſecundum poſſibilitatem) perſpiciamus. Ergo formam finalem poſſumus, nullo quodam fine (vt materia nexus finalis) illi pro fundamento ſubſtrato, ſaltem obſervare, in rebusque obiectis, quamquam non niſi per reflexionem, animaduertere.

#### §. II.

*Iudicio guſtus nihil niſi forma finalis cuiuſpiam rei obiectæ (vel illius repræſentandi modi) fundamento ſubeſt.*

Omnis finis, vt ratio ſpectatus complacentiæ, ſemper quoddam inuitamentum in ſe cohibet, vt rationem iudicii de re voluptati ſubiecta determinandi. Ergo non poteſt iudicio guſtus ullus finis ſubiectiuus fundamento ſubeſſe. Sed nulla quoque repræſentatio finis obiectiuæ, hoc eſt, poſſibilitatis ipſius rei obiectæ ex principiis finium copulandorum, proinde nullus boni conceptus poteſt iudicium

gustus determinare; est enim illud aestheticum, non vero iudicium cognitionis, quod proinde nullum attinet *conceptum* de qualitate, neque interna externaue possibilitate rei obiectae, per hanc illamue causam, sed solam virium repraesentationum ad se inuicem relationem, quatenus eae per repraesentationem quandam determinantur.

Atqui haec relatio in determinatione rei obiectae, vt pulchrae, coniuncta est cum sensu voluptatis, quae per iudicium gustus simul vt ad quemque hominem valens declaratur; ergo iucunditas quaedam repraesentationem concomitans aequae minus poterit, atque repraesentatio perfectionis rei obiectae bonique conceptus rationem determinantem continere. Ergo nulla re alia potest complacentia, quam, sine conceptu, vt vniuerse communicabilem diiudicamus, proinde ratio iudicii gustus determinandi effici, nisi forma finali subiectiua in repraesentatione obiectae rei, sine omni (et obiectiuo et subiectiuo) fine, proinde sola forma finali in repraesentatione, qua res nobis *datur* atque offertur, quatenus illius nobis conscius sumus.

#### §. 12.

##### *Iudicium gustus principiis nititur ex anticipatione.*

Fieri nullo modo potest, vt coniunctio sensus voluptatis taediue, vt effecti, cum vlla quapiam repraesentatione (sensatione conceptiue) vt illius causa, ex anticipatione efficiatur; id enim relatio causalis foret, quae (in rebus sub experientiam subiectis) semper solum ex adsumto, quod a posteriori dicunt, atque interueniente potest experientia ipsa cognosci. Atque nos quidem in critice rationis practicae reapse sensum obseruantiae (vt peculiarem quendam propriumque huiusce sensus modum mutationemque, qui neque cum voluptate neque cum taedio, quam ex rebus obiectis empiricis capimus, satis conuenire videtur) ab vniuersalibus conceptibus moralibus ex anticipatione deriuauimus. Nec vero ibi cancellos experientiae transgredi poteramus, neque causalitatem arcessere, in suprasensibili sub-

iectionis qualitate positam, nimirum libertatem. Sed illo ipso loco proprie non hunc *sensum* deriuauimus ab idea honesti et moralitatis ut causa, verum tantummodo determinatio voluntatis inde fuit deriuata. Sed status animi vltius cuiuspiam voluntatis vlla re quadam determinatae iam per se sensus voluptatis est cum eoque idem, nec proinde haud ut effectum inde consequitur: quod tamen duntaxat sumendum erat, si conceptus honesti determinationem voluntatis per legem antecederet; ubi tum, quae cum conceptu coniuncta foret, voluptas ex hoc ut ex sola cognitione frustra deriuata foret.

Iam similis ratio voluptatis est in iudicio aesthetico; in quo quidem ea solum contemplatiua est, neque vllum quodepiam in re obiecta inuitamentum efficit; contra ea vero in iudicio morali practica videtur. Conscientia solius formae finalis in lusu virium cognoscendi subiecti, in repraesentatione, qua res obiecta datur atque offertur, voluptas ipsa est, quoniam rationem continet actionis subiecti determinandae respectu virium cognoscendi illius animandarum, proinde causalitatem internam (quae finalis est) ratione cognitionis generatim, ita tamen, ut haud ad cognitionem determinatam certamque adstringatur, proinde formam finalem subiectiuam repraesentationis cuiuspiam in iudicio quodam aesthetico.

Neque vero vlllo modo practica ea voluptas est, neque, velut ea, quae ex ratione iucunditatis pathologica percipitur, neque ut ea, quae ex intellectuali boni repraesentati capitur. Ea vero tamen causalitatem in se continet, nimirum ipsum repraesentationis statum munusque virium cognoscendi sine vlllo vltiori consilio *conseruandi* tuendique. *Moramur* in contemplando pulcro, propterea haec ipsa contemplatio firmat atque corroborat et reproducit: id quod illius morationis simile (neque tamen cum ea idem) videtur, cum in rei obiectae repraesentatione illecebris quibusdam animi attentio repetitis vicibus excitatur, in quo quidem animus sese patiando praebet.

## §. 13.

*Iudicium gustus purum ab illecebris motuque vacuum est.*

Omni inuitamento iudicium gustus corrumpitur eique aequitas eripitur, in primis cum illud haud, ut inuitamentum rationis, formam finalem praemittit sensui voluptatis, sed illam in hac constituit; quod quidem in iudicio aesthetico de re quapiam, quatenus ea delectat aut dolorem excitat, semper usu venit. Idcirco iudiciis sic adfectis vniuersalis complacentiae aut omnino nulla, aut eo minor esse copia poterit, prout plus minusue sensationum eiusmodi in rationibus inest gustus determinandi. Gustus semper incultus adhuc et ferus erit, ubi ad complacentiam opus est *illecebris motibusque*, quin adeo eas pro norma statuit adfensionis.

Interim tamen illecebrae saepenumero non solum ad pulcritudinem (quae tamen proprie deberet solum formam attingere) ut accessio ad complacentiam vniuersalem aestheticam numerantur, sed vel per se ipsae pro pulcritudinis formis, proinde materia complacentiae pro forma, perhibentur: qui quidem error, velut alii permulti, quibus tamen semper aliquid veri fundamento subest, conceptibus his diligenter determinandis circumscribendisque poterit tolli.

Iudicium gustus, quod nulla cum illecebris ac peremotionibus animi contagione continetur (quamquam utraeque possunt cum complacentia pulcri coniungi) cuius proinde determinandi ratio inest in forma finali, *iudicium gustus purum* videtur.

## §. 14.

*Illustratio per exempla.*

Iudicia aesthetica, pariter ac theoretica (logica) in empirica possunt ac pura diuidi. Illa sunt ea, quae iucunditatem de re quadam obiecta vel iniucunditatem enunciant, haec vero sunt ea, quae de re obiecta, eiusque repraesentatione

tandi modo pulcritudinem pronunciant; illa sunt iudicia sensus (iudicia materialia aesthetica), haec (vt formalia) solum sunt propria gustus iudicia.

Igitur iudicium gustus tantummodo purum est, quatenus nulla complacentia mere empirica rationi determinanti illius admiscetur. Id quod vero semper euenit, cum illecebrae permotioque iudicium attingunt, quod quidpiam debet pulcrum declarari.

Iam rursus nonnullae dubitationes emergunt, quae illecebras non solum vt partem ostendunt ad pulcritudinem necessariam, verum adeo vt per se solas idoneas, ad rem obiectam pulcram dicendam. Solus color, veluti viridis cespitis, solus tonus (ad differentiam soni strepitusque), vti fere fidium, a plerisque per se pulcer declaratur; quamquam vtrique sola repraesentationum materia, nempe tantummodo sensatio, fundamento videtur subesse, ideoque duntaxat dici iucundi gratiae mererent. Verum simul tamen animaduertes, sensationes cum coloris tum toni iure posse pulcras reputari, quatenus vterque *purus* videatur; id quod determinatio est, quae iam formam attingit, vnumque, quod ex his repraesentationibus certo possit vniuerse communicari: quoniam qualitas ipsa sensationum haud in omnibus subiectis vt consentanea consentiensque potest, nec iucunditas coloris prae caeteris eminenter, tonique instrumenti musici cuiuspiam prae tono alterius difficulter poterit in quoque homine similiter iudicata sumi.

Si, cum *Eulero*, sumseris, colores pulsus esse tempore aequali sibi inuicem succedentes aetheris, vti toni aeris in sono concussi, et, quod caput est, animum non solum, per sensum, effectiorem illorum in animationem organi, verum etiam per reflexionem, motum impressionum aequabilem (proinde formam in diuersarum repraesentationum coniunctione) percipere (de quo equidem vehementer dubito); color tonusque non in solis sensationibus, sed iam conditionibus formalibus unitatis variorum

quorundam suorum versarentur, tumque et per se possent pulcritudinis partibus accenseri.

Sed puritas simplicis cuiuspiam sensationum generis denotat: aequabilitatem illius nulla sensatione aliena turbari nec interrumpi, solamque ea formam spectat: quoniam in ea cogitationem reuocare possumus a qualitate illius generis sensationum (an, quemque colorem, aut an, qualemue tonum ea repraesentet). Idcirco omnes colores simplices, quatenus puri sunt, pulcri iudicantur; mixtorum ea laus non videtur: ob eam ipsam causam, quia, cum haud simplices sint, nullum modum iudicandi ac mensuram habemus, vtrum puri sint an impuri dicendi.

Ac pulcritudo quidem obiectae rei propter eius formam attributa opinionis errore putatur illecebris adeo posse augeri, qui quidem error vulgaris sane est, sed gustui genuino incorrupto veroque ac polito admodum perniciosus; quamvis profecto praeter pulcritudinem et illecebrae addi queant, vt animus per repraesentationem obiectae rei, praeter solam complacentiam, inuitetur, atque ita gustui eiusque culturae commendando seruiat, in primis cum adhuc rudis est atque inexercitatus. Verum reapse iudicio gustus detrahunt, cum attentionem animi vt rationes pulcritudinis diiudicandae in sese conuertunt. Tantum enim abest, vt quidpiam eo conferant, vt potius, tamquam alienigenae, duntaxat quatenus formam illam pulcram haud turbant, cum gustus adhuc infirmus est atque incultus, conuiuentem accipi debeant.

In pictura, statuaria, quin vniuersis artibus plasticis, in architectura, arte hortoria, quatenus artes pulcræ sunt et elegantes, *delineatio* descriptioque essentiam constituit, in qua non, quod in sensatione delectat, sed solum quod per formam placet, fundamentum efficit vniuersae indolis gustus. Colores, adumbrationem illuminantes, ad illecebras pertinent; rem obiectam per se animatam quidem ad sensationem possunt reddere, non vero ad speciem dignam pulcræque: potiusque iis, quae forma pulcra postulat,

plerumque admodum circumferibuntur, et vel ibi, vbi illecebrae conceduntur, per formam solam emendantur.

Omnis forma rerum sub sensus subiectarum (et exter-nos, et remote quoque internum) aut *figurā* est, aut *lusus* motusque: sed lusus vicissim vel figurarum est (in spatio, mimice et saltatio); vel merus lusus sensationum (in tem-pore). *Illecebrae* colorum, aut suauium instrumenti tonor-um, possunt accedere. Sed *definitio* in illa, et compo-sitio in hoc, proprie sunt iudicio gustus puro propositae; et quod puritas colorum perinde atque tonorum, vel etiam varietas eorum atque eminentia ad pulcritudinem conferre videtur, haud tanti est, vt idcirco, quia per se iucundi sunt, quasi accessionem efficiant similem ad complacen-tiam formae, sed quoniam hanc solum adcuratius, defini-tiusque et plenius ostendunt, et praeterea illecebris suis repraesentationem animant, dum attentionem animi ipsam ad rem obiectam excitant atque tuentur.

Ipsa ea, quae *ornamenta* (πρόεργα) dicuntur, hoc est, quae non in vniuersam rei obiecti repraesentationem vt partes constitutivae interne pertinent, verum duntaxat externe vt additamenta, complacentiamque gustus augent, hoc tamen quoque solum per formam suam efficiunt: veluti limbi fimbriaeque picturarum, vestesque statuarum, aut porticus palatiorum. Quodsi autem ornamenta non in ipsa forma pulcra cernantur, si ea, velut margo aureus, addita sint tantummodo ad picturam adprobationi per ille-cebras commendandam; tum dicuntur ea *ornamenta* iisque pulcritudini genuinae detrahitur.

*Permotio* animi, quae in sensatione versatur, vbi suauitas solum interuentu impeditenti momentanei illud-que consecutae maioris vis vitalis effusae efficitur, nullo modo pulcritudinem attingit. Sed sublimitas (quacum sen-sus permotionis coniunctus est) alium modum normamque diiudicandi postulat, quam sibi gustus fundamento subfler-nit; atque ita iudicii gustus puri nullae illecebrae sunt, nec permotiones, ad summam sensatio nulla, vt materia iudicii aesthetici, ratio determinans.

## §. 15.

*Iudicium gustus a conceptu perfectionis prorsus liberum est.*

Forma finalis obiectiua tantummodo per relationem variorum ad finem quemdam determinatum, proinde solum per conceptum potest cognosci. Ex hoc solo iam manifestum est: eam pulcritudinem, cuius diiudicationi solum forma finalis, hoc est, sine fine, fundamento subest, ab repraesentatione boni prorsus liberum esse, siquidem bono forma finalis obiectiua supponitur, hoc est, relatio obiectae rei ad finem quemdam determinatum.

Sed forma finalis obiectiua vel externa est, id est, *utilitas*, vel interna, hoc est, *perfectio* rei obiectae. Complacentiam rei obiectae, ob quam eam pulcram vocamus, non esse positam posse in repraesentatione utilitatis illius, satis poterit e duobus capitibus superioribus perspicui; tum enim haud proxima rei obiectae complacentia foret, in qua tamen conditio essentialis cernitur iudicii de pulcritudine. Verum forma finalis obiectiua interna, id est, *perfectio*, propius accedit ad praedicatum pulcritudinis, ideoque a nobilibus quoque philosophis, hoc tamen additamento, *si confusa cogitetur*, eadem cum pulcritudine reputata est. Res summi momenti videtur, ut in critica gustus decernatur, an reapse pulcritudo queat in conceptum pulcritudinis resolui.

Ad diiudicandam formam finalem obiectiuam, semper opus est conceptu finis, et (si forma illa finalis non externa,) utilitas, (debeat, sed interna, esse) conceptu finis interni, quo ratio possibilitatis internae rei obiectae contineatur. Vti autem finis generatim in eo versatur, cuius *conceptus* ut ratio ipsius potest obiectae rei possibilitatis spectari; ita ad cogitandam in re quapiam formam finalem obiectiuam, rei conceptus, *qualis ea res esse debeat*, antecedet; in concentuque variorum in ea ad huncce conceptum (qui regulam suppeditat illorum coniungendorum, cernitur *perfectio* rei *qualitativa*. Ab ea tota distat perfectio



*quantitativa*, ut rei perfectio in suo cuiusque genere, et in solo conceptu quantitativo versatur (vniuersitatis siue omnitudinis); in quo, *quid res debeat esse*, iam ante ut determinatum cogitatur, et tantummodo quaeritur, an cuncta in eo insint, quae opus videntur. Formale in representatione cuiuspiam rei, id est, concentus variorum in vno (quod illud cumque sit) per se nullam omnino formam finalem obiectiuam cognoscendam proponit; quoniam, cum ab hoc vno ut *sine* (quid res debeat esse) cogitationem auocamus atque abducimus, nihil quidquam relinquitur praeter formam finalem subiectiuam representationum in animo intuentis, quae sane quidem certam quandam formam finalem in statu representationis subiecti, in eoque promptitudinem eius formam quandam datam in phantasia recipiendi indicat, nullam vero vllius cuiuspiam obiectae rei, quae hic per nullum finis conceptum cogitatur, perfectionem. Veluti, cum in sylua cespitem inuenio, circum arboribus ad orbem obsitum, neque in eo finem cogito, ut nempe fere saltationi seruire debeat agresti, ne minimus perfectionis conceptus per solam formam datur atque proponitur. Sed formam finalem *obiectiuam* sine carentem, hoc est, solam formam *perfectionis* (sine vlla materia conceptuque illius, ad quod fit concentus, etiamsi istud in sola idea versaretur legalitatis in genere) cogitari, egregie pugnat.

Atqui iudicium gustus est iudicium aestheticum, id est, tale, quod rationibus nititur subiectiuis, cuiusque determinandi ratio non potest conceptus esse, nec proinde quoque conceptus finis cuiuspiam determinati. Ergo per pulcritudinem, ut formam finalem subiectiuam, nullo modo perfectio obiectae rei, ut opinato formalis nihilominus tamen obiectiua forma finalis cogitatur; vanumque discrimen est atque irritum in pulcri conceptu bonique, quasi vterque duntaxat secundum formam logicam diuersus foret, ille solum confusus, hic alter conceptus perfectionis distinctus, alioquin autem quoad materiam atque originem vnus idemque: quoniam tum inter eos nullum discrimen

secundum speciem foret, verum iudicium gustus pariter esset iudicium cognitionis, atque iudicium quo aliquid declaratur bonum; velut vulgus, cum fraudem ait iniustam esse et improbam, iudicium in confusis, sed philosophus in distinctis, reapse vero vterque in iisdem rationis principiis constituit. Sed iam monui, iudicium aestheticum in suo genere vnum esse, neque ullam omnino cognitionem (ne confusam quidem) rei obiectae largiri; quippe quae per solum iudicium logicum efficitur: cum e contrario iudicio aesthetico repraesentatio, qua res obiecta datur atque offertur, tantummodo ad subiectum referatur, nullaue obiectae rei qualitas, sed modo forma finalis in determinandis viribus repraesentatiuis, quae in illa occupantur, animaduertenda proponatur. Idcirco quoque iudicium vocatur aestheticum, quia ratio determinandi illius nullo conceptu continetur, sed sensu (intimo) conspirationis illius concentusque in lusu virium animi, quatenus ea tantummodo potest sentiri. Contra, si conceptus confusos, quod in iis constitutum est, iudicium obiectiuum velles aestheticum adpellare, intelligentia vsurus fores, sensitue iudicante, sensuque res obiectas per conceptus repraesentante, quod vtrunque sibi repugnat. Facultas conceptuum, siue confusorum siue distinctorum, intelligentia est; et quamquam ad iudicium gustus, vt iudicium aestheticum, etiam (vti ad vniuersa iudicia) intelligentia opus est, tamen ea ad istud haud opus est, vt facultate cuiuspiam obiectae rei cognoscendae, sed illius et repraesentationis eius determinandae, (sine conceptu) secundum adfectionem istius ad subiectum eiusque sensum internum, et quidem quatenus hoc fieri iudicium potest secundum regulam vniuersalem.

#### §. 16.

*Iudicium gustus, quo res obiecta quaedam cum adiunctione conceptus cuiuspiam determinati pulchra declaratur, non est purum.*

Duo sunt pulchritudinis genera: et pulchritudo vaga, et pulchritudo solum adhaerens. Illa nullum supponit con-

ceptum illius, quod res obiecta esse debet: haec altera eiusmodi conceptum, reique obiectae perfectionem secundum illum ponit. Partes pulcri superioris generis dicuntur (in sese consistentes) pulcritudines huius illiusve rei; altera, ut conceptui cuidam adhaerens (pulcritudo hypothetica) rebus attribuitur, quae subsunt conceptui cuiuspiam finis peculiaris.

Flores in formis sunt pulcritudinis naturalis vagae. Quid flos debeat esse, difficulter quispiam norit, si a botanicis discefferis; atque ipse botanicus, qui in eo organum plantae secundandae agnoscit, per gustum de illa iudicans, nullo modo rationem habet huiusce finis naturalis. Nulla igitur ullius cuiuspiam generis perfectio, nulla forma finalis interna, quam variorum compositio speciet, huius iudicio fundamento subternitur. Multae aues (et psittacus, et colibris, et auis paradisiacus) vis animalium maris testaceorum per se in partibus pulcritudinis versantur, quae nulli rei cuiquam competunt, ratione finis illius ex conceptibus determinatae, sed vagae et per se placent. Sic delineationum ad rationem Graecam, operis foliati in limbis vel tapetibus chartaceis, et caeterorum generis eiusdem per se nulla vis est: nihil quidquam referunt, nullamque rem sub conceptu quodam determinato, et vagae pulcritudines videntur. Et ea quoque, quae in arte musica modulationes vagae (sine themate) vocantur, quin uniuersam modulationem textu destitutam ad idem genus possumus referre.

In diiudicanda vaga pulcritudine (secundam solam formam) iudicium gustus purum est. Nullus ullius cuiuspiam finis conceptus, in quem varietas obiectae rei data sit, quidque proinde haec referat, suppositus videtur; quippe quo phantasiae libertas, quae in obseruanda figura quasi ludit, circumscriberetur.

Sed pulcritudo hominis (et in hoc genere pulcritudo viri vel feminae aut paruuli), pulcritudo equi, aedificiique (ut templi, palatii, annamentarii, aut villae) conceptum upponit finis, qui, quid res debeat esse, determinat, pro-

inde conceptum perfectionis illius; ideoque pulcritudo est solum adhaerens. Quemadmodum igitur coniunctione iucundi (sensationis) cum pulcritudine, quae proprie solum formam attingit, vidimus puritatem iudicii gustus impediri; sic coniunctione boni (ad quod nimirum rei ipsi varietas, ex eius fine, bona est) cum pulcritudine puritati detrahitur.

Multa, quae proxime in visione placerent, in aedificio possunt adhiberi, modo ne templum esse deberet, forma variis posset figuris ductibusque facilibus, sed consentaneis, ut noui insulani faciunt in Tetrauris venustior reddi, modo ne ea homo esset; et hic tenuiori cute, molliorque oris forma posset indui, modo ne is virum, vel adeo bellicosum referre deberet.

Iam complacentia variorum in re quapiam respectu finis interni, possibilitatem eius determinantis, in complacentia cernitur in quodam conceptu constituta; sed complacentia pulcritudinis ea est, quae nullum conceptum supponit. Sed cum representatione, qua res obiecta datur (non vero qua ea cogitatur), proxime coniuncta est. Quodsi ergo iudicium gustus, respectu posterioris, ad finem in priori, ut iudicio rationis, adstringatur eoque circumferibatur, illud haud amplius iudicium gustus liberum est et purum.

Aliquid quidem emolumentum ad gustum redundat ex hac complacentiae aestheticae cum intellectuali coniunctione, quod figitur is, et quidem haud vniuersalis est, sed et tamen respectu certarum quarundam rerum obiectarum finaliter determinatarum regulae possunt praecipi. Neque hae vero tum regulae sunt gustus, sed solum coniungendi conciliandique gustus cum ratione, hoc est, pulcri cum bono, quibus illud utile redditur ad instrumentum huius posterioris respectu, ut ea animi temperies, quae se ipsam seruat tueturque et valoris subiectiui est vniuersalis, illi cogitandi rationi subternatur, quae non potest nisi operoso proposito acquiri, sed obiectiue vniuersalis videtur. Sed proprio neque perfectioni quidquam per pulcritudinem

accedit, neque pulcritudini ex perfectione; sed, quoniam non cuitari potest, ne repræsentationem, qua nobis res quaedam datur atque offertur, in comparanda illa per conceptum cum re obiecta (respectu eorum, quæ esse debent) simul cum sensatione in subiecto conferamus, fit, ut ad *uniuersam* facultatis repræsentatiuæ vim aliquid accedat, cum ambo animi flatus conueniunt atque conspirant.

Iudicium gustus de re obiecta quadam finis interni determinati tum solum purum foret, cum iudicans aut nullam cogitationem de isto fine haberet, aut in iudicio suo mentem ab eo auocaret. Tum vero hic, quamvis verum gustus iudicium statueret, propterea quod rem ut pulcritudinem vagam diiudicaret, tamen ab alio, qui pulcritudinem in ea tantummodo ut qualitatem inhaerentem considerat (finem spectat obiectæ rei), reprehenderetur, falsique gustus accusaretur, quamquam uterque in suo quisque modo vere iudicat: unus ex eo, quod coram sensibus versatur, alter ex eo, quod in mente agitatur. Qua quidem distinctione multæ poterunt iudicium gustus de pulcritudine disensiones componi, ita ut iis monstretur, alterum pulcritudinem vagam tenere, alterum pulcritudinem adhaerentem, illum purum gustus iudicium statuere, hunc adplicatum.

### §. 17.

#### *De pulcritudinis ideali.*

Nulla potest regula gustus obiectiua esse, quæ, pulcrum sit, ex conceptibus determinet. Omne enim ex hoc fonte iudicium æstheticum est, hoc est, sensus subiecti, non vero conceptus cuiuspiam rei obiectæ, ratio est illius determinandi. Frustra erit, principium gustus anquirere, quod criterium pulcri vniuersale per determinatos conceptus indicaret, quoniam, id quod quaeritur, fieri non potest, et secum ipsum pugnat. Communicabilitas sensationis (complacentiæ displicentiæque) vniuersalis, eaque, quæ sine conceptu locum habet: conspiratio, quantum fieri potest, omnium temporum ac populorum respectu huiusce sensus in repræsentandis quibusdam rebus obiectis: est cri-

terium empiricum, quamvis tenue atque infirmum, et vix ad suspicionem idoneum derivationis gustus sic exemplis probati ab ratione conspirationis in diiudicandis formis profunde abdita et occultata omnibusque hominibus communi, quibus (formis) iis possunt res dari atque proponi.

Hinc fit, ut nonnulla gustus effecta ut *exemplaria* spectentur: non quasi gustus possit, aliis imitandis, acquiri. Namque gustum, necesse est, propriam quamdam facultatem esse; qui vero exemplar quoddam imitatur, in eo quidem, quod illud adsequitur, dexteritatem prodit, sed gustum modo, quatenus ipse hoc exemplar potest diiudicare \*). Ex quo efficitur, ut exemplar summum, prototypum gustus, in vera idea versetur, cuique in se ipse procreanda, ad quam vniuersa, quae gustui subiecta sunt, et exemplaria iudicandi ex gustu, ipseque gustus, a quoque diiudicanda videntur. *Idea* proprie conceptum denotat rationalem, et *Ideale* repraesentationem designat naturae cuiusdam singularis ut *ideae* cuiuspiam convenientis et adaequatae. Idcirco prototypum gustus illud, quod sane in idea positum est rationali indeterminata maximi, sed tamen haud per conceptus, verum tantummodo in exhibitione singulari proponi potest, rectius poterit ideale pulcri vocari, cuiusmodi, quamvis haud eius possessione utamur, tamen adnitimur in nobis producere. Verunt illud solum erit ideale phantasiae, ob eam ipsam causam, quoniam illud haud in conceptibus positum est, sed in exhibitione; facultas autem exhibitionis phantasia est. — Quo igitur modo eiusmodi pulcritudinis ideale consequimur? Ex anticipatione, an empirice? Itemque: quae pulcri species capax est idealis?

\*) Exemplaria gustus respectu artium loquentium lingua sint mortua doctaque, oportebit, consignata: et mortua quidem propterea, ne mutationes iis tolerandae sint, quas vitae necessario experiuntur, cum verba sublimia fuerint humilia, consueta ac trita obsolescunt, et recens creata in consuetudinem breuem veniunt: docta vero, ut grammaticam habeat, nulli temerariae consuetudinis vicissitudini obnoxiam, sed regula videntem immutabili.

Ac primo quidem probe notandum est: pulcritudinem, cuius debeat ideale anquiri, nullam *vagam*, sed per conceptum formae finalis obiectivae *fixam* esse pulcritudinem oportere, proinde nulli cuiuspiam rei iudicio gustus prorsus puro, sed partim ad intelligentiam reuocato subiectae propriam videri. Scilicet in quo rationum diiudicandi genere locum habere ideale debet, ibi vlla quaedam rationis idea ex conceptibus determinatis fundamento subsit, necesse est, ex anticipatione finem determinans, in quo posita est possibilitas interna rei obiectivae. Ideale florum pulcrorum, pulcræ suppellectilis, prospectus pulcri, non potest cogitari. Verum pulcritudinis quoque certis determinatisque finibus adhaerentis, veluti pulcræ habitationis, arboris pulcræ, pulcri horti, id genus aliorum nullum poterit ideale cogitari; sine dubio propterea quod fines per conceptum suum haud satis determinati sunt fixique, proinde forma finalis propemodum tam libera est, quam in pulcritudine *vaga*. Id solum, quod finem existentiae suae in se ipso cohibet et continet, *homo*, qui suos sibi ipse fines per rationem constituere, aut, vbi cum ab externa eos percceptione depromere oportet, tamen cum essentialibus atque vniuersalibus finibus comparare, concentumque cum illis tunc aesthetice quoque diiudicare potest: hic *homo* igitur *pulcritudinis* ideale est, quemadmodum humana natura in persona sua, vt intelligentia, omnium in mundo rerum sola capax est idealis *perfectionis*.

Quo quidem res duae sunt, quae requiruntur: *prima* est *idea normalis* aesthetica, quae in singulari visione (phantasiae) versatur, quae norma est diiudicationis illius, tantquam rei ad peculiarem animalium speciem pertinentis; *altera* deinde est *idea rationalis*, quae fines naturae humanae, quatenus haud sensitivae possunt repraesentari, pro principio constituit diiudicandae formae, qua, vt effecta illorum in phaenomeno, illi sese manifestant. Idea normalis elementa sua formae animalis cuiuspiam de genere peculiari ex experientia promat, oportebit; sed maxima forma finalis in construenda figura, quae ad normam vni-

verſalem cuiusque ſinguli huius formae aeſthetice diiudican-  
dam idonea foret, imago, quae conſulto quaſi technicae  
naturae fundamento conſtituta fuit, cui ſolum genus to-  
tum, ſed nullum ſingulum quidpiam ſeiunctum ac ſepara-  
tum reſpondet, tamen ſolum ineſt in idea iudicantis, quae  
vero, cum rationibus ſuis, ut idea aeſthetica, in imagine  
exemplari prorſus in ſingulo poterit concretoque proponi  
et exhiberi. Ut, qui iſtud fiat, aliquo tamen modo doceamus  
(ecquis enim naturae arcanum poterit totum elici-  
cere?) enodationem psychologicam experiemur.

Notandum eſt: phantaſiam, imodo nobis prorſus in-  
comprehenſibili, non ſolum ſigna conceptuum, vel ex  
longo quodam tempore, poſſe occasione data reuocare;  
verum etiam imaginem obiectae rei figuramque ex infinito  
rerum numero diuerſarum formarum, vel etiam vnus eius-  
demque formae, reproducere; quin etiam, ſi animus col-  
lationem comparationemque inſtituat, ſine dubio vere,  
etſi haud ad conſcientiam idonee, imaginem quaſi in aliam  
immittere; ex congruentiaque plurium eiusdem formae,  
mediam quamdam producere, quae vniuerſis imodo ſit men-  
ſuraeque comuni. Fac, quempiam mille viros adultos  
conſpexiſſe. Quodſi igitur de quantitate normali velit com-  
paratiue aeſtimanda iudicare, tum phantaſia (ex mea qui-  
dem ſententia) permagnum imaginum numerum (fortaſſe  
cunctas mille illas) vnā in alteram inimitit, et, ſi liceat  
mihi in eo ſimilitudinem ſequi exhibitionis opticae, in ſpa-  
tio, in quo ſe pleraeque coniungunt, intraque delineatio-  
nem, ubi locus colore ſpiſſius obſcuro illuminatus eſt, ibi  
*quantitas media* diſtinguitur, quae cum quoad altitudinem,  
tum quoad latitudinem a terminis extremis ſtaturarum maxi-  
marum minimarumque aequaliter diſtat; eaque ſtatura erit  
pulcri viri. (Idem et mechanice poſſet inueniri, ſi omnes  
mille metirere, altitudines inter ſe latitudinesque (et craſſi-  
tudines) per ſe addendo in vnā ſummam colligeres, poſtea  
per mille diuidendam. Sed phantaſia idem facit per effec-  
tum dynamicum ex lapſu ortum multiplici talium forma-  
rum ad organon ſenſus interni). Quodſi igitur ſimiliter



huic viro medio quaeratur medium caput, huic nasus medius, et sic porro; tum haec figura ideae normalis viri pulcri, in ea terra, in qua haec comparatio instituitur, fundamento subest; ideoque necesse est, hominem Nigritium sub hisce conditionibus empiricis aliam pulcritudinis formae ideam normalem habere, atque hominem album, Sinesem aliam, atque Europaeum. Idem in exemplari pulcri equi canisue (certae cuiusdam speciei) euenturum foret. — Atque haec *idea normalis* neutiquam ex rationibus ab experientia depromtis, et certis *regulis* ac *determinatis*, deriuata est; sed ex ea fit, ut denum esse queant regulae iudicandi. Ea imago est generis vniuersi, inter cunctas singulares, multifariam diuersas visiones singulorum (individuorum) obuersans, quam natura subtrahit prototypi generationibus suis in eadem specie, in nullo vero singulo adsecuta totam videtur. Ea neutiquam totum prototypon est *pulcritudinis* in hac specie, sed modo forma, qua conditio necessaria vniuersae pulcritudinis efficitur, proinde solum *veritas* in specie exhibenda. Ea est, uti celeberrimus *Polyeleti Doryphorus* dictus fuit, *regula* (ad id ipsum in sua specie et vacca *Myronis* adhiberi). Ea ob id ipsum quoque nihil quidquam potest continere, quo species ex se ab aliis distinguatur; neque enim alias *idea normalis* foret generis. Neque exhibitio illius pulcritudine placet, sed ideoque solum, quoniam nulli conditioni repugnat, qua sola fit, ut res huiusce generis esse pulchra possit. Exhibitio solum conuenit praeceptis scholarum \*).

\*) Inuenies, faciem perfecte ad amussim conformatam, quam pictor sibi selluram exemplar expetere possit, plerumque videri; quoniam, quo ea distinguatur, nihil quidquam insigne cominei, proinde magis ideam generis refert, quam rationem personae specialem. Ratio distinguens et characteristica eorum, quae sunt in eodem genere nimia, id est, quae ipsi ideae normali (formae finali generis) derogant, Italis dicitur *carriatura*. Experientia docet quoque, facies illas prorsus ad amussim conformatas plerumque etiam in interno tantummodo hominem mediocre proderi; propterea suspicor (si sumi liceat, naturam in externo rationes quoque interni exprimere); quoniam, si nulla constitutionum animi ex ea ratione emineat, qua

Ab *idea normali* pulcri praeterea differt eius *ideale*, quod solum poterit per causam adlatam in *figura humana* expectari. In hac igitur ideale consistit in verbo *honesti* siue *moralis*, sine quo obiecta res haud vniuerse, et positivae quidem (non solum negativae in exhibitione scholarum regulis consentanea) placitura foret. Quae sub adspicuum cadit, vis expressiva idearum moralium, hominem intus dominantium, tantummodo quidem ex experientia potest deponi; verum ut coniunctio illarum in iis omnibus, quae ratio nostra cum honesto et moraliter bono in idea summae formae finalis copulat, bonitas animi, vel puritas, vel robur, vel tranquillitas, et caetera generis eiusdem, in corpore prodenda (ut effectum intestini) quasi sub adspicuum subiciatur; ideis opus est rationis puris et magna vi phantasiae, coniunctis in eo, qui eas duntaxat diiudicare vult, multo magis qui cupit eas exhibere. Veritas eiusmodi idealis pulcritudinis in eo sese manifestat, quod nulla sensuum lenocinia complacentiae immisceri patitur rei sibi subiectae, et tamen permagnum ex ea invitamentum capi, id quod probat, diiudicationem ad eiusmodi modum mensuramque numquam posse aesthetice puram esse, diiudicationemque ex pulcritudinis ideali nullum solum iudicium gustus videri.

DEFINITIO PULCRI E MOMENTO PRIMO CON-  
CLUSA.

*Pulcritudo* cernitur in forma *formae finalis* cuiuspiam rei obiectae, quatenus illa, *sive repraesentationis finis*, in ea percipitur \*).

fit, ut solum homo a vitiis vacuus efficiatur, nihil quidquam eius poterit, quod *ingenium* vocamus, expectari, in quo quidem natura a consuetis rationibus suis virtutum animi in distribuenda vna recedere videtur.

\*) Contra hanc definitionem ut exemplum in contrarium (instantia) posset moveri: res esse, in quibus forma finalis conspiciatur, neque tamen finem in iis quempiam cognosci; veluti suppellectilia lapidea, foramine ut ad ansam instructa, saepius e vetustis sepulcris effossa, quae, quamvis in forma sua con-

## MOMENTVM QVARTVM

IUDICII GVSTVS EX MODALITATE COMPLA-  
CIENTIAE REI OBIECTAE,

§. 18.

*Quid sit modalitas iudicii gustus.*

Vnaquaeque repraesentatio, dici potest, *fieri posse*, ut (qua cognitio) cum voluptate coniuncta videatur. Eo, quod *iucundum* voco, mihimet *reapse*, dico, voluptatem excitari. Sed *pulcrum* necessario ad complacentiam referri cogitatur. Ea vero necessitas peculiaris generis est: non necessitas theoretica obiectiva, ubi cognosci ex anticipatione possit, hanc complacentiam rei obiectae (pulchrae quemque *sensurum fore*; neque practica, ubi per conceptus voluntatis rationalis purae, quae naturis libere agentibus instar regulae est, haec complacentia necessario conficitur ex lege quadam obiectiva, nullamque vim habet aliam, quam simpliciter debere (sine ullo ulteriori consilio) certo modo quodam agi. Verum ea, ut necessitas, quae in iudicio cogitatur aesthetico, dici duntaxat *exemplaris* potest, id est, necessitas consensus *omnium* ad quoddam iudicium, quod ut exemplum spectatur regulae uniuersalis, quae non potest indicari. Cum iudicium aestheticum nullum obiectivum sit nec iudicium cognitionis, haec necessitas non poterit ex conceptibus determinatis deriuari, ideoque haud apodicticum erit. Multo minus ex vniuersalitate experientiae (a concentu perpetuo iudiciorum de pulcritudine certae cuiusdam rei obiectae) potest concludi. Ut

venientiam ex finibus perspicue ostendant, cuius finis ignoratur, nihilominus haud pulchra declarari debeat: Verum eo, quod ea ut opera artis spectantur, iam satis est, ad faciendum, figuram eorum, ad vllum quencipiam finem certum ac determinatum referre. Quapropter etiam nulla videndorum illorum proximi complacentia videtur. Contra flos, velut tulipanum, pulchrum putatur, quoniam certa quaedam forma finalis, quae ita, ut iudicamus, ad nullum omnino finem refertur, in perceptione illius deprehenditur,

enim taceam, experientiam haud facile sat multa illius documenta allaturam fore, nullus conceptus necessitatis iudiciorum istorum non potest in iudiciis empiricis constitui.

§. 19.

*Necessitas subiectiua, quam iudicio gustus tribuimus, hypothetica est.*

Iudicium gustus cuique adfingit consensum; et, qui quidpiam declarat pulcrum, is etiam cupit, ut quisque homo rei obiectae propositae adsensum largiri debeat, eamque itidem pulcram declarare. Itaque illud debere in iudicio aesthetico, vel ex vniuersis, quibus ad iudicandum opus est, tamen tantummodo cum adiunctione enunciat. Cuiusque alius ambitur adsensio, quoniam eius rei ratio est, vniuersis communis; quae quidem adsensio posset quoque sperari, si modo semper certus fores, causam ad rationem illam ut regulam adsensu rite esse adsumtam.

§. 20.

*Conditio necessitatis, quam prae se fert iudicium gustus, idea continetur sensus communis.*

Quodsi iudiciorum gustus (instar iudiciorum cognitionis) certum quoddam determinatumque et obiectiuum principium foret, is, qui ea ex hoc statuit, necessitatem iudicii sui posset absolutam postulare. Quodsi omnino ea principio destituta forent, velut iudicia solius saporis, nulla prorsus cuiquam in mentem venire eorum necessitas posset. Ergo necesse erit, eorum principium quoddam subiectiuum esse, quod solum per sensum, non vero per conceptus, quid placeat displiceatue, sed tamen vniuerse determinet. Eiusmodi principium autem non posset nisi ut *sensus communis* spectari; qui quidem ab intelligentia communi, quam subinde quoque sensum communem adpellant, per naturam atque essentiam distat; propterea quod hic posterior haud ex sensu iudicat, sed semper ex conceptibus, quamquam plerumque solum ex principiis obscure cogitatis.

Ergo solum posito sensu quodam communi (quem vero nullum sensum externum intelligimus, verum effectum ex libero virium cognoscendi nostrarum lusu), solo igitur posito sensu communi potest iudicium gustus pronuciari,

§. 21.

*An iure possit sensus communis supponi.*

Notitias atque iudicia, cum persuasione illa comitante, necesse est, vniuerse posse communicari; alioquin enim nulla iis competeret convenientia cum rebus obiectis; et cuncta forent lusus solum subiectiuus virium repraesentatiuarum, id quod ipsum scepticorum ratio desiderat. Quodsi autem notitiae debeant communicari, status quoque animi, id est, conuenientia virium cognoscendi cum cognitione generatim, eaque ratio, quae cuique (qua nobis res quaedam datur atque offertur) repraesentationi conuenit, vt inde cognitio effielatur, vniuerse, oportebit, communicetur: siquidem sine hac, vt conditione cognoscendi subiectiua, cognitio non potest, vt effectum, oriri. Id quod reuera quoque semper accidit, cum res obiecta quaedam data interuentu sensuumphantasiam excitat ad varia componenda, haec vero intelligentiam pellit ad unitatem eorum in conceptibus. Sed haec virium cognoscendi promittudo, pro varietate rerum obiectarum, quae proponuntur, variae rationis videtur. Verumtamen aliqua sit, necesse est, in qua haec relatio interna ad animationem (alterius per alteram) vtrique virium animi respectu cognitionis vtilissima sit: eaque conuenientia non nisi per sensum potest (minime per conceptus) determinari. Cum igitur, haec conuenientia ipsa, necesse sit, vt queat vniuerse communicari, proinde quoque sensus illius (in repraesentatione data); sed communicabilitas cuiuspiam sensus vniuersalis sensum supponat communem; hic iure sumi poterit, et quidem sine vlla ad observationes psychologicas prouocatione, sed vt necessaria vniuersalis cognitionis nostrae communicabilitatis conditio, quae in quasque logica

atque in quouis cognitionis haud scepticae principio, supponetur.

§. 22.

*Necessitas adfensionis vniuersalis, quae in quoque iudicio gustus cogitatur, necessitas subiectiua est, quae posito sensu quodam communi ut obiectiua repraesentatur.*

In vniuersis, quibus quidpiam pulcrum declaramus, iudiciis, nulli concedimus alienae sententiae esse; nec tamen iudicium nostrum in conceptibus, verum in sensu nostro constituimus; quem proinde non ut sensum priuatum, sed ut communem constituimus. Atqui hic sensus communis ad eam rem non potest in experientia constitui; siquidem vult ius impertire iudiciorum, quibus quoddam debere continetur; non quidem enunciat, quemque cum nostro iudicio *consensurum fore*, sed cum eo conuenire *debere*. Ergo sensus communis, cuius iudicii hic meum gustus iudicium exemplum propono, atque ideo ei valorem tribuo *exemplarem*, in sola norma ideali versatur, quae posita, quod cum ea conueniret et complacentiam in eo enunciatam rei obiectae, iudicium cuique iure posse regula proponi; quoniam principium quidem tantummodo subiectiuum, sed tamen subiectiue vniuersale (idea cuique necessaria) accipi posset, quoad conspirationem autem variorum iudicantium, insar obiectiui, vniuersa se adfensionem postulare: si modo certi essemus, nos recte ad illud subsumisse.

Nec indeterminata sensus communis norma reapse a nobis supponitur: id quod iure nostro probatur gustus iudicia pronuntiandi. Vtrum re ipsa talis sensus communis, ut principium possibilitatis experientiae constitutum, inueniatur, an altius quoddam rationis principium nobis illud principium modo regulatum statueret, ut sensum quemdam communem demum in nobis ad fines altiores producamus; vtrum proinde gustus in facultate cernatur originaria et naturali, an solum in idea facultatis cuiuspiam

adhuc comparandae et artificiosae, ita, vt iudicium gustus, cum petitione sua de adensione vniuersali, reapse petitio sit rationis eiusmodi sensus conpirationem producendi, et debere illud, hoc est, necessitas sensus congruentis cum cuiusque sensu peculiari, solum possibilitatem denotet in eo sese ad consensum componendi, iudiciumque gustus, modo exemplum proponat huiusce principii adhibendi: id vero hoc nec volumus anquirere, nec possumus, sed in praesentia tantummodo facultatem gustus nosmet resolvere ad elementa oportet, eaque tandem in idea sensus communis coniungere.

DEFINITIO PVLCRI EX MOMENTO QVARTO CON-  
CLVSA.

*Pulcrum* versatur in eo, quod sine conceptu vt res complacentiae subiecta necessariae cognoscitur.

*Scholion generale ad sectionem priorem analytices.*

Consecratio ex superiori analysium ratione ducto, patet, vniuersa demum ad conceptum gustus redire, nimirum illum cerni in facultate diiudicandae rei cuiuspiam obiectae respectu *legalitatis liberae* phantasiae. Si igitur in iudicio gustus phantasia sit in libertate sua spectanda, ea primo haud vt reproductiua sumitur, vt subiecta est legibus adfociationis, sed vt productiua et spontanea (vt effectrix formarum arbitrariarum visionum possibilium; et, quamquam in apprehendenda re sensibus subiecta ad certam determinatamque huiusce rei adstricta est, atque eatenus nullo lusu libero (quemadmodum carminibus pangendis) vtitur, tamen facile comprehendendi potest: rem obiectam posse eam ipsam illi formam suppeditare, quae compositionem contineat variorum, vt phantasia eam, sibi libere permissa, *legalitati intellectualem* in genere conuenienter delineatura foret. Verum *phantasiam esse liberam* et tamen *sponte legalem*, id est, eam in sese antinomiam cohibere, aperte pugnat. Intelligentia sola legem fert. Cum phau-

talia autem agere ad legem quamdam determinatam cogitur, tum effectum illius, quoad formam, per conceptus, quomodo debeat esse determinatur; tunc vero complacentia, uti supra docuimus, haud pulcri est, sed boni (perfectionis, fere solum formalis) complacentia, iudiciumque nullum est iudicium ex gustu. Itaque legalitas sine lege, consensusque phantasiae cum intelligentia subiectivus, sine obiectivo, ubi repraesentatio ad conceptum quemdam determinatum cuiuspiam obiectae rei refertur, non poterit cum libera intelligentiae legalitate (quam etiam formam finalem sine fine diximus) nec cum proprietate iudicii gustus sola consistere.

Iam figurae geometricae legales, figura orbicularis, quadratum, cubus, id genus aliae plerumque a criticis gustus ut pulcritudinis exempla simplicissima et indubitissima laudantur; et tamen propterea legales vocantur, quoniam haud aliter possunt proponi, quam ita, ut pro solis exhibitionibus spectentur conceptus cuiusdam determinati, figurae illi regulam (qua ea possit sola fieri) praecipientis. Ergo alterutrum necesse est falsum esse; aut illud criticorum iudicium, quod figuris istis pulcritudo tribuitur; aut nostrum, quod formam finalem sine fine ad pulcritudinem necessariam iudicat.

Nemo facile existimet, hominem opus gustu habere, ut ei figura orbicularis magis placeat, quam delineatio inscite ducta, aut quadratum aequilaterum et aequangulum magis, quam obliquum inaequilaterum, quasque mutilum; quippe quo solum intelligentia communis, nullus vero omnino gustus postulatur. Vbi finis quidam, veluti magnitudo loci cuiusdam diiudicanda est, ratione partium erga se innicem atque ad totum in descriptione docenda, percipitur: ibi figuris opus est regularibus, iisque simplicissimi generis; et complacentia haud proxime in adspecu figurae posita est, sed in utilitate illius ad varios, qui possunt esse, fines. Cubiculum, cuius parietes angulos obliquos efficiunt, eiusmodi area horti ipsa uniuersa *συμμετρίας* laxisio cum in animalium figura (veluti vnius oculi priuatio),



tum aedificiorum, aut arcarum floralium, displicet, quoniam haud cum fine conuenit, non solum practice respectu certi cuiusdam determinatique earum rerum vsus, verum etiam diiudicationis pro variis, qui possunt esse, finibus; id quod haud vsu venit in iudicio gustus, quod, cum purum est, complacentiam displicentianue, nullo ad vsum quemdamue finem respectu habito, cum sola obiectae rei *contemplatione* proxime coniungit.

Conuenientia partium, qua ad conceptum ducimur rei obiectae, conditio quidem sine qua non est obiectae rei in vna repraesentatione comprehendendae, varietatisque in forma illius determinandae. Quae quidem determinatio finis est respectu cognitionis; et ratione huius ea quoque semper cum complacentia coniuncta est (quae comitem habet effectiorem cuiusque finis vel solum problemati). Tunc vero solum solutione probanda sit satis problemati, neque libera et indeterminate finali virium animi occupatione in eo, quod pulcrum vocamus, atque in qua intelligentia phantasiae, non vero haec illi seruit.

In re, solum per finem quemdam possibili, in aedificio quodam, vel ipso animali, conuenientia partium, quae cernitur in symmetria, vnitatem, oportebit, exprimi visionis, conceptum finis comitantem, eaque simul ad cognitionem pertinet. Vbi vero tantummodo liber quidam virium repraesentatiuarum lusus (ita tamen, vt intelligentia in eo ne offendatur) occupari debet, in hortis, in ornamentis conelauium, varia suppellectili elegante, et id genus aliis, conuenientia partium, quae vim adferre videtur, quantum fieri poterit, vitatur; idcirco gustu Anglico in hortis, gustu insolenti in suppellectilibus, libertas phantasiae saepenumero ad vicinitatem ridiculi extenditur, atque in hac seiunctione ab omni regulae coactione, efficit, vt in formis phantasiae vim possit perfectionemque maximam gustus offendere.

In omnibus, quae in se ipsis sunt ad conuenientiam composita (quae quidem ad conuenientiam mathematicam pro-

pius accedunt) inest quiddam a gustu alienum, ita, ut haud diu possis in iis contemplandis occupari, sed, nisi iis aperte sit cognitio proposita, aut certus quidam ac determinatus finis practicus, taedio adficiare. Contra id, quo fortuito phantasia potest, atque ex fine quodam ludere, semper nobis nouum est, neque ex adspectu eius taedium capimus. *Marsdenius* in descriptione Sumatrae animaduertit, spectatorem ibi vagis naturae pulcritudinis formis vndique cingi, ideoque parum ex iis inuitamenti oblectationis, que percipere: hortus plantis piperis confitus, in quo, quibus ea planta sustinetur, adiuuicula, ad lineas parallelas series inter se constituunt, cum in media illam sylua offendit, permagnam illi voluptatem creabat; atque inde colligit, pulcritudinem feram, nec, quoad speciem, ad regulas compositam illi modo per vicissitudinem placere, qui convenientem ad satietatem contemplatus esset. Verum si modo periculum fecisset, diem in horto pipere confito commorandi, facile sensisset, intelligentia ex convenientia ad ordinis voluptatem composita, cuius ea vbique indiget, re obiecta haud diutius sustineri, potiusque phantasiae vim molesta inferri: contra naturam ibi varietatibus ad luxuriam vsque prodigam, nullique regularum artificialium coactioni subiectam, gustum suum perpetuo alere posse. — Ipse cantus auium, quem nulli possumus musicorum regulae subicere, maiorem libertatem videtur atque idcirco plus ad gustum continere, quam ipsa vox humana, vniuersis musicis regulis accommodata et consentanea: quoniam ex hac saepius diuque repetita, longe maturius taedium capimus. Verum in eo sine dubio communionem laetitiae, in quam cum paruulo, quo delectemur, animalculo venimus, cum pulcritudine cantus eius permutamus, qui, si ab homine (quod in cantu lusciniae nonnumquam vsu venit) imitando ad viuum prorsus exprimitur, auri nostrae omni destitutus gratia videtur.

Iam res pulcræ ab adspecu pulcro rerum (quæ saepenumero propter distantiam haud amplius possunt distincte cognosci) discernendæ videntur. In adspecu rerum pul-

cro gustu non tant in eo haerere videtur, quod phantasia in hoc campo *adprehendit*, quam potius in eo, quod hic illi ad *frugendum* offertur, hoc est, in propriis phantasiis illis, in quibus animus occupatur, interea dum per varietatem, quam oculus offendit, perpetuo excitatur; vti fere adspectu formarum mutabilium flammae camini, aut riuuli murmurantis, quae ambae non pulcritudines sunt, sed tamen illecebras continent phantasiae, propterea quod lusum eius liberum occupant.

---

## LIBER POSTERIOR

## ANALYTICES SVBLIMITATIS.

## §. 23.

*Transitio a facultate pulcri iudicandi ad vim iudicandae sublimitatis.*

**P**ulcrum cum sublimi in eo convenit, quod utrumque per se placet. Iam vero in eo quoque cum hoc illud congruit, quod utroque non iudicium sensus, aut logice determinans, sed iudicium supponitur reflexionis: proinde complacentia haud in sensatione quadam, veluti complacentia iucundi, neque in conceptu quadam determinato haeret, quemadmodum complacentia boni; nihilominus tamen ad conceptus, quamvis ad quos in medio relinquatur, refertur, ideoque complacentia ad solam exhibitionem eiusue facultatem iuncta est, quo facultas exhibitionis, seu phantasia, in visione quadam data cum *facultate conceptuum* intelligentiae rationisue, ut promotio rationis, in contentu consideratur. Idcirco quoque utraque iudicia sunt *singularia*, et tamen per se univ ersaliter respectu cuiusque subiecti iudicia annunciatiua, quamquam solum sibi sensum voluptatis arrogant, sed nullam obiectae rei cognitionem.

Utrumque verò varie distingui, manifestum videtur. Pulcrum naturae formam spectat rei obiectae, quae cernitur in finitione; contra sublime in re quoque deprehenditur omni forma destituta, quatenus *infinitas in ea*, dataeue per eam occasione, repraesentatur et tamen totalibus illius cogitando additur: ita ut pulcrum pro exhibitione conceptus cuiuspiam intellectualis indeterminati, sed sublime pro exhibitione cuiuspiam indeterminati conceptus rationali sumi videatur. Ergo illic cum repraesentatione *qualitatis*, hic vero cum repraesentatione *quantitatis* complacentia

coniuncta est. Praeterca complacentia posterioris generis a superiori admodum abhorret; propterea quod in hac (pulcri) directe inest sensus promouendae vitae, ideoque cum illecebris phantasiaque potest ludente coniungi; illa vero (sensus sublimitatis) in voluptate cernitur, quae tantummodo indirecte exsistit, nimirum ita, ut per sensum inpeditionis momentaneae virium vitalium earumque continuo succedentis eo maioris effusionis earum gignatur, proinde ut motus non lusus, sed res seria in occupanda phantasia videatur. Ideirco quoque non potest cum illecebris conciliari; et, dum ab re obiecta animus non solum attrahitur, sed mutuo quoque semper rursus repellitur, complacentia sublimium non tam positivè voluptatem, quam potius admirationem observantiamque continet, hoc est, voluptas dici negatius meretur.

Grauiissimum vero internumque sublimium a pulcro discrimen hoc est: si, uti fas erit, hic in primis solum sublime in rebus naturalibus sub rationem vocamus, (nempe sublime artis semper solet ad conditiones adstringi convenientiae cum natura), pulcritudinem naturae (in sese consistentem) convenientiam in forma sua continere, qua res obiecta facultati iudicandi nostrae quasi praedeterminata videatur, atque ita per se rem esse complacentiae obnoxiam; cum contra id, quod, in nobis, haud argutantibus, solum in adprehensione, sensum excitat sublimitatis, secundum formam alienum quidem facultati iudicandi nostrae, atque inconueniens facultati nostrae exhibitionis, quasque violentum phantasiae videri potest, sed tamen eo esse sublimius iudicatur.

Ex quo vero continuo intelligitur, nosmet omnino falso loqui, cum ullam rem quampiam naturae sublimem dicimus, etsi recte quidem permultas earum dicere pulcras possumus; etenim quomodo id cum verbo adprobationis poterit notari, quod per se ut alienum atque incongruum adprehenditur? Non possumus, nisi rem obiectam ad exhibendam sublimitatem quamdam idoneam esse, quae in animo deprehendi potest, adserere; quod enim proprie

sublime est, in nulla poterit forma sensitiva contineri, verum tantummodo ideas attingit rationis, quae, quamquam non potest iis consentanea exhibitio fieri, per hanc ipsam inconuenientiam, quae sub sensu potest subiici, excitatae, in animum vocantur. Sic oceanus amplus, procellis excitatus, non poterit sublimis vocari. Adspectus eius horrendus est; anonus, necesse sit, variis iam ideis repletus sit, si eiusmodi adspectu ad sensum componi debeat, qui ipse sublimis sit; propterea quod animus incitatur ad sensualitatem deferendam in ideisque, altiore conuenientiam complectentibus, sese occupandum.

Pulcritudo naturae in sese consistens technicam naturae nobis aperit, quam ut systema proponit ex legibus, quarum principium in vniuersa intelligendi facultate nostra haud deprehendimus, nempe principium conuenientiae formaeue finalis, habito ad vsum facultatis iudicandi respectu, ratione phaenomenorum, ita, ut haec non solum ad naturam in mechanismo illius temerario, verum etiam ut ad analogiam artis pertinentia diiudicanda videantur. Ea ergo non cognitionem quidem nostram rerum naturalium, verum tamen nostrum naturae conceptum, nimirum ut solius mechanismi, amplificat atque dilatat vsque ad conceptum eiusdem naturae ut artis: id quod ad profundas de possibilitate eiusmodi formae inuestigationes inuitat. In eo autem, quod dicere in ea sublime solemus, tantum abest, ut quidpiam iussit, quo ad peculiaria principia obiectiua iisque formas naturae conuenientes ducamur, ut haec potius in chaos suo, aut inordinatissima confusione sua maximeque temeraria atque euersione, si modo magnitudinem potestiamque ostendat, ideas sublimitatis maxime excitet. Ex quo intelligimus, conceptum sublimitatis naturae minime tam grauem esse, tamque secundum consequentiis, quam conceptum pulcri in ea; neque omnino quidquam conueniens in natura ipsa, sed tantummodo in usu possibili illius adspectuum eo indicari, ut conuenientiam ab natura prorsus liberam in nobis ipsis sentiamus. Pulcritudinis naturae ratio extra nos quaerenda est, sed sublimitatis solum

in nobis modoque cogitandi, quae repraesentationi naturae sublimitatem iniicit; quae quidem obseruatio, ideas sublimitatis ab idea conuenientiae *naturae* prorsus sciungens, et ex theoria illius in eam adpendicem faciens ad diiudicationem conuenientiae naturae aestheticam, admodum necessaria est; quoniam eo nulla peculiaris forma quaedam in hac repraesentatur, verum modo vsus conueniens, quem phantasia facit repraesentationum suarum, explicatur.

### §. 24.

#### *De diuisione inuestigationis sensus sublimitatis.*

In diuisione quidem momentorum diiudicationis aestheticae rerum obiectarum, respectu sensus sublimitatis, analytica poterit ex eodem principio progredi, ut factum est in analysi iudiciorum gustus. Namque iudicium facultatis iudicandi aestheticae reflectentis, complacentiam sublimitatis pariter, ac pulcritudinis, oportebit, quoad *quantitatem* ut vniuersalem, secundum *qualitatem* sine inuitamento, quoad *relationem* conuenientiam subiectiuam, et secundum *modalitatem* hanc posteriorem ut necessariam, proponat. Igitur in eo via haud distabit a methodo sectionis superioris: nisi forte in eo existimes discrimen reperiri, quod illic, ubi iudicium aestheticum formam spectabat obiectae rei, ab inuestiganda qualitate proficiscebamur; hic autem, in vacuitate formae, quae illi, quod sublime dicimus, competere potest, ab indaganda quantitate, ut primo iudicii de sublimi aesthetici momento insituenus: cuius vero ratio disci poterit ex §. praecedente.

Sed analysi sublimium opus est diuisione, cuius haud indiget analysis pulcri, scilicet in *sublime mathematicum* et *dynamicum*.

Namque cum sensus sublimitatis *motum* animi cum diiudicatione rei obiectae coniunctum, ut, qua distinguitur, notam in se cohibeat, contra ea vero gustu pulcri animus in contemplatione *tranquilla* supponatur ac seruetur; hic autem motus debeat ut subiectiue conueniens ac

finalis considerari (quoniam sublimis placet): is motus per phantasiam vel ad *facultatem cognoscendi*, vel ad *vim adpetendi* refertur: utroque respectu vero forma finalis repræsentationis datae solum ratione *harum facultatum* (sive sine aut inuitamento) diiudicabitur: ubi tum prior illa, ut *mathematica*, hæc altera ut *dynamica* phantasie compositio rei obiectæ tribuitur, ideoque ea res sic dupliciter ut sublimis repræsentatur.

## A.

## DE SVBLIMI MATHEMATICO.

## §. 25.

*Definitio verbi sublimis.*

*Sublime* vocamus id, quod *simpliciter magnum* est. Sed magnitudinis et quantitatis conceptus admodum diuersi sunt. Itemque *simpliciter dicere*, aliquid magnum esse, idem longe aliud est, quam dicere, *absolute* illud, non comparatiue *magnum* esse. Hoc posterius est id, quod *supra omnem comparisonem magnum est*. — Quæ vero subiicienda vis verbis erit, aliquid magnum paruiniue aut mediocre esse? Conceptus intelligentiæ purus eo haud notatur; multo minus visio sensitiva; et tantumdem conceptus rationalis, quoniam nullum omnino in se cohibet principium cognoscendi. Igitur conceptus sit facultatis iudicandi oportebit, aut a tali descendat, formamque finalem subiectiuam repræsentationi respectu facultatis iudicandi constituat. Aliquid quantum esse, ex re ipsa poterit, haud cum alia re comparata, cognosci; cum scilicet multitudo similium coniuncte vnum efficit. Quam vero illud *magnum* sit, semper alius cuiuspiam, quod etiam quantum sit, pro mensura indiget. Quoniam autem in diiudicanda magnitudine non solum de multitudine (numero) agitur, verum etiam de magnitudine unitatis (modi ac mensuræ), huiusce posterioris magnitudo vicissim cuiuspiam alius indiget pro mensura, quacum queat comparari; videmus: omnem determinationem phaenomenorum quantitativam



nullum prorsus posse conceptum quanti absolutum, sed semper solum conceptum comparatiuum suppeditare.

Quodsi ergo simpliciter dicam, aliquid magnum esse, nullam omnino comparationem in mente habere videor, certe cum nulla mensura obiectiua, siquidem eo minime, quam magna res ea obiecta sit, determinatur. Quamuis autem mensura comparationis solum subiectiua sit, nihilominus iudicium adprobationem postulat vniuersalem; iudicia: hic vir pulcher est, et est magnus, non solum ad subiectum iudicans adstringuntur, sed, velut iudicia theoretica, cuiusque adfensum postulant.

Quoniam autem in iudicio, quo quidpiam simpliciter vt magnum enunciat, non solum res obiecta dicitur magnitudinem habere, sed haec illi simul eminenter prae multis aliis eiusdem generis tribuitur, neque tamen ea praestantia determinate indicatur; sit sane, vt ei mensura constituatur, quae ponitur a quoque homine, vt eadem, accipi posse, quae vero ad nullam magnitudinis diiudicationem logicam (mathematice determinatam), sed modo aestheticam utilis est, quoniam mensura est subiectiue solum iudicio de magnitudine reflectenti fundamento constituta. Caeterum siue ea empirica sit, vti fere magnitudo media hominum, animalium certi cuiusdam generis, arborum, domuum, montium, et caeterorum de genere eodem; siue mensura ex anticipatione data, quae per vitia subiecti iudicantis adstricta est ad conditiones exhibitionis in singulo (concreto) subiectiuas: velut in practicis, magnitudo certae cuiuspiam virtutis, aut libertatis publicae in aliqua regione; vel in theoreticis: magnitudo veritatis falsitatisque cuiusdam obseruationis aut mensurae institutae, et similitum.

Hic igitur dignum notatu videtur: etiamsi nullum omnino inuitamentum ex aliqua re capiamus, hoc est, existentia illius nihil ad nos quidquam attineat, tamen solam magnitudinem illius, quin si vel vt destituta forma consideretur, complacentiam posse in sese cohibere, vniuerse communicabilem, proinde conscientiam formae finalis sub-

iectivae in se continere; sed, haud sere complacentiam rei obiectae, vti in pulcro (quae quippe esse debeat forma destituta), vbi iudicandi vis reflectens respectu cognitionis omnino sese convenienter compositam sentit; verum phantasiae per se ipsius amplificandae.

Quodsi (rebus sic supra circumscriptis) rem quampiam simpliciter dicamus magnam esse; istud iudicium non mathematice determinans est, sed solum iudicium reflexionis de repraesentatione illius, ad certum usum quemdam virium cognoscendi nostrarum in observantia quantitativa subiectivae finali et consentanea; et tunc cum repraesentatione semper coniungimus observantiam quamdam, vti cum eo, quod simpliciter parvum vocamus, contentum quemdam ac despicientiam. Caeterum diiudicatio rerum ut magnarum parvarumque cuncta spectat, vel universas illarum qualitates; idcirco ipsam pulcritudinem nosmet magnam vel parvam adpellamus; cuius quidem causa ratioque in eo quaerenda est, quod, quae illa cumque ex praeeptione facultatis iudicandi in visione (proinde aesthetice) proponere possumus, cuncta phaenomena sunt, ideoque et quanta.

Sin vero quidpiam non solum magnum, verum etiam simpliciter absoluteque atque omni respectu habito (supra omnem comparationem) magnum, hoc est, sublime dicimus, facile intelligitur, nullam illi consentaneam mensuram extra illud, sed solum in illo anquirendam nosmet concedere. Magnitudo est solum sibi et ipsa aequalis. Ex qua proinde sequitur, sublime non in rebus naturae quaerendum esse, sed solum in ideis nostris; in quo vero illud situm sit, id quidem deductioni servandum videtur.

Superior illa definitio sic quoque poterit enunciari: *sublime est id, quocum comparata cuncta alia parva videntur.* Hoc loco facile intelligitur, in natura nihil dari posse quidquam ac proponi, quantum illud cumque a nobis iudicetur, quod ad aliam quamdam adfectionem spectatum nequeat usque ad infinite parvum deminui; et rursus retro, nihil tam parvum, quin ex minoribus mensuris phantasiae

nostrae possit vsque ad magnitudinem mundi dilatari. Vberimam materiam obseruationis prioris telescopia, microscopia posterioris faciendae nobis suppeditarunt. Nihil igitur, quod potest sub sensus cadere, hoc modo spectatum, sublimine vocandum videtur. Ob eam autem ipsam causam, quod in phantasia nostra nifus ad progressum in infinitum, sed in ratione nostra petitio inest vniuersitatis absolutae, vt ideae cuiuspiam realis; illa ipsa inconuenientia facultatis nostrae in aestimanda magnitudine rerum mundi sensibilis ad hanc ideam, excitatio sensus cuiuspiam facultatis suprasensitiuae in nobis est; vsusque, quem facultas iudicandi ex certis quibusdam rebus obiectis in gratiam sensus per naturam rei capit, non vero res sensibus obnoxia, simpliciter magnus est, sed quisque vsus alius cum eo comparatus, paruus videtur. Proinde compositio animi per certam quamdam, in qua iudicandi vis occupatur, repraesentationem, non vero res obiecta, sublimis adpellanda est.

Quamobrem ad superiores definitionis sublimium formulas hanc quoque addere poterimus: *sublime est id, quod vt modo cogitari queat facultatem animi cuiusque sensuum mensuram superantem.*

#### §. 26.

*De obseruantia rerum naturae quantitatiua, ad ideam sublimitatis necessaria.*

Obseruantia quantitatiua per conceptus numerorum (eorumue notas in algebra) mathematica est, quae vero in sola fit visione (pro arbitrio oculorum) aesthetica dicitur. Iam possumus quidem conceptus determinatos illius, *quam magnum* quidpiam sit, solum per numeros haurire (sere adpropinquationes per series numerorum in infinitum progredientes), quorum vnitas mensura est; atque eatenus vniuersa logica obseruantia quantitatiua mathematica est. Verum tamen cum magnitudo mensurae vt nota accipienda sit, nos, si haec vicissim per numeros, quorum vnitatem aliam esse mensuram oporteret, proinde mathematicae aesti-

rari deberet, numquam primam mensuram seu constitutivam, nec proinde determinatum cuiuspiam magnitudinis datae conceptum habere possemus. Ergo, observantiam magnitudinis mensurae primae, necesse est, solum in eo versari, ut ea in visione proxime prehendi queat et per phantasiam ad exhibitionem conceptuum numeralium adhiberi; hoc est, omnis rerum obiectarum naturae observantia postremo aesthetice est (id est, subiective, non vero obiective) determinata.

Iam observantiae quidem quantitativae mathematicae nullum maximum est (numerorum enim potentia in infinitum tendit); sed observantiae quantitativae aestheticae sane maximum est; quod, si ut mensura absoluta iudicetur, qua nulla esse subiective (subiecto iudicanti) maior possit, ideam dico sublimitatis in sese continere, eamque motum efficere, quem nulla potest mathematica per numeros observantia quantitativa (nisi quatenus mensura illa prima aesthetica praeterea viva servetur in phantasia) efficere: propterea quod haec posterior solum quantitatem relativam per comparisonem cum alia similis generis, sed illa posterior quantitatem simpliciter exhibet, quoad eam animus potest in visione comprehendere.

Ad quantum aliquod in visione in phantasiam apprehendendam, quo eo uti possis pro mensura, aut ut unitate, ad observantiam quantitativam per numeros, actiones huiusce facultatis duae requiruntur; et *adprehensio*, et *comprehensio aesthetica*. Adprehensio nulla difficultate laborat; ea enim fieri in infinitum potest; sed comprehensio eo difficilior redditur, quo longius progreditur adprehensio, brevique ad maximum pervenit, scilicet ad primam mensuram observantiae quantitativae aesthetice maximam. Namque, adprehensione eo usque progressa, ut primum adprehensae representationes partium visionis sensitivae in phantasia iamiam incipiant exstingui, interim dum haec ad apprehendendas plures progreditur; ex una parte tantum ea amittit, quantum ex altera parte lucratur, et in comprehensione maximum est, quod ea haud potest superare.

Inde enodari potest, quod *Sauary* in commentariis de Aegypto adnotat: ad pyramides haud ita prope nos accedere debere, neque ita longe ab iis abesse, ut tota magnitudinis earum permotione perfundamur. Quodsi enim longius ab iis absis, partes, quae adprehenduntur (lapides lapidibus superstructi) tantummodo obscure repraesentantur, earumque repraesentatio nihil quidquam efficit in iudicio aesthetico subiecti. Si vero iusto propius adstes, oculus aliquantum temporis opus habet, ad adprehensionem a basi ad culmen usque absoluendam; in hac autem partem semper expirant priores, antequam phantasia posteriores adprehendit, comprehensioque numquam plena erit et absoluta. — Idem potest idoneum esse ad perturbationem, dubiumue motum animi explicandam, qua narrant spectatorem in aedem Petrinam Romae primum ingredientem perfundi. Hic enim sensus est inconuenientiae phantasiae illius cum ideis cuiuspiam totius, ad eas exhibendas, in qua phantasia maximum adsequitur, et, in nisu illius dilandandi, in se ipsa renutat, eo autem in complacentia ponitur mouente.

Nondum ullam in praesentia mentionem faciam huiusce complacentiae, cum repraesentatione coniunctae, qua minime expectaueris sensum in nobis inconuenientiae, proinde quoque inconuenientiae subiectivae repraesentationis cum facultate iudicandi in obseruantia quantitativa excitari; sed moneo tantummodo, si iudicium aestheticum purum debeat (*cum nullo teleologico ut iudicio rationis commixtum*) in eoque exemplum criticae facultatis iudicandi aestheticae aptum prorsus et consentaneum proponi, haud esse sublime in operibus artis (veluti aedificiis, columnis et id genus aliis) ostendendum, quorum cum formam tum magnitudinem finis quidem humanus determinat, neque in rebus naturae, *quarum conceptus iam finem determinatum in se colibet* (velut in animalibus notae determinationis naturalis), verum in natura rudi (in eaque adeo tantummodo, quatenus ea per se nullas illecebras, permotionemue ex periculo vero continet), duntaxat quatenus ea quantitatem

complectitur. Namque in hoc repraesentationis genere natura nihil continet, quod ingens (neque splendidum aut horrendum) foret; quae adprehenditur, quantitas, ut cumque accreuerit, si modo per phantasiam possit in toto quodam comprehendi. *Ingens* res erit, si magnitudine sua finem euertit, quo eius conceptus efficitur. *Colossa* autem sola conceptus exhibitio vocatur, quae ad omnem exhibitionem fere iunium magna est (finitima est relative ingenti); quoniam finis exhibendi conceptus eo, quod adspectus rei obiectae nostrae adprehendendi facultati propemodum nimis magnus est, impeditur. — Sed iudicium de sublimi purum nullum prorsus debet rei obiectae finem pro ratione determinante habere, si aestheticum esse debeat, neque cum ullo quopiam neque intelligentiae nec rationis iudicio coniunctum.

\*       \*

Quoniam cuncta, quae facultati iudicandi solum reflectenti debent sine inuitamento placere, in repraesentatione subiectiua sua, et, qua tali, formam finalem in se vniuersalem cohibere, sed tamen hoc loco nulla *formae* rei obiectae conuenientia (vti in pulcro) diiudicationi fundamento subest; quaeritur: cequaenam est ea conuenientia subiectiua? et quo ea ut uorina praecipitur, ut in sola obseruantia quantitatiua, et ea quidem, quae vel ad inconvenientiam phantasiae nostrae in exhibendo quantitatis conceptu perducta est, ea ratio queat complacentiae vniuersalis videri?

Phantasia in compositione, ad repraesentationem quantitatiuam necessaria, sponte, nulla re impediante, in infinitum progreditur; intelligentia vero illam ducit per conceptus numerorum, quorum suppeditare schema phantasia debet: atque in hac ratione, ut ad logicam obseruantiam quantitatiuam pertinente, quidpiam quidem obiectiue finale inest, ex conceptu finis (cuiusmodi quaeque mensuratio videtur), nihil autem quidquam iudicandi vi aestheticae finale et placens. In hac quoque forma finali propo-

sita nihil inest, quo mensurae quantitas, proinde *comprehensionis* multorum in visione una, usque ad terminos phantasiae, et quo usque haec in exhibendo pertinuerit, cogere-  
tur extendi. Namque in obseruantia quantitatum intel-  
lectuali (arithmetica) idem erit, siue in comprehendendis  
vuitatibus usque ad numerum 10 (in decatice), siue tan-  
tummodo ad 4 (in tetractice) progrediare; vltiorem vero  
quantitatum genesis in componendo, aut, si quantum in  
visione datum sit atque oblatum, in adprehendendo, solum  
progressiue (non vero comprehensiue) ex sumto quodam  
efficias principio progressionis. In hac obseruantia quanti-  
tatiua mathematica intelligentiae perinde consulitur, siue  
phantasia ad vnitatem quantitatem eligat, quae vno possit  
adspectu prehendi, veluti pedem aut perticam, siue miliare  
Germanicum, siue adeo terrae diametrum, cuius adprehen-  
sio quidem, non vero in vna visione phantasiae compre-  
hensio (non per comprehensionem aestheticam, quam-  
quam commodè quidem per comprehensionem logicam in  
conceptu numeri) fieri potest. Vtrobique logica obseruan-  
tia quantitatiua haud impedita pergit in infinitum.

Nunc autem animus intus in se vocem auscultat ratio-  
nis, vniuersitatem posulantis quantitatum omnium data-  
rum, earum ipsarum quoque, quae nunquam quidem  
totae possunt adprehendi, nihilominus tamen (in reprae-  
sentatione sensitua) vt totae datae diiudicantur, proinde  
comprehensionem in visione *vna* desiderantis, omniumque  
membrorum seriei progressiue crescentis *exhibitionem*,  
ipsamque infinitum (spatium tempusque praeterlapsum)  
ab hoc praecepto haud secludentis, potiusque cogentis, vt  
illud (in iudicio rationis communis) vt *totum* (secundum  
vniuersitatem suam) *datum* cogitetur.

Infinitum autem simpliciter (non solum comparative)  
magnum est. Cum hoc comparata, cuncta alia (de ge-  
nere quantitatum eodem) parua sunt. Sed, quod caput  
est, vt possit illud tamquam *totum aliquod* vel modo cogi-  
tari, facultatem animi indicat, omnem sensuum mensuram  
superantem. Ad id enim opus comprehensione foret,

quae mensuram ut unitatem suppeditaret, cuius ratio ad infinitum determinata esset, quae numeris posset enunciari; id quod fieri non potest. Sed ut infinitum datum *vel possit modo sine repugnantia cogitari*, in mente humana opus facultate foret, ipsa suprasensitiva. Etenim solum per hanc eiusque ideam noumeni, cuius ipsius nulla esse visio potest, sed tamen visioni mundi, ut soli phaenomeno, substrato subiicitur, infinitum mundi sensibilis in obseruantia quantitativa intellectuali pura, in conceptu *totum* comprehenditur, quamquam in mathematica numquam *tota* potest per *numerorum conceptus* cogitari. Ipsa facultas ea, qua infinitum visionis suprasensitivae possit ut (in substrato intelligibili suo) datum cogitari, omnem superat mensuram facultatis sensitivae, supraque omnem cum ipsa facultate obseruantiae mathematicae obseruantiam magna est; sane quidem haud fere respectu theoretico in gratiam facultatis cognoscendi, sed tamen ut amplificatio animi, sentientis sese idoneum ad carceres sensualitatis alio respectu (practico) transgrediendos.

Sublimis natura est in illo phaenomenorum suorum, in cuius visione idea inest infinitatis. Id quod fieri non potest, nisi per inconuenientiam ipsius maximi phantasiae nostrae nifus in obseruantia cuiuspiam rei obiectae quantitativae. Atqui obseruantiae quantitativae mathematicae in unaquaque obiecta re phantasia par est, ad mensuram illius suppeditandam idoneam, quoniam numerorum conceptus intelligentiae, per progressionem, possunt quamque mensuram ad quamque quantitatem aptare. Ergo obseruantia quantitativa *aesthetica* sit, oportebit, in qua nifus comprehendendi facultatem phantasiae superat, adprehensio progressiva in toto visionis quodam comprehendenda sentitur, et praeterea inconuenientia huiusce facultatis in progrediendo interminatae percipitur, mensuram obseruantiae quantitativae primam minimo intelligentiae labore prehendendi ad obseruantiamque quantitativam adhibendi. Iam propria immutabilis naturae mensura prima cernitur in toto illius absoluto, quod, in ea ut phaenomeno, infinitate



continetur comprehensa. Cum autem haec mensura prima in conceptu versetur per se ipso repugnante (propter impossibilitatem vniuersitatis absolutae cuiuspiam sine fine progressus); sequitur, vt ea quantitate cuiuspiam rei obiectae naturae, ad quam vim omnem comprehendendi suam frustra phantasia adhibet, conceptus naturae ad substratum suprasensibile (quod ei simulque nostrae cogitandi facultati fundamento subest) ducatur, supra omnem sensuum mensuram magnum, quo proinde non tam res obiecta potest, quam potius tenor animi in obseruantia illa, vt *sublimis* diiudicari.

Igitur, quemadmodum vis iudicandi aesthetica in diiudicando pulcro phantasiam in luso libero ad *intelligentiam* refert, vt cum *conceptibus* illius vniuerse (sine determinatione eius) conueniat; sic eadem facultas in re quadam vt sublimi diiudicanda sese refert ad *rationem*, vt ad *ideas* illius (indeterminate quibus) subiectiue conspiret, hoc est, compositionem animi efficiat, illi consentaneam et sociabilem, quam contagio idearum determinatarum (practicarum) foret in sensu effectura.

Ex quo intelligitur, veram sublimitatem tantummodo in animo iudicantis, non vero in re obiecta naturae, cuius diiudicatio ex hoc animi tenore existit, quaerendam esse. Equis enim insonnia montium iuga, confusione fera congesta, cum pyramidibus glacialibus, vel triste et procellosum mare, id genus alia sublimia vocauerit? Verum animus in sua ipsius diiudicatione sese sentit elatum, cum, in contemplandis illis, nullo formae eorum respectu habito, phantasiae sese rationique quamquam sine villo fine determinato coniunctae, illam solum dilatanti permittens, vim omnem phantasiae tamen ideis suis inconuenientem videt.

Exempla mathematicae subtilitatis naturae in visione sola in vniuersis rebus obuia sunt, in quibus non tam maior numerorum conceptus, quam potius magna vnitas vt mensura (ad series numerorum diminuendas) phantasiae datur ac proponitur. Arbor, quam ad altitudinem viri aestimamus, mensura fere montis est; qui, si forte altitudinem

aequaret miliaris, potest pro unitate esse numeri, diametrum terrae enunciantis, ut hic visioni subiiciatur; diameter terrae porro systematis, quod nouimus, planetarum, hoc vero viae lacteae, inmensaeque multitudinis eiusmodi viarum lactearum, quas stellas nebulosas adpellamus, quae sine dubio itidem inter se inuicem eiusmodi systema constituunt, in quibus nulli prorsus fines poterunt ac termini expectari. Iam sublime, in tam immenso toto aesthetice iudicando, non tam in magnitudine numeri inest, quam in eo potius, quod in progressu semper ad unitates eo maiores peruenimus, quo quidem descriptio mundi systematica confert, quae vniuersa, quae in natura magna sunt, vicissim semper ut parua, proprie autem phantasiam nostram in omni infinitate eius, cum eaque naturam, ut ad ideas rationis, cum repraesentationem iis conuenientem largiri, euanescentem depingit.

### §. 27.

#### *De qualitate complacentiae in diiudicando sublimi.*

Sensus inconuenientiae facultatis nostrae cum adsequenda idea, quae nobis *lex est*, *obseruantia* vocatur. Atqui idea cuiusque, quod nobis dari poterit atque offerri, phaenomeni in visione cuiuspiam totius comprehendendi talis est, quae nobis per legem rationis iniuncta est, quae nullam aliam determinatam et ad quemque valentem atque immutabilem mensuram agnoscit, quam totum absolutum. Sed phantasia nostra, in ipso nisu suo maximo, respectu comprehensionis praeceptae cuiuspiam data rei obiectae in toto quodam visionis (proinde ad exhibendam rationis ideam) carceres suos probat et inconuenientiam, sed simul tamen destinationem suam ad conuenientiam cum ea ut lege quadam efficiendam. Ergo sensus sublimium in natura obseruantia continetur nostrae propriae destinationis, quam rei cuiuspiam obiectae naturae per certam quamdam subreptionem (permutationem obseruantiae erga rem obiectam cum obseruantia erga ideam humanae naturae in subiecto nostro) praestamus, quod quidem nobis vim destinationis

rationalis facultatum cognoscendi nostrarum maxima sensualitatis facultate superiorem quasi sub oculos subiecit.

Igitur sensus sublimitatis cernitur in sensu taedii, ex inconuenientia phantasiae in obseruantia quantitativa aesthetica, cum obseruantia per rationem, et in quadam voluptate praeterea simul excitata ex conuenientia huius ipsius iudicii de inconuenientia maximae facultatis sensitivae cum ideis rationis, quatenus conatus ad eas tamen nobis pro lege videtur. Ex nobis scilicet 'pro lege (rationis) ad nostramque destinationem pertinet, ut cuncta, quae natura ut res sensibus obnoxia nobis magna continet, cum ideis comparata rationis, parua putentur, et, quae sensum destinationis huiusce suprasensibilis in nobis excitant, cum illa lege conspirant. Atqui maximus phantasiae conatus in exhibenda unitate obseruantiae quantitativae cernitur in relatione ad quidpiam *absolute magnum*, proinde quoque in relatione ad legem rationis, quae praecipit, ut hoc solum pro suprema quantum mensura sumatur. Ergo perceptio interna inconuenientiae omnis mensurae sensitivae cum obseruantia quantitativa rationis versatur in concentu cum legibus illius, taedioque, quod sensus in nobis excitat destinationis nostrae suprasensibilis, qua fit, ut fini conveniat, proinde voluptas sit, quamque sensualitatis mensuram ideis rationis inconuenientem videre.

In repraesentatione sublimium in rerum natura animus sese *commotum* sentit; cum in iudicio aesthetico de pulcro in contemplatione tranquilla teneatur. Hic motus (praesertim initio) potest cum concussione comparari, id est, cum pulsu attractuque eiusdem rei obiectae celeriter succedente. Ratio transcendens phantasiae (vsque ad quod ea in visione fertur adprehendenda) quaedam quasi vorago est, in qua se ipsa metuit perdere; sed tamen quoque ideae rationis de suprasensibili haud transcendens, verum legalis, eiusmodi conatum phantasiae edendi; proinde eodem modo rursus attrahens, quo soli sensualitati fuit repellens. Sed iudicium ipsum semper manet solum aestheticum, quoniam siue vilo determinato rei obiectae conceptu constituto,

solum lufum virium animi (phantasiae rationisque) ipsarum subiectuum per pugnam earum vt harmonicum de pingit. Etenim, vt phantasia et *intelligentia* in pulcro diiudicando per concentum suum, sic phantasia *ratioque* hoc loco per pugnam suam, creant formam finalem virium animi subiectuam; nimirum sensum quemdam, nos ratione vt pura in sese consiliente, seu facultate obseruantiae quantitativae, cuius praestantia non potest sub adsp̄ctum subiici, nisi per infirmitatem facultatis illius, quae ipsa est in exhibendis quantitativis (rerum sensibus subiectarum) infinita.

Dimensio spatii (vt adprehensio) simul est illius descriptio, proinde motus obiectivus in phantasia et progressus; contra comprehensio multitudinis in unitate, non cogitationis, sed visionis, proinde successivae comprehensioni in quodam momento, regressus est, conditionem rursum tollens temporis in phantasiae progressu, et *coexistentiam* sub adsp̄ctum subiiciens. Ea ergo (cum successio temporis conditio sensus interni sit visionisque) in motu phantasiae subiectivo cernitur, quo vim adfert sensui interno, quae eo maior sit, oportebit, quo maius quantum est, quod phantasia in vna visione comprehendit. Ergo nifus mensurae recipiendae quantorum in singula visione, quae adprehensio haud parum temporis postulat, in modo repraesentandi versatur, qui, subiectivae spectatus, pugnat cum forma finali; sed obiectivae, vt ad obseruantiam quantitativam necessarius, est, proinde formae finali consentaneus; in quo vero vis tamen eadem, quae per phantasiam subiecto adfertur, *toti destinationi* animi vt congruens atque conveniens iudicatur.

*Qualitas* sensus sublimitatis cernitur in eo, quod ea in sensu versatur taedii ex facultate iudicandi aesthetica in re quadam obiecta, quae in ea tamen vt formae finali consentanea repraesentatur; id quod eo potest fieri, quod propria infirmitas conscientiam aperit facultatis infinitae eiusdem subiecti, animusque hanc posteriorem potest solum ex superiori aesthetice diiudicare.

In obseruantia quantitativa logica impossibilitatem per progressum in dimetiendis rebus mundi sensibilis in tempore spatioque vniquam ad vniuersitatem absolutam perveniendi, viduius cognosci pro obiectiva, hoc est, impossibilitate, infiniti *cogitandi* vt solum dati, non vero vt solum subiectiva, id est, infirmitate eius *adprehendendi*: ibi enim gradus comprehensionis in visione quadam, vt mensura, minime spectatur, sed cuncta pendent ex conceptu quodam numerorum. Sed in obseruantia quantitativa aesthetica numeri conceptus reiiciendus est aut mutandus, comprehensioque phantasiae in unitate mensurae (proinde conceptibus legis genescos successivae conceptuum quantitativorum euitatis) sola est illi cum forma finali consentanea. — Si igitur quantitas quaedam ad summum fastigium facultatis comprehendendi nostrae in visione vna pervenit, et phantasia tamen per quantitates numerales (ad quas nobis facultatis nostrae vt infinitae conscii sumus) ad comprehensionem aestheticam in unitate quadam maiori prouocatur, nosmet intus in animo vt aesthetice inclusos terminis sentimus; sed tedium tamen, respectu amplificationis necessariae phantasiae ad conuenientiam cum eo, quod in facultate rationis nostra interminatum est, nempe idea totius absoluti, proinde inconuenientiam phantasiae tamen cum ideis rationalibus earumque excitatione vt fini conuenientem cogitamus. Eo autem ipso iudicium ipsum aestheticum subiective finale sit rationi, vt fonti idearum, id est, eiusmodi comprehensionis intellectualis, cui omnis aesthetica parua est, et res obiecta vt sublimis cum voluptate adprehenditur, quae tantummodo interuentu cuiusdam taedii esse potest.

## B.

## DE SVBLIMI NATVRAE DYNAMICO.

## §. 28.

*De natura vt quadam potentia.*

*Potentia* in facultate consistit magnis impedimentis superiori. Eadem dicitur *potestas*, si vel renitu superior

est illius, quod ipsum potentia pollet. Natura in iudicio aesthetico considerata ut potentia, cui nulla in nos potestas est, *dynamice sublimis* videtur.

Quodsi natura debeat a nobis ut dynamice sublimis spectari, ea ut metum excitans repraesentanda erit (quamquam haud vice versa quaeque res metum incutiens in iudicio aesthetico nostro ut sublimis enunciatur). Namque in diiudicatione aesthetica (sine conceptu) ratio impeditentis superior non potest nisi ex magnitudine renisus iudicari. Atqui id, cui nitimur resistere, malum est, et, si vires nostras ei videmus impares, res sub metum subiecta. Ergo ad facultatem iudicandi aestheticam natura non potest ut potentia, proinde dynamice sublimis valere, nisi quatenus ut res sub metum subiecta consideratur.

Potest autem res quaedam ut metuenda *considerari*, neque ea tamen metui, si nimirum eam ita diiudicamus, ut solum tempus *cogitemus*, quo illi resistere velimus, tumque renisus omnis frustra futurus esset. Sic virtutis amans deum metuit, neque tamen metu illius percellitur, quoniam nullum potest sibi metuendum tempus cogitare, quo illi eiusque praeceptis velit resistere. Sed quodque eiusmodi tempus, quod per se haud impossibile cogitat, ut metuendum agnoscit.

Is qui metu percellitur, nullo modo potest de sublimi naturae iudicare, pariter atque is, qui inclinatione captus et adpetitu, est, de pulcro. Ille fugit adspectum rei, sibi insufficientis timorem; et fieri non potest, ut terror serius placere videatur. Idcirco iucunditas ex molestia quadam cessante in *laetitia* versatur. Quae vero, ob liberationem ex periculo, in laetitia quadam cum proposito coniuncta, illi sese haud amplius exponendi; quid? quod ne libenter quidem illius sensationis memoriam in animum reuoces, nedum occasionem illius reuocandae ipse quaeras.

Audacia rupium praecipitia quaeque minantia, nubes procellosae in caelo globatae, fulmine ac tonitru incedentes, Vulcani in tota potestate sua cuncta proflerente,

turbines cum vastatione sua relicta, immensus oceanus commotus ac fluctuans, catarracta alta fluminis ingentis, id genus alia, facultatem nostram resistendi, comparatam cum potentia illorum, in rem vertunt omnium maxime exiguam tenuemque. Verum adspectus illorum, quo terribilior est, eo maiorem vim induit attrahendi, si modo nosmet tutos videmus; lubenterque eas res vocamus sublimes, quoniam sortitudo iis animi supra consuetam mediocritatem augetur, et longe alia in nobis facultas aperitur, quae animum erigit, ut possimus nos cum opinata naturae omnipotentia comparare.

Vti enim in immensitate naturae, infirmitateque facultatis nostrae mensuram capiendam vidimus obseruantiae quantitativae *ditionis* illius convenientem atque aequabilem, propriam nostram circumscriptionem, verum tamen in facultate quoque rationali nostra simul aliam quamdam mensuram haud sensitivam, cui ipsa illa infinitas ut unitas subest, quacum comparata cuncta in natura parva videntur, proinde in animo nostro rationem quampiam ipsa natura in immensitate illius superiorem; sic quoque irresistibili potentiae illius ratione, ut res spectata naturae, nostra impotentia physica ostenditur, simul vero aperitur facultas, nosmet ut ex ea pendentes diiudicandi, ratioque natura superior, qua sui quaedam conservatio generis prorsus alius nititur, quam quae ab natura extra nos impugnari possit atque in discrimen vocari, in qua natura humana in persona nostra infracta manet, quamvis homini potestati illi cedendum foret. Similiter in iudicio nostrae aesthetico natura non, quatenus terribilis est, ut sublimis iudicatur, sed quoniam viam nostram virtutemque (quae haud natura est) in nobis excitat, ut, de quibus solliciti sumus (bona, valitudinem, vitam) ut parva, ideoque potentiam eius (cui respectu earum rerum sane subiecti sumus) ratione nostri nostraeque personalitatis nihilominus tamen ut nullam talem potestatem spectemus, cui nosmet debeamus submittere, si de summis decretis nostris, iisque vel tuendis vel deferendis agatur. Ergo hoc loco natura solum

propterea sublimis vocatur, quoniam phantasiam attollit ad eas causas exhibendas, in quibus suam ipsius sublimitatem destinationis animus potest, vel supra naturam ipsam, sibi ad sensum reuocare.

Atque haec nostri ipsius obseruantia nullam eo iacturam facit, quod nosmet oporteat tutos intelligere, ad animantem illam complacentiam percipiendam; proinde, quoniam discrimen haud serium est, itidem (vti videri posset) cum sublimitate facultatis mentis nostrae aequè minus serio agatur. Namque complacentia hic tantummodo *determinationem* facultatis nostrae attingit in eiusmodi causa aperiendam, prout illius institutio est in natura nostra; interea dum explicatio illius exercitatioque relicta nobis atque in officio videtur. Atque in eo quidem verum est; licet homo maxime, cum considerationem suam reflexionemque vsque eo extendit, praesentis verae impotentiae suae sibi conscius videatur.

Quod quidem principium longius repetitum videtur argutandoque confectum, proinde iudicio aesthetico transcendens: verum ex obseruando homine contrarium elucet, et posse illud diiudicationibus vulgarissimis fundamentum subesse, quamquam illius nosmet haud semper conscii sumus. Ecquid enim istud est, quod vel fero homini incultoque res videtur, admirationi maximae subiecta? Homo qui nullo terrore percellitur nec metu, proinde periculo non cedit, simul tamen animo prorsus deliberato fidenter opus adgreditur. Vel in statu maxime exulto ac perpolitio praecipua illa obseruantia bellatori debetur; hac tamen cum adiunctione, vt eum omnes simul pacis virtutes, et mansuetudinem, et misericordiam, et ipsam decentem personae suae curam ostendere oporteat: ob eam ipsam causam, quoniam ex iis animus periculo inuictus cognoscitur. Proinde vt maxime in comparando viro ad gubernacula ciuitatis sedente cum imperatore bellico de praecipua obseruantia, qua alius prae altero dignus sit, disputetur; iudicium aestheticum imperatori fauebit. Bellum ipsum, cum ordine geritur iuribusque ciuilibus illaesis, quiddam in se sublime



cohibet, mentemque populi, quod illud tali modo gerit, eo reddit sublimiorem, quo pluribus is expositus periculis videbatur, fortiterque in iis sese poterat tueri: cum e contrario diuturna pace solum mercandi ingenium, cum eoque quaestus humilis, ignaviaque et mollities animi redduntur dominantes, ingeniumque populi solet corrumpi.

Cum hac vero conceptus sublimitatis, quatenus ea potentiae attribuitur, solutione videtur pugnare: quod deum in tempestate, in procellis, in terrae motibus, et caeteris generis eiusdem, velut in ira, simul yero etiam in sua se ostendentem sublimitate proponere solemus, in quo tamen cogitatio animi nostri effectus, et, ut videtur, vel finibus eiusmodi potentiae superioris stulta et temeraria foret. Hic nullo sublimitatis sensu propriae naturae nostrae, sed potius subiectione, animoque demisso ac tristi, sensuque totius impotentiae animi tenor efficitur, phaenomeno eiusmodi rei obiectae consentaneo, et frequenter quoque cum idea illius in eiusmodi euentis naturae coniuncto. In religione vniuerse prostratio, adoratioque capite inclinato et suspensio, vultu tristi atque anxio et voce, una ratio conueniens praesente deo esse videtur, quam postea quoque plerique sunt populi adepti et etiam nunc seruant. Sed hic tenor animi, permultum abest, ut cum idea *sublimitatis* religionis reiue huic propositae per se necessarioque coniunctus sit. Homo, qui reapse in metu est, quoniam eius causam in se deprehendit, propterea quod sibi conscius est, mente sese reprobanda contra potentiam peccare, cuius non potest voluntati, quae simul iussa est, resisti, minime est in eo animi tenore, quo magnitudinem diuinam possit admirari, quo tenore opus est, ad tranquillam contemplationem apto, iudiciumque prorsus liberum. Tum solum, cum sinceræ mentis suae deoque placentis sibi conscius est, effecta illa inferuiunt potentiae, ad ideam sublimitatis in eo huiusce naturae excitandam, quatenus in se ipso sublimitatem mentis quandam agnoscit voluntati illius consentaneam, eoque supra metum talium naturae effectorum, quae haud spectat ut effecta irae eius, euehitur. Ipsa modestia,

ut seuera vitiorum censura, quae alioquin facile posset, in conscientia mentis bonae, per fragilitatem naturae humanae excusari, tenor animi sublimis est, dolori sese propriarum reprehensionum voluntarie subiiciendi, ut causa paulatim deleatur. Atque hoc solo modo viaque religio sese ab superstitione intus distinguit; quae quidem superstitio non reuerentiam sublimium, sed metum et auxictatem naturae praepotentis, cuius voluntati sese subiectum homo perterrefactus iudicat, quam tamen non magni facit, in animo constituit: ex quo profecto quidem non potest quidquam, nisi captatio benevolentiae insinuatique, loco religionis honestae vitae, existere.

Ergo sublimitas in re naturae nulla, sed solum in animo nostro inest, quatenus nosmet natura in nobis, eoque natura quoque (quatenus eius nobiscum contagio est) extra nos, superiores esse, nobis fieri conscii possumus. Vniuersa, quibus hic sensus in nobis excitatur, quo pertinet naturae *potentia*, quae vires nostras prouocat, tum (quamquam improprie) sublimia dicuntur; et solum hac idea in nobis supposita, respectuque ad eam, ad ideam sublimitatis possumus illius naturae peruenire, quae non solum per vim, quam in natura exferit, intimam in nobis obseruantiam efficit, verum inulto magis facultate, nobis insita, illam sine metu diiudicandi, nostramque destinationem ut illa superiorem cogitandi.

#### §. 29.

##### *De modalitate iudicii super sublimitate naturae.*

Res sunt pulchrae naturae innumerae, de quibus cuique iudicii cum nostro convenientiam recta adstringimus, etiamque, nec frustra sere, possumus expectare; sed iudicio de sublimi nostro haud ita facile possumus aditum apud alios polliceri. Namque videtur opus esse cultura longe maiori, non solum facultatis iudicandi aestheticae, verum etiam cognoscendi facultatum, quae illi fundamento subfunt, ut de hac praeslantia rerum obiectarum naturae iudicium possit pronunciari.

Ad tenorem animi in sensu sublimitatis receptiuitas in eo postulat idearum; in ipsa enim naturae ad ideas inconuenientia, proinde iis solum suntis, intentaque phantasia, ad naturam vt schema phantasiae tractandam, cernitur id, quod facultatem sensitiuam deterret, quodque simul tamen eam attrahit: propterea quod illud in vi consistit, quam ratio in illa exserit, vt eam duntaxat in propria ditione sua (practica) conuenienter dilatet atque amplificet, eiusque aciem in infinitatem intendat ac dirigat, quo illi vorago videtur. Ac profecto quidem ideis moralibus haud explicitis id, quod nos, per culturam praeparati, sublime dicimus, homini rudi solum deterrens videbitur. In argumentis illis, quibus in vastationibus suis potestatem demonstrat, magna mensura potentiae eius, quacum comparata sua euanescit, non nisi aerumnas, pericula ac misérias conspiciet, quibus, qui eo relegatus foret, homo cingeretur. Sic bonus ille, caeteroquin prudens rusticus Sabaudicus, vt Sausurii refert, omnes admiratores montium glacialium audacter stultos atque insanos vituperauit. Et haud scio, an iniuria sic iudicasset, si obseruator ille, quibus sese exponeret, pericula, tantummodo, vti plerique peregrinantes solent, studio ductus et admiratione, an ad ea aliquando viuide oratione depingenda, adiisset. Verum illi animus fuit, homines docere; sensationemque animos eleuantem vir praeclarissimus lectoribus itinerum gratuito insuper, quasi quemdam cumulum, impertit.

Nec vero de naturae sublimi iudicium, propterea quod opus cultura habet (magis quam quod de pulcro pronunciatur), eo tamen primum a cultura exortum est, et fere solum ex compacto quodam in societatem introductum; sed fundamentum habet in humana natura, et in eo quidem, quod per intelligentiam communem simul a quoque potest postulari, nempe in naturae illo munere, quo sensus constituitur idearum (practicarum), i. e. honesti, rationisque moralis.

Atque in eo quidem nititur necessitas conspirationis in iudicando sublimi aliorum cum sententia nostra, quam in

hac simul includimus. Vti enim in eo, qui in iudicanda re naturae, quam pulcrum censemus, haud mouetur, inopiam *gustus* reprehendimus; sic eum, qui in eo, quod subline iudicamus, immotus manet, carere *sensu* dicimus. Vtrumque autem ab vnoquoque homine postulamus, in eoque, si quodam modo cultus politusue sit, supponimus; hoc tamen discrimine, vt illud superius, quoniam iudicandi vis in eo phantasiam solum ad intelligentiam refert, vt conceptuum facultatem, recta ab vnoquoque postulemus; alterum vero, quod ea in eo phantasiam refert ad rationem, vt facultatem idearum, solum ex sumtione subiectiua quadam (quam vero a quoque iure poscere posse nos credimus) desideremus, quippe ex sumtione sensus in homine moralis, eoque huic quoque iudicio aesthetico necessitatem attribuamus.

In hac iudiciorum aestheticorum modalitate, nempe necessitate illorum arrogata, positum momentum praecipuum est critices facultatis iudicandi. Per eam enim in iis principium praesumtum agnoscitur, e psychologiaque empirica, in qua alioquin sensibus voluptatibus dolorisque (solum tamen cum inani epitheto sensus *subtilioris*) ea conscripta manerent, tolluntur, vt eorum interuentu facultas iudicandi ea in classem eorum transferat, quibus principia fundamento subsunt ex anticipatione, qua talia vero in philosophiam translocet transcendentalium.

*Scholion generale ad expositionem iudiciorum aestheticorum reflectentium.*

Respectu sensus voluptatis res obiecta aut ad *incunda*, aut ad *pulcra*, aut ad *sublimia*, aut ad *honestas* (simpliciter) numeranda videtur.

Ac *iucundum* quidem, qua elater cupiditatum, omnino vnus est eiusdemque generis, vnde illud cumque fiat, quamquam ad speciem diuersa repraesentatio (sensus sensationisque, obiectiue spectatorum) videatur. Idcirco in diiudicanda contagione illius cum animo de multitudine

illicebrarum (simultanearum successuarumque), quasque de massa moleque agitur sensationum iucundarum; eaque proinde non nisi ex *quantitate* potest comprehendi. Neque enim iucundo cultura promouetur, sed pertinet illud ad solam fruitionem. — Contra *pulcrum* postulat repraesentationem certae cuiuspiam *qualitatis* rei obiectae, quae itidem potest doceri, ad conceptusque reuocari (quamquam in iudicio aesthetico ad eos non reuocatur); et excolit, dum simul attendere animum docet ad formam finalem in sensu voluptatis. — *Sublime* solum consistit in *relatione*, in qua sensibile in naturae repraesentatione ad usum possibilem quendam suprasensibilem ut idoneum iudicatur. — *Simpliciter honestum*, subiective ex sensu, quem illud instillat, diiudicatum, (res sub sensum moralem subiecta) ut determinabilis virium subiecti ratio, per repraesentationem legis *simpliciter cogentis*, distinguitur potissimum per *modalitatem* necessitatis in conceptibus ex anticipatione positae, quae non solum *possessionem*, sed etiam *praeceptum* adfectionis cuiusque hominis in se continet, et per se quidem non ad facultatem iudicandi aestheticam pertinet, sed intellectualem puram, neque in iudicio solum reflectente, verum determinante, haud naturae, sed libertati tribuitur. Sed *subiecti* ratio per hanc ideam *determinabilis*, et subiecti quidem, quod sensualitatis *impedimenta* potest, simul vero eadem sese vincendo superiorem in se, ut *status sui mutationem* sentire, id est, sensus moralis, tamen iudicandi facultati aestheticae illiusque *conditionibus formalibus* finitima est, quatenus ea legalitas actionis ex officio simul ut aesthetica potest, hoc est, ut sublimis, vel etiam ut pulchra proponi, neque tamen quidquam de puritate sua amittere; id quod non locum haberet, si eam cum sensu iucundi velles in naturali nexu ponere.

Ductis atque effectis, quae ex expositione utriusque generis iudiciorum aestheticorum consequuntur, inde sequentes definitiones breves eliciuntur.

*Pulcrum* est id, quod in sola diiudicatione, (proinde haud interueniente sensatione sensus ex conceptu quodam

intelligentiae) placet. Inde sponte sequitur, placere illud sine omni inuitamento oportere.

*Sublime* est id, quod per renisum suum contra sensum inuitamentum proxime placet.

Ambo, ut definitiones diiudicationum aestheticarum vniuersalium, rationes spectant subiectiuas, nempe partim sensualitatis, uti in gratiam intelligentiae contemplatiuae; partim vero, uti *contra* illam, sed finibus rationis practicae, sed ambo tamen in eodem subiecto coniuncta, respectu sensus moralis, formae finali consentanea sunt. Pulcrum nos praeparat ad aliquid, naturam ipsam, sine inuitamento amandum; sed sublime, ad aliquid, vel contra inuitamentum nostrum (sensituum) magni faciendum.

Sublime sit poterit describi: est res subiecta naturae, cuius *repraesentatione animus determinatur, ad rationem naturae inaccessam ut exhibitionem idearum cogitandam.*

Idae, ad literam sumtae, logiceque spectatae, non possunt exhiberi. Verum, cum nostram repraesentandi facultatem empiricam (mathematice, dynamicue) in gratiam naturae videndae amplificamus; tum certo ratio uccessarioque accedit, ut facultas vacuitatis atque independentiae vniuersitatis absolutae, conatumque animi, quamuis inanem, efficit, repraesentationes sensum his consentaneas reddendi. Hic conatus, sensusque rationis idae per phantasiam inaccessae, ipse cernitur in exhibenda forma finali subiectiua animi nostri in phantasia in gratiam illius destinationis suprasensitiuae exhibenda, nosque cogit, ut naturam ipsam in vniuersitate eius, ut exhibitionem cuiuspiam suprasensibilis subiectiue *cogitemus*, quamuis eam exhibitionem *obiectiue* conficere nequeamus.

Breui enim animaduertimus, naturae in spatio ac tempore absolutum, proinde et quantitatem absolutam, prorsus deesse, quae tamen ab ratione vulgarissima postulatur. Eo ipso nos quoque admonemur, nobis tantummodo negotium esse cum natura, qua viso ac phaenomeno, eamque ipsam praeterea oportere ut solam exhibitionem naturae

per se (quam ratio in idea habet) considerari. Haec vero suprasensibilem idea, quam quidem haud ulterius determinare possumus, proinde naturam ut exhibitionem illius non *cognoscere*, sed modo *cogitare*, per rem in nobis excitatur, cuius diiudicatione aesthetica phantasia usque ad terminos suos, siue dilatationis (mathematicae) siue potentiae in animo (dynamicae) contenditur, propterea quod in sensu determinationis illius nititur, quae ditionem superioris prorsus migrat (in sensu morali), cuius respectu repraesentatio rei obiectae ut subiectivae formae finali consentanea iudicatur.

Reapse sensus sublimium naturae haud ita commode poterit cogitari, nisi tenorem animi cum eo coniunxeris, similem tenoris animi convenientis cum morali; et, quamquam proxima voluptas ex pulcro naturae itidem certam quamdam *liberalitatem* cogitandi, id est, vacuitatem complacentia a sola sensuum fruitione supponit atque excolit, tamen eo potius libertas in *lusu*, quam ut in *negotio* legali proponitur: in qua genuina ratio cernitur moralitatis humanae, ubi ratio sensualitati vim adferre cogitur, cum solum in aesthetico de sublimi iudicio haec vis per phantasiam ipsam, ut rationis instrumentum, prodita repraesentetur.

Ideirco complacentia sublimium naturae quoque tantummodo *negativa* est (loco eius, quod in pulcro *positivum* videtur), nempe sensus libertatis phantasiae per se ipsam priuandae, propterea quod ea ex alia lege finaliter determinatur, quam quae usus empirici videtur. Eo illa quidem dilatatione potentiaque induitur maiori, quam ea, quam vouet, cuius vero ratio ipsam latet, cum tamen iacturam priuationemue, et simul *causam* sentiat, cui subiicitur. *Miratio*, terrori finitima, terror horrorque facer, quo in conspiciendis montium ad caelum adscendentium culminibus, profundisque voraginibus et aquis in iis tumultuantibus, locis item desertis ad tristem contemplationem inuitantibus, et id genus aliis spectator corripitur, ei, qui se tutum videt, haud verus metus est, sed modo periculum, quo experiare, per phantasiam, ut eiusdem

facultatis potentiam sentias, motumque animi ea re excitatum cum statu illius tranquillo quietoque coniungas, atque ita natura in te, proinde quoque extra te, quatenus illius potest cum sensu salutis tuae contagio esse, superior videre. Namque per phantasiam ex legibus adfociationis fit ut status noster tranquillitatis physice aptus sit pendeatque; sed eadem illa ex principiis schematisini facultatis iudicandi (proinde eatenus libertati subordinata), instrumentum rationis est eiusque idearum, qua tale vero potentia, vacuitatis nostrae atque independentiae contra contagiones naturae tuendae, eiusque, quod secundum illam magnum est, ut paruum deminuendi spernendique, atque ita simpliciter magni solum in sua (subiecti) ipsius determinatione collocandi. Haec consideratio reflexioque facultatis iudicandi aestheticae, ad conuenientiam cum ratione (sed sine conceptu determinato illius) eleuanda, rem obiectam, per ipsam phantasiae inconuenientiam obiectiuam, in maxima amplificatione rationis (ut idearum facultatis) tamen ut subiectiue finalem ostendit.

Hoc loco omnino, id quod supra monuimus, tenendum est, in aesthetica facultatis iudicandi transcendentali sermonem esse solum de iudiciis aestheticis puris oportere, proinde exempla haud ab iis rebus naturae pulcris aut sublimibus deproimi debere, quae conceptum finis supponunt; tum enim aut teleologica, ideoque haud aesthetica finium conuenientia foret, aut in solis ex re obiecta sensationibus (voluptate vel dolore) constituta, proinde non sola formalis. Quodsi igitur adspectum caeli stellati *sublimem* vocemus, diiudicationi illius haud mundorum conceptus, a naturis rationalibus inhabitatorum, et lucida puncta illa, quibus spatium supra nobis videmus repletum, tamquam illorum soles, in orbibus motos iis admodum conuenienter descriptis, fundamento subterni debet, sed solum, uti conspicitur, ut fornix ampla omnia complectens; atque in hac solum repraesentatione ponenda sublimitas est, quam iudicium aestheticum purum huic rei attribuit. Similiter adspectus oceani non ita, uti nosmet, variis notitiis (sed



haud in visione proxima comprehensis) ditati, illum *cogitamus*; uti fere amplum rerum creatarum aequatiliū, magnumque thesaurum aqueum evaporationum, aera nubibus in gratiam terrarum gravidantium, vel etiam ut elementum, mundi partes quidem diuellens, sed qua fiat, ut summa earum in se inuicem esse communio possit, unde mera iudicia teleologica emergunt: sed solum oceanus, quod poetae faciunt, pro eo, atque adpectu edocemur, fere, cum in tranquillitate conspicitur, ut clarum speculum aqueum, tantummodo per caelum terminatum finitumque; sed, si impetuosus sit, ut vorago cuncta deuorare minans, tamen sublimis poterit indicari. Quod idem de sublimi pulcroque poterit in forma humana dici, in quo non conceptus finium, *quorum gratia* omnia illius membra adsunt, ut rationes determinandi iudicii, respicere debemus, neque conspirationis cum iis *contagionem* cum iudicio nostro (tum haud amplius puro) aesthetico concedere, quanquam, ne illis repugnent, sane quidem conditio necessaria est complacentiae quoque aestheticae. Forma finalis aesthetica consistit in legalitate facultatis iudicandi in *libertate* sua. Complacentia rei obiectae pendet ex relatione, in qua phantasia poni volumus: tantummodo ut per se ipsa animam teneat in libera occupatione. Contra cum aliud quid, siue sensatio sensitiua, siue conceptus intellectualis iudicium determinat; tum illud quidem legitimum est, verum minime iudicium facultatis iudicandi *liberae*.

Igitur si de pulcritudine vel sublimitate intellectuali sermo erit, primo haec verba parum recta et consentanea sunt, propterea quod in generibus versantur repraesentationum aestheticarum, quae, si nos solae intelligentiae purae essent (aut nos quoque mente et cogitatione in hanc qualitatem transferremus), nullo modo in nobis deprehenderentur; *deinde*: quanquam ambae, ut res complacentiae cuiusdam intellectuali (moralis) propositae, quatenus in nullo *possint* inuitamento *sunt*, cum aestheticae queunt coniungi; tamen in eo sunt difficulter conciliandae, quod *efficere* inuitamentum debent, quod, si exhibitio cum com-

placencia debeat in diiudicatione aesthetica conspirare, in hac non nisi per inuitamentum sensitivum, quod cum ea in exhibitione coniungitur, efficeretur, quo vero formae finali intellectuali derogatur, eaque impura redditur.

Res complacentiae purae absoluteque intellectuali proposita lex est moralis in potentia sua, in nobis in omnes ac singulos *antegressor* animi elateres exercet; cumque hae potentia, proprie solum iacturis voluntariis aesthetice sese prodat et distinguatur (id quod priuatio est, quamquam in gratiam libertatis internae, sed immensam voraginem in nobis aperit huiusce facultatis suprasensitivae, eum consequentibus eius in infinitum serpentibus): complacentia ex parte aesthetica (respectu sensualitatis) negativa est, hoc est, contra inuitamentum huius, verum ex parte considerata intellectuali, positiva, et cum inuitamento quodam coniuncta. Vnde sequitur: bonum intellectuale, per se ipsum conueniens atque intellectuale (morale), aesthetice diiudicatum, non tam ut pulerum, quam potius ut sublime repraesentari debere, ita ut magis sensum obseruantiae (qui illecebras contemnit) excitet, quam amoris et inclinationis familiaris; propterea quod humana natura haud sponte et voluntarie, sed modo per vim, sensualitati ab ratione illatam, cum bono illo honestoque conspiret. Vicissim id, quod in natura extra nos, vel etiam in nobis (velut certi quidam adfectus) sublime dicimus, tantummodo ut animi potentia sese supra *certa* impedimenta sensualitatis per principia humana eleuandi cogitabitur, eoque ad se rapiet.

In quo quidem posteriori aliquantum immorabimur. Idea boni honestique coniuncta cum adfectu *enthusiasmus* vocatur. Hic status animi videtur esse sublimis, adeo, ut plerumque nihil quidquam praeclari magnique posse sine eo effici dicatur. Atqui unusquisque adfectus\*) caecus est,

\*) *Adfectus* ab animi *perturbationibus* (passionibus) per speciem sunt diuersi. Illi enim solum attingunt sensum; hae propriae sunt facultatis adpetendi, et in inclinationibus versantur, quae vniuersam arbitrii rationem per decreta determinabilis difficultatem atque impossibilem reddunt. Illi impetuosus sunt et inuo-

vel in eligendo fine, vel, hoc per rationem dato ac proposito, in eo efficiendo: namque is in eo animi motu consistit, qui nos ineptos reddit neque idoneos, ad liberam principiorum deliberationem instituendam, ut ex iis nosmet determinemus. Ergo nullo modo potest rationis complacentiam inerere. Nihilominus aesthetice entusiasmus videtur sublimis, ideirco, quia in virium consistit per ideas intensione, animum eleuantes longe fortius diuturniusque, quam stimulus efficit per repraesentationes sensitivas, sed (quod mirum videtur) ipsa *adfectuum vacuitas* (apatheia, plilegma in significato bono) animi rata fixaque principia strenue sequentis sublimis est, et longe quidem excellentiori ratione sublimis, si quidem ea iunul a complacentia probatur rationis purae. Eiusmodi animi ingenium solum *nobile* ac *generosum* vocatur: quod verbum postea ad res, velut, aedificia, vestem, orationis genus, decentiam corporis, et id genus alia transfertur, cum his non tam *miratio* (adfectus ex repraesentatione nouitatis, expectationem superantis), quam *admiratio* (quae in miratione cernitur, cum iactura nouitatis non cessante) excitatur, quod fit, cum ideae in exhibitione sua inconsulto et sine arte cum complacentia aesthetica conspirant.

Quisque adfectus generis *strenui* (quo quippe conscientia virium nostram excitatur cuiuscumque resistentiae vincendae, siue conscientia animi strenui) *aesthetice sublimis* est, velut ira, adeoque desperatio (*scilicet concitata*, non vero *timida* atque *ignaua*). At vero adfectus generis *languidi* (qui nisum resistendi vertit in rem ipsam taedio propositam, siue animum languidum reddit), nihil quidquam *generosi* in se continet, sed tamen potest ad pulcrum generis sensitiui referri. Quapropter *permotiones*, quae

Iuniarji, hac perdurantes et deliberatae: sic animi concitatio ex improbatione contracta, qua ira, in adfectibus est; verum, ut odium (vilescendi cupido) in perpeffionibus videtur. Haec numquam potest nulloque respectu sublimis vocari; quoniam in adfectu animi libertas *impediri* quidem potest, at in perpeffione animi prorsus tollitur.

possunt usque ad adfectum crescere, itidem sunt admodum diuersae variaeque. Sunt *aiacres* permotiones et animosae, sunt etiam *tenerae* ac molles. Hae posteriores, cum ad adfectum usque accrescunt, inutiles sunt, ad easque inclinatio *insania* vocatur *permotionum*. Dolor ex alterius dolore haustus, cui non possunt consolationum somenta adhiberi, aut, quem, si mala fictitia spectat, ad illusionem usque per phantasiam, quasi vera essent, de industria capimus, prodit atque efficit animum mollem, sed simul debilem atque imbecillum, pulcram partem monstrantem, qui insanus profecto ac phantasticus potest, sed non enthusiasticus adpellari. Fabulae Romanenses, ludi scenici lacrymabiles, praecepta morum vapida ac ieiuna, quae in generosis, quae (quamquam falso) vocantur, mentibus ludunt, re ipsa vero animum flaccidum reddunt, et ad strenuam officii praeceptionem surdum, atque ad vniuersam excellentiam dignitatemque humanae naturae in persona nostra colendam magnique faciendam et iura hominum (quibus longe aliud quid atque eorum felicitas continetur) omninoque ad omnia fixa rataque minus idoneum reddunt atque ineptum; ipsa oratio religiosa benevolentiae captationem humilem ac serpentem insinuationemque cominendans, de omni in propria potestate ad inale resistendum in nobis desperantem, pro strenua in consiliis capiendis animi firmitate ac praesentia virium, quae in omni fragilitate nostra tamen nobis adhuc relinquuntur, ad vincendas superandasque inclinationes experiendarum; falsa porro modestia illa, quae in se ipso despiciendo, in poenitentiaque ciulante simulando adfectata, animique constitutione solum patiente rationem ponit, qua sola summo iuniori nosmet reddere probatos possimus: haec omnia ne cum eo quidem conueniunt, quod ad pulcritudinem, multo autem minus cum eo, quod ad sublimitatem ingenii animorum posset numerari.

Verum impetuosi quoque motus animi, siue, nomine salutis, cum ideis religionis siue ut solum culturae proprii, cum ideis, quae commune quoddam inuitamen-

tum continent, coniungantur, quanto opere quoque phantasia contendat, nullo modo possunt laudem sibi exhibitionis *sublimis* arrogare, nisi teuiorem animi relinquunt, cuius, quamvis duntaxat indirecte, cum conscientia roboris sui dexteritatisque in consiliis capiendis ad id, quod formam finalem intellectualem puram in se cohibet (supra-sensibile) contagio videatur. Alias enim omnes permotiones illius tantummodo pertinent ad *motionem*, quam validitudinis causa amamus. Ille languor suavis, qui eiusmodi concussionem ex lusu adfectuum sequitur, fructio est, bonae incolumitatis ex aequilibrio variarum virium vitalium in nobis iustaurato, quae postremo eodem redit, quo ea, quam voluptarii orientales tam gratam iudicant, cum corpus suum quasi subigi, omnesque musculos et articulos molliter premi curant flectique, hoc tamen discriminine, ut illic principium mouens maximam partem in nobis, hic vero prorsus extra nos positum videatur. Multi se sacra putant oratione ad virtutem perductos, cum tamen nihil in eo virtutis (nullum bonarum normarum systema) adpareat; aut per tragoediam emendatos, qui tamen solum laeti sint de otio prospere transacto. Ergo subline semper, necesse est, *ad mentem* referatur, hoc est, ad normas, intellectuali ideisque rationalibus vim sensualitate superiorem impertiendi.

Nec metuendum est, sensum sublimitatis eiusmodi abstracto exhibitionis modo, qui respectu sensibilibum prorsus negatiuus redditur, facturum iacturam fore; namque phantasia, quamvis ultra sensibilia, nihil habet, quod queat tenere, tamen his ipsis cancellis remotis sentit sese interminatam; illaque separatio proinde exhibitio infiniti est, quae ob id ipsam quidem non nisi exhibitio potest solum negatiua esse, quae animum tamen dilatat. Haud scio, an in codice legum Iudaicarum ullus sublimior locus sit, quam praeceptio: noli tibi imaginem facere, nec ullum quodpiam simulacrum, neque eorum, quae in caelo sunt, neque eorum, quae in terra, neque quae sub terra sunt, nostris reliqua. Hac praeceptione sola potest

enthusiasmus doceri, quem populus Iudaicus tempore ex-culto suo erga religionem suam sensit, cum sese cum aliis populis conferret, vel ea superbia, quae Mohammedanismum iustillat. Idem etiam de repraesentatione legis moralis valet, et de iustitiis in nobis honesti et moralitatis. Metus est falsus oninino atque erroneus, forte, vt, si omnibus iis priuetur, quo ea possit sensibus commendari, in nulla tum alia, quam adprobatione aequa atque inanima versetur; nullamque vim mouentem in se permotionemue cohibeat. Id quod ipsum contrarium videtur; ibi enim, vbi nunc sensus nihil amplius sperare possunt, et tamen moralitatis idea haud confundenda nec exstinguenda relinquitur, magis opus foret, eleuationem phantasiae interminatae infinitaeque temperare, ne vsque ad enthusiasmum accrescat, quam, metu infirmitatis harum idearum, auxilium illi in simulacris adparatuque puerili petere. Idcirco quoque regimina lubenter potestatem fecere religionis hoc adparatu puerili large instruendae, atque ita subditis laborem, sed simul etiam facultatem adimere conata sunt, vires animi ultra carceres dilatandi, qui eis ex lubricine per arbitriumque constitui, et quo illi, vt solum patientes, facilius tractari possunt.

Haec exhibitio moralitatis pura, animumque eleuans, et solum negatiua e contrario nos non vocat in discrimen *fanatismi*, qui in *opinione* consistit, *ultra omnes sensualitatis terminos quidquam videre tonandi*, id est, ex principiis somniari (cum ratione insanire); ob eam ipsam causam, quoniam exhibitio in illa solum negatiua est. Namque *imperuestigabili ideae libertatis ratione* omnis exhibitionis positivae via prorsus iterque praecluditur: sed lex moralis per se in nobis idonea est et originarie determinans, ita vt ne potestatem quidem nobis faciat, alius praeter se determinandi rationis circumspectendae. Si enthusiasmus cum *errore* atque *delirio* conferri poterit, itidem fanaticus erit cum *insana dementiaque* comparandus, qui posterlor omnium minime cum sublimi conuenit, quoniam putide ridiculus est. In entusiasmo, vt adfectu, phantasia effrenis

est; in fanatismo, ut perpeffione fouente inueterata, regulis vacua. Ille casus est praeteriens, qui in mentem subinde vel sanissimam cadit; hic morbus, mentem euertens.

*Simplicitas* (forma finalis arte carens) quasi stilus naturae est in sublimi, et perinde quoque in moralitate, quae altera (suprasensibilis) natura est, cuius tantum leges nouimus, neque tamen facultatem suprasensitiuam in nobis, vel quae rationem huiusce legationis continet, videndo possumus adsequi.

Tandem vero notandum est, quamquam complacentia pulcri pariter atque sublinium, non solum per vniuersalem *communicabilitatem* inter caeteras diiudicationes aestheticas distinguitur, atque ex hac proprietate, respectu societatis (in qua istud communicari potest) inuitamentum adipiscitur, nihilominus tamen etiam *separationem ab omni societate*, ut quidpiam sublime spectari, si in ideis nitatur, vniuersum inuitamentum sensituum despicientibus. Sibi ipsi satis esse, nec proinde societatis haud indigere, nec tamen infocialem esse, id est, societatem fugere, quidpiam est, quod ad sublime accedit, uti quaeque necessitatum vacuitas. Contra hominum societatem auersari ex *misanthropia*, quoniam eos odio habes, aut ex *anthropophobia* (metu hominum), quia eos ut inimicos tuos metuis, partim tetrum est ac turpe, partim abiectum et contemnendum. Nihilominus quaedam (vehementer improprie sic dicta) *misanthropia* est, cuius initia cum senectute in multorum animis bene ab natura informatorum exsistere solent, ut, quae, quod *benevolentiam* spectat, satis humana et philanthropica est, sed a *complacentia* hominum per diuturnam experientiam tristem longe remota: id quod inclinatio testatur amorque solitudinis, desiderium votumque phantasticum in remota villa, vel etiam (in iuuenibus) somniata felicitas in insula reliqui mundi ignota, vna cum parua familia, vitam propagandi, qua auctores fabularum Romanensium, fictoresque euentorum mirabilium Robinsoneorum uti tam belle didicerunt. Falsitas, ingratus ani-

mus, iniuria, puerilia in finibus in nobis ipsis pro graui-  
bus et magnis reputatis, in quibus consequendis sectandis-  
que homines sibi inuicem, quae excogitari queunt, mala  
inferunt, cum idea eius, quod esse possent, si vellent,  
tam egregie pugnant, viuidoque desiderio, eos meliores  
videndi, tantopere aduersantur, ut, ne eos odio habea-  
mus, cum haud eos possimus amare, ut abdicatio omnium  
laetitiae socialis partium tantummodo parua esse iactura  
videatur. Haec tristitia de malis, non de iis, quae forte  
aliorum hominum nobis inmittuntur (cuius causa sympa-  
thia est), sed de malis, quae sibi in ipsis contrahunt, (quae  
posita est in antipathia decretorum principiorumue), quo-  
niam ideis nititur, sublimis est, interea dum illa fere tan-  
tum queat pulchra haberi. — *Sausurint*, in viuida pariter  
ac docta descriptione itinerum Alpensium refert, in monte  
quodam Sabaudiae, *Bonhomio*, *tristitiam* certam quan-  
dam absonam atque *absurdam* obtinere. Ergo noue-  
rat is quoque tristitiam *inuitantem* et vtilem, quam adspec-  
tus instillat solitudinis, in quam quidem transferri sese ho-  
mines optauerint, ut de mundo nihil quidquam amplius  
audiant, neque experiantur, quae ideo haud ita prorsus  
inhospitalis sit, oportebit, ut commorationem modo ho-  
minibus maxime molestam offerat. Quae quidem tantum-  
modo propterea moneo, ut indicem, atque declarem,  
etiam tristitiam (non abiectam moestitiam) posse ad ad-  
fectus strenuos numerari, si in ideis sit moralibus consti-  
tuta; si autem fundata in sympathia fuerit, et, qua talis,  
amabilis videatur, solum esse ad affectus *languidos* referen-  
dam: ut eo ad tenorem animi, quae in priori causa solum  
*sublimis* est, aciem lectoris aduertam atque intendam.

Atque cum hac expositione transcendentali iudicio-  
rum aetheticorum hactenus pertractata nunc etiam psycho-  
logica, quam *Burkius* multique acutissimi homines ex  
nostratibus tractauerunt, poterit comparari, ut planum  
fiat, quo per expositionem de sublimi pulcroque empiri-



cam ducamur. *Burkius*, dignus, qui in hoc tractationis genere auctor princeps nominetur, ea in via elicit: sensum sublimitatis in impetu sui ipsius conservandi *metuque*, id est, dolore quodam, positum videri, qui, quoniam non usque ad veram partium corporis eversionem accrescat, motus efficiat, quibus, cum subtiliora vasa vel crassiora periculosis molestisque obstructionibus purgent ac liberent, possint sensationes gratæ iucundæque excitari, haud voluptas illa quidem, verum species quaedam haud ingrati cuiuspiam horroris, certaque tranquillitas terrore mixta. Pulcrum, quod is in amore constituit (a quo tamen cupit adpetitum seiungi) ad remissionem, relaxationemque et languorem fibrarum corporis reuocat, proinde ad molitudinem, resolutionem, lassitudinem, nutationem, languoremque ex voluptate. Et iam confirmat hanc explicandi rationem non solum per exempla, in quibus phantasia cum intelligentia coniuncta, verum adeo cum sensatione sensitiva, in nobis possit, et pulcri sensum et sublimium excitare. — Ut observationes psychologicae hae phaenomenorum animi nostri analyses perbellae videntur, larginque praebent materiam investigationum iucundissimarum anthropologiae empiricae! Nec vero infitiri potest, omnes repraesentationes in nobis, siue obiective soluti sensuales sint, siue totae intellectuales, tamen subiective posse cum voluptate aut dolore, ut cumque utroque insensibili, coniungi (quoniam cunctae sensum vitae movent atque adficiunt, nullaque earum, quatenus mutatio subiecti est, esse indifferens potest); adeo, ut, quemadmodum Epicurus docuit, *voluptas dolorque* semper tamen postremo ad corpus pertineat, siue a phantasia incipiat, siue adeo a repraesentationibus intelligentiae: propterea quod vita sine sensu organi corporis solum in conscientia consistit existentiae suae; sed nullus sensus incolumitatis infirmitatisue, id est, promotionis impeditionisue virium vitalium sit; quoniam animus per se solus quantus quantus vita (ipsum vitae principium) est, et impedimenta promotionesque extra illum sunt et tamen in homine ipso, proinde in coniunctione cum corpore suo, anquirenda.

Quodsi autem complacentia rei obiectae tota in eo ponatur, ut haec illecebris aut permotione oblectet: ab nullo alio, oportebit, ut postulari queat, ut, cum iudicio aesthetico, quod *normet* pronunciamus, conspiret; de eo enim iure optimo suum quisque sensum privatum consulit. Tum vero omnis omnino censura gustus prorsus cessat; nisi exemplum, quod alii fortuito iudiciorum suorum consensu proponunt, pro *praecepto* statuatur adfectionis nostrae, cui quidem principio sine dubio obnoxii et ad ius naturale provocaturi essemus, ut iudicium, quod tactu propriae habitudinis proximo nititur, sui ipsius sensui, haud aliorum, subiiciatur.

Quodsi igitur iudicium gustus haud ad te *singulum*, sed secundum naturam internam suam, id est, propter ipsum, non propter exempla, ab aliis gustus sui propositis, necessario debeat ad *plures* pertinere, cum illud ut tale aestimatur, quod simul postulare possit, ut quisque sibi adfentiat; vllum quodpiam (sive obiectivum, sive subiectivum) principium anteseptum fundamento subfit, oportebit, ad quod legibus mutationum animi anquirendis nunquam potest perveniri: siquidem ex his tantum cognoscitur, quomodo iudicetur, non vero, quomodo debeat iudicari, praecipitur, et quidem ita ut praeceptum *absolutum* videatur; cuiusmodi gustus iudicia supponunt, propterea quod cupiunt, complacentiam cum repraesentatione quadam *proxima* coniungi. Ergo expositio iudiciorum aestheticorum initium capiat, ut materiam comparet investigationis cuiusdam altioris; expositio transcendentalis huiusce facultatis et fieri potest, et ad critice gustus necessario pertinet. Nisi enim is principia praesumta habeat, fieri non posset ut de aliorum iudiciis decernat, de iisque vel modo per aliquam iuris speciem, adprobantes reprobantesue sententias statuere.

Reliquis, quae analytice spectant facultatis iudicandi aestheticae, in primis continetur

DEDUCTIO IUDICIORVM AESTHETICORVM  
PVRORVM.

## §. 30.

*Deductio iudiciorum aestheticorum de rebus obiectis naturae, non ad id, quod in hac sublime vocamus, sed solum ad pulcrum dirigenda est.*

Ius iudicii aesthetici in valorem vniuersalem ad subiectum quodque, vt iudicii, quod in vilo quodam principio ex anticipatione niti debet, indiget deductionis (Id est legitimationis petitionum); quae praeter expositionem illius, oportebit, accedat, si scilicet complacentiam attingit displicentiamue *formae vel obiectae*. Eiusmodi iudicia gustus sunt de pulcro naturae. Tum enim formae finalis fundamentum est in re obiecta eiusque figura, etiam si adfectionem eius ad res alias ex conceptibus (ad cognitionis iudicium) iudicet; sed solum adprehensionem huius formae, quatenus *facultati* cum conceptuum, tum exhibitionis illorum (quae eadem est cum facultate adprehensionis) in animo sese conuenientem praebet, vniuerse attingit. Idcirco respectu pulcritudinis naturae variae possunt quaestiones proponi, quae causam spectant huiusce formarum conuenientiae: veluti quomodo enodare velis, cur natura tam profuse vbique pulcritudinem disperferit, vel in ipso Imo oceani fundo, quo perraro humanus oculus pertinet (cui illa tamen sola conueniens videtur) et quae sunt generis eiusdem.

Verum sublimitas naturae — si de ea iudicium aestheticum purum statuimus, quod non est cum conceptibus perfectionis, vt formae finalis obiectivae, mixtum; quod tum iudicium teleologicum foret — tota potest vt forma vacua aut deformis, nihilominus tamen vt res spectari complacentiae purae obnoxia, formamque finalem subiectiuam repraesentationis datae ostendere; et tunc quaeritur: an ad iudicium aestheticum huius generis, praeter expositionem eorum, quae in eo cogitantur, etiam deductio illius iuris

in ullum quodpiam principium (subiectiuum) possit ex anticipatione postulari.

Ad quam quidem quaestionem sic respondeo: sublimitatem naturae tantummodo improprie sic dici, proprieque solum animi ingenio, vel potius illius fundamento in natura humana attribui oportere. Vt huius tibi conscius fias, adprehensio rei obiectae alias forma destitutae et inconuenientis ansam praebet tantummodo; quae res hoc modo subiectiue fini conuenienter *usurpatur*, non vero quae talis *per se* et propter formam suam diiudicatur (quali species finalis accepta, non data). Quapropter expositio nostra iudiciorum de sublimitate naturae simul fuit eorum deductio. Namque, cum considerationem reflexionemque facultatis iudicandi in iis dissecaremus, inuenimus in iis rationem virium cognoscendi conuenientem, quae facultati finium (voluntati) ex anticipatione fundamento constituenta est, ideoque ipsa ex anticipatione conueniens videtur: quo tum continuo continetur deductio, id est, legitimatio iuris eiusmodi iudicii in valorem vniuerse necessarium.

Ergo nobis solum deductio iudiciorum gustus, hoc est, iudiciorum de pulcritudine rerum naturalium anquirenda erit, atque ita problemati vniuersae iudicandi facultatis aestheticae omnino satis faciemus.

### §. 31.

#### *De via et methodo iudiciorum gustus deducendorum.*

Necessitas deductionis, id est, euictionis iuris, generis cuiusdam iudiciorum, tantummodo locum habet, cum iudicium sibi necessitatem arrogat; quod tum quoque fieri debet, cum vniuersalitatem postulat subiectiuam, hoc est, cuiusque adprobationem: cum tamen interea nullum iudicium cognitionis sit, sed solum voluptatis taediue ex re obiecta data, hoc est, arrogata formae finalis subiectivae omnino ad quemque hominem valentis, quae nullis debet rei conceptibus inniti, quoniam iudicium gustus est.

Cum in posteriori casu nullum nobis iudicium cognitionis propositum sit, neque theoreticum, quod conceptum *naturae* in vniuersum per intelligentiam fundamento subternit, neque (purum) practicum, quod ideam libertatis, vt ex anticipatione per rationem datam, constituit; ideoque iudicium, quod neque, quid res sit, proponit, neque vt ego, ad eam producendam, aliquid agam, secundum eius valorem ex anticipatione deducendum videtur: solum *valor vniuersalis* iudicii *singularis*, quod formam finalem subiectiuam enunciat repraesentationis empiricae formae rei, ad facultatem iudicandi in genere probandus erit, vt enodetur, qui fieri queat, vt quidpiam possit in sola diiudicatione (sine sensatione conceptuae) placere, et, quemadmodum rei cuiuspiam obiectae in gratiam *cognitionis* generatim diiudicandae, regulae generales sint, si quoque complacentia cuiusque cuique alii liceat vt regula proponi.

Quodsi ergo haec vniuersalitas haud in colligendis suffragiis aliisque circum de ratione sentiendi illorum explorandis niti, sed quasi in antinomia quadam subiecti de sensu voluptatis (ex repraesentatione data) iudicantis, id est, in suo ipsius gustu posita esse, neque tamen quoque derivari a conceptibus debeat; eiusmodi iudicii — vt iudicium gustus reapse est, — duplex eaque logica proprietas videtur: scilicet *primo* vniuersalitas ex anticipatione, neque tamen vniuersalitas logica ex conceptibus, sed vniuersalitas iudicii singularis; *deinde* necessitas (quae semper, oportebit, in rationibus ex anticipatione posita sit), quae vero tamen ex nullis pendet argumentis ex anticipatione, quorum repraesentatione, quem ab vnoquoque iudicium gustus postulat, ad sensum possit extorqueri.

Extricatio harum proprietatum logicarum, quibus iudicium gustus ab vniuersis cognitionis iudiciis distinguitur, si hoc loco ab omni eius materia, scilicet sensu voluptatis mentem initio cogitationemque auocamus, solumque formam aestheticam cum forma iudiciorum obiectiuorum, vt eam logica praecipit, comparamus, sola erit ad deductio-

nem mirae huiusce facultatis idonea. Has igitur proprietates gustus distinctiuas antea, exemplis illustratas, proponemus.

§. 32.

*Prima iudicii gustus proprietas.*

Iudicium gustus rem sibi propositam respectu complacentiae (vt pulcritudinem) cum iure quodam determinat in cuiusque adfensionem, quasi foret obiectiuum.

Si dicas: hic flos pulcher est, idem facies, ac si illum suum ipsius ius in cuiusque complacentiam profitentem dicendo sequaris. Per iucunditatem odoris nulla illi prorsus iura competunt. Alium inuat hic odor, alterius caput idem hebetat. Quid igitur suspicari aliud debeas, quam pulcritudinem pro proprietate ipsius floris reputandam esse, quae sese haud ad diuersitatem capitum totque sensuum componat, se ad quem haec sese debeant componere, si de eo velit iudicare? Et tamen sic se non habet. In eo enim ipso iudicium gustus consistit, quod rem ex ea solum qualitate pulcram vocat, in qua nostram se adprehendendi rationem sequitur.

Praeterea ab vnoquoque, quo gustus debet subiecti prodi, iudicio postulatur: vt subiectum per se, neque per experientiam in iudiciis aliorum circum palpare coactum, de complacentiaque vel displicentia eorum ex ea re ante edoctum, iudicet, proinde iudicium laud vt imitationem, quia fere res quaedam reapse vniuerse placet, debeat, sed ex anticipationem conceptum obiectae rei contineri oportere, cuius cognoscendae principium in sese colibeat; verum iudicium gustus nullo modo conceptibus nititur, omninoque haud in cognitione, sed solum in iudicio aesthetico versatur.

Idcirco poeta recens a persuasionem, carmen suum pulcrum esse, non potest per iudicium populi, nec amicorum abduci; et, si eos audiat, non sit propterea, quod nunc

• illud aliter diiudicat, sed quia, etiamsi (certe respectu sui) vniuersus populus falso gustu laboraret, tamen (vel contra iudicium suum) in cupiditate sua promerendi adensus causam videt, ad opinionem sese communem componendi. Serius demum modo, facultate iudicandi magis exacuta, sponte pristinum iudicium mittit; vti eandem quoque iudiciorum rationem obseruat, quae prorsus pendent ex ratione. Gustus solum sibi autonomiam arrogat. Si aliena iudicia faceret rationem iudicii sui determinandi, id quidem heteronomia foret.

Quod veterum opera iure pro exemplis commendantur, eorum auctores classici dicuntur, instar cuiusdam inter scriptores nobilitatis, populo legis praeiungendo ferentis: videtur gustus fontes ex aduentitio (a posteriori) indicare, eiusque in subiecto quouis autonomiam confutare. Verum eodem iure dicere possis, veteres mathematicos, qui huc usque summae et subtilitatis et elegantiae viae methodique syntheticae, quibus aegre superfederi possit, exemplaria putantur, etiam rationem imitantem ex nostra parte arguere, impotentiamque illius, ex se ipsa strenua argumenta cum summa visione atque intuitione, ex conceptibus construendis, producendi. Nullus omnino virium nostrarum usus est, quamuis liber ille sit, ipsiusque rationis (quae vniuersa iudicia ex fonte, oportebit, communem ex anticipatione hauriat), qui, si quodque subiectum semper prorsus a rudibus naturae initiis incipere deberet, haud in conatus incideret vitiosos, nisi illud alii suis antegressi forent, non vt sequentes soli imitatores efficerentur, verum vt alii ratione sua in viam ducantur, ad principia in se ipsis quaerenda, atque ita proprium, saepe melius, iter suum instituendum. In ipsa religione, vbi profecto quisque agendi regulam, oportebit, ex se ipso depromat, quoniam eius quoque illi reddenda ratio erit, culpamque peccatorum non potest in alios, velut magistros, auctoresue transferre, tamen numquam praeceptis vniuersalibus, vel a sacerdotibus acceptis vel philosophis, vel etiam ex se ipso depromtis, tantum effici poterit, quantum quodam virtutis

sanctitatisue exemplo, quo, in historia proposito, autonomia virtutis, ex propria et originaria moralitatis (ex anteceptione) ideo superuacanea redditur, nec haec in mechanismum imitationis mutatur. *Scitatio*, quae antecessorem ipsoiuit, non imitatio, verbum conueniens est cuique contagioni quae esse potest effectorum, auctoris exemplaris cum aliis; id quod hanc modo vini habet, ut idem declarat, atque ex iisdem fontibus haurire, unde ille ipse hauserat, atque ab antecessore viam rationemque discere, qua in eo nosmet gerere debeamus. Omnium autem facultatum munereque naturae gustus, cuius quippe iudicium non ex conceptibus poterit, sed per praescriptiones determinari; maxime exemplis indiget eorum, quae in progressu culturae diutissime plausum sunt approbationemque experta, quo minus breui denuo recrudescat, in ruditatemque pristinam relabatur.

## §. 33.

*Altera iudicii gustus proprietas.*

Iudicium gustus, quasi solum foret *subiectum*, nullo modo potest argumentis determinari.

Si quis aedificium, prospectumue aut carmen haud pulcrum iudicat, *primo* ad sensum sibi haud sexcentis, quae illud laudibus esserunt, suffragiis patitur obtrudi. Poterit quidem simulare, et sibi istud placere, ne gustus destitutus videatur; poterit adeo dubius fieri, an etiam gustum cognoscenda rerum certi cuiuspiam generis multitudinis sat magna, satis sibi informasset (velut is, qui e longinquo quidpiam videre syluam putat, quod cunctis aliis vrbs videtur, dubitat de sui ipsius ad spectus iudicio). Hoc tamen intelligit perspicue: ad sensum aliorum nullum omnino argumentum esse, quod ad pulcritudinem valeat iudicandam; alios fere sui loco videre posse et obseruare, et quod multi eodem modo viderunt, idoneo sibi, qui istud secus vidisse existimat, argumento theoretico, proinde logico esse, numquam vero id, quod aliis placuit, seruire fundamento posse iudicii aesthetici. Iudicium aliorum nobis aduer-



ferium nos iure quidem reddere de nostro dubios potest, nunquam autem de falsitate illius convincere. Ergo nullum exstat *argumentum* empiricum, quo iudicium gustus possit cuiquam extorqueri.

*Deinde* multo minus potest argumento ex anticipatione ad certas determinatasque regulas iudicium de pulcritudine determinari. Si quis mihi carmen suum recitet, aut ad ludum scenicum me ducat, quo palatum haud sentiam demulceri, *Batteuxium Lessingiumque*, aut alios vetustiores clarioresque gustus censores, et vniuersas ab iis propositas regulas argumento adferre poterit, quibus, carmen suum pulcrum esse, euincat; poterunt quoque certi loci quidam, qui iidem mihi displicent, cum pulcritudinis regulis (vti illis datae sunt vniuersaeque adprobatae) apte conuenire: obturo aurem, nec argumenta volo, nec argutationem audire, priusque, regulas criticorum illas falsas vel certe hoc loco haud adhibendas statuam, quam vt iudicium patiar argumentis ex anticipatione determinari, cum iudicium gustus debeat, non intelligentiae rationisue videri.

Quod quidem in causis esse praecipuis videtur, cur hanc iudicandi facultatem aestheticam ipso gustus nomine norimus designatam. Poterit enim quispiam omnes partes cibi cuiuspiam adpositi recensere, et vnamquamque earum alias mihi gratam esse adseuerare, praeterea quoque istius cibi ad salutudinem vtilitatem iure optimo laudare; ad vniuersas rationes istas surdus ero, cibumque ad linguam *meam* et palatum experiar: ac tum demum (non ex principiis vniuersalibus) iudicium pronuntiabo,

Reapse iudicium gustus vsque quaque, vt iudicium de re obiecta singulare, pronuntiatur. Intelligentia comparanda re obiecta potest ratione eius, quod placet, cum iudicio aliorum, iudicium vniuersale constituere; velut omnia tulipana pulcra sunt; sed tum iudicium istud non est iudicium gustus, sed logicum iudicium, quod adfectionem rei cuiuspiam ad gustum rei certi cuiusdam generis attribuit vniuersae; id vero, quo singulare tulipanum pro-

positum oblatumque pulcrum, hoc est, meam illius complacentiam vniuersalem iudico, solum gustus iudicium videtur. Eius autem proprietas consistit in eo, vt, quamuis tantummodo valorem subiectiuum habet, tamen *omnibus* illud subiectis ita potiat, vt vnquam fieri posset, si iudicium foret obiectiuum, et argumento posset extorqueri.

§. 34.

*Nullum potest principium gustus obiectiuum esse.*

Principium gustus diceretur decretum, ad cuius conditionem conceptus rei cuiusdam obiectae adsumi posset, tumque, eam pulcram esse, conclusione elici. Id quod fieri nullo modo potest. Namque proxime ex repraesentatione illius, necesse est, me voluptatem sentire, neque ea vllis potest rationibus garriendo tradi. Etsi igitur, vt *Humius* ait, censores possunt speciosius argutari coquis, tamen eorum fors eadem videtur. Rationem iudicii sui determinandi non possunt a vi rationum, sed solum a consideratione reflexioneque subiecti de suo ipsius statu (voluptatis taediue), cunctis praeceptionibus regulisque reiectis, expectare.

De quo vero critici nihilominus et possunt argutari et debent, ita vt iudiciis gustus nostris istud perficiendis proficit ac dilatandis, id non cernitur in ratione iudiciorum aestheticorum huius generis determinandorum in formula quadam vtili vniuersali proponenda, quod fieri non potest; verum in facultatibus cognoscendi earumque negotiis in his iudiciis inuestigandis, mutuaeque forma finali subiectiua, cuius formam supra docuimus in repraesentatione data pulcritudinem rei sibi subiectae esse, in exemplis explicanda. Ergo critice gustus ipsa solum subiectiua est, respectu repraesentationis, qua res nobis quaedam datur atque offertur: ea nimirum ars est siue scientia, mutuae et intelligentiae et phantasiae ad se inuicem relationis in repraesentatione data (nullo respectu habito sensationis antegressae conceptusue) proinde conuenientiae vel inconuenientiae illarum, regulis comprehendendae, respectuque conditionum earum determi-

nandae. Ea *ars* est, cum illud solum in exemplis demonstrat; ea *scientia* est, cum possibilitatem eiusmodi diiudicationis ab natura harum facultatum deriuat, ut facultatum cognoscendi generatim. Cum hac posteriori, ut critica transcendentali, sola hoc loco omnino nobis negotium erit. Ea principium gustus subiectiuum, ut principium facultatis iudicandi anteceptum euoluere debet ac deducere. Critice, qua ars, regulas tantummodo physiologicas (hoc loco psychologicas) proinde empiricas, ex quibus gustus reapse agit (nulla de possibilitate illarum cogitatione instituta) ad res illi obnoxias diiudicandas adhibere conatur, effectaque artis pulerae censet; quetnadmodum *illa* facultatem ipsam, eius diiudicandae.

### §. 35.

*Principium gustus est principium subiectiuum facultatis iudicandi in vniuersum.*

Iudicium gustus eo ab logico distinguitur, quod iudicium logicum repraesentationem ad conceptum rei obiectae adsumit, sed iudicium gustus minime ad conceptum adsumit, quoniam alioquin adsensio necessaria et vniuersalis argumentis extorqueretur. Nihilominus illud in eo logici simile est, quoniam vniuersalitatem necessitatemque praefert, non vero ex conceptibus rei obiectae, proinde solum subiectiuum. Quoniam autem conceptibus in iudicio materia eius (id quod ad rem pertinet obiectam cognoscendam) efficitur, sed iudicium gustus non potest per conceptus determinari, nititur illud duntaxat in conditione formali subiectiuum iudicii in vniuersum. Condicio subiectiuum omnium iudiciorum est ipsa iudicandi facultas. Haec, respectu repraesentationis, qua res quaedam datur, cogitata, opus habet virium repraesentatiuarum duarum conspiratione; scilicet et phantasia (ad visionem variorumque in ea compositionem) et intelligentia (ad conceptum ut repraesentationem unitatis huiusce compositionis). Quia vero hoc loco iudicio nullus obiectae rei conceptus fundamento subest, poterit illud tantummodo in ipsa phantasiae adsumptione

(in repraesentatione, qua res quaedam datur atque offertur) ad conditiones consistere, ut intelligentia omnino a visionibus perveniat ad conceptus. Quippe quoniam in eo ipsa, quod phantasia sine conceptu schemata depingit, libertas eius versatur; iudicium gustus in sola sensatione phantasiae mutuo se animantis in *libertate* sua; intelligentiaeque cum sua *legalitate*, proinde in sensu, necesse est, nitatur, quo res obiecta possit ex forma repraesentationis (qua res obiecta datur) finali ad cognoscendi facultatem promouendam in lusu suo libero diiudicari; et gustus, ut facultas iudicandi subiectiva, principium adsumtionis continet, non vero visionum, ad *conceptus*, sed *facultatis* visionum aut exhibitionum (id est, phantasiae) ad conceptuum *facultatem* (hoc est, intelligentiam, quatenus visionum facultas in *libertate* sua cum facultate conceptuum in *legalitate* eius convenit et conspirat.

Ad hanc iuris rationem ex deductione iudiciorum gustus aperiendam, solum proprietates iudiciorum huius generis formales, proinde quatenus in iis solum formae logica spectatur, nobis esse pro duce poterunt.

#### §. 36.

#### *De problemate iudiciorum gustus deducendorum.*

Cum perceptione rei cuiuspiam obiectae proxime conceptus potest obiectae rei in genere, cuius illa praedicata empirica continet, in iudicio cognitionis coniungi, eoque iudicium experientiae gigni. Huic igitur fundamento conceptus praesumpti sunt unitatis variorum syntheticae in visione, ut ea qua obiectae rei determinatio cogitentur; iique conceptus (categoriae) indigent deductionis, quam etiam dedimus in critice rationis purae, qua quidem poterat quoque quaestionis enodatio confici: qui iudicia cognitionis synthetica ex anticipatione esse possunt? Quae itaque quaestio principia attingit anticipata intelligentiae purae, eiusque iudiciorum theoreticorum.

Verum cum perceptione etiam proxime potest sensus voluptatis (taediiue) et complacentia copulari, rei comi-

tans repræsentationem obiectæ, illique seruiens instar prædicati, atque ita iudicium æstheticum, quod nullum cognitionis iudicium est, oriri. Eiusmodi iudicio, nisi solum sensationis iudicium sit, sed reflexionis formale, hanc complacentiam ab vnoquoque postulans vt necessariam, quidpiam fundamento sublit vt principium præsumtum, quod fere solum poterit subiectuum esse (si fieri non posset vt iudiciorum eiusmodi aliquod obiectiuum esset), verum etiam qua tale deductionis indiget, vt, quomodo iudicium æstheticum postulare necessitatem queat, comprehendatur. Atque in eo quidem quaestio posita est, in qua nunc occupamur: quomodo fieri possunt iudicia gustus? Quæ igitur quaestio principia anticipata facultatis iudicandi puræ in iudiciis *æstheticis* attingit, hoc est, in iis, in quibus haud (vti in theoreticis) ad conceptus intelligentiæ obiectiuos illi adsumendum est, neque ea cuidam legi subest, verum vbi sibi ipsa, subiectiue, cum res proposita, tum lex videtur.

Atque ea quaestio sic quoque poterit enunciari: Quomodo fieri iudicium potest, quod solum ex sensu voluptatis *proprio* in re quadam obiecta, ab eius conceptu liberum, hanc voluptatem, vt repræsentationi illius obiectæ rei *in quouis subiecto alio* adhaerentem, ex anticipatione, hoc est, ita, vt nullam debeat adfensionem alienam expectare, diiudicet?

Iudicia gustus in syntheticis esse, facile intelligitur, siquidem ea conceptum, ipsamque obiectæ rei visionem transeunt, et quidpiam, quod ne in cognitione consistit, nempe sensum voluptatis (taediute) ad illam adiungunt vt prædicatum. Ea vero, quamquam prædicatum (voluptatis *proprie* cum repræsentatione coniunctæ) empiricum est, tamen, quod postulata attinet *a quoque homine* adfensionem, iudicia ex anticipatione esse, aut pro iis cupere haberi, itidem iam in vocabulis iuris eorum inest; atque ita hæc quaestio critices facultatis iudicandi ad problema vniuersale pertinet philosophiæ transcendentalis: quomodo fieri possunt iudicia synthetica ex anticipatione?

## §. 37.

*Quid proprie in iudicio gustus de re quadam obiecta ex anticipatione adferitur?*

Rei cuiuspiam obiectae repraesentationem proxime coniunctam cum voluptate esse, tantummodo potest interne percipi, solumque, si non nisi hoc iudicare velles, iudicium empiricum inde existeret. Neque enim ex anticipatione possum cum vlla repraesentatione certum quemdam determinatumque sensum (voluptatis taediiue) copulare, praeterquam principium ex anticipatione voluntatem determinans in ratione fundamento subest, tum scilicet voluptas (in sensu morali) eius consequens est, ob id ipsum autem nullo modo potest cum voluptate in gustu comparari, quoniam ea conceptum legis determinatum postulat: cum e contrario proxime cum sola diiudicatione coniuncta esse, ante omnem conceptum, debeat. Idcirco omnia quoque gustus iudicia in iudiciis singularibus versantur, quoniam praedictum complacentiae non cum conceptu coniungunt, sed cum data repraesentatione empirica singulari.

Ergo haud voluptas, sed *universalitas huius voluptatis*, quae cum sola rei cuiuspiam diiudicatione in animo ut coniuncta percipitur, ex anticipatione ut generalis iudicandi facultatis regula, ad unumquemque valens, in iudicio gustus repraesentatur. Iudicium empiricum est: me rem obiectam quandam cum voluptate percipere ac diiudicare. Sed iudicium est ex anticipatione: me illam pulcram habere, hoc est, illam complacentiam ab unoquoque memet ut necessariam postulare.

## §. 38.

*Deductio iudiciorum gustus.*

Concesso hoc: in iudicio gustus puro complacentiam rei obiectae coniunctam esse cum sola formae illius diiudicatione; planum erit, illud non, nisi in forma finali illius subiectiva versari ad facultatem iudicandi, quam cum rei obiectae repraesentatione in animo coniunctam sensu per-

cipimus. Cum vero vis iudicandi respectu regularum diiudicationis formalium, sine omni materia (nec sensatione nec conceptu), tantummodo ad conditiones subiectiuas vsus facultatis iudicandi generatim (neque ad peculiare sensus genus, neque peculiarem intelligentiae conceptum accommodatae) spectare queat; proinde illa subiectiua ratio, quae in cunctis hominibus (vt ad cognitionem possibilem in vniuersum necessaria) possit supponi: necesse est, vt conuenientia repraesentationis cuiuspiam cum his iudicandi facultatis repraesentationibus vt ad vniuersumque valens sumi queat ex anticipatione. Nimirum voluptas formae finalis repraesentationis subiectiua pro adfectione virium cognoscendi in re diiudicanda sensibili in genere, iure poterit ab vnoquoque postulari \*).

### S c h o l i o n.

Haec deductio propterea nulla prorsus difficultate laborat, quoniam non est, cur realitatem cuiuspiam conceptus obiectionum doceat ac tueatur; neque enim pulchritudo cernitur in conceptu rei obiectionis, neque iudicium gustus in cognitionis iudicio versatur. Illud hanc modo vim habet: nos iure posse easdem iudicandi facultatis conditiones subiectiuas vniuersae in vnoquoque homine supponere, quas in nobis deprehendimus; nosque ad conditio-

\*) Vt iure possis ad sensum postulare vniuersalem iudicio solum in rationibus subiectiuis posito facultatis iudicandi aestheticae, satis erit, vt concedatur: 1) in omnibus hominibus, quod adfectionem attinet virium cognoscendi excitatarum ad cognitionem generatim, conditiones subiectiuas huius facultatis easdem esse; quod verum sit, oportebit, quoniam alioquin haud possent cogitationes suas ipsantque cognitionem homines cum aliis communicare. 2) Iudicium solum huiusce adfectionis (proinde conditionis formalis) facultatis iudicandi rationem habuisse, ac purum esse, hoc est, neque cum conceptibus obiectionis rei mixtum neque cum sensationibus, vt rationibus determinandi. Etiam si respectu huius posterioris peccatum fuerit, hoc tamen tantummodo falsum iuris potestatisque vsu attingit, legem nobis dictantis, ad singularem causam, quo vero ius omnino atque potestas minime tollitur.

nes eas rem obiectam datam rite adsumfisse. Quae quidem adsumptio quamuis haud careat difficultatibus necessariis, vi iudicandi logicae haud adhaerentibus, (quoniam in hac ad conceptus, sed in aesthetica ad adfectionem solum sensu percipiendam, phantasiae intelligentiaeque in forma obiectae rei repraesentata mutuo inter se inuicem determinantium adsumitur, vbi facile adsumptio fallere potest); tamen eo legalitati iuris facultatis iudicandi, adfensionem vniuersalem exspectandi, nihil quidquam adimitur, quod eo solum credit, vt veritas principii ex rationibus subiectiuis, ita vt ad vnumquemque valeat, diiudicetur. Namque difficultate quidem dubiisque de veritate adsumptionis ad principium illud, legitima iuris ratio ad huncce iudicii aesthetici valorem vniuersae, proinde principium ipsum, tam parum dubia atque incerta redditur, quam itidem (quamquam haud tam saepe ac facile) vitiosa adsumptione facultatis iudicandi logicae ad principium illius, hoc posterius, quod obiectiuum est, anceps reddi dubiumque poterit. Quodsi autem quaestio foret: qui fieri potest, vt natura tamquam complexus rerum sub gustum subiectarum ex anticipatione sumatur? illius quaestionis adfectio erit ad teleologiam referenda, quoniam vt finis naturae spectari deberet, conceptui eius necessario adhaerens, vt facultatis iudicandi nostrae formae conuenientes proponantur. Sed de veritate huius sumptionis adhuc vehementer dubitandum videtur, propterea quod existentia pulchritudinum naturae patent experientiae.

### §. 39.

#### *De communicabilitate sensationis.*

Sensatio cum, tamquam reale perceptionis, refertur ad cognitionem, sensatio sensus dicitur, et ratio qualitatis illius specifica, tantummodo vt perpetuo aequali modo communicabilis poterit repraesentari, si sumseris, quemque sensum habere nostro aequalem: id quod autem de sensatione sensus nullo modo poterit supponi. Sic cum eo, qui sensu odoris priuatus est, non potest hoc sensationis genus communicari; adeoque, si illo haud sit is destitutus,



tamen esse certi possumus, an eadem ipsa, qua nosmet perfundimur, floris sensatione adficiatur. Longe autem magis diuerfos respectu *iucunditatis iniucunditatisque* in vna eademque re sensibus proposita sensu percipienda, homines nosmet, oportebit, cogitemus; et nullo modo postulari potest, vt voluptas ex eiusmodi rebus ab vnoquoque concedatur. Voluptatem huius generis, quoniam per sensum in animum venit, et nosmet in eo proinde gerimus patientes, voluptatem poteris *fruitionis* adpellare.

Contra complacentia actionis propter qualitatem illius moralem nulla est fruitionis voluptas, sed spontaneitatis, eiusque cum ideis determinationis suae conuenientia. Hic sensus autem, qui dicitur moralis, conceptus postulat; nullamque liberam, sed legalem formam finalem exhibet, nec proinde aliter, quam interueniente ratione, et, si voluptas in vnoquoque similis esse et homogenea debeat, per practicos rationis conceptus admodum determinatos, potest vniuerse communicari.

Voluptas ex subtilitate naturae, vt voluptas contemplationis argutantis, item etiam comunionem vniuersalem postulat, sed tamen alium quendam sensum iam supponit, sensum quippe determinationis suae suprasensitivae: cuius, quantumvis obscura, initia ac fundamenta moralia videntur. Verum alios homines illius rationem habere, in contemplandaque horrida naturae magnitudine sese fore delectaturos (quod sane eius non poterit adpectui tribui, quippe qui potius deterret), haud licebit mihi simpliciter supponere. Nihilominus tamen, quatenus initiorum illorum moralium ratio haberi data quavis occasione opportuna deberet, illam quoque complacentiam possum ab vnoquoque postulare, sed solum interuentu legis moralis, quae ex sua quidem parte rursus est in conceptibus rationis fundata.

Contra voluptas e pulcro neque fruitionis voluptas est, neque actionis cuiuspiam legalis neque contemplationis ex ideis argutantis, verum solius considerationis reflexionisque. Nullius cuiuspiam finis decretivae norma,

instructa, haec voluptas communem rei obiectae per phantasiae adprehensionem comitatur, ut facultas visionum, respectu intelligentiae, ut facultatis conceptuum, ope rationis cuiuspiam iudicandi facultatis, quam in gratiam servare eam experientiae vel vulgarissimae oportebit: ita quidem, ut hic id facere cogatur ad percipiendum conceptum empiricum obiectuum, illic vero (in diiudicatione aethetica) solum ad convenientiam cum occupatione harmonica (subiectivae finali) ambarum cognoscendi facultatum in libertate illarum percipiendam. Hanc voluptatem, necesse est, in unoquoque homine iisdem conditionibus niti, quoniam conditiones sunt subiectivae possibilitatis cuiuspiam cognitionis generatum, ratioque earum cognoscendi virium, ad gustum necessaria, etiam ad intelligentiam communem sanamque, quam in quovis licet supponi, postulatur. Sed ob eam ipsam causam is, qui cum gustu iudicat, (modo ne in ista conscientia erret, nec materiam pro forma capiat, pro pulcritudine illecebras) formam finalem obiectivam poterit, hoc est, complacentiam obiectae rei a quovis alio postulare, sensumque suum ut univarse communicabilem, et nullo quidem conceptuum interuentu sumere.

#### §. 40.

##### *De gustu ut genere sensus communis.*

Saepe numero iudicandi facultatem, cum non tam illius reflexio consideratioque potest, quam consecutio animaduerti, sensus nomine induimus, de sensuque veri, decori, iusti et similium loquimur; etsi sciamus, certe debere scire, non sensum esse, in quo conceptuum queat sedes videri, multo minus hunc minime aptum esse ad regulas universales pronunciandas: sed nobis non posse de vero, decoro, pulcro, iustoque unquam eiusmodi cogitationem in mentem venire, nisi nosmet ultra sensus ad altiores cognoscendi facultates eleuaremus. *Intelligentiae communis*, quae, ut solum sana, (nondum exulta) intelligentia, pro re minima vilissimaque habetur, quod unquam queat ab eo, qui titulum sibi dignitatemque hominis vin-

dicat, expectari, laus iniuria est, vt nomine sensus communis ornatur; atque ita quidem, vt vocabulo *communis* in multis linguis recentioribus idem denotetur ac *vulgare*, quod vbique inuenitur, in cuius possessione nullum prorsus meritum, nullaue praeslantia inest.

Contra sensui *communi* idea subiicienda est sensus cuiuspiam, qui multorum in comunione versetur, hoc est, facultatis iudicandi, in reflexione sua repraesentandi modi alius cuiusuis in mente (ex anticipatione) rationem habentis vt *quasi* cum vniuersa ratione humana iudicium suum conferat, eoque illusionem effugiat, cuius ex conditionibus priuatis subiectiuis, quae facile haberi pro obiectiuis possent, cum iudicio noxia contagio foret. Hoc autem sit, iudicio tuo cum aliorum, non tam veris, quam potius solum possibilibus iudiciis comparando, teque in locum cuiusque alius collocando, dem solum ab limitationibus, quae propriae diiudicationi nostrae fortuito adhaerent, cogitationem auocas atque abducis: quod vicissim eo efficitur, vt id, quod in statu repraesentationis materia, id est, sensatio est, quantum fieri potest, omittatur, solumque ad proprietates formales repraesentationum tuarum, statusue repraesentationum tui, animum aduertas. Iam quidem haec reflexionis operatio fortasse nimis artificiosa videtur, quam vt facultati queat, quem sensum *communem* vocamus, attribui; verum sic modo videtur speciemque habet, formulis abstractis enunciata; per se autem nihil naturae conuenientius est, quam vt ab illecebris et permotione nobis temperemus, cum iudicium quaerimus, quod esse pro regula debeat vniuersali.

Sequuntur normae intelligentiae communis, quae huc quidem, vt partes critices gustus, non pertinent, sed tamen facere possunt ad decreta illius illustranda. Quae quidem sic se habent: 1) vt ex temet ipso cogites; 2) vt ex loco cogites cuiusque alterius; 3) vt semper tibi ipsi conuenienter cogites. Illa prima norma est *mentis ab opinione praeeiudicata liberae*, altera *mentis dilatatae*, tertia denique *mentis sibi constantis*. Prima est norma rationis numquam

*passivae*. Inclinatio ad rationem passivam, proinde ad rationis heteronomiam *opinio praepiudicata* vocatur; omniumque opinionum praepiudicarum maxima et gravissima est, cum regulae naturae, quas intelligentia illi per legem propriam illius essentiali fundamento sublemit, ut haud subiectae cogitentur, hoc est, *superstitio*. Vaciter ab superstitione atque libertas dicitur *cultus ingenii* mentem omnemque vitam quasi collustrans \*); quia, quamquam in hoc verbo etiam vis inest liberationis ab opinionibus praepiudicatis, tamen illa in sensu eminenti opinio praepiudicata dici meretur, propterea quod caecitate, in quam superstitio praecipitat, quamque adeo tamquam officium quoddam ea postulat, necessitas, ut nos ab aliis ducamur, proinde status rationis passivae praesertim distinguitur. Quod alteram mentis ingenii normam attinet, alias quidem illum solemus limitatum angustumque et circumscriptum (quod contrarium est *dilatato* et amplo) vocare, cuius dotes animi haud sunt ad magnum usum (intensivum in primis) idoneae. Sed hoc loco non facultate cognitionis sermo est, sed *ingenio mentis* convenienter utendo: quod, ut maxime curtus angustusque ambitus sit gradusque, ad quem naturae munus in homine pertinet, tamen virum declarat *ingenii mentis dilatatoris* ampliorisque, si subiectivas iudicii conditiones priuatas, quibus tot alii coarctati compressique tenentur, despiciere potest, et ex *statione uniuersali* (quam eo tantum determinare poterit, ut in stationem se

\*) Facile intelligitur, cultum ingenii in thesi quidem facilem, sed in hypothese rem esse arduam tardeque efficiendam; quoniam, ut ratione sua haud passivae, sed semper sibi ipse legem ferens se gerat, admodum quidem homini facile erit, qui modo fini essentiali suo conueniens esse et consentaneus vult, neque id, quod intelligentiam suam superat, nosse cupit; verum, cum vix evitari possit sciendi cupiditas res eas, quae vim omnem fugiunt notionemque nostram, neque aliorum penuria nunquam videatur, qui istum scientiae ardorem se posse extinguere maxime fidenter pollicentur; sequitur, ut difficile arduumque negotium sit, rationis negatiuae (qua proprie cultus ingenii efficitur) in mentis ingenio (praesertim publico) vel conservandae, vel instaurandae.

aliorum cogitatione transferat) suo ipsius iudicio considerat et reflectit. Tertia denique mentis ingenii *sibi constantis* norma omnium difficillime poterit attingi, et solum quoque ambabus illis primis coniungendis, habituque ex frequentiori illarum usu parto potest attingi. Dici potest: earum normarum primam intelligentiae normam esse, alteram facultatis iudicandi, rationis tertiam. —

Iam si cum his inculcatis missum denuo prehensens, sic sentio: gustum maiori iure sensum communem dici posse, quam intelligentiam communem, facultatemque iudicandi aestheticam magis quam intellectualem nomen posse sensus communis \*) gerere, si adeo vocabulo sensus uti de effectu velis solius ad animum reflexionis: tum enim sensum intelligimus sensum voluptatis. Posset adeo gustus per facultatem definiri iudicandi de eo, quo sensus noster in quadam perceptione data nullo interueniente conceptu *universe communicabilis* reddatur.

Dexteritas hominum cogitata cum aliis communicandi postulat etiam adfectionem quamdam phantasiae ad intelligentiam, ut conceptibus visiones et his vicissim conceptus adiungantur, in unam cognitionem coeuntes; tum vero concentus ambarum virium animi *legalis* est, sub vi et coactione conceptuum determinatorum. Tum solum, cum phantasia in libertate sua intelligentiam excitat, sine conceptibusque phantasia conuenienter mouet; tum repraesentatio sui copiam facit, non ut cogitatum, sed ut sensus internus conuenientis culuspium status animi.

Ergo gustus cernitur in facultate communicabilitatem tactuum sensorumque, cum repraesentationibus datis (nullo interueniente conceptu) coniunctorum, ex anticipatione diiudicandi.

Quod si sumi liceret, solum communicabilitatem universalem sensus nostri tactusque per se iam quoddam nobis

\*) Gustus posset sensus communis *aestheticus*, sed intelligentis communis sensus communis *logicus* adpellari.

inuitamentum cohibere in se oportere (quod vero iure non potest ex qualitate atque natura facultatis iudicandi solum reflectentis concludi); posset ratio doceri, quare sensus in iudicio gustus velut officium ab vnoquoque postuletur.

§. 41.

*De inuitamento pulcri empirico.*

Iudicium gustus, quo aliquid pulcrum declaratur, nullum oportere inuitamentum habere pro *ratione determinandi*, satis supra disputauimus. Inde vero non sequitur, vt, posteaquam vt iudicium aestheticum purum, datum fuerit, nullum queat inuitamentum cum eo coniungi. Ea vero coniunctio tantummodo poterit indirecta esse, nimirum gustus, necesse est, primo coniunctus cum quadam re alia repraesentetur, vt cum sola complacentia solius reflexionis de re quadam obiecta praeterea *voluptas* queat *ex existentia* illius (quippe in qua vniuersum inuitamentum cernitur) coniungi. Hic enim in iudicio estetico locum habet, quod in iudicio cognitionis (de rebus vniuerse) dicitur, a posse ad esse non valet consequentia. Iam illa res alia non potest nisi empirica esse, nempe inclinatio, naturae humanae propria; aut intellectuale quidpiam, vt voluntatis proprietas, quo ex anticipatione possit per rationem determinari: ambobus complacentia existentiae inest obiectae rei, atque ita iis fundamentum inuitamentum constituit illius, quod iam per se, nulloque vllius cuiuspiam inuitamenti respectu habito inest.

Empirice capit pulcrum atque inuitat duntaxat in *societate*; adpetituque societatis vt hominis naturae conueniente, et habilitate illius ad eamque inclinatione et procliuitate, hoc est, *socialitate*, ad requisita hominis, vt creatae rei ad societatem conditae destinataeque, proinde vt ad *humanitatem* necessaria proprietate concessa, non potest non gustus vt facultas diiudicandi ea vniuersa, quibus adeo *sensum* possis cum vnoquoque alio communicare, proinde vt adiumentum eorum omnium, quae cuiusque naturalis inclinatio postulat, spectari.

Pro se solo homo desertus ac solitarius in insula desolata nec tugurium, nec se ipsum exornaret, neque flores colligeret, multo minus eos ad se exornandum plantaret; verum solum in societate eius animum subit, non solum hominem, sed in suo genere excultum hominem ac politum esse (quod initium est civilitatis): ut talem enim eum diiudicamus, qui ad voluptatem suam cum aliis communicandam promptus est atque idoneus, quique obiecta re quam haud exfatiatur, nisi complacentiam illius in communione cum aliis possit sensu percipere. Quisque praeterea ab unoquoque et expectat et postulat communicationem universalem, quasi ex compacto quodam originario, ab ipsa humana natura dictato; atque ita sane initio quidem tantummodo illecebrae, veluti colores, ad se pingendum (rocuium apud Caraibas menniumque apud Iroquesos), vel flores, testae, plumae avium versicolores, sed temporis progressu etiam pulchrae formae (ut vestium et similium) quae nullam omnino oblectationem, id est, fruitionis complacentiam in se continent, in societate pondus accipiunt et cum magno inuitamento coniunguntur: donec tandem politura ad summum perducta inclinationis expositae summam efficit, sensationumque tantummodo pretium statuitur, quatenus possunt communicari; ubi tum, etsi voluptas, quam ex eiusmodi re quisque capit, tantummodo tenuis atque exigua est, et per se vlllo quodam insigni inuitamento distinguitur, tamen idea comunicabilitatis illius universalis pretium eius propemodum infinite auget.

Hoc inuitamentum vero pulcro, per procliuuitatem ad societatem, annexum, proinde empiricum, nobis hoc loco nullius momenti videtur, quippe quibus ea solum spectanda sunt, quae ad iudicium gustus ex anticipatione, quamquam solum indirecte, referri possunt. Namque, etiamsi in ea forma inuitamentum quoddam cum ea coniunctum patesceret, tamen gustus transitionem facultatis iudicandi nostrae a fruitione sensitiva ad sensum moralem aperiret; et eo non solum gustus conuenienter ad se occupandum melius duceretur, sed etiam articulus catenae medius facultatum huma-

narum ex anticipatione, a quibus omnis pendeat legislatio, necesse est, ut talis exhibeatur. Tantum quidem de inuitamento empirico rerum sub gustum subiectarum gustusque ipsius dici potest, illud, cum hic inclinationi inseruiat, ut ea maxime perpolita sit, tamen cum omnibus inclinationibus perpersionibusque animorum, maximam in societate varietatem summumque gradum adsequentibus, posse consilari, pulcrique inuitamentum, si eo constitutum fuerit, transitionem a iucundo ad bonum honestumque dubiam admodum atque ambiguam esse posse. An ea vero fortasse per gustum queat, in puritate sua acceptum, promoueri, sane est, quod inuestigemus.

#### §. 42.

##### *De intellectu pulcri inuitamento.*

Animo bono consilioque factum est, ut, qui omnes hominum occupationes atque negotia, ad quas hi internis naturae donis incitantur, lubenter ad ultimum humanae naturae finem dirigere vellent, scilicet ad honestum moraliterque bonum, notam atque insigne putarent characteris moralis boni, si omnino ex pulcro inuitamentum caperetur. Quibus vero, haud iniuria ab aliis contradicturn est, ad experientiam prouocantibus, artifices gustus non solum sapius, verum adeo solito, vanos, morosos, perniciososque animi perpersionibus deditos, fortasse multo minus atque alii principatum sibi laudemque posse principiorum sectandorum moralium vindicare; atque ita videtur, sensum pulcri non solum (vti reuera est) ab sensu morali ad speciem differre, verum etiam inuitamentum, quod cum eo coniungi potest, difficulter posse, nullo modo vero per adfinitatem internam, coniungi.

Equidem lubenter largior, inuitamentum *pulcri artium* (quo etiam artificialem usum pulcritudinum naturae ad ornatum, proinde ad vanitatem, refero) nullum omnino argumentum esse mentis ingenii honesto siue moraliter bono adhaerentis illudque sectantis, vel adeo modo ad id procliuius ac propensi. Contra ea vero contendo *inuita-*



*mentum* pulcritudinis *naturae proximum* capiendi rationem (non solum, ad eam diiudicandam, gustum habendi) semper in notis esse, quibus bonitas animi distinguatur; atque hoc inuitamento, si illud habituale sit, saltem tenorem animi sensui morali propensum declarari, si istud lubenter sese cum *contemplatione naturae* coniungat. Sed bene meminisse debebis, ne hoc loco proprie pulcras naturae *formas* intelligere, contra *illicebras*, quas ea tum large solet cum illis coniungere, in medio adhuc relinquere, quoniam inuitamentum earum etiam proxime quidem, sed tamen empiricum videtur.

Is, qui solitarius (nulloque consilio statuto, observationum suarum cum aliis communicandarum) pulcram floris agrestis formam, auisue, aut cuiuspiam insecti, id genus aliorum contemplatur, ad eam admirandam, amandamque, atque aegre in natura vniuerse desiderandam, etiamsi eo sibi aliquid detrimenti adferretur, multo minus quidpiam inde ad sese emolumenti redundaret, ex pulcritudine naturae inuitamentum capit proximum, idque intellectuale. Scilicet non solum illius effectum quoad formam illi placet, verum etiam existentia, ita ut nullae sensus illicebrae illud attingant, neque ipse vllum quempiam cum eo coniungat.

Atque in eo quidem notatu dignum est, si hic pulcri amator occulte deceptus fuerit, floresque artificiosi (qui naturalibus possunt simillimi confici) in terram infixi, aut scite caelatae aues in arborum frondibus fuerint collocatae, posteaque is fraudem aperiret, inuitamentum proximum, quod ante inde ceperat, continuo euaniturum, sed fortasse aliud, nempe vanitatis inuitamentum, cubiculi ad aliorum oculos exornandi, in locum fore eius successurum. Cogitatio, naturam illam pulcritudinem produxisse, visionem, necesse est, reflexionemque comitetur; in eaque sola inuitamentum, quod inde capitur, proximum nititur. Alioquin aut solum gustus iudicium omni omnino inuitamento destitutum relinquitur, aut modo quodpiam cum quodam cum interuentu inuitamentum, nimirum ad societatem relatum coniunctum: quod quidem haud erit in notis

certis atque indubitatis animi ingenii honesti et moraliter boni.

Haec laus pulcritudinis naturae artis pulcritudine excellentior, etiamsi illa per hanc secundum formam adeo vinceretur, tamen inuitamentum proximum excitandi, cum perpolito solidiorique mentis ingenio omnium hominum conuenit, qui sensum moralem excoluerunt. Si quis gustu satis instructus ad pulchra artis effecta et verissime et subtilissime diiudicanda, cubiculo lubenter relicto, in quo pulcritudines illae nitent, vanitatem aut fere gaudia socialia nutriendas, sese ad pulcritudinem naturae conuertit, ut hic quasi voluptatem animi capiat in itinere quodam cogitatorum, quod nunquam potest totum enodare; tum hanc ipsam optionem eius verecundi contemplabuntur, in eoque mentem pulchram supponemus, quam nullus artium peritus atque amator potest, propter inuitamentum, quod ex rebus obiectis capit, sibi arrogare. — Quod igitur discrimen est duarum rerum tam diuersarum aestimandarum, quae in iudicio solius gustus vix in se inuicem de laude forent certaturae.

Est vis in nobis iudicandi facultatis solum aestheticae, sine conceptibus de formis iudicandi, in solisque iis diiudicandis complacentiam capiendi, quam simul cuique regulam praecipimus, ita ut iudicium istud nihilominus nullo innitamento nitatur, neque eiusmodi producat. — Contra et vis in nobis inest facultatis iudicandi intellectualis, solis normarum practicarum (quatenus sponte sunt atque ex se ad legislationem vniuersalem idoneae) formis complacentiam ex anticipatione determinandi, quam cuique legem statuimus, neque tamen iudicium nostrum in villo quodam innitamento nitatur, *sed tamen eiusmodi producat*. Voluptas taediumue in iudicio superiori est voluptas taediumue gustus; altera sensus moralis.

\* Cum vero ratio eo etiam inuitetur, quod idearum quoque (quibus ea in sensu morali inuitamentum proximum efficit) realitas obiectiua videtur, hoc est, ut natura saltem vestigium prodat nutumue, sese vllam quendam in

se rationem cohibere conuenientiae sumendae legalis effectorum suorum cum complacentia nostra ab omni inuitamento libera (quam ex anticipatione ut legem agnoscimus cuique propositam, licet argumentis illud nequeamus euincere): cogitur ratio ad inuitamentum in quauis naturae effectione ex hac illius simili conuenientia capiendum; ergo animus non potest de pulcritudine *naturae* cogitare, nisi simul in eo sese sentiat inuitatum. Sed inuitamentum illud secundum adfinitatem morale est; isque, qui illud ex pulcritudine naturae capit, capere illud eatenus potest, quatenus iam antea inuitamentum ex inoraliter bono probe fundasset. Quem igitur naturae pulcritudo proxime inuitat, in eo, causa est, quare saltim initia bonae mentis morales suspicemur.

At inquires: Haec interpretatio iudiciorum aestheticorum ad adfinitatem sensus morales speciem artificiosioris laboris habere, quam ut vera possit cifrarum scripturae interpretatio haberi, per quam natura ad nos in pulcris formis suis figurate loquitur. At primo hoc proximum pulcritudinis naturae inuitamentum reapse haud frequens neque commune est, sed iis solum proprium, quorum ingenium animi aut ad bonum iam excultum est, aut ad culturam eam praecipue idoneum; et tum analogia iudicii gustus puri, quod, quamuis ex nullo quopiam inuitamento pendeat, quadam nos complacentia perfundit, canque simul ut ex anticipatione ut humanae naturae generationem consentaneam ostendit, cum iudicio morali, quod idem facit ex conceptibus, vel sine distincta, subtilique et studiosa cogitatione, ad par quoddam inuitamentum proximum ex re obiecta superioris, velut ex re obiecta posterioris ducimur: ita tamen, ut illud liberum inuitamentum sit, sed hoc in legibus obiectiuis constitutum. Accedit admiratio naturae, in pulcris effectis suis sese ut artem, non solum fortuito, sed consulto quasi, ex instituto legali atque ut formam finalem sine fine ostendentis: quem finem quidem, cum extrinsecus nusquam inueniamus, necessario intus in nobis ipsis, atque in eo quidem, quo finis ultimus existentiae

nostrae efficitur, nimirum in destinatione morali, quaerimus (de qua quidem ratione possibilitatis eiusmodi formae finalis naturae anquirenda denuin in teleologia sermo erit).

Quare complacentia artis pulcræ in puro gustus iudicio haud perinde sit; quam complacentia pulcræ naturæ, cum proximo inuitamento coniuncta, itidem facile poterit doceri. Namque ars pulcra aut imitatio naturæ est, ad illusionem usque perfecta: et tum effectum ea edit ut (opinata) pulcritudo naturæ; aut ars est cum consilio ad complacentiam nostram aperte spectans atque directa; tum vero complacentia huius effecti proxime quidem per gustum locum haberet, sed non nisi cum interuentu inuitamentum causæ, quæ fundamento subest, nimirum artis, quæ solum per finem suum, numquam per se ipsam, inuitare. Fortasse dices, idem locum habere, cum res obiecta naturæ per pulcritudinem eatenus modo inuitat, quatenus illi adiungitur idea moralis; nec hoc vero, sed qualitas illius per se ipsa, qua ad eiusmodi adiunctionem idonea redditur, quæ illi proinde interne competit, proxime inuitat.

Illecebræ in natura pulcra, quæ tam crebro cum pulcra forma quasi colliquefcentes deprehenduntur, aut ad mutationes variationesque luminis (in coloribus ducendis) pertinent, aut soni (in tonis). His cum solæ sensationes continentur, quæ non modo sensum sensitivum, verum etiam reflexionem concedunt de forma mutationum istarum variationumque sensuum, atque ita quandam quasi linguam, qua ad nos natura ducitur, quæque altiore in se habere sensum videtur, in se continent. Sic albo colore lilii animus ad innocentiae ideas, atque ad ordinem septem colorum, a rubro inde usque ad violaceum, 1) ad ideam sublimitatis, 2) audaciae, 3) ingenuitatis, 4) comitatis, 5) modestiae, 6) constantiae, et 7) teneritatis ac mollitudinis componi videtur. Cantus autem laetitiam adnunciat et tranquillitatem rationemque cum existentia sua contentam. Certè sic nosmet naturam interpretamur, siue is eius scopus sit, siue non. Verum hoc inuitamentum, quod

hic ex pulcritudine capimus, necessario postulat, ut pulcritudo naturae sit; illudque prorsus perit, simulatque te sentias deceptum, solumque artem esse intelligas, adeo ut tum gustus quoque nihil pulcrum quidquam, visusque quidpiam adiciens queat amplius in eo animaduvertere. Ecquid poetae tollunt altius, quam cantum lusciniae, in arboretis solitariis, vespere aestiua tranquilla, luna mollius lucente? Interim non desunt exempla, ubi eiusmodi cantor non inueniatur, vllum quempiam cauponem conuiuas ad aere perfruendum agresti apud se deuertentes eo ad summam eorum complacentiam decepisse, quod puerum lasciuientem, qui cantum istum (arundine in os inserto) naturae simillimum effingeret, in dumeto occultasset. Sed patefacta fraude nemo, sustinebit cantum amplius audire antea tam adlicentem reputatum; et sic cum vnaquaque alia aue canora comparatum videtur. Natura sit, oportebit, vel a nobis pro natura reputata, quo in pulcro qua tali proximum capere *inuitamentum* queamus, quin, cum adeo ab aliis, ut illud inde capiant, postulare possimus: quod reapse sit, propterea quod inentem eorum agrestem habemus et humilem, qui *sensu* sunt naturae pulchrae destituti (sic enim receptiuitatem dicimus cuiusdam ex iis contemplandis inuitamenti), atque in coena vinoque fruitionem sequuntur solarum sensationum sensituarum.

## §. 43.

*De arte in genere.*

*Ars* ab *natura*, velut *facere* ab *agere*; atque effectum, siue consequens prioris ut *opus* a posteriori qua effectum distinguitur.

Ad proprie quidem effectio per libertatem, hoc est, per arbitrium, actionibus suis rationem constituens, dici ars deberet. Etenim, quamuis aptum effectum (orbem scilicet constructi) opus artes dici solent, tamen hoc tantummodo fit propter analogiam; simulatque scilicet meminimus, opus illarum in nulla propria deliberatione constitutum esse rationali, continuo illud effectum earum naturae

(impetus) dicimus, atque ut artem solum creatori illarum tribuimus.

Cum in inuestigatione loci viginosi, uti nonnumquam accidit, lignum caesum offenditur, tum illud non dicitur effectum naturae, sed artis; causa illius efficiens faciem animo scopumque concepit, cui istud formam suam debet. Alias quidem in vniuersis quoque artem quamdamprehendimus, quae ita comparata sunt, ut repraesentationem eorum in causa exsistentiam necesse sit antegressam esse (uti in ipsis apibus), neque tamen opus sit, ut effectum ipsum quoque ab ea itidem *cogitatum* esse debeat; cum autem quidpiam simpliciter artis opus dicimus, ut ab effecto naturae discernatur, tum eo semper opus hominum intelligitur.

2) *Ars* ut dexteritas hominis atque habilitas item a *scientia* discernitur (*posse* a *scire*), ut facultas practica ab theoretica, uti technice a theoria (uti geothesia a geometria). Et sic id quoque, quod quis *potest*, simulatque quid fieri debeat *noueris*, ideoque effectum desideratum satis noris, haud fere ars adpellatur. Solum ea, quae, cum perfectissime nouimus, tamen efficiendi dexteritatem continuo habemus, eatenus ad artem pertinebunt. *Camperus* admodum adcurate diligenterque, quomodo bonus calceus esse comparatus debeat, describit; nec profecto illum conficere potuit.

3) *Ars* item ab *opificio* discernitur; illa ars vocatur *libera*; opificium poterit et *ars mercenaria* dici. Artem spectamus, quasi solum ut lusus, i. e. ut occupatio per se ipsa iucunda, conuenienter cedere possit (succedere); sed opificium ita, ut qua labor, hoc est, ut occupatio per se ipsa iniucunda (molesta), et solum effecto suo (veluti mercede) adliat, proinde cogendo possit imponi. An in ordine collegiorum fabricatores horologiorum referri inter artifices debeant, sed fabri inter opifices: id alius diiudicandi stationis indiget, quam qualem hoc loco capimus; nempe rationis dorum ingenii, quae huic alteriue istorum negotiorum esse

fundamento debent. An etiam in septem illis artibus liberalibus non sint quaedam numeratae, quae ad partes referendae scientiae videntur, aliae item cum opificiis comparandae; de eo quidem hoc loco nihil quidquam verborum faciam. Verum in vniuersis artibus liberalibus nihilominus aliquid, quod coactionem referat, opus est, siue, quod dicitur, *mechanismus*, sine quo, quae in arte esse libera debet, solaque opus animat, mens nullum omnino corpus haberet et prorsus euaporaretur: haud abs re erit monere (velut in poesi oratio correctæ et locuples, item prosodia et metrum), cum multi educatores recentiores artem liberalem optime putant promoueri, omni coactione sublata, et labore in solum lusum transmutato.

§. 44.

*De arte pulcra.*

Neque scientia pulcri est, sed tantummodo critice, neque pulcra scientia, verum solum ars pulcra. Namque in scientia pulcri quidem scientificæ, hoc est, argumentis deberet constitui, aliquid pulcrum putandum sit, nec ne; iudicium de pulcro proinde, si ad scientiam pertineret, nullum iudicium gustus foret. Sed scientia pulcra, quæ scientia, quæ, ut talis, pulcra esse debeat, inani voce sonat, et nihilum videtur. Etenim, cum in ea ut scientia rationes et argumenta anquireret, facietis dimittere. — Quod vocabulo recepto, *pulcræ scientiæ*, ortum dedit, sine dubio nihil aliud est, quam quod recte animaduersum fuit, ad artem pulcræ perfectissimam absolutissimamque multa opus scientia videri, velut linguarum priscarum notitia, multa auctorum classicorum lectine, historia, antiquitatum cognitione, et cæteris generis eiusdem, et propterea has scientiæ partes historicas, eo quod iis ad artem pulcræ præparatio necessaria et fundamentum efficitur, partim etiam quoniam ipsa effectorum artis pulcræ (eloquentia poësisque) notitia iis continetur, per conmutationem verborum, ipsæ sunt scientiæ pulcræ adpellatæ.

Cum ars, *cognitioni* rei cuiusdam possibili conuenienter, solum eius efficiendae causa actiones ad id necessarias edit, tum ea *mechanica* est: sed cum ea sensum voluptatis pro fine proximo sibi propositum habet, tum ars vocatur *aesthetica*. Quae ipsa quidem vel ars *incunda* est vel *pulcra*. Incunda est, cum finis sibi propositus is est, vt voluptas repraesentationes vt *sensationes* solas, sed pulcra, cum voluptas eas vt *genera cognitionum* comitetur.

Artes iucundae sunt, quae solum destinantur ad fruitionem; cuiusmodi sunt omnes illae illecebrae, quibus conuiuae ad mensam possunt oblectari: veluti narrationes suauis, excitatio conuiuarum ad ingenuam laetamque confabulationem, dexteritas facetiis risuque eos ad certam quamdam hilaritatis temperiem componendi, vbi libere possit, quidquid, vt aiunt, in buccam venit, effutiri, et nemo ad eorum velit, quae loquitur, rationem reddendam teneri, quoniam solum momentanea collocutio spectatur, non vero ad meditandum dicendumue materia. (Quo quidem porro et modus pertinet menses ad fruitionem adparatae, aut adeo in conuiujs magnus cantus phonsorum et tibicinum fidiumque: res sane mira, qua vt strepitu suauis non nisi ad hilaritatem intenti animi conseruentur, et, nemine ad modulationis contextum vel minimum aduertente, libera loquacitas alterius cum altero vicino adiueatur). Quo itidem et omne genus ludicrum pertinet, quod nullum in se amplius inuitamentum cohibet, quam vt tempus sensum sensumque fallatur.

Contra ars pulcra consistit in repraesentandi modo, per se ipso conueniente ac finali, qui, quamquam sine fine, tamen facit ad animi vires ad communicationem socialem excolendas.

In conceptu voluptatis cuiuspiam vniuerse communicandae inest conditio, vt ne ea in voluptate cernatur fruitionis esse, ex sola sensatione, sed reflexionis debeat; atque ita ars aesthetica, vt ars pulcra, ea est, cui facultas iudicandi reflectens pro norma sit, non vero sensatio sensitiva.



## §. 45.

*Ars pulchra est ars, quatenus esse simul natura videtur.*

In artis pulchrae effecto, illud artis esse, non naturae, fieri nobis conscii debemus, sed tamen in eius forma ab omni vi et coactione regularum arbitrariarum tam libera debet forma finalis videri, ac si effectum sit solius naturae. In hocce libertatis sensu in motu lusuque virium cognoscendi nostrarum, qui tamen simul finalis esse atque conueniens debet, posita ea voluptas est, quae sola, ita tamen ut ne in conceptibus nitatur, vniuersè potest communicari. Naturam vidimus pulchram esse, si simul artis speciem haberet; et ars tum demum dici pulchra potest, cum nobis conscii sumus, artem eam esse, cum nobis tamen natura videatur.

Possimus enim, siue pulchritudinem naturae attingat siue artis, vniuersè dicere: *pulchrum id esse, quod in sola diiudicatione* (non in sensatione sensitiua, neque per aliquem conceptum) *placet*. Atqui arti semper certus quidam ac determinatus finis propositus est, aliquid producendi. Quod vero si in sola sensatione (quopiam in re subiectiuo) cerneretur, quam comitari voluptas deberet, hoc effectum, in iudicando, solum interuentu sensus placeret. Sed si finis rem certam determinatamque producendam spectaret, tum, si is per artem feriat, res solum per conceptus placeret. Vtrumque autem ars haud *in sola diiudicatione*, nimirum non ut ars pulchra, sed mechanica placeret.

Ergo forma finalis in artis pulchrae effecto, quamquam finalis est, tamen haud debet finalis videri; scilicet ars pulchra ut natura *spectanda* est, quamquam illius quidem ut artis nobis conscii sumus. Ut natura autem artis effectum eo videtur, quod vniuersa quidem cum regulis conuenientiae *diligentia*, quibus solis id, quod debet esse, fieri effectum possit, deprehenditur; sed tamen sine vlla *ratione putida*, quae formam scholasticam prodat, conspicua, hoc est, sine vilo adparente vestigio, regulam ob oculos versatam esse artificis, cuiusque animi viribus vincula iniectisse.

## §. 45.

*Ars pulcra est ars ingenii.*

*Ingenium* est munus naturae, arti regulam praeci-  
piens. Cum donum naturae, ut productiua artificis facul-  
tas insita atque innata, ipsum ad naturam pertineat, sic  
quoque enunciari posset: *ingenium* est insita atque innata  
dos animi, qua arti regulam natura praecipit.

Qualis illa cumque huiusce definitionis ratio sit, atque  
vtrum ea solum arbitraria sit, an, quem verbo *ingenii* sole-  
mus subicere, conceptui consentanea sit, nec ne (quod  
paragrapho sequente enodabitur); tamen poterit iam in  
anteceßum probari, artes pulcras, pro significatione verbi  
hoc loco accepta, necessario esse ut artes *ingenii* consi-  
derandas.

Etenim vnaquaeque ars regulas supponit, quarum  
constitutione demum effectum, si artificiosum dici debeat,  
ut possibile repraesentatur. Sed conceptus artis pulcræ  
haud permittit, ut iudicium de pulcritudine effecti illius  
ab vlla quadam regula deriuetur, cuius determinandi ratio  
in *conceptu* quodam versetur, quæ proinde conceptum  
eius modi constituat, quo fieri queat. Ergo ars pulcra  
haud sibi ipsa potest regulam excogitare, ad quam opus  
suum debeat conficere. Cum autem nihilominus nulla  
regula antegressa opus vniquam possit artis nomen merere,  
sequitur, ut natura in subiecto (et per facultatis eius tenor-  
em) arti regulam praecipiat, id est, ars pulcra solum esse  
potest ut opus *ingenii*.

Ex quo intelligitur, 1) ingenium in *munere naturæ*  
cerni, id efficiendi, cuius nulla potest regula certa ac deter-  
minata ostendi: non in dote habilitatis ad ea, quæ ex vlla  
possunt regula quapiam addisci; proinde proprietatem illius  
esse principem in eo quod ex se nata sit oportere; 2) cum  
esse quoque ex se nata insania possit, eius opera atque  
effecta simul esse *exemplaria* debere; proinde, ipsam haud  
ex imitatione ortam, aliis præterea ad normam regulamque  
iudicandi inservire debere; 3) ipsum non posse, quomodo

opus suum conficiat, describere, aut ad viam scientiae docere, sed vt naturam regulam praecipere; ideoque operis cuiusdam auctorem, quod suo ingenio acceptum fert, ipsum, quomodo ei ideae illius praesto sint, nescire, neque in eius potestate esse, vt eiusmodi pro lubitu queat atque ad formam quamdam excogitare, cum aliisque in eiusmodi praeceptis communicare, quibus similia possint opera producere. (Inde quoque Francogallorum vox *genie* a Latino verbo *genii*, proprii illius spiritus homini in natiuitate concessi protegentis ducentisque, cuius instillatione ideae originales illae prouenere, ducta videtur). 4) naturam per ingenium non scientiae, verum arti, regulam praecipere; et id quoque solum, quatenus haec esse ars pulcra debeat,

## §. 47.

*Illustratio et confirmatio definitionis superioris ingenii.*

Quisque in eo conuenit, ingenium prorsus esse studio imitandi contrarium. Cum autem discere nil sit nisi imitari, maxima habilitas capacitasque potest, capacitas qua capacitas, neutiquam tamen pro ingenio valere. Verum etiamsi ipse quoque cogites, singasue, ne solum ab aliis cogitata adprehendas, atque etiam multa ad artem atque scientiam inuenias; tamen hoc nondum vera ratio est, eiusmodi (saepenumero magnam) *mentem* (quae contraria est ei, quam, quia numquam quidpiam nisi solum discere potest et imitari, *stipitem* et varonem vocamus) *ingenii* honore cumulandi: propterea, quod idem quoque *potuisset* disci, proinde tamen in via inuestigandi meditandique ex regulis ordinaria situm est, atque ab eo, quod studio potest ope imitationis comparari, specie nihil quidquam discrepat. Sic cuncta, quae *Newtonus* in immortalis operis principiorum philosophiae naturalis, quantum permagno opus erat ingenio ad eiusmodi inuentionem, proposuit, commode disci possunt; verum non potest disci poemata pangere ingeniosa, quamuis plena sint vniuersa poeseos praecepta, quamque praeclara exemplaria illius. In causa est, quod

Newtonus omnes gradus suos, qui ei inde a primis geometriae elementis, usque ad inuenta summa et profunda sua, faciendi erant, non solum sibi ipsi, verum cuique alii, prorsus sub adspectum subiicere, atque ad imitandam determinate poterat describere; sed nullus Homerus neque Wielandus docere potest, quomodo idearum vbertas earumque veritas in mente oriatur et colligatur, ideirco quia istud ipse nescit, nec proinde alium quempiam potest docere. Igitur in rebus, quae ad scientiam spectant maximus inuentor ab operosissimo imitatore ac tirone magnitudine qualique gradu, sed contra ab eo, quem natura ad artem pulcram instruxit, specie differt. Interim in eo nullus adest summorum virorum, quibus humanum genus tam multa acceptum fert, contentus si cum iis comparaueris, quos natura muneribus ad artem dotauit. In eo ipso, quod illorum indoles ad perpetuo progredientem perfectionem maiorem notitiarum omnisque, quae inde pendet, utilitatis, itemque ad alios in iisdem cognitionibus instituendos facta est, permagna laus consistit illorum prae iis, qui digni sunt ingeniorum titulo atque honore: quoniam his vsquam ars consistit, propterea quod ei termini sunt finesque designati, ultra quos ea non potest longius progredi, qui sine dubio quoque ex longo tempore contrectati sunt, nec amplius possunt proferri; praetereaque eiusmodi dexteritas non potest communicari, sed cuique proxime ab naturae manu impertiri debet, cum eoque proinde expirat, donec natura aliquando alium itidem eadem indole donat, qui non nisi exemplaris indiget, ut naturae munus, cuius sibi conscius est, similiter in eo agere queat.

Cum donum naturale artis (qua artis pulchrae) regulam praecipere debeat; cuiusnam tandem generis haec regula erit? Ea non potest formula quadam comprehensa praecepto esse; alias enim iudicium de pulcro posset ex conceptibus determinari: sed regula a facto debet, hoc est, ab opere atque effecto separari et abstrahi, in quo alii suum ipsius naturae munus poterunt explorare, quo illud sibi pro exemplo sit, non *effectionis*, sed *imitationis*. Quo-

modo istud fieri possit, difficile explicatu videtur. Idææ artificis similes excitant ideas tironis, simili animi virium ratione ab natura instructi. Exemplaria artis pulcræ idcirco sola sunt adiumenta, quibus hæc queat ad posteritatem propagari: id quod solis non posset descriptionibus effici (potissimum minime in parte artium loquentium); et in his quoque tantummodo veterum, emortuarum, et nunc solum vt doctarum adseruatorum linguarum exempla fieri classica possunt.

Quam ars mechanica, vt sola ars studii diligentiaque, ab arte pulcra vt ingenii arte permagno discrimine abhorret; tamen nulla est ars pulcra, in qua haud aliquid mechanici, quod ex regulis prehendi queat et exprimi, ideoque quidpiam *scholis probatum* essentialem efficeret artis conditionem. Quidpiam enim vt finis scopusque cogitandum est, quoniam alioquin opus illius nulli prorsus arti poterit tribui: solum opus foret fortuiti. Sed ad finem quempiam consequendum regulis opus est certis ac determinatis, a quibus tibi non licet te liberare. Cum vero originalis muneris naturæ ratio pars essentialis sit (verum haud sita) characteris ingenii; homines tenues sese putant haud melius ostendere, se in ingeniis esse efflorescentibus, quam si se ab omni vi coactioneque regularum scholastica abdicent, et meliorem pompam fieri existimant in equo ferociente, quam domito. Ingenium largam tantummodo *materiam* ad opera artis pulcræ suppeditare potest; sed tractatio illius *formæque* opus habet naturæ munere per scholam informato, vt fieri illius vsus queat, qui a facultate possit iudicandi probari. Si quis autem in rebus, inuestigationibus propositis diligentissimis rationis velut ingenium quodpiam loquitur ac decernit, omnino ridiculum erit; haud scias, vtrum præstigiatores potius, qui tantum vaporis circum quasque spargit, in quo nihil distincte iudicari potest, sed eo plura putari, an populum debeas ridere, qui fideliter opinatur, infirmitatem suam, artificium perspicientia distincte cognoscendi comprehendendique, inde exsilire, quoniam novæ veritates sibi abunde obiciantur, quarum (ex definitioni-

bus iustis principiorumque exploratione rite instituta) dispartitio opus modo sibi tironum videtur.

§. 48.

*De adfectione ingenii ad gustum.*

Ad res pulcras qua tales *diiudicandas*, *gustu* opus est; sed ad pulcram artem ipsam, id est, ad res tales producendas, *ingenio*.

Quod si ingenium ut naturae munus ad artem pulcram spectetur (quod propria vocabuli significatio postulat), eoque consilio dispesci debeat in facultates, quae ad eiusmodi naturae donum simul requiruntur; necesse est, ut discrimen inter pulcritudinem naturae, ad quam diiudicandam solummodo gustus postulatur, et pulcritudinem artis, cuius possibilitas (ad quam in eiusmodi re diiudicanda itidem respiciendum est) ingenio opus videtur.

Pulcritudo naturae *pulchra res* est; sed ars pulchra est *repraesentatio pulchra* cuiuspiam rei.

Ad pulcritudinem naturae qua talem diiudicandam, non opus habeo antea conceptu illius, quid ea res esse debeat, id est, non necesse est, ut formam finalem materialem (finem) noscam, sed forma sola sine notitia finis placet in diiudicatione per se ipsa. Sin vero res obiecta ut opus artis data sit, et qua tale declarari debeat pulchra; primo, quoniam arte semper finis supponitur in causa (eiusque causalitate) eius, quid res debeat esse, conceptus erit fundamento substernendus; cumque in concentu variorum in re quadam, ad determinationem internam ut fine, rei consistit perfectio, in diiudicanda artis pulcritudine simul spectanda erit perfectio rei, quae in diiudicanda pulcritudine naturae (qua tali) minime curatur. In diiudicandis quidem, praesertim animatis, naturae rebus, veluti hominis aut equi, etiam forma finalis obiectiva plerumque spectatur, ad earum de pulcritudine iudicandum; tum vero iudicium quoque haud amplius aestheticum purum est, hoc est, ad solum iudicium gustus pertinet. Natura tum haud amplius iudicatur,

vti vt ars conspicitur, verum quatenus reapse ars *est* (quamquam suprahumana); iudiciumque teleologicum aesthetico pro fundamento est et conditione, cuius hoc debet rationem habere. In eiusmodi causa, velut si dicitur: „en pulcram seminam“ reuera nihil cogitatur aliud, quam: in hac forma natura fines in corpore femineo pulcras ostendit; namque praeter solam formam etiam conceptus prospiciendus est, vt res hoc modo per iudicium aestheticum logice hypotheticum cogitetur.

Ars pulcra in eo ipso praestantiam suam declarat, quod res, quae in natura deformes aut displicentes forent, pulcre depingit. Furiae, morbi, vastationes bellorum et similia, possunt, vt res perniciosae, perpulcras describi, atque etiam in tabula depingi; vnum modo deformitatis genus non potest naturae conuenienter proponi, nisi omnis complacentia aesthetica, proinde pulcritudo artis exstinguatur; nimirum ea, quae *nauseam* conimouet. Etenim, quoniam in mira hac sensatione, in sola opinione posita, res, quasi sese fruendam obtruderit, quam tamen vi arceamus, repraesentatur; fit, vt artificiosa rei obiectae repraesentatio ab natura huiusce rei ipsius in sensatione nostra non amplius distinguatur, illaque fieri non potest vt pulcra reputetur. Iam ars statuaria, quia in operibus eius ars cum natura propemodum confunditur, proximam rerum deformitatem repraesentationem a fictionibus suis exclusit, et eius loco, exempli gratia mortem (in pulcro genio), fortitudinem bellicam (in Marte) per allegoriam attributaue, quae cum gratia distinguuntur, proinde duntaxat indirecte interueniente rationis interpretatione, neque solum facultati aestheticae, proponi concedit.

Tantum de repraesentatione pulcra rei obiectae, proprie tantum forma conceptus cuiusdam exhibendi, qua hic vniuersae communicatur. — Haec autem forma vt artis operi pulcras impertiatur, solum gustu opus est, quocum artifex, variis artis naturae exemplis, exercitato correctoque, opus suum comparat, multisque saepe numero operosis conatibus institutis, eam formam videt, quae sibi

idonea videtur: idcirco haec non quasi res inspirationis quaedam, vel motus liberi virium animi, sed tardae cuiusdam adeoque molestae emendationis, ut cogitationi consentanea fiat, neque tamen libertate in lusu earum haud noxia existat.

Gustus autem cernitur in facultate iudicandi, non vero producendi; et, quid ei convenit, propterea non opus est artis pulchrae: potest illud opus esse ad artem utilem et mechanicam, vel adeo ad scientiam pertinens ex regulis determinatis, quae disci possunt, et accurate debent observari. Verum, quae illi impertitur, forma placens tantummodo vehiculum est communicandi, ratione quasi proponendi, cuius respectu quodammodo liberi inanemus, cum tamen alioquin ad finem certum adstrictum teneatur. Sic volumus, ut vasa conuivialia, vel etiam quaestio quaedam moralis, vel sacra oratio hanc artis pulchrae formam habere debeat, quae tamen haud *quaesita* videatur; sed idcirco non ea artis pulchrae opera dicimus. Ad artem pulchram vero carmen, cantus musicus, porticus et similia referuntur, et tum fit, ut in opere, quod artis pulchrae perhibetur, saepenumero ingenium sine gustu, in alio autem gustum sine ingenio, percipiamus.

#### §. 49.

##### *De facultatibus animi, quibus ingenium efficitur.*

Certa quaedam opera, quae, certe ex parte, sese ut artem pulchram exhibere debeant, expectamus, *anima* carere dicimus; etsi, quoad gustum, nihil in iis, quod reprehendi possit, inueniamus. Carmen esse perquam nitidum potest et elegans, sed anima caret. Historia diligens est et composita, sed caret anima. Oratio solemniter docta est eaque ornata, sed caret anima. Multae consuetudines non sine gratia sunt, sed carent anima; ipsam mulierulam nonnumquam bellam dicimus, facundam et comem, sed anima carere. Ecquid tandem illud erit, quod hoc loco animam vocamus?



*Anima* in sensu aesthetico principium in animo animatus adpellatur. Illud autem, quo istud principium mentem animat, materia, quam ad id adhibet, in eo cernitur, quo vires animi conuenienter mouentur, id est, lusus iis impertitur, qui se ipsum seruat, ipsasque vires confirmat.

Iam contendo, hoc principium nihil aliud esse, quam facultatem *idearum aestheticarum* exhibendarum; sed ideam aestheticam eam phantasiae repraesentationem dico, quae multam cogitandi ansam praebet, cui tamen nulla quaecumque determinata cogitatio, hoc est, *conceptus*, conueniens esse et adaequata potest, quam proinde nulla lingua prorsus adsequitur, neque docere potest. — Facile intelligitur, eam quasi quamdam appendicem esse *ideae rationalis*, quae conuersa conceptus est, cui nulla *visio* (repraesentatio) phantasiae esse consentanea potest et adaequata.

Phantasia nimirum (vt facultas cognoscendi productiua) permagnam vim habet in creando quasi ex natura quadam alia, ex materia, quam ei vera natura suppeditat. Nos ea oblectamur, cum experientia nimium nobis triuiialis videtur; et hanc facile transformamus: semper quidem ex legibus analogicis, sed tamen quoque ex principiis, quae altius sunt in ratione posita (quaeque nobis perinde apta sunt atque conueniunt,) atque ea, ex quibus naturam empiricam intelligentia adprehendit; in quo nostram ab lege adfociationis (vsui empirico illius facultatis adhaerente) libertatem sentimus, qua lege adfociationis quidem ab natura commodari materia potest, haec autem a nobis ad longe aliud quid, id nimirum, quod naturam superat, tractari.

Eiusmodi repraesentationes phantasiae possunt *ideae* vocari: partim idcirco, quia ad aliquid saltem tendunt, quod ultra experientiae terminos situm est, atque ita ad exhibitionem conceptuum rationalium (*idearum intellectuum*) propius accedere conantur, quod iis speciem induit realitatis obiectiuae; partim vero, et quidem praecipue, propterea, quod iis, vt visionibus internis, nullus conceptus potest prorsus aptus esse atque adaequatus. Poeta audet

ideas rationales naturarum inuisibilium, regnum beatorum, regnum inferni, aeternitatem, creationem et caetera generis eiusdem ad sensum reuocare; vel etiam ea, quorum quidem exempla sunt in experientia obuia, veluti mortem, inuidiam, vitia omnia, item amorem, gloriam et similia ultra cancellos experientiae, ope phantasiae, rationem in consequendo maximo quodam praeeuntem, aemulantis in ea perfectione ad sensum reuocare, cuius nullum vspiam in natura rerum exemplum inuenitur; proprieque potestis est, in qua idearum aestheticarum facultas in tota vi sua sese potest monstrare. Sed haec facultas, per se sola spectata, proprie tantummodo naturae munus est (phantasiae).

Quodsi igitur cuiuspiam conceptui repraesentatio phantasiae supponatur, quae ad eius exhibitionem pertinet, sed per se sola tantum cogitandi copiam facit, quantum numquam potest in conceptu determinato comprehendere, proinde conceptum ipsum infinito modo aesthetice dilatat; phantasia in eo creatrix est, facultatemque idearum intellectualium (rationis) excitat et commouet, ut plus in repraesentatione emota cogitetur (quod ad conceptum quidem rei obiectae pertinet), quam in ea adprehendi potest, et doceri.

Illae formae, quibus haud ipsa quidem cuiuspiam conceptus dati exhibitio efficitur, sed solum, ut repraesentationibus phantasiae secundariis, consequentia cum eo coniuncta eiusque adfinitas cum aliis exprimuntur, *attributa* (aesthetica) vocantur obiectae rei, cuius conceptus, ut idea rationalis, non potest adaequate exhiberi. Sic aquila Iouis, cum fulgure in vnguibus, attributum regis praepotentis caelorum, pauoque reginae caeli splendidae. Ea non, uti *attributa logica*, id quod in conceptibus nostris sublimitatis maiestatisque inest creationis, verum longe aliud quid repraesentant, quod copiam phantasiae facit, sese ad vim repraesentationum adfinium expandendi, quibus fit, ut plus cogitari queat, quam conceptu possit verbis determinato exprimi; *ideaeque* largiuntur *aestheticam*, quae ideae illi rationali sit pro logica exhibitione, proprie autem

ad mentem animandam, propterea quod illi ea prospectum aperit campi repraesentationem adfinium immensi. Sed ars pulcra hoc agit non solum in pictura vel arte statuaria (vbi nomina attributorum solent vsurpari); sed poësis et eloquentia animam, opera animantem sua, tantummodo ab attributis depromunt æstheticis rerum obiectarum, logicis vicinis, et phantasiae motum impertiunt, pius in eo, quamquam implicite, cogitandi, quam in conceptu, proinde vocabulo quodam determinato, possit comprehendere. — Breuitatis causa rem cogor ad pauca exempla reuocare.

Cum rex magnus in carmine quodam sic dicit: „E vita, age, discedamus non querentes, non de vlla re „quaui dolentes; propterea mundum tunc beneficiis cumulatum relinquimus. Sic sol, cursu diei confecto, „suaue spargit in caelo lumen, et vltimi, quos in aera mittit, radii suprema eius suspiria sunt pro mundi salute;“ tum ideam is rationalem mentis in vita extrema cosmopoliticae animat per attributum, quod phantasia (in suauitatibus peracti pulcri diei æsthiui recordandis, quas vespere serena nobis in memoriam reuocat) illi repraesentationi socium adiungit, quo copia sensationum repraesentationumque secundariorum excitatur, cuius nullum potest vocabulum inueniri. Partim vero conceptus adeo intellectuales vicissim potest pro attributo esse repraesentationis sensuum, atque ita sensus per ideam suprasensibilis animare; verum duntaxat, dum æsthetica, quae conscientiae conceptus intellectualis subiectiue adhæret, ad id adhibentur. Sic poeta quidam in describendo pulcro die exoriente: „Sol, inquit, scaturiuit, velut tranquillitas scaturit e virtute.“ Conscientia virtutis, si vel mente modo et cogitatione in locum virtutis studiosi nosmet translocemus, vim in animo sensationum spargit sublimium et tranquillantium, infinitumque in laetum futurum tempus prospectum aperit, quod nullum verbum potest, conceptui determinato congruens, adsequi \*).

\*) Haud scio an vnumquam aliquid dictum sit sublimius, cogitatumque vllum quodpiam sublimius enunciatum videatur, quam

Vno verbo, idea aesthetica, repraesentatio est phantasiae sociata cuidam dato conceptui adiuncta, quae cum tanta repraesentationum partium varietate in usu earum libero copulata est, ut illius nullum quodpiam, quod conceptum determinatum designet, vocabulum inueniri queat, quod proinde ad conceptum multa in nominando addi cogitatione patitur, cuius sensus facultates cognoscendi animat et cum lingua, ut sola litera, animam coniungit.

Quamobrem vires animi, quibus (ad certam quandam rationem) in animo coniungendis *ingenium* efficitur, phantasia sunt, et intelligentia. Cum modo in phantasia ad cognitionem utenda, phantasia coactioni subiecta sit intelligentiae et limitationis, ut consentanea sit aptaque illius conceptui; sed respectu aesthetico phantasia libera sit, ut praeter illum ac conceptum concentum, sed sponte, materiam largam inexplicatam suppeditet intelligentiae, quam haec in conceptu suo simul respexit, quam ea vero non tam obiectiue ad cognitionem, quam subiectiue ad vires cognoscendi animandas, proinde indirecte tamen quoque ad cognitiones: Ingenium proprie in ratione consistit felici, quam nulla potest scientia docere nullaue diligentia discere, learum ad conceptum quemdam datum inueniendarum, et un quoque *verbi* eligendi, quo tenor animi co effectus, et conitatio conceptus, possit cum aliis communicari. Hoc solum naturae posterius proprie id est, quod anima dicitur; namque ad ineffabile in animi statu in certa quadam repraesentatione exprimentum et vniuersè communicabile reddendum, siue in oratione expressio consistat, siue in pictura, siue in plasticæ; facultate opus est, lufum phantasiae celeriter praeteruolantem adprehendendi, in con-

in illa supra templo *Isidis* (matris naturae) inscriptio: „Cuncta a sum, quod est, quod fuit, et quod futurum est, meumque pepulum nullus mortalium aperuit.“ *Segnerus* vsus est hac idea, per *ingeniosam* tabulam aeneam physicae suae praefixam, ad tironem, quem ducere in hoc templum paratus erat, ante sacro quodam horrore replendum, quo animus debet ad solemnitatem attentionem componi.

ceptuque (qui propter id ipsum ex se natus est simulque novas regulas aperit, quae ex nullis potuerunt principiis antegressis exemplisue concludendo elici) coniungendi, qui sine regularum vinculis possit communicari.

\* \* \*

Quodsi, his disiectis atque concisis ad definitionem supra propositam eius, quod *ingenium* vocatur, respexerimus, inueniemus: *primo*, munus naturae illud esse ad artem, non vero ad scientiam, regulae distincte cognitae antegressae tractationem viamque illius debent determinare; *deinde* illud, ut naturae munus ad artem, certum determinatumque conceptum operis, ut finis, proinde intelligentiam, sed quoque repraesentationem (licet indeterminatam) materiae, hoc est, visionis, ad huius conceptus exhibitionem, proinde adfectionem phantasiae ad intelligentiam supponere; *tertio* illud non tam in fine proposito exsequendo in exhibitione *conceptus* cuiusdam determinati sese, quam potius in tractatione prodere vel expressione *idearum aestheticarum*, quibus larga illius finis materia continetur, proinde phantasia, ab omni regularum introductione vacuum liberamque, tamen ut ad exhibendum datum conceptum conuenientem proponat; *quarto* denique, formam finalem subiectiuam laud quae sitam fortuitam in concentu libero phantasiae cum intelligentiae legalitate eiusmodi rationem ac tenorem harum facultatum supponere, quam nulla regularum observatio, siue scientiae, siue imitationis mechanicae efficit, sed solum potest subiecti natura producere.

Quibus itaque positis, ingenium versatur in originalitate exemplari muneris naturae subiecti cuiusdam in usu libero facultatum cognoscendi suarum. Tali modo opus ingenii (pro eo, quod in eo ingenio est, non doctrinae possibili siue scholae, attribuendum) exemplar est non imitationis (tum enim id, quod in eo ingenii est animamque operis continet, perderetur), verum sectatio in gratiam ingenii alius, quod eo ad suam ipsius originalitatem

sentiendam excitatur, libertatis a coactione regularum ita in arte exercendae, ut eo haec ipsa novam regulam nanciscatur, qua naturae munus se ut exemplare prodat. Quoniam autem ingenium in naturae alumnis est, cuiusmodi sunt ut rara phaenomena spectanda; exemplum eius aliis bonis naturis scholam aperit, hoc est, institutionem methodicam ad regulas, quantum eae ex operibus illis ingeniosis eorumque proprietate deriuari potuerunt: atque his quidem ars pulchra eatenus imitatio est, cui natura per ingenium quoddam dedit regulam.

Verum ea imitatio vertitur in *adfectionem*, cum tiro cuncta *imitatur*, usque ad ea, quae ut monstra solum ingenium coactum est concedere, quoniam non poterunt, idea haud infirmata, remoueri. Hic animus in ingenio solus laus est; et certa quaedam *audacia* in oratione omninoque nonnulla a communi regula deflexio belle decent illud, sed nullo modum dignum est, quod imitare, sed per se semper in vitio erit, quem tollere conere, de quo vero ingenium quasi quodam privilegio liberatum est, cum motus eius nulla imitatione exprimendus anxia sollicitudine iacturam faceret. Altera adfectionis species in *modorum* consistit *aucupio*, nimirum solius *originalitatis* generatim, ut ab imitatoribus, quoad eius fieri possit, recedas atque abhorreas, cum tamen munere naturae illo careas, quod opus est, ut *exemplaris* videare. Est quidem duplex modus cogitatorum tractationis comparandorum: alter est *modus aestheticus* (*Mauiere*), alter *methodus* seu *modus* logicus, in eo sese inuicem distinguentes, quod modi aesthetici nulla alia norma est, quam *sensus* unitatis in exhibitione, sed *modus* logicus in eo *principia* sequitur determinata; ad artem pulchram ideo tantummodo *modus* aestheticus valet. Sed opus artis tum demum dicitur *modus aucupatum*, cum ideae tractatio in eo ad mirabilitatem *instituitur*, neque ideae aptatur. Pretiosum, contortum,\* adfectatum, ad se tantummodo a vulgari (sed sine anima) distinguendum, actionis simile illius est, quem sese dicimus loquentem audire, aut qui consistit atque incedit, quasi in scena collocatus spectandus foret, quod semper malum prodit artificem.

## §. 50.

*De coniunctione gustus cum ingenio in operibus artis pulcræ.*

Si quaeritur, quid caput sit in rebus artem pulcræ spectantibus, vtrum, vt in iis ingenium, an gustus se prodât, idem est, ac si quaeretur, vtrum plus in phantasia in iis, quam a facultate iudicandi penderet. Cum autem ars ratione ingenii magis ingeniosa, respectu gustus autem ars *pulcræ* dici meretur; hoc posterius certe vt conditio sine qua non caput est, quod in arte vt arte pulcræ diiudicanda spectandum est. Vbertas et idearum originalitas minus ad pulcritudinem necessariae sunt, sed saue quidem conuenientia phantasiae illius in libertate sua cum intelligentiae legalitate. Omnis enim phantasiae vbertas in libertate sua legibus vacua nil producit nisi insaniam; sed iudicandi vis est facultas ad intelligentiam illam aptandam.

Gustus perinde, atque iudicandi facultas in genere, disciplina est ingenii, cui is alas admodum præcidit, quodque moratum reddit politumque; simul vero hoc instituit, quo sese debeat et quam longe expandere, vt fini conueniat, et, dum claritatem ordinemque infert in vbertatem cogitatorum, ideas reddit firmas, durantisque et simul vniuersalis adensus, aliorumque imitationis, et culturae perpetuo progredientis capaces. Quodsi ergo in pugna vtriusque facultatis quidpiam deberet in quodam opere perdi, id potius a parte fieri ingenii deberet: et facultas iudicandi, quæ in causis artis pulcræ e propriis principiis sententiam pronunciat, libertati potius vbertatique phantasiae, quam intelligentiae, derogari patietur.

Quapropter ad artem pulcræ et *phantasia* postulabitur, et *intelligentia* et *anima gustusque* \*).

\*) Phantasiae, intelligentiae et ingenii per gustum demum *coniunctio* efficitur. *Huius* in historia Anglos, monstrat, quamvis in operibus suis nulli in orbe terrarum populo respectu argumentorum trium proprietatum priorum, *separatim* spectatorum quidpiam concedant, tamen in ea, quibus illae coniunguntur, vicinis suis, Francogallis, esse inferiores oportere.

## §. 51.

*De partitione artium pulcrarum.*

Pulcritudo (sive naturae pulcritudo sit siue artis) idearum aestheticarum potest *expressio* vocari; ita tamen, ut in arte pulchra haec idea per conceptum rei obiectae excitetur, in natura pulchra vero sola de visione data reflexio, siue conceptus eius, quid esse debeat obiecta res, ad ideam et excitandam et comunicandam idonea sit, cuius res illa obiecta ut *expressio* consideratur.

Quodsi igitur pulchras artes velimus partiri; nullum, certe ad periclitandum, aptius principium possumus atque accommodatius ad eam rem eligere, quam analogiam artis cum expressionis modo, quo homines in loquendo utuntur, ad se, quoad eius fieri potest, plene perfecteque inuicem, id est, non solum quoad conceptus, sed etiam quoad sensationes, comunicandos \*). — Haec consistit et in *articulatione*, et in *gesticulatione*, et *modulatione*. Sola horum trium expressionis modorum coniunctione plena efficitur loquentis comunicatio. Cogitatum enim, visioque et sensatio eo simul et coniunctim ad alterum transferuntur.

Quamobrem triplex tantummodo genus est pulcrarum artium, ars *loquens*, ars *figens* et ars *lusus sensationum* (ut externarum sensuum impressionum). Atque ea partitio etiam per dichotomiam posset fieri, ita ut ars pulchra in artem expressionis aut cogitatorum aut visionum dispesceretur; sed ars exprimendarum visionum rursus diuideretur vel secundum formam, vel secundum materiam (sensationem). Verum ea tum nimis abstracta, neque ita conceptibus vulgaribus consentanea videretur.

1) Artes loquentes sunt *eloquentia* et *poesis*. *Eloquentia* in arte consistit munus intelligentiae ut lulum phantasiae

\*) Lector hanc formam descriptionis pulcrarum artium possibilis non ut theoriam diiudicabit studiose propositam. Ea modo periculum est ex variis illis, quae et possunt fieri et debent.



liberum tractandi; sed *poetis* in arte versatur lufum phantasiae liberum vt munus intelligentiae exsequendi.

Quocirca *orator* negotium adnunciat idque ita exequitur, quasi solum idearum *lufus* sit, ad spectatores demulcendos. *Poeta* solum adnunciat *lufum* oblectantem idearum, et tamen tam multa inde existunt ad intelligentiam, quasi istud solum sibi propositum fuisset. Coniunctio concentusque vtriusque cognoscendi facultatis, et sensitivae et intellectualis, quarum nulla potest altera supersedere, quae tamen quoque sine vi at coactione mutuaque iactura non facile possunt coniungi, non consulta atque ex proposito esse debet, sed sponte sic aptata videri; alioquin enim non ars *pulchra* foret. Idcirco quidquid arcessitum est anxiumque euitandum est: etenim ars pulchra duplici respectu esse ars libera debet: cum vt ea ne tanquam opus mercenarium in labore versetur, cuius quantitas potest ex certa quadam ac determinata mensura iudicari, cogi, vel emi; tum, vt animus occupetur ille quidem, sed ita tamen, vt, nullius alius finis respectu habito, (mercede vacua) fatiatum se sentiat atque excitatum.

Itaque orator quiddam quidem, quod non pollicetur, impertit, quippe lufum phantasiae oblectantem; sed demit quoque illi aliquid, quod pollicetur, et quod tamen negotium est ab se indictum, nimirum vt intelligentia conuenienter occupetur. Contra poeta pollicetur purum solumque lufum indicit idearum, sed praestat aliquid negotio dignum, nempe intelligentiae ludendo alimentum se praebiturum, et conceptibus suis per phantasiam vitam daturum; proinde reapse ille minus, sed hic plus praestat, promisso.

2) Artes *fingentes*, quibus proposita est idearum expressio in *visione sensitiva* (non per repraesentationes solius phantasiae per verba excitatas) sunt vel ars *veri sensitivi*, vel *putativi sensitivi*. Illa vocatur *plastice*, haec altera *pictura*. Vtraque figuras conficit in spatio ad exprimendas ideas: illa figuras effingit duobus sensibus noscibiles, visui

tactuique (quamquam tactui minus respectu pulchritudinis) haec soli visui. Idea aesthetica (archetypon) utrique in phantasia fundamento subest; sed figura illam exprimens (ectypon) aut in extensione corporea (vti res obiecta ipsa exstat) aut pro modo, quo ea se in oculo depingit (ex adparentia eius in superficie) datur atque proponitur; aut, si in extensione corporea offeratur, relatio ad certum quemdam finem scopumque, aut modo species illius, reflexioni statuitur pro conditione.

Ad *plastice*n, vnam pulcrarum artium fingentium rationem, pertinet *ars statuaria* et *architectura*. Illa in ea arte versatur, quae conceptus rerum, vti *possent in natura exstare* corporum formis exhibet (sed tamen vt ars pulchra respectu habito formae finalis aestheticae); altera arte continetur, conceptus rerum, *duntaxat per artem* possibiles, cuius formae determinandae ratio non natura est, sed quidam arbitrarius finis, ad hoc consilium, sed simul tamen aesthetice conuenienter, exhibendi. In architectura certus quidam *usus* rei artificiosae caput est, ad quem vt conditionem, ideae aestheticae adstringuntur. In arte statuaria sola *expressio* idearum aestheticarum potissimum respicitur. Sic hominum, deorum, animalium et id genus aliorum statuae pertinent ad statuariam; sed templa, palatia in usum publicorum conuentuum, vel etiam habitationes, arcus, columnae, cenotaphia et quae sunt de genere eodem in memoriam exstructa, spectant architecturam. Quid? quod omnis supellex (opus serinarii et similes res vteniles) possunt ad id eligi et adhiberi: eo quod conuenientia operis ad certum quemdam usum essentiam efficit *operis architectorii*; contra solum *opus plasticum*, duntaxat ad conspiciendum effectum, quod debet per se ipsum placere, vt exhibitio corporea sola naturae imitatio est, respectu tamen habito idearum aestheticarum: in quo vero *verum sensitiuum* haud eo debet progredi, vt definat vt ars et opus arbitrii videri.

*Ars pictoria*, vt alterum genus artium fingentium, quod *speciem sensitiuam* artificiose cum ideis coniunctam exhi-

bet, in artem pulcræ *descriptionis naturæ*, et pulcræ operum suorum *compositionis* diuideretur. Altera *propria pictura* foret, altera *ars hortensis*. Illa enim tantum speciem præbet corporeæ extensionis; hæc vero hanc extensionem ad veritatem, sed speciem tantummodo fructus ad aliosque scopos vsus, quam solum ad lufum phantasiæ in intuendis formis. Hæc posterior nihil aliud est, quam exornatio soli cum eadem varietate (graminibus, floribus, fruticibus atque arboribus, ipsisque aquis, collibus, vallibusque), qua natura illud exhibet adspectui, modo aliter et certis quibusdam conuenienter ideis, componit. Pulcra autem rerum corporearum compositio data tantummodo oculo est, velut pictura; sed sensus tactus nullam potest repræsentationem eiusmodi formæ sensitivam suppeditare. Ad picturam in sensu latiori præterea ornatum cubiculorum per tapetes, abacos, omniaque pulcra supellectilia, quæ solum ad *conspectum* faciunt, referrem; artem item ad gustum vestiendi (annulos, armillas et similia). Namque area variis floribus confita, cubiculum variis figuris ornatum (ipsoque feminarum ornatu simul comprehenso) in die festo quoddam picturæ genus constituunt, quod, uti proprie sic dicti, (quibus haud fere, historiam *docere*, vel cognitionem naturæ) solum conspiciendi causa adest, ad phantasiam in libero idearum lusu oblectandam, et sine certo ac determinato fine iudicandi vim æstheticam occupandam. Opus vniuersi huius ornatus sane sit, mechanice, varium diuersumque, atque artificibus opus habeat prorsus diuersis; tamen iudicium gustus de iis, quæ hac in arte pulcra sunt, eatenus vno atque eodem modo determinatum est: nempe ad formas (nullo respectu ad finem habito) ita, uti sese oculo obiciunt, singulas vel in compositione sua, pro eo atque phantasiam adficiunt, diiudicandas. — Quomodo autem ars fingens ad gestulationem possit in lingua quadam (secundum analogiam) accenseri, eo docetur, quod animus artificis hisce figuris eius, quid et quomodo cogitarit, expressionem proponit corpoream, ipsamque rem quasi mimice loquentem facit: qui quidem lusus admodum frequens est phantasiæ nostræ, rebus inani-

nis, ipsius formae convenienter, animum supponentis, qui ex iis loquitur.

3) *Ats pulcri sensationum lusus* (quae gignuntur extrinsecus), qui nihilominus tamen vniuersae est communicandus, non potest nisi rationem diuersorum graduum tenoris (intentionis) sensus, ad quem pertinet sensatio, id est, tonum illius spectare; atque in hac laxiori vocabuli significatione in lulum artificialem sensationum auditus ea potest et visus, proinde in muscen et colorum artem dispefci. — Notatu dignum est: hos duos sensus, praeter receptiuitatem impressionum, quantum opus est ad rerum externarum, ope illarum, conceptus hauriendos, etiam peculiaris cuiusdam cum iis coniunctae sensationis capaces esse, quae haud certo definiri potest, vtrum sensus iis, an reflexio fundamento videatur; eamque quasi adfectabilitatem tamen interdum posse deesse, quamquam sensus caeteroquin, quoad vsum ad obiectas res cognoscendas, nullo modo vitiosus sit, verum fere adeo apprimae subtilis. Nimirum non potest certo adfirmari: vtrum color tonusue (sonus) solum sensationes gratas excitet, an per se iam lusus sit pulcer sensationum, et qua talis complacentiam formae in diiudicatione aesthetica contineat. Quodsi celeritatem motuum luminarium aereorumque consideres, vim omnem nostram facultatemque, temporis describendi rationem per eam proxime in perceptione diiudicandi; crederes, solum harum oscillationum in partibus elasticis corporis nostri *effectiorem* sentiri, sed *temporis* per eas *descriptionem* haud percipi nec iudicari, proinde cum coloribus et tonis solum iucunditatem coniungi, non vero pulcritudinem compositionis. Quodsi autem e contrario consideres *primo* rationem mathematicam, quae de proportionem istarum oscillationum in musica potest eiusque diiudicatione doceri, colorumque distinctionem, vti par est, iudices, ex musices analogia; si *deinde* exempla, quamuis rara, hominum consulas, qui visu omnium acerrimo non colores, neque acutissimo auditu potuerunt tonos discernere, item in iis, qui hoc valent, perceptionem qualitatis mutatae (non

solum magnitudinis gradusque sensationis) in diuersis colorum tonorumue scalae intensiōis, si porro numerum perpendas eorum ad discrimina *comprehensibilia* esse determinatum: coactum te intellexeris, sensationes vtrorumque haud vt solam sensuum impressionem spectare, verum vt effectum diiudicandae formae in lusu sensationum multarum. Sed discrimen, quod ex vna alteraue in causa diiudicanda musices proficiscitur, definitionem eatenus mutaret, vt eam aut, quod ipsi fecimus, pro pulcro sensationum (per auditum) lusu, aut sensationum *gratarum* et suauium declarares. Tantummodo ex illa superiore definiendi ratione musica prorsus vt ars *pulcra*, ex altera vero vt *grata* ars et suauis (saltem ex parte) repraesentabitur.

§. 52.

*De coniunctione artium pulcrarum in vno eodemque opere.*

Eloquentia cum exhibitione pictoria, cum subiectorum suorum, tum rerum sibi subiectarum, in *fabula scenica*; poesis cum musica, in *cantu*; cantus vero simul cum exhibitione pictoria (theatrali) in *opera*; lusus sensationum in musica cum lusu figurarum, in *saltatione*; et sic porro potest coniungi. Potest etiam exhibitio subtilitatis, quatenus ea ad artem pulcram pertinet, in *tragoedia rhythmica*, *carmine didactico*, vel *oratorio* cum pulcritudine coniungi; et in his coniunctionibus ars pulcra artificiosior est; an vero et pulcrior (cum tam varia diuersaque complacentiae genera inuicem se peruagentur), in quibusdam causis dubitari potest. Sed in vniuersa arte pulcra essentialiter consistit in forma, obseruationi diiudicationique consentanea ac finali, vbi voluptas simul cultura est animumque componit ad ideas, proinde maioris eiusmodi voluptatis oblectationisque illum reddit capacem; non in materia sensationis (illicebriis aut permotione), vbi solum fruitio spectatur, nihil quidquam in idea relinquens, mentem hebetans, obiectam rem paulatim taediosam, animumque, per conscientiam tenoris

sui in iudicio rationis inconuenientis, sibi ipsi iniquum reddens et inorosum.

Nisi artes pulcræ, prope longæ, cum ideis morali-  
bus coniungantur, quæ solæ complacentiam in se colibent  
et continent in sese consistentem, hæc mala, quæ modo  
recensuimus, tandem experientur. Tum tantum distra-  
hendo animo inseruiunt, quod eo magis indigemus, quo  
frequentius iis utimur, ut tædium animi e nobis ipsis con-  
ceptum eo dispellatur, quo nosmet inutiles reddamus, et  
nobis ipsis iniquiores. Omnino pulcritudines naturæ supe-  
rius consilium maxime promouent, si mature, ad eas et  
obseruandas, et iudicandas, et admirandas aduesiamus.

### §. 53.

#### *Comparatio pretii æsthetici artium pulcrarum inter se inuicem.*

Omnium artium *potiss* (quæ propemodum tota ori-  
ginem ab ingenio ducit, minimeque præceptis vult ex-  
emplisue duci) locum supremum tenet. Animum dilatat  
eo, quod phantasiam libertati adserit intraque carceres dati  
cuiuspiam conceptus, ex inmensa formarum possibilium  
cum eo conuenientium varietate, ea suppeditat, quæ eius  
exhibitionem cum vbertate coniungit cogitatorum, cui nulla  
par prorsus et adæquata est linguæ expressio, atque ita sese  
ad ideas euellit. Animum firmat ea et corroborat, eo quod  
illa sit, ut is facultatem liberam spontaneamque et ab deter-  
minatione naturæ vacuam in se persentiscat, naturæ, ut phæ-  
nomeni, ex adspectibus et contemplandæ et diiudicandæ,  
quos ea haud sponte præbet, nec sensui, neque intelligen-  
tiæ in experientia, eamque proinde in gratiam quasque ad  
schentia rerum sensibus inaccessarum utendi. Ludit ea in spe-  
cie, quam ex lubricine efficit, neque ea tamen decipit; si qui-  
dem suam ipsam occupationem pro lusu declarat, qui nihilo-  
minus ab intelligentia potest et ad rem suam conuenienter  
atque ex consilio adhiberi. — Eloquentia, quatenus in ea ar-  
tem intelligimus persuadendi, id est, per speciem pulcræ fal-

lendi (ars oratoria) et non eloquentiam solam genusque orationis, in dialectica versatur, a poesi modo tantum mutuante, quantum necesse est ad animos, ante diiudicationem, oratori in cominodum eius conciliandos, eamque libertate priuandam: proinde ea neque fori cancellis potest, neque sacris suggestibus commendari. Namque cum de legibus ciuilibus, de iure singulorum hominum, aut de animis ad veram notitiam religiosamque officii obseruationem instituendis et determinandis agitur: tum infra dignitatem tam grauis negotii erit, vel modo vestigium luxuriauit ingenii ac phantasiae, multo magis autem artis ad persuadendum captandumque animum in gratiam vllius cuiuspiam, prodere. Ea enim etsi nonnumquam ad fines per se legitimos et laudabiles adhiberi potest, eo tamen sub reprehensionem cadit, quod hoc modo normae mentesque corrumpuntur, quamuis obiectiue actio cum legibus conueniat; propterea quod haud satis est, vt id, quod rectum est, facias, sed etiam vt solum idcirco, quia rectum est, patres. Praeterea solius distincti conceptus horum humanae curae generum, cum viuida in exemplis exhibitione coniuncti, nullaue regula orationis aurem permulcentis, verborumue decentiae iam perquam idonea cum animis humanis contagio est ad ideas rationis (quibus coniuncte eloquentia efficitur), quam vt necesse foret persuasionis machinas in eo adhiberi; quae, cum pariter possint ad excusandum occultandumque vitium atque errorem adhiberi, suspicionem secretam de dolo artificioso non omnem possunt delere. In poesi omnia et fide aguntur et sincere. Ea se profitetur solum lusum in phantasia oblectantem, et quidem secundum formam, cum legibus intelligentiae conuenienter acturam; neque intelligentiam cupit per exhibitionem sensitiuam obrepere atque illaqueare \*).

\*) Fateri cogor: pulcro memet carmine semper esse oblectatum, cum lectio orationis optima oratoris Romani aut nostri in senatu supremo sacrae suggestu semper mihi cum sensu ingrato quodam artis improbandae coniuncta fuerit, quae homines velut machinas in rebus grauibz ad ferendam mouere sententiam nouit, quae in cogitatione tranquilla omnem vim pondusque

Post poesin, *si de illecebris agatur et animi commotione*, artem eam collocarem, quae in loquentibus proxime ad eam accedit cum eaque quoque facillime potest coniungi, nimirum *artem musicam*. Ea namque, quamquam per solas sensationes loquitur sine conceptibus, proinde haud, ut poesis, quidpiam reliqui facit ad meditandum, tamen animum commouet plurifariam, et, quamvis modo praetereundo, tamen magis intime; sed sane quidem magis in fruitione consistit, quam cultura (lusus cogitatorum, qui iuxta ea excitatur, solum in effectis est adfociationis quasi mechanicae); eiusque, per rationem diiudicatae, pretium vilius est, quam cuiusque alius artium pulcrarum. Idcirco, velut quaeuis fruitio, crebriori opus habet vicissitudine, neque frequentiore repetitionem haud perfert, nisi taedium enascatur. Illecebrae illius, qui tam vniuersè communicari potest, in eo positae videntur: quod quaeque orationis expressio quemdam in contextu tonum habet, sententiae illius conuenientem; quod hic tonus plus minusue adfectum loquentis designat contraque quoque producit in audiente, qui tum in hoc vicissim quoque ideam excitat, quae in oratione eiusmodi tono exprimitur; et quod, quemadmodum modulatio lingua quasi vniuersalis est sensationum cuique homini perspicua, ars musica eam per se sola in vniuersa vi sua virtuteque, nimirum ut linguam adfectuum, exercet, atque ita, ex lege adfociationis, ideas aestheticas cum iis coniunctas vniuersè communicat; quod

in iis perdat, oportebit. Facundia et eloquentia (coniuncte rhetorica) ad artem pulcram pertinent; sed ars oratoria, ut ars infirmitatibus vitendi hominum ad suos scopos (quamvis ab optima sint mente profecti vel reapse ipsi optimi videantur) nulla prorsus *obseruantia* digna sunt. Iam ea vero emerfit, cum Athenis tum Romae, ad summumque gradum sese tempore euexit, quo respublica ad interitum properaret, verusque amor patriae esset extinctus. Qui, praeter claram rerum perspicacitatem, dictionis et vbertate pollet et puritate, et praeter secundam phantasiam ad exhibendas ideas suas idoneam, in communionem venit veri genuinique boni seriam, is vir bonus ille est dicendi peritus, qualem *Cicero* vult esse, quamvis ideali isti ipsi haud semper confiterit.



vero, quoniam ideae illae aestheticae in nullis conceptibus consistunt cogitatisque determinatis, forma harum sensationum componendarum (et harmonia et melodia) solum, loco formae linguae, eo seruit, ut per tenorem illius aequabilem (qui, quoniam in tonis proportionem nititur numeri oscillationum aeriarum in tempore eodem, quatenus tunc aut simul aut singuli coniunguntur, mathematicè potest certis quibusdam legibus subiici), idea totius cuiusdam conexi aesthetici veritatis cogitatorum nomine carentis, certo cuidam themati congruenter, quo, qui in cantu dominatur, adfectus efficitur, exprimitur. In hac forma mathematica, quinquam haud conceptibus proposita determinatis, solum haeret complacentia, quam sola super tali inuicem se comitantium sibi succedentium sensationum copia reflexio cum hoc eorum usu ut conditionem pulchritudinis ad unumquemque valentem coniungit; eaque sola est, ut cuius gustus ius sibi arrogat, de cuiusque iudicio in antecessum pronunciandi.

Sed illecebrarum permotionisque animi, quas musica producit, mathesi profecto ne minima quidem pars est; sed ea tantummodo conditio est sine qua non illius impressionum proportionis, cum coniunctarum, tam succedentium, qua fieri potest, ut comprehendantur, eaeque inter se inuicem ne turbentur, impediatur, sed ut ad motum continuum et animationem animi per adfectus cum illis consonantes atque ita ad fruitionem sui gratam concinant.

Contra cum pretium artium pulcrarum aestimatur ex cultura, quam animo parant, facultatumque dilatatio, quae in iudicandi vi ad cognitionem debent conuenire, mensura fiat; tum musica in pulcris artibus eatenus (sicut in iis, quae simul ex iucunditate aestimantur, fortasse supremum) locum ultimum capit, propterea quod solum ludit in sensationibus. Proinde artes fingentes hoc quidem respectu, longe eam antecedunt; dum enim phantasiae usum excitant liberum et intelligentiae tamen simul conuenientem, una negotium faciunt, propterea quod opus conficiunt, quod conceptibus intelligentiae pro vehiculo est perdurabili,

et sese per se ipsum commendante, ad coniunctionem eorum cum facultate sensitiva atque ita quasi urbanitatem superiorum cognoscendi virium promouendam. Vtrumque genus artium iter longe diuersum instituit; illud a sensationibus ad ideas determinatas; hoc ab ideis determinatis ad sensationes. Illius manent et *perdurant* impressiones, sed huius duntaxat fugiunt ac *transeunt*. Phantasia illas reuocare potest et iis sese suauiter oblectare; hac vero aut prorsus expirant, aut, temere casuque a phantasia repetitae, potius inolestae sunt nobis, quam iucundae. Praeterea in musica inest certa quaedam urbanitatis inopia, ita, vt, in primis pro ratione instrumentorum, vim suam et contagionem longius, ac volumus (ad vicinitatem), extendat, et sic se ipsa quasi obtrudat, proinde libertati aliorum, praeter coetum musicum, derogat; id quod non fit ab artibus, loquentibus ad oculos, propterea oculos modo auertere debeas, cum nolis impressioni illius aditum patere. Atque cum eo quidem fere pariter comparatum est, atque cum oblectatione ex odore late diffusio. Is, qui mappam odoratam e marsupio promit, circumcirca omnes excipit inuitos, cogitque, cum ducere spiritum volunt, simul vt fruantur; vnde ea quoque consuetudo desit \*). — In artibus fingentibus arti pictoriae principatum tribuerim; partim, quoniam, vt ars delineatoria, cunctis artibus fingentibus fundamento subest; partim quod ea multo longius in regionem idearum penetrare potest, et canipum quoque visionum, his conuenienter, dilatare, quam reliquis concessum videtur.

### S c h o l i o n.

Eorum, quae solum in diiudicatione placent, ab iis, quae delectant (in sensatione placent), vt saepius ostendi-

\*) Qui in religiosis exercitationibus domesticis et tantum carminum sacrorum commendarunt, non cogitarunt, se tali religioso cultu tumultuante (eoque ipso plerumque Pharisaico) magnam populo molestiam creare, propterea quod vicinos cogunt, vt vel in communionem cantus veniant, vel meditationem mittant.

mus, discrimen internum est et essentialē. Id quod delectat, non potest, velut quod in diiudicatione placet, ab vnoquoque homine postulari. Delectatio (etiāsi causa illius itidem insit in ideis) semper in sensu vniuersae vitae humanis promouendae, proinde quoque salutis corporeae, hoc est, rectae valitudinis, consistere videtur; ita vt, qui vniuersam delectationem proprie in sensatione corporea poneret, Epicurus eatenus fortasse non falso senserit, se ipsumque perperam intellexerit, si complacentiam intellectualem ipsamque practicam referret ad voluptatem. Hoc posteriori discrimine ad oculos statuto, sibi nec poterit enodare, qui fiat, vt ipsi, qui eam sensu percipit, voluptas possit displicere (velut laetitia hominis egentis, sed bene ab natura informati de hereditate a patre relicta se quidem amante, sed parco atque auaro), aut vt summus dolor ei, qui illum percipit, tamen queat placere (inuestitia luctusque viduae de morte mariti praeclare meriti), aut vt possit insuper voluptas placere (velut in artibus, quas tractamus), aut dolor (velut odium, inuidia, cupiditas vlciscendi) nobis praeterea queat placere. Complacentia vel displicentia hic ratione nititur, eademque est quae *probatio reprobatione*; verum voluptas et dolor solum in sensu possunt prospectuue ad *bene maleue* (qualis eius cūque causa sit) *se se habendum* niti.

Omnis liber lusus sensationum successiuus et mutuus (quarum causa nullo in fine inest) delectat et voluptatem mouet; quoniam sensum promouet rectae valitudinis: siue ex diiudicatione rationali in re illi subiecta atque in hac ipsa voluptate complacentiam sentiamus, siue non; eaque voluptas crescere ad adfectum potest, quamuis ex re obiecta ipsa nullum inuitamentum capimus, certe non id, quod magnitudini quasque gradui adfectus foret aequabile. Quos quidem in *ludum fortunae* possumus, et *tonorum* et *cogitatorum* describere. Ludus fortunae inuitamentum postulat, seu vanitatis, seu vtilitatis, quod vero perinultum abest, vt tantum sit, quantum inuitamentum ex modo, quo nobis illud studemus comparare. Lusus deinde *tonorum*

postulat *sensationum* vicissitudinem, quarum quaeque relata est ad adfectum, sed sine adfectus cuiusdam multitudine et gradu, ideas aestheticas excitat. Lusus denique cogitatorum solum ex vicissitudine nascitur repraesentationum in facultate iudicandi, qua nulla quidem, quae vllum quodpiam in se inuitamentum contineret, cogitatio nascitur, sed animus tamen animatur.

Quantam voluptatem lusus pariant, nulla quoque utilitate proposita, omnes nostri docent coetus vespertini; nullus enim propemodum sese poterit sine lusu occupare. Verum adfectus et spei, et metus, et gaudii, et irae, ludunt, dum quouis momento partes permutant, adeoque viuidi sunt, ut iis, quasi motione interna, vniuersa in corpore actio vitalis esse promota videatur, uti alacritas animi inde enata planum facit, quamuis nihil quidquam lucri feceris, neque didiceris. Cum vero lusus fortunae non sit lusus pulcer, hoc loco illum in medio relinquemus. Contra et musica et ridendi materia aemulae in generibus sunt lusus idearum aestheticarum, vel etiam repraesentationes intellectuales; quibus postremo nihil cogitatur, et quae solum vicissitudine sua possunt, et tamen viuide delectare; quo sane docent perspicue, animationem in vtraque solum corpoream esse, quamuis ab animi ideis excitetur, sensumque rectae valitudinis, motu intestinorum lusu illi consentaneo, vniuersam, tam subtilem celebratam et animosam, voluptatem effici coetus hilarioris. Non diiudicatio harmoniae tonorum vel facetiarum et salium, quae cum pulcritudine sua duntaxat pro vehiculo videtur, verum promotio in corpore vitalis actio, adfectus viscera ac diaphragma commouens, vno verbo sensus rectae valitudinis (quae non potest sine eiusmodi causis sentiri) voluptatem constituunt, quod ex eo percipimus, quod corpori etiam per animum possis accedere eoque uti ut medico illius.

In musica iste lusus a sensatione corporis pergit ad ideas aestheticas (rerum adfectibus obnoxiarum), tum ab his reuertitur, sed coniunctis viribus, ad corpus. In ioco (qui pariter atque illa potius ad artem iucundam, quam

pulcrum, adnumerandus videtur) lusus incipit a cogitatis, quibus singulis, quatenus sensitivè sese exprimunt, etiam corpus occupatur. dumque intelligentia in hac exhibitione, in qua, quae expectauerat, haud videt, subito remittit, effectiorem istius remissionis sentimus in corpore per organorum oscillationem, qua aequilibrum promouetur instauratione, quaeque vim exserit in valetudine benignam.

In iis omnibus, quae visum debent vividum et concutientem mouere, aliquid inepti atque absconditi insit, necesse est (quod proinde non poterit per se intelligentiae placere). *Risus cernitur in affectu ex mutatione repentina expectationis intentae in nihilum.* Haec eadem mutatio, intelligentiae profecto quidem haud iucunda, tamen indirecte ad momentum perquam vivide laetos reddit. Ergo causa in contagione repraesentationis cum corpore eiusque effectione mutua in animo consistere debet; et quidem non, quatenus repraesentatio obiectivè est sub voluptatem subiecta (quomodo enim spes potest frustrata delectari?), sed eo tantummodo, ut ea, qua solus repraesentationum lusus, virium in corpore vitalium aequilibrium producat.

Fac quempiam narrare: Indianum quemdam, ad mensam cuiusdam Angli Suratae, cum vidisset lagenam cerevisiae plenam aperiri omnemque cerevisiam, in spumam mutata effluere, multis exclamationibus magnam mirationem testatum, ad Angli interrogationem: quid illic tandem mirum videtur? respondisse: non miror, effluere cerevisiam, sed id miror, quomodo cogere eam in illam potueris; risum edimus, et magnopere delectamur: non idcirco quidem, quia nos fere videmus hoc inscio prudentiores, aut alia de causa, quam nobis intelligentia gratam in eo ostenderet; verum quod expectatio nostra, quae intenta erat, subito in nihilum dilabitur. Fingas porro heredem cognati ditis, huius funus maxime solemne parantem, queri: sibi id minus ex voto succedere; nam quo plus, aere, pecuniae hominibus meis, ut vultus moestitiam simulent, distribuo, eo conspiciuntur laetiores; tum cachinnum tollemus, et in causa est, quod expectatio

quaedam repente vertitur in nihilum. Bene notandum est: eam non in contrarium expectatae rei positivum — quippe quod semper aliquid est saepiusque potest nobis tristitiam adferre, sed in nihilum verti oportere. Si quis enim narranda historia magnam in nobis expectationem excitat, in eaque extrema fallitatem illius continuo perspicimus, displicentia perfundimur; velut cum homines narrantur vna nocte prae insigni moerore canos crines accepisse. Contra, cum ad eiusmodi narrationem compensandam alius homo facetus moerorem fusc depingit mercatoris, quem cum universis mercium opibus ex India Europam repetens, in graui tempestate earum omnium facere iacturam coactus, in tantum idcirco moerorem incidisse, ut propterea in eadem nocte illi *capillamentum* canesceret; tum in risum erumpimus, nosque oblectamur, quoniam errorem nostrum in re, quam alioquin parum curamus, vel potius sectatam ideam nostram, velut pilam, aliquamdiu huc illuc agitamus, dum animus solum est prehendere illum firmiterque tenere. Non ex pudore homini mendaci ingenioque stupido incusso voluptatem capimus; nam per se quoque hac postremo narrata historia risus ingens moueretur coetui; illudque haud solemus attentione dignum iudicare.

Iam vero notari meretur: in omnibus causis eiusmodi semper iocum oportere quidpiam in se continere, quo ad momentum possimus illudi; quapropter, cum illusio in nihilum evanuerit, animus rursus respicit, ut eam denuo experiatur, atque ita celeriter intentus relaxatusque huc illuc agitur ac titubat: quod, quoniam saltus ad illud, quod nervum quasi intenderat, motum animi cum eoque congruentem motum corporis internum efficiat, necesse est, qui necessario perdurat, lassationemque producat, sed praeterea quoque hilaritatem (quae in effectis sunt motionis ad rectam validitudinem conducentis).

Namque, si sunseris, cum omnibus cogitationibus nostris simul vllum quenupiam in organis corporis motum coniunctum esse; facile comprehendes, quomodo repentinae illi animi modo in hanc modo in aliam stationem

translocationi, ad rem obiectam contemplandam, mutua partium elasticarum in intestinis contentio laxatioque, ad diaphragma propagata, queat respondere (eius similis, quam homines persentiscunt, titillationis impatientes): in qua pulmones spiritum gradibus celeriter succedentibus eiciunt, atque ita motionem efficiunt valetudini saluberrimam, quae sola, non vero quae in animo aguntur, vera causa voluptatis est ex cogitatione reapse nihil repraesentante. — Voltarius dicere solebat: deum ad multas compensandas vitae aerumnas res nobis duas concessisse, et *spem*, et *somnum*. Poterat et *risum* adiungere; si modo, quibus is in prudentibus excitetur, adminicula facile in promptu forent, neque ingenium lepidum vel originalitas facetiarum, quibus ad eam rem opus est, aequè rarius esset, atque frequentius munus naturae est, *abscondite*, ut mystici scrutatores, *praecipitanterque*, velut ingenia, et *molliter*, inslar tenerorum fabularum Romanensium auctorum (interdum fere etiam eiusmodi philosophorum moralium), fingendi.

Poterit, opinor, igitur commodè Epicuro concedi, vniuersam voluptatem, quamvis conceptibus effectam, quibus ideae aestheticae excitantur, *sensationem animalem* esse, hoc est, corpoream; neque tamen quidpiam eo de sensu *intellectuali* obseruantiae ideis moralibus debitae, quae non cernitur in voluptate, verum in sui ipsius (humanae in nobis naturae) obseruantiae qua super necessitatem illius euehimur, quin ne de ipsa quidem *gustus* ignobiliori, detrahetur.

Quidpiam ex utroque compositum inest in *natio*, quod in sinceritate consistit naturae humanae originaria tributa erumpente contra artem simulandi alteram naturam factam. Ridemus simplicitatem simulationis nesciam; et tamen quoque de simplicitate laetamur naturae, artem istam euertente. Expectasses morem quotidianum adfectatae et ad pulcram speciem caute institutae professionis; sed natura innocens est et incorrupta, quam non sperasses deprehendere, quamque is, qui eam ostendit, aperire nolebat. Pulcra specie, sed falsa, cuius permagna esse vis solet in

iudicio nostro, repente hic in nihilum conuersa, quasque uequam in nobis denudato, motus animi successiue efficitur ad duas directiones contrarias, corpus simul salubriter concutiens. Sed sinceritate animi, quae infinite melior est vniuerse more recepto, (certe initiis illius) haud omni tamen in homine exstincta, grauitas aestimatioque miscetur in hocce lusu facultatis iudicandi. Quoniam autem phaenomenon est ad breue tempus conspicuum, velumque artis simulandi mox rursus obtenditur; fit, vt simul quidam sese dolor immisceat, qui in motu versatur teneritudinis, qui apte possit vt lusus cum eiusmodi vsu benigno coniungi et reapse quoque coniungitur, et praeterea quoque illi, qui materiam praebet, anxietatem de eo, quod nondum sit ad morem hominum expositus, solet compensare. — Idcirco ars *natiui* repugnantia est; sed vt ratio *natiua* in persona ficta proponatur, sane potest fieri, et ars pulchra est quamquam eadem rara. Cum *natiuo* aperta simplicitas, quae naturam solum propterea haud adulterat, quoniam, quid ars consuetudinis sit, non callet, non confundenda videtur.

Ad ea, quae exhilarantia, voluptati ex risu finitima sunt, et ad mentis rationem exemplarem, nec sane vero ad *modus* naturale artis pulchrae pertinent, potest etiam *modus facetus* referri. Facetiae in sensu bono scilicet donum denotat naturae, pro lubricine animum quodam modo componendi, ita vt cunctae res longe aliter quam consueti (adeo retro), et tamen certis quibusdam rationis principiis conuenienter in eiusmodi animi tenore, diiudicentur. Qui eiusmodi mutationibus inuoluntarie obnoxius est, morosus dicitur; qui eas vero voluntarie et conuenienter (ad viuendam exhibitionem interuentu distincti contrarii risum mouentis) recipere potest, is eiusque oratio iocosus adpellatur. Interim hic *modus* magis spectat artem suauem et iucundam, quam pulchram ac venustam, idcirco, quia res arti pulchrae proposita semper quamdam in se dignitatem ostendere debet, ideoque certam quamdam in exhibenda grauitatem postulat, velut gustus in iudicando.



CRITICES FACULTATIS IUDICANDI  
AESTHETICAE

SECTIO ALTERA.

---

DIALECTICE FACULTATIS  
IUDICANDI AESTHETICAE.

---

§. 55.

**I**udicandi facultas, quae esse dialectica debet, in primis ratiocinans sit, necesse est; id est, iudicia illius vniuersalitatem postulent, eamque ex anticipatione<sup>\*)</sup>: in eiusmodi enim iudiciis opponendis dialectica consistit. Idcirco iudiciorum aestheticorum sensitiuorum (de iucundo et iniucundo) ratio insociabilis non dialectica est. Etiam pugna iudiciorum gustus, quatenus suum quisque gustum testatur, proprium nulla gustus dialectica efficitur; si quidem nemo cogitat iudicium suum statuere regulam vniuersalem. Igitur nullus cuiuspiam dialectices conceptus relinquitur, qui posset gustum attingere, praeter conceptum dialectices *critices* gustus (non gustus ipsius) ratione *principiorum* illius: cum scilicet de causa possibilitatis iudiciorum gustus generatim conceptus inter se inuicem pugnantes per naturam necessarioque existunt. Ergo critice transcendentalis gustus tum solum partem, quae nomine indui dialectices facultatis iudicandi aestheticae poterit, continebit, cum antinomia principiorum huiusce facultatis depre-

<sup>\*)</sup> Iudicium ratiocinans dici quodque potest, quod ut vniuersale se adnunciat; eatenus enim esse pro propositione potest in ratiocinatione. Contra iudicium ratiocinatum solum illud poterit vocari, quo ut ratiocinii conclusio, proinde ut ex anticipatione fundatum, cogitatur.

hærendetur, quæ legalitatem eius, proinde et possibilitatem internam, dubiam reddit atque incertam.

§. 56.

*Delineatio antinomiae gustus.*

Frior locus communis gustus pronnciato continetur, quo se quisque gustu destitutus contra reprehensionem cogitat muniri: *suus cuique gustus proprius est*. Hoc idem est, atque ratio determinandi huiusce iudicii solum subiectiua est (voluptas vel dolor); neque iudicii ullum ius est in adfensum necessarium aliorum.

Alter deinde illius locus communis, qui vel ab iis adeo vsurpatur, qui iudicio gustus ius concedunt, quæ ad quemque valent, pronunciandi, hic est: *de gustu non est disputandum*. Id quod hanc vim habet: ratio determinandi iudicii gustus poterit etiam obiectiua esse, sed non potest ad conceptus determinatos reuocari; proinde de iudicio ipso non potest quidquam per argumenta *decerni*, quamquam sane quidem commode de eo ac iure *certari*. Nam *certare* et *disputare* in eo quidem idem sunt, vt per mutuam iudiciorum resistentiam concentum illorum conentur producere, sed in eo differunt, quod *disputatio* id efficit sperat ex conceptibus determinatis vt argumentis, proinde *conceptus obiectiuos* sumit, vt iudicii rationes. Vbi autem hoc vt inconcessum spectatur, ibi et disputatio itidem vt inconcessa diiudicanda erit.

Facile intelligitur, inter hos duos locos communes desiderari sententiam, non prouerbialiter quidem vsitatam, sed tamen in cuiusque sensu contentam: *de gustu certandum est* (quamquam haud disputandum). Haec vero sententia contrarium continet enunciati superioris. De quo enim licebit certare, de eo et sperandum est posse conueniri; proinde rationes iudicii sperandæ erunt, quæ non solum valoris priuati sint, ideoque non tantum subiectiuae; cui nihilominus decretum istud: *suus cuique proprius gustus est*, e diametro contrarium videtur.

Quamobrem respectu principii gustus haec sese offert antinomia:

1. *Thesis.* Iudicium gustus haud nititur conceptibus; alioquin enim de eo posset disputari (argumentis decerni).

2. *Antithesis.* Iudicium gustus nititur conceptibus; alioquin enim, quamvis permagna illius diuersitas sit, posset ne de eo quidem certari (necessaria aliorum cum hoc iudicio adsensio postulari).

§. 57.

*Solutio antinomiae gustus.*

Fieri nullo modo potest, ut pugna principiorum illorum, iudicio gustus suppositorum (quae nulla alia sunt, quam, quae supra proposuimus in analytica, duae illae iudicii gustus proprietates) tollatur, nisi ostenderis: conceptum, ad quem res obiecta in hoc iudiciorum genere refertur, in utraque norma facultatis iudicandi aestheticae non in vno eodemque sensu accipi; hunc sensum duplicem, rationemue, diiudicationis facultati iudicandi nostrae transcendentali necessarium esse; neque vero speciem, in confundendo vno cum altero, ut illusionem naturalem posse euitari.

Ad vllum quempiam conceptum iudicium gustus se referat necesse est; alioquin enim nullo pacto posset necessarium cuiusque valorem postulare. Verum idcirco illud non erit ex quodam conceptu euincendum, quoniam conceptus aut determinabilis esse potest, aut per se indeterminatus et simul indeterminabilis. Superioris generis est conceptus intellectualis, per praedicata visionis sensitivae, quae potest ei respondere, determinabilis; sed generis alterius conceptus rationalis est transcendentalis suprasensibilem, vniuersae visioni illi fundamento constitutorum, qui proinde non ulterius potest theoretice determinari.

Iam iudicium gustus res spectat sensibus obnoxias, sed non ad earum *conceptum* intelligentiae determinandum;

neque enim iudicium est cognitionis. Proinde illud tantummodo iudicium priuatum est, ut repraesentatio singularis ad sensum voluptatis relata; atque eatenus secundum suum valorem ad solum indiuiduum iudicans adstrictum foret: res illa *mihi* est res complacentiae obnoxia, aliis ex aliter fuerit; — suus cuique gustus est.

Nihilominus sine dubio in iudicio gustus dilatata repraesentationis rei obiectae (simul etiam subiecti) relatio continetur, in quo extensionem huiusce iudiciorum generis, ut cuique necessariam, fundamus; cui proinde vllus quipiam conceptus fundamento subit, necesse est: verum conceptus, qui nullo modo potest per visionem determinare, per quem nihil cognosci, nec proinde *argumentum* potest iudicii gustus *duci*. Eiusmodi conceptus autem solus est conceptus rationalis purus suprasensibilem, qui obiectae rei (itemque subiecto iudicanti) ut rei sub sensu subiectae, proinde ut phaenomeno, fundamento videtur. Neque enim, eiusmodi respectu haud sumto, ius non posset iudicii gustus in valorem vniuersalem conservari: quodsi, in quo illud nititur, conceptus foret solum confusus conceptus intellectualis, fere perfectionis, cui dari posset congruens pulcri visio sensitua; fieri saltem per se posset, ut iudicium gustus in argumentis fundaretur, id quod thesi repugnat.

Atqui omnis repugnantia evanescit, cum dico: iudicium gustus in conceptu nititur (rationis cuiusdam generatim pro forma finali subiectiua naturae iudicandi facultati), ex quo vero ratione rei obiectae nihil quidquam potest, nec cognosci, nec probari, si quidem is per se indeterminabilis est, ad cognitionemque inutilis; sed eodem illo fit, ut iudicium istud simul valorem ad vnumquemque uanciscatur (in quouis quidem ut iudicium singulare, proxime comitans visionem): quoniam ratio determinandi illius fortasse in conceptu ineat illius, quod ut suprasensibile potest humanae naturae substratum spectari.

Solutio antinomia cuiusdam pendet ex possibilitate, ut duae euunctiones ad speciem pugnantes sibi iuicem

reapse haud repugnare queant, sed vna consistere, quamuis enodatio possibilitatis conceptus illarum vim cognoscendi nostram superet vincatque. Hanc speciem quoque naturalem esse rationique humanæ inuitabilem, item quare ea ita sit maneatque, etsi pugna putatitia sublata haud decipiat, inde quoque potest doceri.

Nempe conceptum, in quo iudicii vniuersalitas niti debet, in utroque iudicio pugnante in vna eademque significatione sumimus, de illoque duo praedicata opposita enunciamus. In thesi proinde enunciari deberet: iudicium gustus haud conceptibus nititur *determinatis*; sed in antithesi: iudicium gustus tamen conceptu quodam nititur, quamuis *indeterminato* (scilicet suprasensibilis phaenomenorum substrati); et tunc nulla foret pugna illorum.

Nihil quidquam amplius praestare possumus, ut hanc pugnam in iure gustus mutuo remoueamus. Sed fieri nullo pacto potest, ut principium obiectiuum gustus determinatum proponamus, ex quo iudicia illius, et deriuari possint, et explorari probarique; tum enim illud nullum gustus iudicium foret. Principium subiectiuum, nimirum idea in nobis suprasensibilem indeterminata, solum ut vna clavis explicandae huiusce facultatis nobis quoad ipsos illius fontes occultae indicari potest, sed nulla re ulterius doceri.

Antinomiae propositae hoc loco atque explanatae verus conceptus fundamento subest gustus, scilicet ut facultatis iudicandi aestheticae solum reflectentis; et tum ambo principia specie pugnantia inuicem vidimus coniungi, propterea quod *ambo possunt vera esse*, quod etiam satis est. Contra si pro ratione gustus determinandi (propter repraesentationum, quae iudicio gustus fundamento est, singularitatem) ut quidam faciunt, *incunditas*, aut, quod aliis placet (quod eius vniuersalitatein) principium *perfectionis* acciperetur, ex eoque gustus definitio institueretur; orietur inde antinomia, nullo modo componenda, nisi sic, ut doceas, *ambo sibi inuicem* (sed non solum repugnanter) *opposita decreta falsa esse*: quod quidem probat, conceptum,

in quo quodque constitutum est, secum ipsum pugnare. Ergo intelligitur, solutionem antinomia<sup>e</sup> facultatis iudicandi aestheticae iter ingredi simile illius, quod critica instituit in antinomiis rationis purae theoreticae explicandis; antinomiasque pariter et hoc loco et in critica rationis practicae, cogere nos inuitos, ut sensibilia transpiciamus, atque in supra-sensibilibus locum omnium facultatum nostrarum ex anticipatione coniungendarum anquiramus.

### Scholion I.

Cum in philosophia transcendentali nobis tam crebro nascatur occasio, idearum a conceptibus intellectualibus discernendarum, vtile esse poterit, terminos technicos discrimini illarum conuenientes introducere. Neque quemquam, opinor, improbaturum fore, si quosdam proponam. — Ideae in significatione latissima repraesentationes sunt ex principio quodam (subiectiuo vel obiectiuo) ad rem obiectam quamdam relatae, quatenus nihilominus iis numquam potest cognitio illius effici. Sunt eae aut ex principio quodam solum subiectiuo conuenientiae facultatum cognoscendi inter se inuicem (phantasiae intelligentiaeque) ad quamdam visionem relatae; tumque vocantur *aestheticae*; at ex principio obiectiuo ad conceptum relatae, neque tamen umquam possunt obiectae rei cognitio esse; dicunturque *ideae rationales*; et tum conceptus ille conceptus est *transcendens*, a conceptu intellectuali, cui semper potest, quae conuenienter respondeat, experientia supponi, et ideo *inmanens* vocatur, diuersus.

*Idea aesthetica* nulla potest cognitio fieri, siquidem ea est *visio* (phantasiae) cui, qui adaequatus sit, numquam potest conceptus inueniri. Neque *idea rationalis* umquam fieri cognitio poterit, quoniam *conceptum* continet (supra-sensibilem) cui numquam potest visio conuenienter proponi.

Iam ideam puto aestheticam dici posse phantasiae repraesentationem *inexponibilem*, sed ideam rationalem conceptum rationis *indemonstrabilem*. Vtraque supponitur haud

fere prorsus fundamento destituta esse, sed (ex definitione ideae generatim superiori) certis quibusdam cognoscendi facultatum principiis, quo eae spectant (illae subiectiuis principiis, hae vero obiectiuis) conuenienter gigni.

*Conceptus intellectuales*, qua tales, semper esse demonstrabiles oportebit (si demonstrare, vt in anatomia, solum *exhibere* intelligitur); id est, res iis consentanea semper, necesse est, vt in visione possit (pura vel empirica) offerri; namque eo solo iis possunt cognitiones effici. Conceptus *quantitatis* dari potest in visione spatii antecepta, velut lineae rectae et sic porro; conceptus *causae*, in impenetrabilitate, pulsu corporum et caeteris de genere eodem. Proinde vtrique per visionem empiricam possunt instrui, id est, cogitatio de iis exemplo demonstrari atque ostendi; idque fieri posse, oportebit: contra nobis haud constabit, anne cogitatio inanis sit, nimirum omni re obiecta destituta.

In logica verbis demonstrabilium et indemonstrabilium utimur plerumque tantummodo respectu *enunciationum*; cum illae melius duntaxat cum interuentu, hae vero *proxime certae* enunciationes possent denominari: namque philosophiae purae itidem vtriusque generis *enunciationes* sunt, si illis enunciationes intelligantur verae probandae improbandaeque. Verum per causas ex anticipatione ea, vt philosophia, probare quidem potest, sed minime demonstrare; nisi prorsus velis a vi potestateque vocabuli recedere, qua demonstrare, ostendere, exhibere idem denotat, atque (siue in argumentis siue quoque solum in definiendo) conceptum simul in visione exhibere atque proponere: quae, si visio ex anticipatione sit, illius constructio vocatur, sin autem etiam empirica sit, nihilominus rei obiectio ostensio manet, qua conceptus de realitate obiectiua cauetur. Sic anatomicum dicimus demonstrare oculum humanum, cum, quem antea discursiue tractauerat, conceptus interueniente organi istius analysi sub adspectum subiicit.

Ex quo manifestum est, conceptum rationalem substrati omnium visorum suprasensibilis in vniuersum, vel etiam eorum, quae respectu legum moralium arbitrio nostro subiici fundamento debent, nimirum libertatis transcendentalis, iam quoad speciem conceptum indemonstrabilem esse, et ideam rationalem, sed virtutem ideam esse quoad gradum: propterea quod superiori conceptui per se nihil omnino potest quoad qualitatem, quod ei respondeat, in experientia proponi, in hac altera autem nullum causalitatis illius effectum empiricum ad eum gradum adspirat, quam pro regula praecipit idea rationalis.

Vti vero in idea rationali *phantasia*, cum visionibus suis, ad conceptum datum haud peruenit; sic in idea aesthetica *intelligentia*, per suos conceptus, numquam totam phantasiae visionem internam, quam cum data quadam repraesentatione coniungit, adsequitur. Cui autem phantasiae repraesentationem ad conceptus reuocare ideam sit, atque eam *exponere*: idea aesthetica repraesentatio illius (in usu eius libero) *inexponibilis* potest adpellari. De hoc idearum genere infra quaedam adhuc docendi nobis occasio nascetur; iam solum moneo: utrique idearum generi tum rationalium tum aestheticarum, esse principia oportere; et utrique quidem in ratione, illarum obiectiua principia, harum subiectiua usus earum.

Quocirca *ingenium* quoque per facultatem poterit *idearum aestheticarum* definiri: quo quidem simul causa aperitur, quare in operibus ingenii natura (subiecti), non finis deliberatus, arti (pulcri producendi) regulam praecipiat. Cum enim pulcrum haud sit ex conceptibus diiudicandum, verum ex tenore phantasiae finali ad convenientiam cum facultate conceptuum in vniuersum; non potest regula et praecipio sed id solum, quod tantummodo natura est in subiecto, verum non potest regulis vel conceptibus comprehendi, h. e. substratum suprasensibile omnium facultatum illius (quod nullus conceptus intellectualis adsequitur), proinde id, quod respectu convenientiae vniuersis cognoscendi facultatibus nostris impertiendae, finis ultimus



per intelligibilem naturae nostrae rationem datus, aestheticae illi sed absolutae conuenientiae in pulchra arte, quae a quouis debet, vt ei placeat, postulare, pro norma subiectiua esse. Sic quoque solum fieri potest, vt huic, cui non potest principium obiectiuum praescribi, principium subiectiuum fundamento sit, et tamen vniuersale ex anticipatione.

### S c h o l i o n II.

Atque hoc quidem loco vltro se offert grauissima haec obseruatio: scilicet *tria* esse genera *antinomiae* rationis *purae*, quae vero cuncta in eo conueniant, quod cogant eam, sumtionem alioquin maxime naturalem, rerum sensibus subiectarum pro rebus per se ipsis habendarum, mittere, eas potius pro visis et phaenomenis accipere, iisque substratum intelligibile (quidpiam suprasensibile, cuius conceptus solum idea est nullamque propriam cognitionem admittit) supponere. Sine tali antinomia ratio numquam consilium caperet, eiusmodi principii campum contemplationis suae tantopere coarctantis accipiendi, iacturarumque faciendarum, quibus tot spes alioquin fulgentes prorsus perire debent; nam nunc adeo, cum vsus se illi eo maior respectu practico ad compensandam iacturam illam aperit, ea sese non sine dolore spes illas mittere videtur, atque a pristina sectatione sese liberare.

Cur tria genera antinomiarum sint, in causa est, quod tres sunt cognoscendi facultates, et intelligentia, et iudicandi vis, et ratio, quarum sua cuiusque (vt facultatis cognoscendi superioris) principia sint, necesse est, ex anticipatione; tum ratio, quatenus de his principiis ipsis eorumque vsu iudicat, respectu illorum ad datum conditioni adstrictum necessario postulat absolutum, quod ea tamen numquam potest inuenire, si sensibile, vt ad res pertinens per se ipsas, spectetur, nec ei potius, vt soli phaenomeno, quidpiam suprasensibile (intelligibile natura et extra nos et in nobis substratum) vt res per se ipsa supponatur. Tum erit 1) antinomia rationis respectu vsus intel-

ligentiae theorectici vsque ad absolutum *facultati cognoscendi*; 2) antinomia rationis respectu vsus iudicandi facultatis aesthetici *sensui voluptatis et tædii*; 3) antinomia respectu vsus practici rationis per se ipsius legislatoriae *facultati adpetendi*: quatenus harum facultatum omnium principia suprema sunt ex anticipatione, eaeque necessariae praeceptioni rationis conuenienter, ex his principiis etiam *absolute* debent iudicare posse suamque rem obiectam determinare.

Ratione duarum antinomiarum, et theorectici vsus et practici, facultatum cognoscendi illarum superiorum *inemitabiles* eas esse, si eiusmodi iudicia non ad suprasensibile aliquod obiectarum rerum datarum, vt phaenomenorum, substratum respiciant, docuimus, contra ea vero eas *enodabiles* esse, si hoc fiat, alio loco ostendimus. Quod antinomiam quidem attinet in vsu facultatis iudicandi, praeceptioni conuenienter rationis, eiusque hoc loco datam solutionem; nulla re alia ea poterit euitare, quam *ant* negando, iudicio gustus aesthetico vllum quodpiam fundamento esse principium ex anticipatione, omne ius in necessitatem ad sensum vniuersalis vanum esse atque inanem errorem, iudiciumque gustus solum idcirco vt verum rectumque reputetur inereri, quoniam *accidit*, vt multis respectu illius conueniat, et id quoque proprie haud propterea, quoniam sub hoc consensu principium latere ex anticipatione suspicere, sed (vt in gustu palati) quia subiecta sunt fortuito aequabiliter organisata; *ant* sumendo, iudicium gustus proprie iudicium rationis esse occultatum atque absconditum de perfectione in re quadam ac relatione variorum in ea ad finem quemdam patefacta, proinde tantummodo propter confusionem, illi reflexioni nostrae adhaerentem, aestheticum vocari, quamuis reapse teleologicum videatur: vbi tum solutio antinomia per ideas transcendentales superuacanea vanaque perhiberi queat, atque ita cum rebus sensibus obnoxiiis non vt solis visis atque phaenomenis, sed vt rebus per se ipsis, illae gustus leges possent conciliari. Quam vero parum et vnum *essugium* et alterum profit, pluribus locis in expositione iudiciorum gustus ostendimus.

Quodsi autem deductioni nostrae tantum largiari, vt factam eam in recta via esse concedas, etsi nondum omni ex parte satis illustratam, tres ideae emergunt: *primo* suprasensibilem in vniuersum, sine vltiore determinatione, vt substrati naturae; *deinde* eorundem suprasensibilem, vt principii formae finalis subiectivae naturae facultati cognoscendi nostrae; *tertio* eorundem suprasensibilem vt principii finium libertatis principiique concentus convenientiaeque illorum cum illa in rebus moralibus.

## §. 58.

*De idealismo formae finalis cum naturae tum artis, vt vno soloque facultatis iudicandi aestheticae principio.*

Ac primo quidem principium gustus aut in eo poni potest, vt hic semper ex rationibus determinandi empiricis, ideoque ex iis, quae tantum ex adsumto et aduentitio (a posteriori) per sensus dantur et offeruntur, aut concedi poterit, cum ex ratione ex anticipatione iudicare. Illud foret *empirismus* critices gustus, hoc *rationalismus* illius. Secundum illud res complacentiae nostrae proposita non discerneretur ab *iucundo*; secundum hoc, si iudicium in conceptibus positum esset determinatis, haud a *bono* distingueretur; atque ita vniuersa *pulcritudo* negando e mundo relegaretur, solumque nomen peculiare, fortasse certae cuiusdam vtriusque mixtioni complacentiae generis, eo loco relinqueretur. Verum disputauimus, etiam rationes complacentiae ex anticipatione esse, quae proinde cum principio rationalismi possunt consistere, quamuis nequeant *conceptibus determinatis* comprehendendi.

Contra rationalismus principii gustus aut *realismus* formae finalis est, aut *idealismus* illius. Quoniam vero iudicium gustus non est iudicium cognitionis, nec pulcritudo in qualitate cernitur obiectae rei, per se spectatae; rationalismus principii gustus nunquam poterit poni in eo, vt forma finalis in illo iudicio cogitetur vt obiectiva, h. e.

ut iudicium theoretice, proinde et logice (etsi tantummodo in diiudicatione confusa), perfectionem rei obiectae, sed modo *aesthetice*, conuenientiam eius repraesentationis in phantasia cum essentialibus iudicandi facultatis principiis in genere, spectet in subiecto. Ergo, ex ipso principio rationalismi, iudicium gustus discrimenque realisimum inter et idealisimum illius tantummodo potest in eo poni, ut aut illa forma finalis obiectiua in priori casu ut *finis* verus (propositus) naturae (artisque) cum facultate iudicandi nostra conueniendi, aut in altero casu solum ut conuenientia finalis, sine fine, sponte ac fortuito emergens, ad necessitatem facultatis iudicandi, respectu naturae eiusque formarum ex singularibus legibus generatarum, sumatur.

Realismo formae finalis aestheticae naturae, cum scilicet sumeris: productioni pulchri ideam illius in causa efficiente, nimirum *finem* in gratiam phantasiae nostrae, fundamento fuisse, formationes pulchrae naturae in regno organisatae admodum patrocinantur. Flores, quin totarum plantarum figurae, vsui proprio suo superuacanea, sed gustui nostro quasi delecta venustas atque elegantia formationum animalium varii generis; praesertim varietas colorumque compositio harmonica oculis nostris tam placens atque adliciens (in fasano, animalibus testaceis, insectis, usque ad vulgarissimos flores) quae, dum solum superficiem spectant, et in hac quoque ne figuram quidem rerum creatarum, quae tamen ad fines earum internos esse necessaria posset, prorsus ad intuitionem externam factae videntur: rationi per veros naturae fines sumendos pro facultate iudicandi nostra aesthetica inagnum pondus adferunt.

Contra huic sumtioni non solum ratio obsistit normis suis, ut inutilis principiorum multiplicatio, quantum fieri possit, ubique cuitetur; sed natura in formationibus suis liberis vbivis tantam procliuuitatem prodit mechanicam ad generandas formas, quae ad usum facultatis iudicandi nostrae aestheticum quasi factae videntur, ne minima quidem causa suppeditata suspiciendi, ad id quidpiam amplius

opus esse, quam eius mechanismum, solum ut naturam, quo eae, vel sine vlla, quae iis fundamento sit, idem, diiudicationi nostrae esse finales possint. Sed *formationem* naturae *liberam* dico *eam*, qua ex *fluido* quodam in *quiete* euaporanda separandaue parte illius (nonnumquam solum materiae caloris) reliquum solidando formam accipit determinatam telamue (figuram vel texturam) quae, pro materiis specie variis ac diuersis, varia, sed in eadem stricte eadem videtur. Quo vero supponitur, quod in fluido vero semper intelligitur, ut materia in eo tota soluta sit, hoc est, non sola mixtura solidarum in eaque tantummodo natantium partium spectanda videatur.

Formatio tum *adhaerendo* efficitur, hoc est, repente consolidando, non vero paulatim e statu fluido in solidum transeundo, sed per quemdam quasi saltum, eaque transitio et *crystallisatio* vocatur. Vulgarissimum huiusmodi formationis exemplum est aqua congelans, in qua primo radii glaciales exsistunt, in angulis 60 graduum coeuntes, dum alii in quouis eorum puncto itidem adhaerescunt, donec cuncti congelarunt: ita ut interea temporis aqua inter radios glaciales laud paulatim tenacior fiat, sed tam plane liquida sit, quam longe maiori calore foret, et tamen prorsus gelu polleat. Materia se separans, quae momento consolidationis subito elabitur, pennagnum materiae caloris quantum est, cuius discessu, cum solum, ut liqueat, possetur, glacies praesens ne minimum quidem frigidior relinquitur, quam aqua in eo breui ante fluida.

Multa salia, lapides item, figuram crystallinam habentes, eodem modo a terrae quodam genere soluto in aqua, nescio quomodo, gignuntur. Pariter configurationes cavernosae multorum mineralium, cubicae galenae, terrae rufae argenti, id genus aliorum, etiam, opinor, etiam in aqua ex partibus adhaerescuntibus: dum, vlla quapiam causa coactae, hoc veliculuin relinquunt, et se inuicem in figuris externis determinatis coniungunt.

Sed interne quoque in omnibus materiis, quae solum ardore liquebant et frigescendo rigent, in fractura certa

ac determinata textura deprehenditur, unde iudicari potest, eas, nisi pondere suo aut aeris contrectatione forent praepeditae, externe quoque figuram ex specie sibi propriam ostensuras fuisse: cuiusmodi in metallis quibusdam observatum est, liquefactis externae consolidatis, intus autem adhuc liquidis, exantlanda parte interna adhuc liquida, tardeque adhaerescenda reliqua intus relicta. Multae illarum crystallisationum velut faeces spathi, schistus, flos ferri, saepenumero peruenustas figuras ostendunt, ut eas cumque ars excogitare possit; gloriaque in antro ad Antiparum solum effectum est aquae per gypsum sensum permanentis.

Fluidum sine dubio omnino vetustius est solido, et cum plantae, tum corpora animalia ex alimentis fluidis efformantur, quatenus illud se format quiete: sane quidem in hoc alimento primum ex initiis certis quibusdam originariis fines spectantibus (quae, uti in altera parte doccebimus, haud aesthetice sunt, sed teleologice, ex principio realismi diiudicanda); sed praeterea tamen quoque fortasse ut, legi contagionis materiarum universali congruenter, adhaerescendo libereque sese formando. Quemadmodum autem soluta fluida aquea in atmosphaera, quae mixtura est, variorum aeris generum, si deficiente calore ab atmosphaera separantur, figuras niueas gignunt pro varietate aeris tum temperati mixtique saepenumero valde artificiose et peruenuste formatas; saluo principio diiudicandae organisationis teleologico, sane cogitari potest: pulcritudinem florum, pinnarum in auibus, ostrearum, cum quoad figuram tum quoad colores, naturae posse attribui, eiusque facultati libere sese, nullis ad id finibus propositis, secundum leges chemicas, excludenda materia ad organisationem necessaria, etiam aesthetice finalem efformandi.

Quod vero principium *idealitatis* formae finalis in pulcritudine naturae, ut illud, quod in ipso iudicio aesthetico usque fundamento ponimus, quoque nullum nobis finis illius realismum facultati repraesentatiuae nostrae uti pro ratione explicandi concedit, directo probat, cernitur

in eo quod in pulcritudine generatim diiudicanda mensuram illius ex anticipatione in nobis ipsis quaerimus, facultasque iudicandi aesthetica respectu iudicii, pulcrum quidpiam sit nec ne, ipsa legislatoria est, quod posito realismo formae finalis naturae locum non potest habere; siquidem tum, ut ex natura disceremus, quid pulcrum habendum sit, necesse foret, iudiciumque gustus obnoxium esset principiis empiricis. Namque in eiusmodi diiudicatione non de eo agitur, quid natura sit, vel etiam nobis pro fine sit, sed quomodo eam adprehendimus. Ea sane forma finalis naturae obiectiua foret, si formas suas in gratiam complacentiae nostrae effluisset; non vero forma finalis subiectiua, quae in phantasiae lusu libero posita esset, ubi gratia quidem est, quo naturam excipimus, non vero gratia, quam ea nobis facit. Ea naturae proprietas est, ut nobis occasionem praebet, formae finalis internae in ratione virium nostrarum animi in certis quibusdam effectis illius diiudicandis percipiendae, et eius quidem, quae ob causam suprasensibilem debeat pro necessaria atque vniuersali declarari; sed ea non potest finis esse naturae propositus, vel potius a nobis ut talis diiudicari: quoniam alias, quod ea determinaretur, iudicio heteronomia fundamento foret, non vero, uti decet gustus iudicium, libertas competeret, neque autonomia fundamento subesset.

In arte pulcra principium formae finalis multo dilucidius cognosci potest. Etenim, quod hic non realissimus illius aestheticus possit, per sensationes (ubi, cum ars esse pulcra debeat, solum suavis ac iucunda foret) sumi: id ei cum pulcra arte commune videtur. Verum, complacentiam per ideas aestheticas non ex finibus certis determinatisque consequendis (ut ars mechanice proposita) pendere oportere, proinde, in ipso principii rationalismo, idealitatem finium, non realitatem, fundamento subesse: vel ex eo iam perspicitur, quod ars pulcra, qua talis, haud ut effectum intelligentiae scientiaeque, sed ingenii spectanda est, ideoque per ideas *aestheticar*, ab ideis rationalibus finium determinatorum interne et per essentiam diuersas, regulam nascitur.

Quemadmodum *idealitas* rerum sub sensus subiectarum, ut phaenomenorum, una solaque ratio est, possibilitatis enodandae formarum illorum ex anticipatione determinabilem; sic quoque *idealismus* formae finalis, in pulcritudine artisque diiudicanda, una solaque sumtio est, qua sola potest critica possibilitatem explanare iudicii gustus, ex anticipatione valorem poscentis ad unumquemque (neque tamen formam finalem, in obiecta re repraesentatam, in conceptibus fundantis).

## §. 59.

*De pulcritudine ut symbolo moralitatis.*

Ad realitatem conceptuum nostrorum euincendam, semper opus visionibus videtur. Si conceptus empirici sunt, visiones *exempla* dicuntur. Sin vero conceptus puri sunt intellectuales, visiones *schemata* vocantur. Quodsi autem adco postules, ut obiectiva conceptuum rationalium realitas, hoc est, idearum, et quidem in gratiam cognitionis illarum theoreticae probetur, aliquid, quod fieri non potest, postulabis, quoniam nullo modo vlla iis visio conuenienter dari potest atque offerri.

Omnis *hypotyposis* (subiectio sub adspectum seu exhibitio) duplex est: aut *schematica*, cum, quem intelligentiaprehendit, conceptui visio consentanea ex anticipatione datur ac proponitur; aut *symbolica*, cum, quem solum ratio cogitare potest, cuique nulla sensitiva visio conuenire poterit, conceptui eiusmodi visio subiicitur, quacum actio facultatis iudicandi respectu eius, quod in schematibus creandis sequitur, solum analogice, cum eo solum quoad regulam huiusce actionis, non quoad visionem ipsam, proinde solum quoad reflexionis formam, non vero quoad materiam, conuenit.

Vsus vocabuli *symbolici* ab recentioribus quidem logicis receptus, sed sensum inuertens falsusque, cum illud *intuitivae* repraesentandi rationi opponitur; nam symbolica cogitandi ratio tantummodo *species* est intuitivae. Nimirum



intuitiua repræsentandi ratio in *schematicam* potest et *symbolicam* describi. Ambae hypotyposes sunt, id est, exhibitiones: non soli *characterisui*, hoc est, designationes conceptuum per signa sensibilia concomitantia, quibus nihil prorsus, quod ad visionem obiectæ rei pertineat, continetur, sed quæ solum illis, secundum leges in phantasia adfociationis, proinde respectu subiectiui, adiumento sunt reproductionis; cuiusmodi aut verba sunt, aut signa sub adfocum subiecta (algebraica, ipsa mimica), vt solæ conceptuum *expressiones* \*).

Omnes proinde, quæ conceptibus ex anticipatione subiiciuntur, visiones vel *schemata* sunt, vel *symbols*, illis directæ, his indirectæ conceptus exhibitiones continentur. Illis quidem demonstratiue, his interuentu cuiusdam analogiæ (ad quam et visiones empiricæ adhibentur), in qua facultatis iudicandi duplex munus est, primo vt conceptus ad rem visioni sentitiuæ subiectam adhibeatur, tumque deinde vt sola regula super illa visione reflexionis ad longe aliam obiectam rem, cuius illa prior tantummodo symbolum est, transferatur. Sic ciuitas monarchica, si ex legibus populi internis regitur, per corpus animatum, verum si per voluntatem regatur cuiusdam singuli absolutam, per solam machinam (vti fere in olam manua-lem) sed vtrunque duntaxat *symbolice* repræsentatur. Ciuitatis enim despoticæ et inolæ manualis nulla quidem similitudo est, sed tamen regulæ, super vtraque earumque causalitate reflectendi. Hæc res huc vsque parum est enodata; quamvis altiore indagatione digna videatur; verum hoc loco non possumus in ea innumerari. Lingua eiusmodi exhibitionibus indirectis abundat, ad quamdam analogiam, qua fit, vt expressio haud proprium conceptus schema contineat, sed solum symbolum reflexionis. Sic vocabula *fundamenti* (fulcri, basis), *pendere* (supra-

\*) Intuitiua cognitionis ratio discursiuæ est (non symbolicae) opponenda. Intuitiua vero aut *schematica* est, per *demonstrationem*; aut *symbolica*, vt repræsentatio secundum solam *analogiam*.

teneri), ex quo *fluere* (pro *scqui*) *substantia* (quam Lockius vocat accidentium sustentatiuam) et innumera alia haud schematica hypotyposes sunt, sed symbolicae, expressionesque conceptuum non ope visionis directae, sed modo secundum eorum analogiam, id est, reflexionis super re visioni proposita ad conceptum longe alium transferendae, cui fortasse nunquam potest directe visio respondere. Si mera repraesentandi ratio iam liceat cognitio vocari (quod sane licet, si ea principium sit rei obiectae haud theoretice, quid ea per se sit, determinandae, sed practicae, quid idea illius nobis vsuique illius finali fieri debeat): vniuersa nostra de deo cognitio solum symbolica erit; isque, qui eam cum proprietatibus, intelligentia, voluntate, id genus aliis, quae solae in natura mundana realitatem suam obiectiuam ostendunt, pro schematica accipit, in anthropomorphismum praecipitabitur, quemadmodum, si vniuersam rationem intuitiuam miserit, in deismum se induit, quo quidem nihil omnino, nec respectu practico, cognoscetur.

Iam pulcritudo, aio, symbolum est boni moralis; atque hoc solum ea respectu (respectu cuique naturali, qui a quouis alio quoque vt officium postulat) placet, cum iure quodam ad cuiusque alius adfensionem, in quo quidem animus simul cuiuspiam praesentiae elationisque conscius est supra solam voluptatis per sensuum impressiones receptiuitatem, aliorumque pretium dignitatemque aestimat ad similem normam facultatis suae iudicandi. Hoc est *intelligibile* illud, quod, vt praecedens paragraphus ostendit, gustus respicit, quocum scilicet facultates cognoscendi nostrae superiores conspirant, et sine quo inter earum naturam, comparatam cum iis, quae gustus postulat, nil nisi repugnantiae existerent. In hac facultate vis iudicandi se non, vt alias in diiudicatione empirica, subiectam heteronomiae sentit legum experientiae: ea respectu rerum complacentiae tam purae obnoxiarum sibi ipsa legem fert, quod idem ratio facit respectu facultatis adpetendi; et sese; cum propter hanc internam in subiecto possibilitatem, tum ob possibilitatem externam naturae cum ea con-

venientis adfectum intelligit ad quidpiam in subiecto ipso extraque illud, quod nec natura est, nec libertas, sed tamen cum fundamento libertatis est, nimirum cum supra-sensibili coniunctum, in quo facultas theoretica cum practica communi ignotoque modo in vno coeunt. Quasdam huiusce analogiae partes nominantes, simulque diuersitatem earum indicabimus.

1) Pulcrum placet *proxime* (sed solum in visione reflectente, non vero, uti moralitas, in conceptu). 2) Illud *sine omni inuitamento* placet (bonum morale necessario quidem placet cum inuitamento coniunctum, verum haud cum eo, quod iudicium de complacentia antecedit, sed quod eo demum efficitur). 3) *Libertas* phantasiae (proinde sensualitatis facultatis nostrae) in pulcro diiudicando cum legalitate intelligentiae ut conspirans et conueniens repraesentatur (in iudicio morali voluntatis libertas ut contentus voluntatis cum se ipsa ex legibus rationis vniuersalibus cogitur). 4) Principium diiudicandi pulcri subiectivum ut *vniuersale*, id est, ad vnumquemque valens, sed per nullum conceptum vniuersalem distinctum, repraesentatur (principium moralitatis obiectiuum itidem ut vniuersale, hoc est, ad omnia subiecta, simul quoque ad omnes eiusdem subiecti actiones, praetereaue distinctum per conceptum vniuersalem, explicatur). Idcirco iudicium morale non solum principiorum constitutiuorum determinatorum capax est, verum *solum* normis in iis fundandis atque vniuersalitate illarum esse potest.

Atque huius analogiae rationem et intelligentia communis habere solet; et nos res naturae artisue pulcras saepe-numero nominibus designamus, quae diiudicationem moralem ponere fundamento videntur. Aedificia arboresue maiestatica vocamus et magnifica, aut aera ridentia et laeta; ipsi colores innocentes nominantur, modestique et teneres, quoniam sensationes excitant, quibus quidpiam cum conscientia status cuiusdam animi per iudicia moralia effecti simile continetur. Gustu fit ut quasi transitio a sensuum illecebris ad habituale inuitamentum morale esse possit sine saltu violentiori, propterea quod is phantasiam etiam in

libertate ut finalem intelligentiae determinabilem repraesentat, atque etiam in rebus sensibus propositis vel sensuum destitutis illecebris capere complacentiam docet.

---

§. 60.

APPENDIX.

*De methodologia gustus.*

Descriptio critices in doctrinam elementarem et methodologiam, quae scientiam antecedit, non potest ad criticen gustus transferri: siquidem nulla pulchritudinis scientia est, nec esse potest, iudiciumque gustus non potest per principia determinari. Ac scientia quidem in quavis arte, quae veritatem spectat in exhibenda re arti subiecta, conditio quidem sine qua non est artis pulchrae, non vero ars ipsa pulchra. Quapropter artis pulchrae tantummodo *modus* est, non vero *methodus*. Artifex ostendere debet, quid et quomodo tiro efficiat; regulaeque generales, quibus postremo actionem suam subiicit, magis facere possunt ad capita illius occasione data in memoriam reuocanda, quam illi praecienda. In quo tamen certum quiddam ideale respiciendum est, quod arti debet ob oculos versari, quamvis illud ea nunquam in exercendo penitus adsequatur. Sola phantasia discipuli ad convenientiam cum dato quodam conceptu excitandam, per observatam expressionem ad ideam haud idoneam, quam conceptus ipse haud adsequitur, quoniam aesthetica est, et per severitatem critices evitari potest, ne, quae illi proponuntur, exempla continuo pro prototypis, neque fere nulli normae adhuc altiori propriaeque diiudicationi obnoxiiis imitationis exemplaribus reputentur, atque ita ingenium, cum eoque etiam libertas phantasiae ipsa in legalitate sua suffocetur, sine qua ars pulchra nulla, ne ipse quidem gustus probus eam diiudicans, esse potest.

Vniuersae artis pulchrae, quatenus summa illius perfectio intenditur, propaedeutice posita non in praeceptis videtur, sed in animi viribus per eas praeceptiones excolen-

dis, quas literas vocamus humaniores: propterea, opinor, quod *humanitas* partim *sensum communionis* vniuersalem denotat, partim facultatem, qua nosmet intime possumus vniuerseque *communicare*; quibus rebus coniunctis felicitas illa humanae naturae conueniens efficitur, qua ab circumscriptione animali distinguitur. Et aetas, et populi, in quibus viua ad socialitatem *legalem* procliuitas, qua populus stabilem rem publicam constituit, cum magnis illis difficultatibus conflictabat, quae grauissimum problema illud, libertatis (ideoque et aequalitatis) cum quadam coactione (magis obseruantiae subiectionisque propter officium) coniungendae; eiusmodi et aetas et populus, artem idearum politissimae partis cum rudiori mutuo comunicandarum, remissionem dilatationis expolitionisque partis expolitae ad naturalem simplicitatem et originalitatem rudioris, atque ita medium illud altiore inter culturam et naturam frugalem primum debuit inuenire, quo mensura efficitur vera, ex nullis regulis vniuersalibus docenda gustus quoque, vt sensus hominum communis.

Nec facile serior aetas exemplaria illa reddet inutilia et superuacanea; siquidem ea vsque ab natura remotior erit, et postremo, nullis propositis sibi constantibus illius exemplis, vix cogitationem de felici coniunctione coactionis legalis culturae summae cum virtute veritateque naturae liberae excellentiam suam dignitatemque sentiente in vno eodemque populo informare poterit.

Cum autem gustus reapse in facultate versetur idearum moralium sub sensu subiiciendarum (ope analogiae cuiusdam reflexionis super vtraque) iudicandarum, ex qua, atque ab maiori aptitudine ad sensum ex ideis moralibus (qui moralis vocatur) ea voluptas descendit, quam gustus, vt ad humanam naturam in genere, non vero ad sensum cuiusque priuatum, valere adfirmat: manifestum est veram ad constituendum gustum propaedeuticam in ideis euoluentis moralibus culturaque sensus moralis versari; vbi, si modo cum hoc sensualitas conspiret, gustus verus determinatam formam potest atque immutabilem induere.

CRITICES FACVLTATIS IVDICANDI

*PARS ALTERA,*

---

CRITICE FACVLTATIS

IVDICANDI TELEOLOGICAE.



## §. 61.

*De forma finali naturae obiectiua.*

**P**rincipia transcendentalia copiam faciunt, formae finalis naturae in legibus peculiaribus suis, comprehensibilitati facultatis iudicandi humanae, et possibilitati coniunctionis experientiarum peculiarium in quodam systemate fumendae; ubi tum in multis illius effectis et ea possunt ut possibilia expectari, quae, quasi proprie ad nostram iudicandi facultatem facta essent, eam in se se formam specificam sibi congruam continent, quae varietate sua et unitate faciunt ad animi vires (quae in usu huiusce facultatis mouentur) quasi confirmandas alendasque, quibusque proinde nomen imponimus formarum *pulcrarum*.

Res autem naturae inuicem ut adiumenta esse ad fines, earumque possibilitatem ipsam solum ex hoc causalitatis genere satis posse intelligi, eius quidem rei nullam prorsus rationem deprehendimus in idea vniuersali naturae, ut complexus rerum sensibus obuiarum. Quod enim formam finalem naturae attinet in legibus peculiaribus ad facultatem iudicandi humanae comprehendendam coniunctionemque singularium experientiarum in systemate quodam possibilem fumendam, repraesentatio rerum poterat, eo quod ea aliquid in nobis est, ut ad internam virium cognoscendi nostrarum contentione finalem, commode ex anticipatione quoque cogitari; quomodo autem fines, qui haud nostri sunt, neque naturae (quam intelligentem sumimus) competunt, tamen peculiare quoddam causalitatis genus, certe legalitatem eius prorsus peculiarem constituere possunt vel debent, nullo modo potest vlla ratione quadam ex anticipatione praesumi. Quid? quod veritatem illius atque existentiam vel ipsa experientia non potest docere; nisi argutatione quadam antegressa, quae solum finis conceptum in rerum naturam inserat, neque illum vero ab obiectis rebus earumque cognitione empirica depromat, eoque proinde magis utatur, ad naturam secundum analogiam



cum ratione subiectiua repræsentationum in nobis reddendam comprehensibilem, quam ad eam ex rationibus obiectiuis cognoscendam.

Praeterea forma finalis obiectiua, vt principium possibilitatis rerum naturae, tantum abest, vt cum conceptu illius *necessario* cohaereat, vt potius ea illud ipsum sit, quo potissimum prouocatur, ad rationem illius (naturae) fortuitam eiusque formae inde euincendam. Quodsi enim exempli gratia structuram auis, excauationes eius ossium, situm alarum ad motum, caudaeque ad velandum et sic porro adferas; cuncta haec ais ex solo nexu effectiuo in natura, nulla alia causalitate peculiari, nempe nexus finalis, adhibita, admodum fortuita esse, nimirum naturam, vt solum mechanisimum spectatam, potuisse sexcentis modis aliter formari, neque in ipsam unitatem ex eiusmodi principio impingere, ideoque extra naturae conceptum; non vero intra illum, ne minimam quidem rationem illius solum deprehensum iri sperare licere.

Nihilominus diiudicatio teleologica, saltem problematice, iure optimo ad indagationem naturae refertur; verum modo, ad eam secundum *analogiam* causalitatis ex finibus obseruandi inuestigandique principiis subiiciendam, neque tamen vt nobis arrogemus illius ex his *enodationem*. Ea igitur facultatem indicandi reflectentem, non determinantem, attingit. Conceptus coniunctionum forinarumque naturae ex finibus certe *ad principia accedit*, phaenomena illius regulis subiiciendi, vbi leges causalitatis ex solo illius mechanismo haud suppetunt? Rationem enim adferimus teleologicam, vbi conceptui obiectae rei, quasi is in natura (haud in nobis) inesset, causalitatem respectu cuiuspiam rei obiectae tribuimus, vel potius ex analogia eiusmodi causalitatis (qualem in nobis deprehendimus) possibilitatem obiectae rei nobis repræsentamus, proinde naturam vt per facultatem propriam *technicam* cogitamus; contra, nisi illi eiusmodi efficiendi modum attribuamus, eius causalitatem, necesse foret, vt mechanisimum caecum

repraesentari. Quodsi vero e contrario naturae naturas *consulto* efficientes subiiceremus, proinde teleologiae non solum principium *regulativum* ad solam phaenomenorum *diindicationem*, quibus natura ex legibus peculiaribus posset vt subiecta cogitari, sed eo quoque principium effectuum eius a causis *constitutivum* fundamento substerneremus; conceptus finis naturae haud amplius ad facultatem iudicandi reflectentem, sed determinantem pertineret (velut conceptus pulcritudinis vt formae finalis formalis subiectivae), verum, vt conceptus rationalis novam causalitatem in physicam introduceret, quam tamen solum a nobis ipsis mutuamur aliisque naturis tribuimus, quamvis eas nostri sumere similes nolimus.

---

## SECTIO PRIOR.

ANALYTICE FACULTATIS  
IUDICANDI TELEOLOGICAE.

## §. 62.

*De forma formali obiectiua solum formali, ad differentiam materialis.*

**O**mnēs figurae geometricae, quae ex principio quodam describuntur, formam finalem obiectiuam produnt variam, saepenumero admiratione celebratam, nimirum utilitatis ad multorum problematum ex vno quodam principio, vel fere cuiusque illorum infinitis modis per se solutionem. Forma finalis manifesto hic obiectiua est atque intellectua- lis, non vero solum subiectiua atque aesthetica. Ea enim conuenientiam figurae exprimit cum generi multarum figurarum consulto propositarum, per rationemque cognoscitur. Sed tamen forma finali haud efficitur, ut ipse rei obiectae conceptus fieri queat, nimirum is non solum respectu huiusce vsus ut possibilis spectatur.

In figura tam simplici, velut circulo, ratio solutionis in vi inest problematum, quorum quodque per se varium adparatum postularet, et quae ut vna eorum proprietatum huiusce figurae admirabilem quasi per se ipsa efficitur. Quodsi enim verbi causa propositum sit, ut e data linea balis anguloque illi contrario triangulum construatur; problema indeterminatum est, nimirum illud modis infinitis potest solui atque expediri. Verum tamen circulus cunctos istos complectitur, ut locus geometricus triangulorum omnium, huic conditioni conuenientium communis. Vel si duae lineae inuicem se ita debeant secare, ut rectangulum e duabus partibus lineae vnius rectangulo

e duabus partibus alterius aequale sit; solutio problematis multis obstructa difficultatibus videtur. Sed omnes lineae, intra circulum, cuius peripheria illarum quaque terminatur, inuicem se secantes, sponte in ea proportionem diuiduntur. Reliquae lineae curuae itidem alias solutiones finales suppeditant, quae in regula, qua constructio illarum efficitur, nullo modo cogitabatur. Vniuersae sectiones conicae et per se, et inter se inuicem comparatae, secundae sunt principiorum ad solutionem multorum problematum possibilium, ut simplicissima, qua eorum conceptus determinatur, definitio videatur. — Vere oblectamur in contemplando studio atque ardore veterum geometrarum, quo has linearum eius generis proprietates perscrutati, non passi sunt ingeniorum angustiorum sese et hebetum quaestione irritari: cui esse bono ista cognitio debeat? velut parabola, haud lege cognita grauitatis in terra, quam iis usus illius ad lineam iactus corporum grauidantium (quorum directio in motu ut parallela spectari potest) suppeditasset; aut ellipseos, cum haud diuinarent, etiam in corporibus caelestibus grauitatem inesse, neque legem illius in variis a puncto attractionis distantis nosset, qua efficitur, ut eam lineam motu libero describant. Interim, dum in eo, inscii, in usum posteritatis laborarunt, forma finali delectati sunt in essentia rerum, quam tamen totam poterant ex anticipatione in necessitate illius proponere. Plato, qui ipse fuit artifex huius scientiae, super tali rerum conditione originaria, in qua aperienda omni nos possumus experientia superfedere, et super facultate mentis, harmoniae naturarum ex suprasensibili earum principio hauriendae (quo et qualitates accessere numerorum, quibus animus ludit in musica) in enthusiasmum incidit, quo supra conceptus experientiae ad ideas euehebatur, quae sibi tantummodo per commercium quoddam intellectuale cum omnium naturarum origine explicari posse videbantur. Proinde haud mirum est, geometriae ignarum ex schola ab eo esse relegatum, propterea quod ea, quae Anaxagoras ex rebus experientiae obuiis atque obnoxiiis, earumque coniunctione collegerat finium, ex visione pura, in mente humana intus

praesenti, deriuari posse putaret. Etenim in necessitate eius quod finale est, atque ita comparatum, quasi consulto sit ac de industria ad usum nostrum sic institutum, nihilominus tamen essentiae rerum competere originarie videtur, nullo nostri usus habito respectu, ipsa causa latet tantae admirationis naturae, non tam extra nos, quam in propria nostra ratione; in quo quidem facile locum veniae dabimus, quod ea admiratio per errorem paulatim usque ad fanaticismum accreuerit.

Verum haec forma finalis intellectualis, quamquam obiectiua (nec uti aesthetica, subiectiua) est, nihilominus tamen quoad possibilitatem potest ut solum formalis (haud realis), nimirum ut forma finalis, ita tamen ut nullo fine illi constituendo, proinde teleologia opus foret, commode, potest, sed solum in vniuersum, comprehendere. Figura circularis visio est, per intelligentiam ex quodam principio determinata: unitate huius principii, quam pro arbitrio sumo utque conceptum fundamento pono, ad formam visionis (spatium) adhibita, quae itidem solum ut repraesentatio et quidem ex anticipatione in me deprehenditur, unitas comprehenditur multarum regularum ex constructione conceptus illius promanantium, neque opus erit, ut formae finali huic *finem*, aliamue quamdam rationem illius, subiicias. In eo quidem res haud sic se habet, quam cum in complexu quodam *rerum* extra me, certis quibusdam terminis incluso, veluti horto, ordinem convenientiarumque arborum, arearum, viarum, id genus aliarum offenderem, quae sperare nequeo ex anticipatione e finitione cuiusdam spatii ad regulam arbitrariam designata consecutione effici: quia res exstantes sunt, quae datae esse empirice debent, ut queant cognosci, neque sola in me repraesentatio secundum principium quoddam ex anticipatione determinata. Quapropter forma finalis empirica, ut *realis* pendet e finis cuiuspiam conceptu.

Verum et ratio admirandae formae finalis, quamquam in essentia rerum (quatenus earum conceptus constitui possunt) perceptae commode potest, et quidem legitime,

perspici. Regulae variae, quarum unitate (ex quodam principio) haec admiratio excitatur, cunctae sunt syntheticae, neque ex quodam obiectae rei *conceptu*, veluti circuli, consequuntur, sed opus habent, ut ea res obiecta in visione data sit ac proposita. Eo vero haec unitas speciem accipit, quasi fundamentum habeat regularum a vi repraesentandi nostra empirice diuersum, ideoque concentus rei obiectae cum regularum necessitate, intelligentiae propria, per se fortuitus sit, proinde solum per finem consulto ad id constitutum fieri possit. Iam hac ipsa harmonia concentuque, quia, quamuis haec forma finalis maxime perspicua sit, tamen haud empirice cognoscitur, sed ex anticipatione, sponte nosmet eo duci deberemus, spatium, cuius determinatione (interuentu phantasiae, conceptui convenienter) effici vidimus, ut res obiecta solum fieri posset, haud in qualitate rerum extra me cerni, sed sola repraesentatione in meinet contineri, ideoque in figuram, quam *conceptui cui-dam convenienter* describo, *formam* inemet *finale* inferre, neque ab hoc empirice de illa edoceri, proinde ad illam nullius peculiaris finis extra me in re obiecta indigere. Quoniam autem haec deliberatio vsui iam criticum rationis postulat, proinde in re obiecta ex proprietatibus eius diiudicanda haud continuo potest simul contineri; haec posterior proxime non nisi coniunctionem regularum heterogearum (pro iis adeo, quae heterogenea in se continent) in quodam principio suppeditat, quod, quamuis nullam peculiarem rationem illius postulet extra conceptum meum omninoque extra meam repraesentationem ex anticipatione sitam, tamen ab me ex anticipatione ut verum cognoscitur. Atqui *miratio* cernitur in offensione animi ex repraesentatione regulaeque per eam data cum principiis in eo iam insitis haud coniungenda, proinde dubium, rectene viderim aut iudicauerim, pariente; sed *admiratio* est miratio semper reuertens, quamuis dubium euauerit. Ergo *admiratio* in effectis est prorsus naturalibus formae finalis illius obseruatae in essentis rerum (ut phaenomenorum), quae eatenus quoque non potest reprehendi, propterea quod illius formae visionis sensitiuae (quae spatium dicitur) cum

facultate conceptuum (intelligentia) coniunctio non solum idcirco, quia ea haec ipsa est nec vlla alia, nobis inenodabilis est, verum praeterea quoque animum dilatat, ut quidpiam amplius, quod vltra illas repraesentationes situm sensitivas sit quasi diuiuet, in quo, quamquam nobis insciis, vltima supremaque istius concentus ratio possit deprehendi. Quam ut noscamus, haud quidem necesse erit, si solum de forma finali repraesentationum nostrarum ex anticipatione agatur; verum vel sola necessitas illam spectandi, rei obiectae nobis, quae nos cogit, admirationem simul instillat.

Quarum modo mentionem fecimus, proprietates cum figurarum geometricarum, tum vero etiam numerorum, ob certam quamdam, ex simplicitate earum structurae haud exspectatam, formam finalem ex anticipatione ad varium cognitionis usum, vulgo solent *pulcritudines* vocari; sermoque fit velut de hac illaue *pulcra* circuli proprietate, quae hoc illoue modo esset aperta. Verum non est diiudicatio aesthetica, qua eam finalem intelligimus; haud sine conceptu diiudicatio, qua sola forma finalis *subiectiua* in libero virium cognoscendi nostrarum lusu animaduertitur: verum intellectualis ex conceptibus, qua forma finalis obiectiua, scilicet ad varios (in infinitum varios) fines distincte vtilitas cognoscitur. Potius *perfectiorem relatiuam* eam dixeris, quam pulcritudinem figurarum mathematicarum. Neque omnino concedi potest facile nomen *pulcritudinis intellectualis*; siquidem alioquin vocabulum pulcritudinis omni significatione determinata, aut complacentia intellectualis omni prae sensitua principatu priuaretur. Potius *demonstrationem* eiusmodi proprietatum, quoniam hac intelligentia, ut facultas conceptuum, et phantasia, ut facultas exhibitionis illorum, ex anticipatione sese sentiunt confirmatas (quae cum diligentia ac subtilitate ab ratione illata, coniuncte, illius elegantia dicitur), dici pulcra poterit: idcirco, quia hic tamen certe complacentia, quamvis fundamentum eius positum in conceptibus sit, subiectiua est, cum perfectio complacentiam in sese cohibeat obiectiuam.

## §. 63.

*De forma finali naturae relatiua ad differentiam internae.*

Facultatem iudicandi nostram experientia ad conceptum ducit formae finalis obiectiuae et inaterialis, nimirum ad conceptum finis scopique naturae tum duntaxat, cum adfectio causae ad effectum diiudicanda est \*), quam ut legalem spectare eo solum nos posse intelligimus, ut ideam effecti causalitati causae illius, tanquam huic ipsi fundamento positam conditionem possibilitatis ideae effecti, subiiciamus. Id vero fieri dupliciter poterit: scilicet dum effectum aut proxime ut opus artis, aut solum ut materiale arti aliorum entium naturae possibilem, proinde vel ut finem, vel ut adiumentum ad finalem aliarum causarum usum, spectamus. Posterior forma finalis dicitur utilitas (hominibus), vel etiam salubritas (cuique rei creatae alii), eaque solum relatiua est; cum e contrario illa prior forma finalis interna sit entis naturae.

Flumina, exempli gratia, variam ad incrementum plantarum utilem terram secum ferunt, quam nonnumquam in medio agro, saepius quoque in ostiis suis, eiiciunt. Hac terra in quibusdam oris vnda agros obruit, eamque in ripis adluit, et, hominibus maxime adiuuantibus ut ne fluxu ea rursus relinatur, secunda terra crescit, ibique regnum vegetabile locum occupat, ubi antea pisces et animalcula testacea nundinarentur. Eiusmodi terrarum incrementa sine dubio natura ipsa fecit, idque, quamuis tardius, etiam nunc facit. — Iam quaeritur, an illud ut finis debeat naturae spectari, quoniam utilitatem adfert hominibus; eius enim, quae ad ipsum regnum vegetabile redundat, haberi nulla ratio poterit, cum tantum utilitatis rebus creatis marinis detrahatur, quantum terrae accrescit.

\*) Cum in mathesi pura haud de existentia, sed tantum de possibilitate rerum, nempe de visione conceptus earum conuenienti, proinde minime de causa effectoque esse sermo possit; ideoque omnis ibi animaduersa forma finalis solum ut formalis, numquam vero ut finis naturae, spectanda videtur.



Atque ut utilitatem certarum quarundam rerum naturalium ut rebus creatis aliis adiumentorum (si eas ut adiumenta posueris) doceamus, in facili et peruulgato exemplo consistamus. Nullum pinibus solum salubrius, solo arenoso. Iam mare vetustum, antequam a terra recederet, tot tractus arenosos in regionibus nostris borealibus reliquit, ut in hoc ad cuiusque generis culturam inutili solo ampla potuerint pineta progeminare, quorum de temeraria atque insana exstirpatione frequenter solemus maiores nostros incusare; proinde quaeri potest, an vetustissima illa tractuum arenarum adluvio, finis fuerit naturae propositus, ad pineta, quae in iis nasci possent, propaganda. Tantum manifestum est: hac ut sine summa naturae, illam quoque arenam concedi, sed modo ut finem relatiuum, oportere, cuius quidem ora vetus maritima eiusque receptio adiumentum fuit; namque in serie articulorum sibi inuicem subordinatorum coniunctionis finium quisque articulus ut finis scopusque (quamvis haud fere supremus) spectandus est, cuius causa eius proxima adiumentum videtur. Itidem, si semel boues, oves, equi et cætera generis eiusdem in mundo esse deberent, et gramina debebant in terris, sed herbae quoque salinae in desertis arenosis crescere, si cameli deberent crescere, vel haec aliaque animalium gramine vefcentium genera copiose debebant esse, si lupi, tigres leonesque esse deberent. Ergo forma finalis obiectiua, quae utilitate ac salubritate nititur, haud est forma finalis obiectiua rerum per se ipsarum, quasi arena per se, ut effectum, non posset, ex causa sua, mari, comprehendendi, nisi huic (mari) quidam subiiciatur finis, effectumque, scilicet arena, ut opus artis, consideretur. Ea est forma finalis solum relatiua, rei ipsi, cui tribuitur, tantummodo fortuita; et, quamvis in exemplis adlatis, gramina per se, ut effecta naturae organisata, proinde ut artificiosa diiudicanda sint, tamen respectu animalium, quae iis aluntur, ut modo rudis materia spectantur.

Cum vero homo demum, per libertatem causalitatis suae, res naturales consiliis suis saepenumero stolidis et insipientibus (varias auium pinnas, ad ornatum vestitus,

versicolores terras plantarumque succos ad fucum atque vnguenta) nonnunquam etiam e consilio sano sobrioque, equum ad vehendum, arietem et in Minorca insula vel ipsum asinum fucinque ad arandum, vtiliores arbitratur; in eo ne relatiuum quidem naturae consilium (quoad hunc usum moremque) sumi poterit. Eius enim ratio rebus valet cum cogitationibus eius arbitrariis conuenientiam tribuere, ad quam ne ipse quidem fuit ab natura praedestinatus. Solum, si sumferis, degere in terris homines debuisse, certe quidem nec adiumenta, sine quibus illi vt animantes et ipsi animantes ratione, vt maxime tenuiter, praediti non poterant consistere, possunt deesse; tum vero, quae ad hunc usum necessariae sunt, naturales res etiam vt fines oporteret naturales considerari.

Ex quo facile intelligitur, formam finalem externam (salubritatem cuiuspiam rei aliis vtilem) solum cum adiunctione, vt existentia eius, cui illud proxime remoteque conducit, per se ipsum naturae finis sit, pro fine naturae posse externo haberi. Cum illud vero numquam queat, per solam naturae contemplationem decerni; sequitur, vt forma finalis relatiua, quamuis ea hypothetice fines naturae indicet, nullam tamen nobis copiam faciat iudicii teleologici absoluti.

Nix tutat segetes in terris frigidis contra gelu; commercium ea hominum (per trahas) reddit facilius; Lappo illic bestias inuenit (machlides) quibus commercium istud efficiatur, quae arida, quem ipsae sibi sub niue pedibus effodiunt, musco abunde aluntur, et nihilominus facili negotio domantur, et, in qua se commode tueri possent, libertate priuantur. Aliis populis in eadem zona frigida mare largam animalium copiam suppeditat, quae, praeter cibum vestitumque, quos praebent, lignumque, quod mare iis ad domicilia quasi aduehit, iis et materias concedunt vltorias ad tuguria calefacienda. In quo quidem concursus admirabilis tot naturae ad finem relationum; isque Gronlandus est, Lappo, Iacuta, et sic porro. Neque tamen causa patet, quare omnino

homines illic degere oporteat. Ergo si diceret: *propterea* vapores in aere niuis figura decidere, in mare undas esse, lignum, quod in calidioribus terris creuisset, eo ferentes, magnaue oleo repleta animalia marina adeste, *quod* causae, vniuersa naturae effecta arcessenti, idea fundamento sublit cuiusdam commodi certis quibusdam rebus creatis miseris: tum istud iudicium foret audacter pronunciatum et arbitrarie. Etenim, etiamsi vniuersa haec utilitas naturalis haud foret, nihil tamen nos quidquam in sufficientia causarum naturalium ad hanc qualitatem desideraremus; potiusque nobis ipsis temerarium videretur et inconsideratum, eiusmodi constitutionem vel modo optare ab naturaque eiusmodi finem postulare (cum praeterea non nisi maxima discordia homines potuerit vsque ad regiones tantopere inhospitabiles propellere).

#### §. 64.

##### *De charactere proprio rerum ut finium naturas.*

Vt intelligatur, rem quampiam esse tantummodo ut finem posse; hoc est, causalitatem illius originis non in mechanismo naturae quaerendam esse, verum in causa, cuius efficiendi facultas per conceptus determinetur, opus est: ut eius forma non ex solis legibus naturalibus esse queat, hoc est, iis, quae a nobis per intelligentiam solam possint, ad res sensibus obnoxias adhibitae cognosci; verum ut ipsa earum cognitione empirica, quoad causam atque effectionem, conceptus rationis supponantur. Haec *fortuita* eius formae natura in vniuersis naturae legibus empiricis respectu rationis, cum ratio, quae in vnaquaque effecti naturalis forma et necessitatem illius debeat agnoscere, etiamsi tantum condiciones perspicere cupiat, cum eius generis coniunctas, nihilominus tamen in illa forma data eam non potest necessitatem sumere, ipsa est ratio causalitatis eius ita sumendae, quasi ob id ipsum solum possit esse per rationem; haec vero tum in facultate consistit ex consiliis agendi (voluntate); resque proposita, quae solum ut ex hac possi-

bilis repraesentatur, tantummodo ut consilium possibilis repraesentaretur.

\* Si quis in terrae, quae sibi deserta videretur, figuram geometricam, velut sexangulum, in arena descriptam animaduverteret; consideratio eius reflexioque, in conceptu illius occupata, unitatem principii illius geneseos, licet obscure, rationis ope animaduverteret, atque ita, huic convenienter, arenam, mare finitimum, ventos, vel etiam animalia cum vestigiis eorum, quas nouis, aut quamque aliam causam brutam haud ut rationem diiudicaret possibilitatis huiusmodi figurae: quoniam ei vis fortuita, cum eiusmodi conceptu, tantummodo in ratione possibili, conueniendi, tam infinite magna videretur, ut perinde esset, ac si nulla prorsus foret lex illius naturae, ut proinde nulla quoque causa in natura solum mechanice agente, sed modo conceptus eiusmodi obiectae rei, ut conceptus, quem solum ratio dare potest cum eoque rem obiectam comparare, etiam causalitatem queat eiusmodi effectui continere, proinde haec necessario ut consilium, verum haud consilium naturae, nimirum ut effectum *artis* considerari (vestigium hominis video).

Ut vero aliquid, quod ut effectum naturae cognoscitur, nihilominus tamen etiam ut consilium, proinde ut *consilium naturae*, diiudicetur; nisi forte in eo repugnantia insit, plus postulatur. Dicerem in antecessum: res exstat ut consilium naturae, *cum sui ipsius* (quamquam in sensu duplici) *et causa est et effectum*; in eo enim causalitas inest, cuiusmodi cum solo conceptu naturae, nisi huic substernatur consilium, haud coniungi potest, sed tum quoque, sine repugnantia cogitari quidem poterit, non vero comprehendere. Determinationem huiusce de naturae consilio ideae praesertim exemplo quodam ante illustrabimus, quam eam totam enodemus.

Arbor *primo* aliam gignit arborem ex nota lege naturae. Sed, quam gignit, arbor de eadem specie est, et sic se ipsam gignit secundum *speciem*, in qua ex una parte ut

effectum, ex altera vero ut causa, ab se ipsa perpetuo genita, pariterque, se ipsam saepius gignens, sese, ut speciem, perpetuo conservat.

*Deinde* arbor et se ipsam gignit ut *singulum* atque *individuum*. Hoc effecti genus quidem tantummodo incrementum vocamus; quod vero sic accipiendum est, ut a quavis alia magnitudinis accessione totum sit ex legibus mechanicis diversum, genesisque par sit, quamquam sub alio quodam nomine, aestimandum. Quam sibi addit, materiam haec planta conficit ad qualitatem specie peculiaris propriamque, quam non potest mechanismus naturae extra illam proferre, se ipsamque ulterius efformat, per materiam, quae, ex mixtura sua, sui ipsius effectum videtur. Etsi ea enim, quoad partes constitutivas, ab natura extra se acceptas, tantummodo uteductum spectandum est, tamen in separanda denuoque componenda, hac rudi materia ea facultatis separandi formandique huiusce generis entium naturalium originalitas deprehenditur, ut universa ars infinitum quantum ab ea seiuncta remotaque relinquatur, cum periculum facit, ex elementis per analysin earum acceptis, vel etiam ex materia, ad alendas eas ab natura suppeditata illa regni vegetabilis producta denuo instaurandi.

*Tertio* pars huiusce creatae rei etiam se ipsa ita gignit, ut conservatio unius ex conservatione alterius mutuo pendeat. Oculus in folio arboris, frondi cuiuspiam alterius insita, in alieno trunco plantam generat sui proprii generis, pariterque propago in trunco alieno. Idcirco in eadem arbore et quaecumque frons foliumque ut solum in hoc insita inoculatae, proinde arbor in sese consistens spectari potest, tantummodo ad aliam adhaerescens parasitaeque se nutriens. Praeterea folia sunt producta quidem arboris, sed eam tamen mutuo conservant; repetita enim defoliatione ea necaretur, eiusque incrementum ex effectione pendet in stirpe. Hoc loco tantummodo in praetereundo mentionem faciam naturae ipsius in reparandis creatis rebus laevis adiutricis, dum defectus partis unius, ad conservandas

vicinas necessariae, a reliquis suppletur; errorum porro et portentorum in crescendo, cum certae quaedam partes, ob vitia obuia vel impedimenta, sese forment prorsus denuo, ad id, quod adest, conseruandum, remque anormalicam producendam; ea igitur hoc loco leuiter tangam, quamquam proprietates naturarum organisatarum maxime mirabiles attingunt.

## §. 65.

*Res, qua scopi naturae, entia sunt organisata.*

Pro eo, quem in superiori paragrapho exposuimus, caractere, rei, quae, vt productum naturae, tamen simul modo vt scopus naturae cognosci possibilis debet, necesse est, vt ad se ipsam ratio mutua sit vt causae atque effecti, quae dictio est aliquantum impropria et indeterminata, deriuationis indigens a conceptu quodam determinato.

Nexus causalis, quatenus per solam intelligentiam cogitatur, colligatio est seriem (causarum et effectorum) efficiens, vsque deorsum descendens; et res ipsae, quae vt effecta alias vt causas supponunt, harum esse mutuo causae non possunt. Atque hunc nexum causalem dicimus effectiuum. Contra ea vero potest et connexio causalis ex conceptu rationali (scoporum) cogitari, quae, si vt seriem spectares, cum deorsum tum sursum in sese dependentiam cohiberet, in qua res, semel vt effectum designata, tamen sursum causa dici illius rei, cuius effectum est, meretur. In iis, quae actionem spectant (in practicis) nimirum in arte, facile eiusmodi connexionem deprehendimus, velut domus causa quidem est pecuniarum, quae ex locatione redeunt, verum tamen et vice versa repraesentatio huius possibilis redditus causa est exstruendae domus. Eiusmodi nexus causalis vocatur finalis. Illam superiorem fortasse conuenientius nexum dixeris causarum realium, hanc posteriorem vero idealium, quoniam in hac denominatione simul indicatur, non esse plura his duobus posse genera causalitatis.

Ad rem autem ut finem naturae *primo* quidem opus est, ut partes (quoad existentiam formamque) tantummodo queant esse per suam ad totum relationem. Res enim ipsa finis est, proinde sub conceptu comprehensa vel idea, quae cuncta, quae in se contineri debent, ex anticipatione, oportebit, determinet. Quatenus autem solum hoc modo ut possibilis cogitatur, res tantummodo opus artis est, hoc est, productum causae rationalis ab materia (partium) ipsius diuersae, cuius (in arcessendis coniungendisque partibus) causalitas per ideam illius de quodam toto eo possibili (proinde haud per naturam extra se) determinatur.

Quodsi autem res, ut productum naturae, debeat in sese ipsa et quoad possibilitatem internam tamen relationem ad fines continere, nimirum duntaxat ut finis naturae et sine causalitate conceptuum de naturis ratione praeditis extra se possibilis esse; tum opus erit, ut partes ipsius eo sese ad unitatem cuiusdam totius coniungant, quod formae suae mutuo sunt causae atque effecta. Etenim hoc solummodo fieri potest, ut vice versa (mutuo) idea totius rursus formam coniunctionemque omnium partium determinet: non quidem ut causa — tum enim opus artis foret — verum ut ratio cognoscendi unitatem systematicam formae coniunctionisque omnium variorum, quae insunt in data materia, illi, qui ea diiudicat.

Igitur ad corpus, quod per se debet et secundum possibilitatem suam internam ut finis naturae diiudicari, postulatur, ut partes eius cunctae sese inuicem, cum quoad formam tum quoad coniunctionem, mutuo, atque ita totum aliquod ex propria causalitate producant, cuius vicissim conceptus retro (in natura, quae causalitatem ex conceptibus eiusmodi producto convenientem haberet) eius causa ex quodam principio fieri, proinde colligatio *causarum efficientium simul ut effectorum per causas finales* diiudicari posset.

In eiusmodi naturae producto quaeque pars, ita, uti per cunctas reliquas adest, etiam ut *reliquarum causa* ac

totius exsians, nimirum ut organum cogitatur: quod vero non satis est (ea enim quoque organon artis esse posset atque ita solum ut finis omnino possibilis repraesentari); verum ut *organon* partes reliquas (quaeque alteram mutuo) *producens*, cuiusmodi nullum artis organon esse potest, sed solum naturae omnem organorum (ipforum artis organorum) ministrantis: ac tum solum atque ideoque eiusmodi productum, ut *organisata se ipsamque natura organisans* poterit *naturae finis* adpellari.

In horologio pars organon motus est reliquarum, nec vero rota causa efficiens producendae alterius: pars quidem propter alteram adest, non vero per eam. Idecirco et causa producendarum illarum earumque formae efficiendae haud in natura (huius materiae) inest, sed extra eam in natura, quae agere secundum ideas possit totius cuiuspiam per causalitatem suam possibilis. Quapropter, quominus rota rotam in horologia producit, eo minus quoque horologium efficit alterum, ita ut alia eo materia vteretur (organisaret); nec proinde sponte partes supplet sibi ademptas, earumque defectum compensat reliquarum accessione, se ipsumque deprauatum corrigit neque emendat: quae cuncta vero possumus ab natura organisata expectare. — Ergo natura organisata non solum in machina est: haec enim solum vim habet *motricem*; verum vim *formatricem* habet, et eam quidem, quam cum materiis ea destitutis communicat (eas organisat): ideo vim formatricem sese propagantem, quae haud ex sola potest vi motrice (mechanismo) explicari.

Ac de natura quidem eiusque in operibus organisatis facultate perparum statueris, si hanc quoddam *artis analogon* dixeris; tum enim artificem (naturam rationemque) extra illam cogitas. Natura se ipsam potius organisat, et in vnaquaque productorum organisatorum specie, ad idem quidem exemplar, sed tamen quoque cum variationibus consentaneis, ad conservationem sui ipsius pro re nata necessariis. Propius fortasse ad hanc proprietatem imperscrutabilem accedes, si eam *analogon vitae* vocaueris: tum vero aut materia ut sola materia proprietate essentiae suae con-



traria (hylozoismo) ornanda erit; aut illi alienum quoddam, quocum in *commercio versetur* principium (anima) adiungenda: quo vero, si eiusmodi productum esse naturae productum debeat; materia organisata ut illius animae instrumentum aut iam supponitur, illaque ne minimum quidem comprehenditur, aut anima artifex huiusce operis statuenda, atque ita productum naturae (corporeae) detrahendum videtur. Ut vere dicam, organisationi naturae nihil quidquam inest analogici cum vlla quapiam, quam nosmet nouimus, causalitate \*). Pulcritudo naturae, idcirco quia rebus obiectis solum respectu reflexionis super visione earum *exiētia*, proinde tantummodo ob formam superficiei attribuitur; iure potest artis analogon vocari. Sed *perfectio naturae interna*, qualis in iis rebus inest, quae solum esse possunt ut *finis naturae* et propterea naturae organisatae dicuntur, secundum nullam vllius cuiuspiam cognitae nobis facultatis physicae seu naturalis analogiam, quin cum nosmet ipsi ad naturam in sensu latissimo pertineamus, ne per ipsam quidem analogiam adprime arti humanae consentaneam cogitari potest atque enodari.

Quamobrem conceptus rei, ut finis naturae, haud conceptus est intelligentiae rationisue constitutiuus, sed tamen esse regulatiuus potest facultati iudicandi reflectenti, ex remota cum nostra ex finibus causalitate vniuerse analogia inuestigationis rerum huiusce generis ducendae de eiusque ratione suprema cogitando perscrutanda; hoc posterius quidem haud ad promouendam naturae eiusue causae pri-

\*) Vice versa certae cuidam coniunctioni potest, quae vero etiam potius in idea quam in existentia deprehenditur, per analogiam quamdam cum finibus naturae proximis, de quibus diximus, lux adferri. Sic nuper in instituta vniuersa magni populi ad rempublicam transformatione, frequenter usurpatum scite nouimus vocabulum *organisationis* pro institutione atque ordinatione magistratuum et sic porro, ipsiusque corporis ciuilis. Etenim quodque membrum sane quidem in eiusmodi toto non solum adiumentum, sed simul quoque finis esse; dumque ad possibilitatem confert totius, vicissim per ideam totius, secundum locum suum functionemque, determinatum esse debet.

nae cognitionem, sed potius in gratiam eiusdem practicae in nobis facultatis rationalis, quacum causam illius formae finalis in analogia contemplati sumus.

Naturae itaque organifatae vnae sunt solaeque in rerum natura, quae, etiam si per se et sine vlla ad res alias relatione considerentur, tamen tantummodo ut fines illius possibiles cogitandae sunt, quaeque proinde conceptui *finis*, qui haud practicus est sed *naturae* finis, realitatem obiectivam, eoque physicae fundamentum compararet teleologiae, id est, rationis rerum illi subiectarum ex peculiari principio quodam diiudicandarum, cuiusmodi alioquin in eam introduci nullo omnino iure posset (propterea quod possibilitas eiusmodi causalitatis nullo pacto poterit ex anticipatione perspicui).

§. 66.

*De principio formae finalis internae in naturis organifatis diiudicandae.*

Hoc principium, idemque illius definitio sic sonat: *productum naturae organicum est id in quo omnia et fines mutuo sunt et adiumenta.* Nihil in eo frustra est et sine causa, nihil temerarium et sine consilio, aut caeco cuidam mechanismo physico attribuendum.

Quod principium quidem, quoad originem, ab experientia deriuandum est, ab ea nimirum, quae, via quadam et ratione artificioque instituta, observatio vocatur; verum ob vniuersalitatem necessitatemque, quam illud de eiusmodi forma finali enunciat, non potest solum in rationibus niti empiricis, sed vllum quodpiam, necesse est, principium fundamento habeat, ex anticipatione, quamvis illud duntaxat regulatiuum foret, illique fines solum in idea diiudicantis inessent neque in vlla quapiam causa efficiente. Quocirca dictum illud principium *norma* poterit formae finalis naturarum organifatarum internae diiudicandae adpellari.

Notum est, disectores plantarum et animalium, ad structuram earum inuestigandam rationesque perspiciendas, cur atque ex quo consilio tales partes, quare talis situs partium coniunctioque et haec ipsa forma interna iis data fuerit; normam illam: nihil in eiusmodi creata re *frustra* esse, tanquam prorsus necessariam sumere, eique parem vim auctoritatemque conciliare, quam principio physices generalis, quod enunciat: *nihil* quidquam fieri *fortuito*. Ac sane quidem ab hocce principio teleologice tam minus sese poterunt abdicare, quam ab vniuersali illo physico, quoniam, uti data occasione principia posterioris nulla omnino experientia, ita decreti prioris accepta ansa nullus dux relinqueretur in obseruando rerum naturalium genere, quas semel teleologice sub conceptu rerum naturalium cogitauimus.

Hic enim conceptus rationem in longe alium rerum ordinem ducit, quam solius mechanismi physici, qui nobis hic non amplius satis facit. Idea possibilitati producti naturae fundamento esse debet. Quae vero quia in unitate versatur absoluta repraesentationis, cum contra materia in multitudine rerum cernatur, quae per se non potest unitatem determinatam suppeditare compositionis; sequitur, ut, si unitas illa ideae adeo debeat esse pro ratione determinandae ex anticipatione legis physicae causalitatis eiusmodi formae compositi, finis naturae ad *uniuersa*, quae in illius producto sunt, extendatur. Namque, si semel eiusmodi effectum *in toto* ad rationem determinandi suprasensibilem ultra mechanisum caecum referamus, totum illud quoque ex hoc principio nobis diiudicandum videtur; neque est, cur formam eiusmodi rei partim adhuc ab hoc posteriori ut pendentem sumamus, quum tunc, dissimilibus commixtis principiis, nulla omnino certa diiudicandi regula relinqueretur.

Sit sane, ut, exempli gratia, in corpore animali quaedam partes possent ut concretiones ex legibus solum mechanicis comprehendi (ut pelles, ossa, crines). Verum causa, qua aptam ad eam rem materiam ministrat, et sic

mutat formatque et suis quamque locis reponit, semper teleologice diiudicanda est, ita ut omnia in eo oporteat ut organisata considerentur, et omnia quoque in certa quadam ad rem ipsam relatione vicissim organon videatur.

§. 67.

*De principio diiudicationis teleologicae super natura generatim ut systemate finium.*

Ac supra quidem formam finalem rerum naturalem *externam* diximus nullam facere potestatem idoneam, iis simul ut finibus naturae ad rationes utendi existientiae illarum determinandae, effectisque fortuito finalibus earum in idea pro rationibus existientiae ex principio causarum finalium. Sic *flumina*, quoniam commercium promouent populorum in intestino terrarum, *montesque*, quia harum fontes continent niuiumque copiam ad earum fontes temporibus conseruandos, *lota* item terrarum *decliua*, quibus hae aquae abducuntur agrique siccantur, idcirco laud continuo pro finibus poterunt naturae reputari; siquidem, etsi haec forma superficiei terrae ad ortum conseruationemque regni et vegetabilis et animalis admodum necessaria fuit, tamen in sese nihil quidquam cohibet, ad cuius possibilitatem tete coactum sentire sumere ex finibus causalitatem. Idem de plantis valet, quibus homo ad necessitatem utitur vel oblectationem: de bestiiis, camelo, boue, equo, cane et cacteris generis eiusdem, quibus partim ad vescendum, partim ad operam et laborem iam multifariam utitur, et maximam partem nullo prorsus modo potest supersedere. Rerum, quarum, non est, quod vlla per se qua finis spectetur, relatio externa potest tantummodo hypothetice ut finalis diiudicari.

Rem quampiam propter formam eius internam, ut finem naturae diiudicare, longe quiddam aliud est, quam existentiam huiusce rei pro fine naturae reputare. Ad hanc posteriorem adsertionem non solum conceptu opus est finis cuiusdam possibilis, sed cognitione scopi naturae, id quod

relatione illius indiget ad quidpiam suprasensibile, omnem nostram naturae cognitionem teleologicam longe superante; namque finis ipsius existentiae naturae ultra naturam anquirendus videtur. Forma interna solius cuiuspiam culminis graminei originem suam solum ex regula finium possibilem, humanae iudicandi facultati nostrae idoneae, potest probare. Quodsi autem inde recesseris, solumque usum eorum respexeris, quem alia naturae entia sibi concedunt, relictisque proinde organisationis internae contemplatione, solum externas spectaueris relationes finales, quomodo gramen pecori, hominique pecus adiumento necessario existentiae sit; nec videbis, quare necesse sit, ut homines exsint (ad quos, si forte de Neo-Hollandis cogites, haud ita facile poterit responderi): ad nullum unquam finem categoricum peruenies, sed uniuersa haec relatio finalis conditione nititur usque longius proferenda, quae ut absoluta (existentia rei ut scopi) prorsus extra contemplationem mundi physico-teleologicam sita videtur. Nec vero eiusmodi res tunc finis naturae est; siquidem ea (eiusque uniuersa species) pro naturae est producto habenda.

Ergo solum materia, quatenus organisata est, conceptum illius ut conceptum naturae necessario in se cohibet, quoniam haec forma sua specifica simul est productum naturae. Sed hoc conceptu necessario ducimur ad ideam uniuersae naturae ut systematis ex regula finium; cui vero ideae omnis naturae mechanismus ex principiis rationis (certe ad phaenomenon naturae in eo experiendum) subiici debet. Principium rationis illi tantummodo subiectiue proprium est, nimirum qua norma: omne in mundo ad vllum quidpiam bonum et utile est; nihil in eo frustra est ac temerarium; exemploque, quod natura in productis suis proponit organicis, monemur ac iubemur, ut ne quidquam ab ea legibusque eius, quam quod in toto finale sit, expectemus.

Per se patet, hoc non esse principium iudicandi facultatis determinantis, sed solum reflectentis, porro illud regulatiuum esse, non vero constitutiuum, nos eoque

tantummodo ducem nancisci, ad res naturae respectu rationis cuiusdam determinantis, iamiam datae, ex ordine legali nouo contemplandas, physicamque ex alio quodam principio, nimirum causarum finalium, saluo tamen causalitatis illius mechanismo, dilatandam. Caeterum ea re minime deccñitur, an vlla res quaepiam, quam ex hoc principio diiudicamus, *consulto* sit finis naturae; an graniua boni adsint cuiue, et an hacc caeteraeque res naturae adsint hominibus. Vtile est, ipsas res nobis iniucundas peculiari-que respectu incongruas ac discrepantes ex hac parte considerasse. Sic exempli causa dici posset: vermes, quibus homines infestantur in vestibus, crinibusue aut lectis, ex sapienti naturae consilio in stimulo esse ad puritatem et munditiem, quae iam per se est adiumentum grauissimum valetudinis conseruandae: muscas porro molestos aliasque insecta pungentia, quibus deserta Americana feris populis tam molesta redduntur, tot esse aculeos actionis istorum hominum, ad paludes deriuandas, densas sylvas aeris meatum arcentes excaedendas, eoque, solo item colendo, sedem simul salubriorem reddendam. Ea ipsa, quae homini in organisatione eius interna aduersari videntur, si hoc modo tractentur, prospectum largiuntur oblectantem, nonnumquam quoque erudientem in ordinem rerum teleologicum, ad quem, siue eiusmodi principio, sola nos contemplatione physica numquam perduceremur. Quemadmodum nonnulli taeniam homini vel bestiae, in quo inest, quasi ad resarciendum certum quemdam defectum organorum vitalium datam esse iudicant: ita quaerem: anne somnia (quibus numquam somnus caret, quanuis solum raro eorum memineris) institutio naturae finalis sit, quippe quae in vniuersis viribus corporeis remittendis, eo conferunt, vt interuentu phantasiae magnaeque illius sedulitatis (in hoc statu plerumque vsque ad adfectum accrescentis) organa vitalia intus moueantur; vt ea quoque stomacho nimis repleto, vbi hic motus eo magis necessarius est, in somno nocturno plerumque eo maiori alacritate ludit; vt proinde sine hac vi intus atque inquietudine fatigante, qua de causa somnia inculamus

(quae tamen fortasse reapse remedia sunt), somnus, in ipso statu sano, adeo fortasse vitae foret exspiratio.

Etiam pulcritudo naturae, nimirum concentus eius cum lusu libero virium cognoscendi nostrarum in adprehendendo diiudicandoque illius phaenomeno, hoc modo ut forma finalis obiectiua in toto suo potest, ut systema, cuius homo in articulis est, considerari; si semel diiudicatio illius teleologica per fines naturae, quos res organifatae nobis suppeditant, copiam nobis fecerit ideae de magno systemate finium naturae. Possumus eam ut gratiam \*), qua nosmet natura exceperit, spectare, et praeter utilitatem tam large et pulcritudinem illecebrasque disperferit, eamque idcirco amare, quemadmodum, propter immensitatem illius, eam venerabundi contemplamur, nos ipsosque in hac contemplatione meliores perentiscimus: quasi natura proprie hoc consilio theatrum suum exstruxerit atque exornarit.

Haud quidquam aliud hacce paragrapho dicere volumus, nisi, si semel in natura aperuissimus facultatem, producendi effecta, quae tantummodo ex conceptu causarum finalium possunt a nobis cogitari, nos longius progredi, et ea quoque, quibus (quorumue, quaniuis finali, relatione) haud sere cogimur, ut ultra mechanismum causarum caece efficientium aliud quoddam illorum possibilitatis principium anquiramus, tamen ut ad systema finium pertinentia diiudicare posse; quoniam iam idea posteriori, ratione fundamenti illius, ultra nos mundum sensibilem perducimur: ubi unitas principii suprasensitivi non solum

\*) In parte aesthetica diximus: naturam nos pulcram cum gratia contemplari; propterea quod formam illius libera prorsus (nulloque inuitamento capta) complacencia prosequimur: namque in hoc solo gustus iudicio ratio minime habetur, quem in finem hacce pulcritudines naturae essent: utrum ut nobis iis voluptas exerceatur, an ut fines sint sine vlla earum ad nos relatione. Verum in iudicio teleologico etiam ad hanc relationem animum aduertimus; et tum ut gratiam naturae spectare possumus, quod ea, propositis tot formis pulcris, nostram voluerit culturam promouere.

ad certam quamdam rerum naturae formam, sed ad totum naturae, ut systema, eodem modo valens considerata videtur.

§. 68.

*De principio teleologiae ut principio interno physices.*

Principia scientiae cuiusdam aut *intus* in ea posita sunt, et *domestica* dicuntur; aut in conceptibus constituta, quibus solum locus extra eam esse potest, et *externa* principia vocantur et *peregrina*. Scientiae, quibus principia peregrina continentur, doctrinis suis lemmata fundamento subiiciunt; id est, vllum eae quempiam conceptum, cum eoque rationem ordinandi, ab alia quadam scientia mutantur.

Vnaquaeque scientia per se systema est; neque sufficit, ut in ea ex principiis aedificemus ideoque technice agamus, verum ea quoque, quasi aedificium in sese consistens, architectonice quoque tractanda elaboranda, neque velut adiunctionem partemque alius cuiusdam aedificii, sed ut totum quoddam per se tractanda, etsi posthac fieri transitus poterit ex hoc in illud aut mutuo.

Quodsi igitur in gratiam physices in illiusque contextum conceptus de deo inferatur, ut forma finalis naturae intelligatur, et deinde haec forma finalis vicissim vsurpetur, ad, deum esse, euincendum: neutrius scientiae vis valorque interna est fallacique dialectice quaeque in discrimen vocatur, eo quod iis fit, ut fines confundantur.

Vocabulum finis naturae huic confusione tam satis cauet, ne physica atque occasio, quam ea ad res sibi subiectas *teleologice* diiudicandas praebet, cum contemplatione dei ideoque derivatione *theologice* commisceatur; neque parum interesse putandum est, vtrum vocabulum illud cum verbo permutetur finis diuini in ordinanda natura, an sere adeo finis diuinus aptior piæque menti conuenientior declaretur, quoniam postremo tamen formae illae in natura finales a sapiente mundi auctore deriuandae viderentur;



verum vt diligenter nos mōdesleque ad vocabulum adstringamus, quod tantundem enunciat, quantum scimus, nempe finis naturae. Antequam enim ipsam naturae causam quaeramus, in natura generationumque illius itinere eiusmodi producta inuenimus, quae secundum notas leges experientiae in ea gignuntur, ex quibus physicae res sibi subiectae iudicandae sunt, proinde earum quoque causalitas ex regula finium in ea ipsa quaerenda videtur. Idcirco terminos suos haud transuolare debet, vt id, cuius conceptui nulla omnino potest experientia conuenire, et quod absoluta demum physice gradiendi iure queas, in eam ipsam vt principium domesticum inferamus.

Qualitates naturales, quae ex anticipatione demonstrari possunt, ideoque quoad possibilitatem ex principiis vniuersalibus sine vlla experientiae accessione perspicui, tamen haud poterunt, quamuis formam finalem technicam in sese cohibeant, quoniam simpliciter necessariae sunt, vltimo modo ad teleologiam naturae, vt viam methodumque physicae propriam ad quaestiones illius soluendas, adnumerari. Analogiis arithmeticis et geometricis, itemque legibus mechanicis vniuersalibus, etiamsi coniunctio diuersarum specie ab se inuicem prorsus liberarum regularum in principio maxime aliena in iis et admirabilis videatur, idcirco nullum ius inest, quo esse queant teleologicae in physica rationes explicandi; et quamquam dignae sunt, quae in vniuersali formae finalis rerum naturae in vniuersum theoria sub contemplationem vocentur, ea tamen aliorum, nempe ad metaphysicam pertineret, nullumque principium physices internum constitueret: vti sane in legibus finium naturae empiricis in rebus organisatis non solum licet, verum etiam euitari non potest, quo minus *ratio diiudicandi* teleologica pro principio vsurpetur physices respectu peculiaris cuiusdam classis rerum ei propositarum.

Igitur physice, vt diligenter intra suos sese terminos contineat, temperat sibi atque abstinet a quaestione prorsus, vtrum fines naturae *ex consilio* sint an *inconsulto*; id enim immixtio foret in negotium alienum (nimirum meta-

physices). Sufficit, ut ex legibus naturae, quas nobis solum sub idea finium possumus ut principium cogitatione informare, res sint unae solaeque *enodabiles*, et hoc solum modo, secundum internam formam earum, adeoque tantummodo interne *cognoscibiles* videantur. Ut ne igitur ne minimam arrogantiae suspensionem excitemus, ac si quidpiam, quod nullo pacto ad physicam pertinet, nimirum causam supranaturalem, nostris cognoscendi rationibus immiscere velinus; loquimur quidem de natura in teleologia, quasi forma finalis in ea consulto sit, sed simul tamen ita, ut naturae, hoc est, materiae, istum finem tribuamus; quo (quoniam de eo nulli esse errori locus potest, propterea quod nemo fere sponte materiae inanimi in sensu verbi proprio finem attribuet) indicare volumus, hoc vocabulo hoc loco duntaxat principium denotari facultatis iudicandi reflectentis, non vero determinantis, ideoque nullam eo peculiarem causalitatis rationem introduci debere, verum etiam solum ad usum rationis aliud inuestigationis genus, quam quod ex legibus est mechanicis, addatur, ut harum imperfectio, ad ipsam conquisitionem empiricam omnium naturae legum singularium, expleatur. Idcirco in teleologia, quatenus ad physicam accensetur, rectissime de sapientia dicimus, de parsimonia, de providentia, de beneficentia naturae, neque eam tamen naturam facinus intelligibilem (quippe quod absurdum foret); sed neque tamen audemus, aliam supra illam intelligibilem naturam, ut fabricatorem atque architectum, statuere quoniam hoc temerarium foret: verum eo solum genus quoddam causalitatis naturae, ad quamdam cum nostra analogiam debet in usu rationis technico designari, ut regula ob oculos versetur, ex qua certa quaedam sunt naturae producta inuestiganda.

Ecquid autem causae est, quare teleologia nullam soleat partem physices theoreticae peculiarem absolovere, sed ut propaedeutica transitione ad theologiam numeretur? Hoc fit propterea, ut studium naturae ex mechanismo in eo firme teneatur, quod observationi nostrae experimen-

tisue ita subiicere possimus, vt illud instar naturae, saltem quoad legum similitudinem, ipsi possemus producere; tantum enim duntaxat perspicimus, quantum ex conceptibus ipsi efficere possumus atque absoluere. Verum organisatio, vt finis naturae internus, omnem infinite superat facultatem similis per artem exhibitionis: atque institutorum quidem externorum naturae pro finalibus putatarum (veluti ventorum, pluuiarum et similibus) physice mechanisimum quidem contemplatur; sed relationem eorum ad fines, quatenus haec esse conditio debet ad causam necessaria, nullo ea modo potest exhibere, quoniam haec connexionis necessitas tota coniunctionem nostrorum conceptuum spectat, non vero qualitatem rerum atque naturam.

---

---

 SECTIO POSTERIOR.
 

---

 DIALECTICE FACULTATIS  
 IUDICANDI TELEOLOGICAE.
 

---

## §. 69.

*Quid antinomia sit facultatis iudicandi?*

**F**acultatis iudicandi *determinantis* per sese nulla principia sunt, quibus *conceptus rerum obiectorum* fundentur. Ea non autonomia est; siquidem ea tantummodo ad leges datas, conceptusue, ut principia adsumit. Ob eam ipsam causam neque periculo suae ipsius antinomiae exposita est, neque pugnae principiorum. Sic vim iudicandi transcendentalem, conditiones in sese cohibentem subsumendi ad categorias, vidimus per se haud *nomotheticam* esse; sed tantum conditiones indicare, quibus conceptui cuidam dato, ut legi intelligentiae, realitas (usus) dari possit: qua de re numquam secum ipsa poterit (certe secundum principia) in disensionem incidere.

Verum facultas iudicandi reflectens ad legem debet nondum datam adsumere, quae proinde reapse tantummodo principium est reflexionis super rebus obiectis, quarum nobis prius deest lex obiectiva, conceptusue obiectae rei ad principium causarum obuiarum idoneus. Cum nullus cognoscendi virium usus concedi sine principiis liceat, facultas iudicandi reflectens in eiusmodi causis sibi ipsa esse principio debet: quod, quoniam haud obiectivum est, nullamque cognoscendae rei obiectae rationem potest ad consilium idoneam subiicere, ut solum subiectivum principium, ad usum virium cognoscendi finalem esse debet. Ergo respectu eiusmodi causarum facultati iudicandi reflectenti normae sunt, et quidem necessariae, ad leges naturae in experientia cognoscendas, ut his conceptus nancisca-

tur, etiam si rationales forent; cum simpliciter earum indiget, ad naturam ex legibus empiricis solum cognoscendam. — Harum igitur normarum facultatis iudicandi reflectentis pugnae, proinde antinomiae, esse locus poterit: quo quidem quaedam nititur dialectice, quae, si cuiusque duarum normarum pugnantium in natura virium cognoscendi fundamentum sit, dialectice potest naturalis vocari, illustroque inevitabilis, in critica, ne decipiat, denudanda atque enodanda.

§. 70.

*Repraesentatio huius antinomiae.*

Ac ratio quidem, quatenus in natura occupatur, ut complexu rerum sub sensus externos subiectarum, niti legibus potest, quas intelligentia partim ipsa ex anticipatione naturae praescribit, partim per determinationes empiricas in experientia obuias, in infinitum potest dilatare. Verum legum quidem peculiarium, quae nobis solum innotescere per experientiam possunt, permagna esse varietas dissimilitudoque potest, ita ut facultatem iudicandi sibi ipsi esse principio oporteat, ut vel modo in naturae phaenomenis legem anquirat et expiscetur, propterea quod ea opus habet duce, si cognitionem experientiae contextam atque continuam secundum legalitatem naturae perpetuam, unitatem illius ex legibus empiricis vel modo debeat sperare. In hac igitur unitate fortuita legum singularium fieri potest, ut facultas iudicandi in reflexione sua a duabus normis proficiatur, quarum unam sibi intelligentia sola ex anticipatione ministrat, altera vero peculiaribus experientis nascitur, quibus ratio movetur, ad diiudicationem naturae corporeae eiusque legum ex peculiari quodam principio institucundam. Tum itaque fit, ut hae duae normae haud facile simul consistere posse videantur, proinde dialectica quaedam emergat, qua iudicandi vis in principio reflectendi confunditur.

*Prior norma illius hoc pronuntiato continetur: omnis rerum materialium earumque formarum genesis, ut ex legibus solum mechanicis possibilis, diiudicanda est.*

*Altera* dein *norma* in *antithesi* versatur: quaedam naturae materialis producta non possunt, tamquam ex solis legibus mechanicis possibilia diiudicari (eorum diiudicatio opus habet longe alia causalitatis lege, nimirum lege causarum finalium).

Quae quidem decreta inuestigationis regulatiua, si nunc in constitutiua mutares, possibilitatis ipsarum obiectarum rerum, sic se haberent:

*Thesis*: Omnis rerum materialium genesis fieri potest ex legibus solum mechanicis.

*Antithesis*: Nonnullae illarum geneses fieri non possunt ex legibus solum mechanicis.

In hac qualitate posteriori, ut principia obiectiua facultati iudicandi determinanti data, sibi inuicem repugnarent, proinde alterutra enuntiatio necessario falsa foret; verum id tum quidem antinomia foret, neque tamen facultatis indicandi, sed pugna in legislatione rationis. Sed ratio nec vnum potest nec alterum istorum decretorum probare; siquidem possibilitatis rerum ex legibus naturae solum empiricis determinandae nullum nobis esse principium potest ex anticipatione.

Contra prior illa quidem, quam proposuimus, facultatis iudicandi reflectentis norma nullam reuera repugnantiam continet. Cum enim dico: omnia naturae materialis euenta, proinde omnes quoque formae, ut producta illius, quoad possibilitatem, ex legibus mihi solum mechanicis diiudicanda sunt; non ita dico, ut ea fieri ex iis solum queant; sed hoc volo, me semper debere super iis ex principio reflectere solius mechanismi naturae, proinde hunc, quoad possum, inuestigare, quoniam, eo haud fundamento posito inuestigationis, nulla omnino propria naturae cognitio esse potest. Quo vero altera norma, data occasione, haud impeditur, quo minus scilicet quarundam naturae formarum (earumque occasione adeo vniuersae naturae) principium quoddam anquirat, de iisque reflectat, quod quidem ab explicatione secundum mechanisum

naturae, quippe principio causarum finalium prorsus abhorret. Namque reflexio ex priori norma eo haud tollitur potiusque praecipitur, ut, quoad eius fieri possit, eam persequamur; neque eo dicitur, formas istas non posse fieri ex mechanismo naturae. Hoc solum adferitur: *rationem humanam*, in iis hoc modo sequendis, numquam eorum, quibus ratio efficitur specifica finis naturae, posse minimam causam, sed sane quidem alias legum naturalium notitias inuenire; in quo vero in medio relinquitur, anne in causa naturae interna nobis ignota coniunctio physico-mechanica finiumque in iisdem rebus in quodam principio cohaereant: sed nostra ratio eas non potest in eiusmodi principio coniungere, ideoque iudicandi vis, ut (ex principio subiectiuo) *reflectens*, non vero ut (ex principio possibilitatis rerum per se) determinans, cogitur, certis quibusdam in natura formis aliud principium, quam mechanisim, ut causam possibilitatis illarum cogitare.

### §. 71.

#### *Praeparatio ad enodationem superioris antinomiae.*

Impossibilitatem generationis productorum naturae organisatorum nullo modo possumus ex solo naturae mechanismo probare, quoniam infinitam illam peculiarium legum naturae, nobis fortuitarum, varietatem, cum solum cognoscantur empirice, secundum primam rationem internam perspicere, atque ita principium possibilitatis naturae internum perpetuo idoneum (quod inest in ratione supersensibili) nullo pacto adsequi possumus. Anne facultas naturae productivae ad ea quoque, quae, ut ad ideam formata finium vel coniuncta, diiudicamus, perinde eorum, ad quae solum re nobis opus videtur naturae mechanica, idonea sit; an porro reapse rerum ut propriorum naturae finium (vbi eas necessario diiudicare debemus) longe aliud genus causalitatis originariae, quae nullo modo potest in natura materiali substratoe illius intelligibili inesse, nempe intelligentia architectonica fundamento subsit: de eo quidem ratio nostra arctissime limitata respectu conceptus cau-

salitatis, si ex anticipatione debeat consignari, nihil quidquam certi potest docere. — Verum, respectiue ad nostram cognoscendi facultatem, solum naturae mechanismum non esse rationem posse generationis naturarum organisatarum, pariter indubitato certum videtur. Quapropter *facultatis iudicandi reflectentis* verum decretum hoc est, coniunctionis rerum ex causis finalibus causalitatem oportere a mechanismo diuersam, nimirum causae mundi ex finibus agentis (intelligentis) cogitari; quamuis illud maxime temerarium fuerit et haud probandum facultati iudicandi *determinanti*. Superiori casu illud in solis normis est iudicandi facultatis, in quo conceptus causalitatis sola idea est, cui nullo modo realitatem concedimus, sed qua tantum utimur duce reflexionis, quae praeterea vniuersis explicandi rationibus mechanicis semper patet, neque ex mundo sensibili emigrat; altero autem casu illud decretum principium foret obiectiuum, quod ratio praeciperet cuique iudicandi vis sese determinans deberet subiicere, in quo vero ultra mundum sensibilem in suprasensibilia se implicat, et fortasse in errores praecipitur.

Quamobrem vniuersa species antinomiae in normis explicandi rationis proprie physicae (mechanicae) et teleologicae (technicae) posita in eo est, quod decretum iudicandi facultatis reflectentis cum decreto facultatis determinantis et *autonomiam* prioris (quae solum subiectiue ad usum rationis nostrum respectu specialium legum experientiae valet) cum *heteronomia* alterius, quae leges sequi debet ab intelligentia promulgatas (vniuersales vel speciales) permutamus.

### §. 72.

#### *De variis systematibus super formam finalem naturae.*

Nemo vniquam de vanitate dubitauit principii: de certis quibusdam naturae rebus (organifatis) earumque possibilitate ex conceptu causarum finalium iudicandum esse, vel modo si, ut earum qualitatem obseruando cognoscamus, *filum Ariadnaeum* desideremus, neque tamen



ad primam earum originem inuestigandam accedimus. Ergo quaeri solum poterit: vtrum istud principium tantummodo subiectiue valeat, videlicet solum norma sit facultatis iudicandi nostrae, an principium naturae sit obiectiuum, ex quo illi, praeter mechanisum (ex solis motus legibus), et aliud causalitatis genus competat, nimirum causarum finalium, quibus illae (virium motricium) solum vt causae intermediae subsint.

Iam haec quaestio siue problema contemplationi proposita, prorsus in medio possemus atque inenodatam relinquere; quoniam, si cum posteriori intra terminos solius cognitionis physicae contenti sumus, illae normae nobis sufficiunt, ad naturam, quantum vires humanae permittunt, inuestigandam, arcanaque illius occultissima perscrutanda. Igitur quadam quasi rationis nostrae diuinatione, nutuque quasi quodam nobis ab natura dato fit, vt ope conceptus illius causarum finalium fere adeo vltra naturam pertinere, eamque ipsam in summo loco seriei causarum adnectere possemus, perscrutatione naturae (quamuis nondum in ea longe progressi simus) relicta, vel certe aliquamdiu intermissa, ante experiremur percontari, quo ille alienigena in physice, nimirum conceptus finium naturae, ducat.

Hoc quidem loco sane indubitata norma illa in quaestionem transiret, amplum concertationum campum aperientem: vtrum nexus finalis in natura peculiare quoddam causalitatis illius *probet*; an per se atque ex principiis obiectiuis spectata, non potius idem sit ac mechanisus naturae, an vno eodemque fundamento nitatur: quamquam modo, cum istud inuestigationi nostrae in quibusdam productis naturae nimis sit profunde abditum, in principio subiectiuo, nimirum artis, hoc est, causalitatis ex ideis experiamur, vt eas naturae secundum analogiam subiiciamus; id quod nobis quoque saepenumero succedit, nonnumquam quidem minus videtur succedere, quod vero omnino nullam nobis potestatem facit, peculiaris cuiuspiam, a causalitate ex legibus naturae solum mechanicis diuersum

efficiendi genus in physicam introducendi. Rationem (causalitatem) naturae, propter similitudinem finalem, quam in productis illius deprehendimus, technicam vocabimus, quam in technicam *intentionalem*, et *naturalem* describemus. Superioris ea vis est, ut facultas naturae productiua ex causis finalibus peculiare quoddam causalitatis genus esse existimari oporteat; alterius: ut ea facultas proprie eadem sit ac mechanismus naturae, fortuitusque cum nostris conceptibus technicis eorumque regulis concentus, ut sola subiectiua eorum diiudicandorum conditio, falso pro peculiari generationis physicae genere accipiat.

Cum in praesenti de systematibus loquimur explanationis physicae, respectu causarum finalium, probe notandum est, ea cuncta dogmatice, hoc est, de principiis possibilitatis rerum obiectiuis, siue ex causis intentionalibus, siue solis naturalibus, inuicem inter se discrepare, non autem fere de norma subiectiua, causam eiusmodi productorum finalium solum iudicandi: quo posteriori loco principia *disparata* commodè quidem possent coniungi, cum contra in superiori casu *ex repugnantia contraria* se inuicem tollere possunt nec simul consistere.

Systemata respectu technices naturae, id est virtutis eius productiuae ex regula finium, duo sunt: et *idealismus*, et *realismus* finium naturae. Idealismus in sententia cernitur eorum, qui omnem formam naturae finalem esse *naturalem* perhibent; sed *realismus* finium statuit, quasdam illius (in rebus organisatis) *intentionales* esse; unde porro consecutio ut hypothesis fundata elici posset, technicam naturae, etiam, quod alia omnia eius producta attinet respectu totius naturae, intentionalem, hoc est, finem esse.

1) *Idealismus* formae finalis (hoc loco semper obiectiuam intelligo, aut *casualitatis* est, aut *fatalitatis*, naturae in forma finali productorum suorum determinandae. Principium prius relationem attingit materiae ad rationem formae illius physicam, nimirum ad leges motus; alterum rationem earum totiusque naturae *hyperphysicam* spectat. Systema *casualitatis*, quod Epicuro vel Democrito tribui-

tur. ad literam sumtum, tam aperte absurdum est atque absonum, ut nosmet nequeat morari; contra systema fatalitatis (cuius auctor perhibetur Spinoza, quamquam multo videtur antiquius), quod ad quidpiam suprasensibile provocat, quo proinde intellectus noster haud pertinet, haud ita facile refelli potest: propterea quod eius conceptus de ente originario nullo modo intelligi potest. Tantum autem manifestum est: nexum in mundo finalem accipiendum esse in eo ut naturalem (quoniam is ab ente originario et primo, non vero ab eius intelligentia, proinde ab nullo fine illius, verum ex necessitate eius naturae atque inde descendente mundi unitate deriuatur), proinde fatalissimus formae finalis simul eiusdem idealissimus videtur.

2) Iam vero *realissimus* formae finalis naturae aut physicus est, aut hyperphysicus. Realissimus *physicus* fines naturae in analogo constituit facultatis cuiuspiam secundum finem agentis, in *vita materiae* (in ea, vel etiam per principium aliquod internum, animam mundi); diciturque *hylozoismus*. Sed realissimus *hyperphysicus* eos ab ratione totius rerum vniuersitatis originaria, ut natura intelligente consulto producente (originarie viuente) deriuat; et *theismus* vocatur \*).

### §. 73.

*Nullum superiorum systematum id, quod pollicetur, praestat.*

Ecquid cum vniuersis systematibus istis? Nostra ea volunt de natura iudicia teleologica explanare, et ita rem

\*) Ex quo intelligitur: in plerisque rebus rationis purae contemplatiuis, adfectionum dogmaticarum respectu, scholas philosophorum plerumque omnes, quae fieri possunt certae cuiuspiam quaestionis enodationes tentasse. Sic de formis finali naturae modo aut *materiam inanimatam*, aut *deum inanimatum*, modo vel *materiam animatam* vel *deum animatum* in hanc rem tentarunt. Nobis nihil relinquitur, nisi, si res postulet, ut, cunctis hisce *adfectionibus* obiectiuis misis, iudicium nostrum duntaxat respectu virium cognoscendi nostrarum criticae perpendamus, ut principio earum valorem normae comparemus, nisi dogmaticum, certe tamen ad certum rationis usum idoneum.

adgrediuntur, vt pars veritatem eorum neget, proinde ea pro idealismo declaret naturae (vt artis repraesentatae); pars ea vt vera agnoscat, possibilitatemque naturae ex ideis causarum finalium euincere polliceatur.

1) Systemata idealismum causarum finalium in natura propugnantia partim quidem in principio illarum causalitatem ex legibus motus (quibus fit, vt res naturae finaliter exsint) concedunt; sed negant in ea *intentionalitetem*, nimirum eam consulo esse ad hanc productionem intentionalem determinatam, siue, quod idem erit, finem causam esse. Haec ratio *Epicuri* est, vi cuius discrimen technices naturae a sola mechanico prorsus negatur, et non solum conuenientiae generatorum productorum cum nostris de fine conceptibus, proinde technices, sed ipsarum causarum huiusce ex motus legibus generationis determinandarum, proinde mechanices pro ratione explicandi casus fortuitus sumitur, ergo nihil quidquam, ne species quidem in iudicio teleologico nostro explicatur, proinde idealismus in eo nullo modo probatur.

Contra *Spinoza* omni nos causae possibilitatis finium naturae possibilitate eo putat supersedere, ideoque illi omnem realitatem demi, quod eos omnino haud esse producta, sed accidenti enti originario adhaerentia, ponit, neque enti huic, vt substrato illarum rerum naturae, respectu earum, causalitatem tribuit, sed solum subsistentiam, et (propter necessitatem illius absolutam, cum rebus naturae vniuersis, vt accidentibus illi inhaerentibus) formis naturae unitatem quidem rationis, ad vniuersam formam finalem necessariae, cauet, sed simul tamen naturam illis fortuitam, sine qua nulla potest *finium unitas* cogitari, eripit, cum eaque omne *intentionale*, vti causae rerum naturae originariae omnem intelligentiam, tollit.

Nec vero, quae pollicetur, *spinozismus* praestit. Rationem vult nexus finalis quem haud negat, rerum naturae enodandi indicare, solumque unitatem adfert subiecti, cui omnes inhaerent. Verum, hoc exstendi modo rerum mundanarum ei concessio, tamen unitas illa ontologica

idcirco nondum continuo est *vnitas finium*, eamque nullo pacto docet. Nempe vnitas finium est genus illius prorsus peculiare, quae ex-nexu rerum (inundandarum) in quodam subiecto (eute originario) nullo modo sequitur, sed necessario relationem ad *causam* intelligentem inuoluit, adeoque, vniuersis hisce rebus in quodam subiecto coniunctis, nunquam tamen exhibet finium relationem; nisi primo inter eas *effecta* substantiae, vt *causae*, interna; deinde eiusdem, vt *causae* per *intelligentiam*, cogitentur. Sine his conditionibus formalibus omnis vnitas sola est necessitas physica, quae, si nihilominus rebus attribuitur, quas nobis vt extra se repraesentamus, in necessitate caeca versatur. Quodli autem id, quod schola perfectionem rerum transcendentalem (respectu propriae earum essentiae), quae cuncta, quae postulantur, rebus insint, vt res ea sit nec vlla alia, formam naturae finalem vocabis: pueriliter in verbis ludes pro conceptibus. Etenim, si cunctae res cogitandae sint vt fines, proinde rem esse idem notet ac finem esse, reapse nihil erit, quod singillatim mereret vt suis repraesentari.

Ex quo sane intelligitur:— Spinozam eo, quod conceptus nostros de forma naturae finali ad conscientiam nostri ipsius in natura vniuersa complectente (simul tamen simplici) reuocaret, illamque formam solum in vnitatem inesse crederet naturae, non realissimum, sed idealissimum formae finalis illius adserendum sibi propositum habuisse, neque eam ipsam tamen efficere potuisse, quoniam sola vnitatis substrati repraesentatione ne idea quidem formae finalis, vel naturalis modo, effici potest.

2) Qui *realissimum* finium naturae non solum defendunt, verum etiam explicare putant, peculiare quoddam causalitatis genus, causarum nimirum ex intentione efficientium, certe quoad possibilitatem arbitrantur posse sese perspicere. Vt enim potestas sit hypotheseos, saltem *possibilitas* eius, quod pro ratione accipitur, certa esse debet, eiusque conceptui, oportebit, realitas obiectiua possit caueri.

Sed possibilitas materiae viuae (cuius conceptui repugnantia inest, quoniam inertia naturalem illius characterem constituit) ne cogitari quidem potest; possibilitas naturae animatae vniuersaeque naturae, vt animantis, tantummodo (in vsum hypotheseos formae finalis in natura magna) tenuiter potest viurpari, quatenus in organisatione illius, in minimis, per experientiam manifestatur, nullo pacto vero ex anticipatione potest quoad possibilitatem perspicui. Igitur in orbem definiatur, necesse est, si formam finalem naturae in rebus organisatis velis e vita materiae deriuare, eamque vitam vicissim non nisi in rebus organisatis noris, proinde sine eiusmodi experientia nullam tibi queas de possibilitate illius cogitationem informare. Ergo hylozoismus id non praestatur, quod pollicetur.

Nec *theismus* denique possibilitatem finium naturae potest vt teleologiae clauem dogmatice constituere; quamquam omnium illius enodandae rationum solus in eo principatum tenet, quod per intelligentiam, quam enti originario tribuit, formam naturae finalem idealismo optime eripit, causalitatemque illius generandae intentionalem introducit.

Tum enim primo, iudicandi facultati determinandi idonee, impossibilitas vnitatis finium in materia per solum mechanismum illius deberet euinci, quo iure possis rationem illius vltra naturam certo modo quodam determinatoque constituere. Verum nihil quidquam amplius effici potest, quam vt pro natura cancellisque virium cognoscendi nostrarum (neque enim ipsam rationem internam primam huiusce mechanismi perspicimus) nullo pacto in materia intelligamus principium relationum finium determinatarum quaerendum esse, nobisque nullum prorsus generationis productorum illius, vt finium naturae, diiudicandae modum relinqui, quam qui per intelligentiam supremam efficitur, vt mundi causam. Haec vero ratio est reflectentis, non vero determinantis iudicandi facultatis, neque vilo modo potest nobis potestatem facere adsertionis obiectiuae.

## §. 74.

*Causa impossibilitatis conceptum technices naturae dogmatice tractandi est inenodabilis ratio finis naturae.*

Conceptum (quamvis empirice hypotheticum) tractamus dogmatice, cum eum aliquo quodam obiectae rei conceptu, principium constituendae rationis, comprehensum spectamus, huicque conuenienter determinamus. Sed tractamus illum solum critice, cum eum tantummodo respectu ad viam cognoscendi nostram habito, consideramus, neque de re illi subiecta quidpiam decernere audemus. Itaque tractio conceptus dogmatica ea est, quae solum iudicandi facultati determinanti, sed critica quae reflectenti legalis est.

Atqui conceptus rei ut finis naturae conceptus est, naturam ad causalitatem, solum per rationem cogitabilem, adsumens, ut ex hoc principio de iis iudicetur, quae de obiecta re sunt in experientia data atque oblata. Ut eo vero dogmatice in gratiam facultatis iudicandi determinantis uti possimus, ante de realitate obiectiua huius conceptus esse certi deberemus, quoniam alioquin nullam rem possemus naturae ad illum adsumere. Sed conceptus rei ut finis naturae empirice quidem hypotheticus est, id est, solum cum certis quibus adiunctionibus in experientia datis possibilis, sed ab ea tamen haud separandus atque abstrahendus, sed modo ex quodam rationis principio in diiudicanda re obiecta possibilis conceptus. Itaque is ut tale principium quoad realitatem obiectiuam suam (nimirum sibi conuenienter fieri rem quampiam obiectam posse) nullo modo perspicui potest dogmaticeque fundari atque constitui; neque scimus, vtrum solum conceptus ratiocinans sit et obiectiue inanis, an conceptus ratiocinatus, cognitionemque fundans atque constituens et ab ratione confirmatus. Ergo is non potest dogmatice in usum facultatis iudicandi determinantis tractari, scilicet non potest solum haud statui ac decerni, an res naturae, ut fines naturae spectatae, ad genus

suam causalitatem generis cuiusdam prorsus peculiaris postulent, nec ne; sed quaeri ne quidem illud potest, quoniam conceptus finis naturae secundum obiectiuam suam realitatem nullo prorsus modo potest ex ratione probari (id est, is facultati iudicandi determinanti haud constitutivus est, sed reflectenti solummodo regulativus).

Rem autem haud sic se habere, inde planum est, quoniam is, qua conceptus *producti naturae*, necessitatem et simul tamen naturam fortuitam formae rei obiectae (respectu solarum naturae legum) in eadem ut fini in se cohibet; proinde, nisi in eo inesse haud repugnantia debeat, rationem possibilitatis rei in natura, et tamen etiam rationem possibilitatis huiusce naturae ipsius eiusque ad quidpiam relationis, quod non est natura empirice cognoscibilis, continere debet, ut ex alio quodam causalitatis genere quam mechanisimi naturae queat diiudicari, si de possibilitate eius velis statuere. Cum igitur conceptus rei, ut finis naturae *facultati iudicandi determinanti* transcendens sit, si res obiecta per rationem spectetur (quamvis forte facultati iudicandi reflectenti respectu rerum sub experientiam subiectarum immanens videatur), proinde ei non possit iudiciorum determinantium realitas obiectiva imperiri; inde comprehendi potest, quomodo uniuersa systemata, quae unquam possunt conceptus finium naturae ipsiusque naturae ut totius cuiusdam per causas finales cohaerentis dogmatice tractandi, excogitari, neque obiective aiendo, nec subiective negando, vllum quidpiam queant statuere; quoniam, si res ad conceptum adsumuntur, solum problematicum, praedicata illius synthetica (veluti hoc loco: utrum finis naturae, quem ad generandas res cogitamus, intentionalis an naturalis sit) eadem iudicia (problematica) de re obiecta sint, necesse est, siue aientia sint siue negantia, propterea quod nescias, de quapiam re iudices, an de nihilo. Conceptui causalitatis per fines (artis) sua sane realitas obiectiva est, pariterque conceptui causalitatis ex mechanismo naturae. Verum conceptus causalitatis naturae ex regula finium, multo magis autem



naturae, cuiusmodi nobis nullo modo potest per experientiam proponi, talis nimirum, ut causae originariae naturae, sine repugnantia cogitari quidem potest, neque tamen ad determinationes dogmaticas idoneus videri; siquidem illi, cum capi ex experientia nequeat, etiam ad possibilitatem illius haud necessarius sit, nulla re potest de realitate obiectiua sua prouideri. Verum etiamsi hoc eueniret; qui res potero, pro productis artis diuiniae determinate declaratas, productis naturae adnumerare, cuius impotentia, eiusmodi ad leges suas producendi, eadem illa ipsa ad causam ab ea diuersam prouocatio necessaria efficiebatur?

§. 75.

*Conceptus formae finalis obiectiuae naturae principium rationis criticum est in usus facultatis iudicandi reflectentis.*

Longe aliud est, utrum generationem quarundam rerum naturae, vel etiam vniuersae naturae, fieri posse dicam solum per causam, ex finibus sese ad agendum determinantem; an me non posse *pro natura propria virium cognoscendi mearum* de possibilitate illarum rerum earumque genesi iudicare, nisi huius mihi causam, ex finibus agentem, proinde naturam cogitatione informem, quae, secundum analogiam causalitatis intelligentiae, productiua sit. Superiori casu quidpiam cupio de re obiecta decernere, debeatque realitatem conceptus sunt obiectiuam probare; sed posteriori ratio tantummodo usum determinat virium cognoscendi mearum, naturae illarum peculiari conuenienter, conditionibusque essentialibus, cum ambitus illarum, tum carcerum. Ergo principium superius in decreto versatur *obiectiuo* facultatis iudicandi determinantis, posterius in decreto subiectiuo solius reflectentis iudicandi facultatis, proinde in norma illius ab ratione praecepta.

Nimirum prorsus necesse est, ut naturae conceptum subiciamus cuiusdam finis, si eam vel modo in productis

velimus organisatis continuata obseruatione indagare; isque conceptus proinde iam norma absolute necessaria est vsus empirici nostrae rationis. Cum semel receptum sit probatunisque eiusmodi filum Ariadnaeum inuestigandae naturae, manifestum est, eam nosmet facultatis iudicandi normam etiam in toto naturae certe tentare oportere, quoniam per eam multae adhuc leges illius poterunt fortasse aperiri, pro limitatis interioris mechanismi naturae cognitionibus alioquin occultae mansurae. Verum respectu vsus posterioris norma illa facultatis iudicandi utilis quidem est, sed non necessaria, siquidem natura nobis in toto non est vt organisata (in sensu vocabuli, quem supra notauimus, angustissimo) data atque proposita. Contra respectu productorum illius, duntaxat vt ex intentione sic nec aliter formatorum diiudicandorum, vt naturae illorum internae vel modo cognitionem empiricam nanciscamur, norma illa facultatis iudicandi reflectentis essentialiter necessaria videtur: quoniam ipsa de iis, vt rebus organisatis, cogitatio, cogitatione generationis intentionalis cum iis coniuncta, fieri nullo modo potest.

Atqui conceptus rei, cuius existentiam formamus cum adiunctione cuiusdam finis vt possibilem iudicamus, cum conceptu naturae illius fortuitae (ex legibus physicis) arctissime coniunctus est. Idcirco rebus naturae, quae solum vt fines fieri posse intelligimus, praecipuum argumentum efficitur pro ratione fortuita totius rerum vniuersitatis, vnumque dependentiae illius atque originis ab ente extramundano, eoque (ob formam illam finalem) intelligente argumentum, et ad intelligentiam communem valens et ad philosophum; vt proinde teleologia nullam absolutionem aperiat enodationis suarum inuestigationum, nisi in quadam theologia.

Ecquid igitur tandem vel perfectissima teleologia euincit? An probat, eiusmodi ens intelligens exstare? Minime; nihilque amplius, quam nos, pro natura virium cognoscendi nostrarum, proinde experientia cum summis rationis principii coniuncta, nullo modo nobis cogita-

tionem posse de possibilitate eiusmodi mundi informare, nisi sic, ut causam illius supremam cum intentione efficienti cogitemus. Igitur pronunciatum: exstat causa originaria intelligens, haud obiective possumus, sed modo subiective in usum facultatis iudicandi nostrae in reflectendo super finibus naturae, qui secundum nullum aliud principium possunt, quam quod causalitatem enunciat causae cuiusdam supremae cogitari.

Quodsi enunciatum supremum dogmatice velimus, ex rationibus teleologicis, probare; nosmet in difficultates inhingeremus, unde nosmet haud possemus expedire. Tum enim ratiocinationibus istis enunciatio fundamento substernenda foret: naturae in mundo organifatae fieri non possunt nisi per causam ex proposito consilio agentem. In quo quidem euitari haud posset, quin sententiam propugnaremus: quoniam eas res tantummodo posita idea finium in nexu earum causali persequimur, eamque ex legalitate eius cognoscere possumus, nobis quoque copiam potestatemque esse, idem etiam cuique naturae cogitanti cognoscentique, ut conditionem necessariam supponendi, proinde obiectae rei, non vero soli subiecto nostro adhaerentem. Sed eiusmodi sententiam non possumus tueri. Cum enim fines naturae ut intentionales proprie haud *obseruamus*, sed modo in reflexione super productis illius, hunc conceptum ut filium Ariaduaeum *cogitando* addamus; patet, uobis eos non esse per rem obiectam datos. Atque etiam fieri non potest, ut ex anticipatione eiusmodi conceptum, secundum realitatem obiectiuam illius, ut ad sumtionem aptum atque idoneum, descendamus. Igitur illud non nisi enunciatum est in conditionibus duntaxat subiectiuis, scilicet iudicandi facultatis viribus cognoscendi nostris consentaneae, positum, quod, si ut obiective dogmatici valoris enunciaretur, sic sonaret: Est deus; quod nunc vero, nobis hominibus, formulam concedit circumscriptam limitatamque: formam finalem, ipsi cognitioni nostrae possibilitatis multarum rerum naturalium internae fundamento substernendam, haud aliter cogitare possumus ac docere,

quam, ut eam omninoque mundum tamquam productum causae intelligentis (dei) nobis repraesentemus.

Quodsi autem haec enuntiatio in norma absolute necessaria facultatis nostrae iudicandi posita, vniuerso cum contemplatio tum practico rationis nostrae vsui quouis humano respectu prorsus idonea est; scire auerem, quid nobis tandem derogetur, quod eam non possumus ut ad altiores quoque naturas valentem, nempe ex rationibus obiectiuis puris (quae sane vim nostram facultatemque superant atque excedunt) probare. Quippe extra omnem dubitationis aleam positum est, nos non posse naturas organisatas earumque possibilitatem internam ex principiis solum mechanicis ne satis quidem cognoscere, nedum nobis enodare; idque sic extra omnem dubitationem positum est, ut audacter dicere queas, in hominibus absurdum esse, si eiusmodi velint consilium vel modo capere, vel sperare, neque aliquando posse Newtonum quemdam prodire, qui vel vnius caulem graminis ex legibus naturae, ab nullo consilio ordinatis, docturus sit: verum eiusmodi intellectus homini simpliciter denegandus videtur. Verum tum itidem temerarium foret, si iudicarem, in natura quoque, cum vsque ad principium illius in enumeratione legum eius vniuersalium nobis notarum peruenire possemus, nullo modo *posse* rationem idoneam possibilitatis rerum organisatarum, nullo earum generationi sine subiecto, latere; vnde enim istud scire poterimus? Verisimilitudinum ibi nullus locus est, vbi de iudiciis agitur rationis simplicis et purae. — Ergo de pronunciato: an, quae ex consilio proposito agat, natura ut mundi causa (proinde ut auctor) ei, quod iure naturae fines dicimus, fundamento subsit, obiectiue nullo modo possumus, nec aiendo nec negando, iudicare; hoc modo certum est, nos, si saltem pro eo, quod per propriam naturam nostram intelligere nobis concessum est, (pro conditionibus cancellisque rationis nostrae) iudicare debemus, nihil omnino quidquam aliud posse quam naturam intelligentem possibilitati finium illorum naturae fundamento constituere: quod

solum est normae facultatis iudicandi reflectentis nostrae, proinde rationi subiectivae, sed generi humano necessario adhaerenti, consentaneum.

## §. 76.

*S c h o l i o n.*

Haec contemplatio, quae admodum digna est, ut in philosophia transcendentali vberius pertractetur, hoc loco tantummodo leuiter, illustrandi causa (non ad ea probanda, quae hic attulimus), attingamus.

Ratio cernitur in facultate principiorum ultimoque postulat absolutum; cum contra intelligentia ei semper cum certa quadam, quam dari oportet, adiunctione famuletur. Sine conceptibus autem intelligentiae, quibus realitas obiectiua impertienda est, ratio nullo modo potest obiectiue (synthetice) iudicare, et, qua ratio theoretica, per se nulla prorsus principia constitutiva continet, sed solum regulatiua. Breui animaduertimus, ubi intelligentia sequi nequeat, ibi rationem euadere transcendentem, et in ideis ante constitutis (ut principiis regulatiuis), non vero conceptibus obiectiue valentibus sese exferere; intelligentiam vero, quae non potest pari cum ea passu ambulare, verum tamen necessaria foret ad valorem rebus obiectis, idearum rationis illarum valorem solum ad subiectum, sed vniuerse tamen cunctis huiusce formae, nimirum ad conditionem adstringere, ut pro natura facultatis cognoscendi nostrae (humanae) aut adeo generationi ex conceptu, *quem nobis possumus de facultate naturae rationisque finitae vniuerse informare*, non nisi sic et queat cogitari et debeat; neque tamen adferatur, rationem eiusmodi iudicii in re obiecta inesse. Exempla in medium proferamus, quarum quidem grauitas ac difficultas maior est, quam quae hoc loco possint lectori ut enunciata confirmata obtrudi, quae vero materiam illi meditandi praebere possunt, atque ad id, quod hoc loco proprie nobis propositum est, illustrandum facere.

Intelligentiae humanae prorsus necessarium est, ut possibilitatem rerum atque existentiam discernat. Cuius quidem causa in subiecto inest naturaue virium cognoscendi illius. Namque, nisi ad eas exserendas duabus opus partibus foret prorsus dissimilibus, et intelligentia conceptibus, et visione sensitiva rebus obiectis, iis consentaneis; nulla omnino eiusmodi distinctio (possibile inter et exstans) foret. Si scilicet intelligentia nostra intellectiva esset, illi nullae res propositae forent nisi quod exstet. Conceptus (solum possibilitatem spectantes obiectae rei), et visiones sensitivae (quae quidpiam nobis proponunt, quod eo tamen nobis ut rem obiectam cognoscendum haud concedunt), ambo cessarent. Atqui omnis nostra possibilitum ab exstantibus distinctio secretioque posita in eo est, quod possibile tantummodo positionem repraesentationis cuiuspiam rei denotet respectu habito conceptus omninoque cogitandi facultatis, sed exstans atque adparens positionem rei per se ipsius (extra istum conceptum) designat. Ergo distinctio separatioque rerum possibilitum ab exstantibus talis est, quae solum subiectivae valet ad intelligentiam humanam, cum scilicet quidpiam etiamnunc in mente agitare possumus, quamvis haud exstet, aut quidquam nobis ut datum repraesentare possumus, etsi nondum ullam de eo cogitationem habeamus. Quamobrem pronunciata: res esse posse, quamvis haud reapse exstent, ex sola proinde possibilitate non posse vlllo modo ad existentiam concludi, recte valent ad rationem humanam, neque tamen iis probatur, istud discrimen in rebus ipsis inesse. Hoc enim inde non posse elici, proinde enunciata illa sane quidem etiam de rebus obiectis valere, quatenus facultas cognoscendi nostra, ut sensitivae ad conditiones adstricta, in rebus quoque sub sensus subiectis occupatur, non vero de rebus in uniuersum: iam ex petitione rationis irremissibili elucet, ut vllum quidpiam (ratio originaria) ut absolute necessario exstans sumatur, in quo haud amplius possibilitas debeat ab existentia discerni, et cui ideae quem aptet nullum prorsus intelligentia conceptum habet, id est, nullum aperire modum potest, quo eiusmodi rem eiusque

exstandi inodum sibi queat cogitatione informare. Ea enim, si *eam cogitat* (vtrumque eam cogitet) solum vt possibilis repraesentata est. Idcirco conceptus naturae absolute necessariae idea quidem rationis necessaria est, sed conceptus problematicus intelligentiae humanae inaccessus. Verum tamen is in vsum valet virium cognoscendi nostrarum, pro natura illarum propria ac peculiari, proinde non de re obiecta ideoque ad vnumquamque naturam cognoscentem: siquidem haud in quoque possum cogitationem visionemque, vt duas condiciones diuerfas virium illius cognoscendi exferendarum, proinde possibilitatis et exsistentiae rerum supponere. Intelligentiae, in qua isti discrimini nullus locus foret, haec regula foret: omnes, quas equidem cognosco, obiectae res *exstant*; et possibilitas quarundam, quae tamen haud exstarent, id est, natura illarum fortuita cum exstant, proinde quoque necessitas ab ea distinguenda, nullo modo posset in repraesentationem eiusmodi naturae venire. Quod vero intelligentiae nostrae tantam molestiam creat, in conceptibus suis ad exemplar rationis tractandis, solum in eo positum est: quod illi, vt intelligentiae humanae, id transcendens (id est, conditionibus cognitionis subiectiuis impossibile) est, quod tamen ratio vt ad rem obiectam pertinens statuit pro principio. — In quo quidem semper norma valet: vt vniuersas res obiectas, vbi cognitio illarum superat intelligentiae facultatem, ex conditionibus subiectiuis, naturae nostrae (humanae) necessario adhaerentibus, exferendarum virium illius cogitemus; et, si iudicia hoc modo pronunciata (vti etiam respectu conceptuum transcendentium aliter esse non potest) non principia esse constitutiua possunt, quae, qualis sit, rem obiectam determinant, tamen ea principia manebunt regulatiua, in vfu immanentia et certa, consilioque humano congrua et consentanea.

Quemadmodum rationi, in natura theoretice contemplanda, idea absolute necessitatis causae originariae sumenda est; ita ea quoque, in contemplatione practica, propriam suam (respectu naturae) absolutam causalitatem,

nimirum libertatem, supponit, propterea quod sui sibi conscia est praecepti moralis. Quoniam autem hic necessitas actionis, ut officii, obiectiua, illi, quam, ut euentum, haberet, si ratio eius in natura inesset, non vero in libertate (id est causalitate rationali), contraria atque opposita est, actioque moralis absolute necessaria physice ut prorsus fortuita spectatur (nimirum cum id, quod fieri necessario deberet, tamen saepenumero haud fit); planum est: solum ex natura facultatis practicae nostrae subiectiua, ut leges morales qua praecepta debeant (actionesque iis consentaneae ut officia) repraesentari, ratioque necessitatem illam non per *esse* (fieri), sed esse debere enunciet: quod locum non haberet, si ratio sine sensualitate (ut conditio subiectiua illius ad res naturae obiectas adhibendae), quoad causalitatem, proinde ut causa in mundo intelligibili, cum lege morali perpetuo conueniente, spectaretur, ubi inter debere et agere, inter legem practicam, de eo, quod per nos esse potest, et theoreticam de eo quod per nos reuera est, nullum prorsus discrimen foret. Quamuis autem mundus intelligibilis, in quo vniuersa idcirco solum reapse existerent, quoniam (ut aliquid bonum) esse potest, ipsaque libertas, ut conditio eius formalis, nobis conceptus sit transcendens, qui non est ad principium constitutum, rei obiectae eiusque realitatis obiectiuae determinandae, idoneus; tamen haec posterior, pro ratione naturae facultatisque nostrae (ex parte sensitiuae) nobis vniuersisque naturis rationalibus cum mundo sensibili coniunctis, quantum eas pro natura rationis nostrae possumus cogitare, pro principio est vniuersali *regulatio*, quod naturam libertatis, ut formam causalitatis, haud obiectiue determinat, sed, et cum valore quidem haud minori, quam si istud fieret, regulam actionum ex illa idea cuius homini constituit pro praeceptis.

Idem, quod causam nostram praesentem attinet, concedi potest: nosmet mechanismi technicesque naturae, id est, nexus finalis in ea nullum prorsus discrimen reperi-  
turos fore, nisi intelligentiae nostrae ea ratio esset, ut ab



vniuersali ad speciale illi<sup>o</sup> progrediendum sit, iudicandique proinde facultas respectu specialis nullam formam finalem cognoscere possit, proinde nulla iudicia determinantia ferre, nisi legem habeat vniuersalem, ad quam illud queat adsumere. Cum autem speciale, qua tale, respectu vniuersalis, quidpiam fortuitum contineat, sed ratio tamen in coniungendis legibus naturae singularibus quoque vnitatem, proinde legalitatem, postulet (quae quidem fortuiti legalitas forma finalis vocatur), deriuatioque legum specialium ex vniuersalibus, ratione eius quod illae in sese continent fortuiti, fieri non possit ex anticipatione determinando rei obiectae conceptu; conceptus formae finalis naturae in productis illius conceptus erit facultati iudicandi humanae respectu naturae necessarius, non vero ipsarum rerum obiectarum determinationem attingens, proinde principium rationis iudicandi facultati subiectiuum, quod vt regulatiuum (haud constitutiuum) ad *facultatem iudicandi* nostram *humanam* itidem necessario valet, ac si principium obiectiuum foret.

### §. 77.

*De peculiari naturae intelligentiae humanae, qua nobis redditur possibilis finis naturae.*

In scholio mentionem fecimus peculiariū facultatis cognoscendi nostrae (ipsius superioris) rationum quas, facile mouemur, vt tanquam praedicata obiectiua ad res ipsas transferamus; sed eae ideas spectant, quibus conuenienter nulla res potest in experientia proponi, et quae tum non nisi pro principiis esse poterant regulatiuis in experientia perfequenda. Cum conceptu finis naturae pari modo comparatum est, quantum causam attinet possibilitatis eiusmodi praedicati, qua solum inesse in idea potest; verum consequens ei consentaneum (productum ipsum) tamen in natura datum est, conceptusque causalitatis naturae, vt rei ex finibus agentis, ideam videtur finis naturae in principium illius vertere constitutiuum: atque in eo quidem ab omnibus aliis ideis distat.

Haec nota diacritica autem confistit in eo, quod illa, quam diximus idea principium rationale est in usum haud intelligentiae, sed facultatis iudicandi, proinde solummodo in adhibenda intelligentia generatim ad res, quae esse possunt experientiae obnoxias cernitur; et ibi quidem, ubi iudicium haud determinans, sed solum reflectens esse potest, proinde res obiecta quidem in experientia data atque oblata, verum de ea ideae conuenienter ne *determinato* quidem (nedum prorsus conuenienter) *iudicari* potest, sed tantummodo super ea reflecti.

Igitur illud proprietatem attingit intelligentiae *nostrae* (humanae) respectu facultatis iudicandi in reflectendo super rebus naturae. Quod cum ita sit, sequitur, ut hic idea de alia, quae esse possit, intelligentia, quam humana debeat fundamento esse (velut nos in critica rationis purae aliam visionem possibilem mente tenere oportebat, si nostra pro peculiari quodam genere, eo nimirum, cui res obiectae duntaxat sunt pro phaenomenis, haberi debeat), ut dici possit: certa quaedam naturae producta, pro singulari intelligentiae nostrae natura, *a nobis* secundum possibilitatem e consilio sunt utque fines generata, *consideranda*, neque tamen ideo possetur, ut reapse singularis quaedam causa sit, cuius ratio determinandae repraesentatio cuiusdam finis videatur, proinde ut ne negetur, haud aliam quamdam (altiore) intelligentiam, atque humanam, etiam in mechanismo naturae, id est, in colligatione causarum, cuius non sola quaedam intelligentia ut causa sumitur, causam possibilitatis eiusmodi productorum naturae possit offendere.

Hic igitur de ratione agitur intelligentiae *nostrae* ad iudicandi facultatem, ut scilicet in ea certam quamdam rationem fortuitam naturae intelligentiae nostrae conquiramus, ut eam qua intelligentiae nostrae propriam ac peculiarem uotemus, qua illa ab aliis possibilibus distinguatur.

Atque haec ratio fortuita deprehenditur in *speciali* illo, quod iudicandi vis cogere debet sub *uniuersali* con-

ceptuum intellectualium; namque per vniuersale intelligentiae nostrae (humanae) non est speciale determinatum; et fortuitum est, quotuplici modo res diuersae, quae tamen in nota quadam communi conueniunt, perceptioni nostrae queant obuersari. Intelligentia nostra facultas est conceptuum, hoc est, intelligentia discursiua, cui sane fortuitum sit, oportebit, quotuplex et quantopere diuersum particulare fuerit, quod ei in natura dari poterit ac proponi, quodque suis possit conceptibus subiici. Quoniam vero ad cognitionem etiam visio pertinet, et facultas plenae spontaneitatis visionis cognoscendi vis foret ab sensuilitate diuersa ex eaque haud pendens; potest quoque intelligentia intuitiua (negatiue, quippe solum vt haud discursiua cogitari, quae haud ab vniuersali ad particulare atque ita ad singulare (per conceptus) progreditur, cuique illa fortuita naturae in productis suis concinentis cum intelligentia ratio ex legibus singularibus haud deprehenditur, quā fit, vt nostrae tam arduum sit, varia illorum ad unitatem cognitionis colligere; quod quidem negotium intelligentia nostra non nisi concentu notarum naturae cum nostra conceptuum facultate, admodum fortuita, perficere potest, cuius vero haud indiget intelligentia intuitiua.

Igitur intelligentiae nostrae hoc proprium est in vsum facultatis iudicandi, vt in cognitione ex ea, per vniuersale particulare haud determinetur, ideoque hoc ab illo solo non possit deriuari; nihilominus tamen hoc particulare in variis naturae cum vniuersali debeat (per conceptus legesque) conuenire, vt possit ad illud adsumi, qui quidem conceptus pro re nata admodum fortuitus esse debet, in vsumque facultatis iudicandi principio determinato carere.

Vt nihilominus possibilitatem eiusmodi rerum naturae conuenientiae cum vi iudicandi (quam vt fortuitam, proinde non nisi per finem quemdam ad eam spectantem vt possibilem repraesentamus) saltem cogitare possimus, aliam, oportebit, intelligentiam simul cogitemus, cuius respectu, et quidem ante omnem ei attributum finem illam naturae legum cum nostra iudicandi vi conuenientiam, quae nostrae

intelligentiae non nisi per adiumentum coniungendorum finium potest cogitari, ut *necessariam* queamus cogitare.

Nostrae nimirum intelligentiae proprium est, ut in cognitione sua, exempli gratia causae cuiusdam producti, ab *analyticae uniuersali* (a conceptibus debeat ad particulare ad visionem empiricam datam) progredi; in quo proinde respectu variorum huius visionis nihil quidquam determinet, verum eam determinationem in usum facultatis iudicandi ab adsumptione visionis empiricae (si res obiecta productum naturae sit) ad conceptum debeat exspectare. Atqui cogitare quoque intelligentiam possumus, quae, quoniam haud ut nostra discursiua est, sed intuitiua, ab *syntheticae uniuersali* (a visione cuiuspiam totius, qua talis) ad particulare pergat, hoc est, a toto ad partes; quae proinde eiusque repraesentatio totius *fortuitam* partium coniungendarum *rationem* in se cohibeat, ut fieri determinata queat totius forma, cuius indiget intelligentia nostra, quam a partibus, ut rationibus uniuerse cogitatis oporteat, ad varias, quae ad eas possunt adsumi, formas, ut consequentia, progredi. Pro natura intelligentiae nostrae e contrario totum naturae reale non nisi effectum concurrentium viribus motricium partium spectandum est. Quod si igitur haud possibilitatem totius ut ex partibus, uti intelligentiae nostrae discursiuae par est, verum, pro modo intuitiuae (originariae), possibilitatem partium (quod naturam illarum coniunctionemque), nobis velimus, ut a toto pendente repraesentare; id, pro eadem intelligentiae nostrae peculiari ratione, fieri haud sic potest, ut totum rationem possibilitatis coniungendarum partium (id quod in cognoscendi modo discursiuo repugnaret), sed tantummodo ut *repraesentatio* totius cuiuspiam rationem possibilitatis formae illius contineat, partiumque ad illud pertinentium coniunctionem. Cum autem totum tum effectum (*productum*) foret, cuius *repraesentatio* ut *causa* spectatur possibilitatis eius sed productum causae, cuius determinandae ratio solum in repraesentatione versatur eius effecti, finis dicatur; sequitur, ut solum consequens sit ex peculiari

intelligentiae nostrae natura, si producta naturae ex alio causalitatis genere, quam legum naturalium materiae, nimirum non nisi finium causarumque finalium nobis ut possibilia repraesentamus, illudque principium haud possibilitatem spectet earum rerum ipsarum (vel ut phaenomenorum spectatorum) ex hoc generandi modo, verum tantummodo diiudicationem illarum nostrae intelligentiae possibilem attingat. In quo quidem simul intelligimus, quare in physica in enodandis naturae productis per causalitatem ex finibus parum adquiescamus, quia nimirum in ea generationem naturae soli nostrae eam diiudicandi facultati, id est, iudicandi vi reflectenti, non vero rebus ipsis in usum facultatis iudicandi determinantis conuenienter volumus diiudicari. Nec vero in eo opus non est, ut probemus, eiusmodi intelligentiam archetypam esse posse, sed solum in comparanda intelligentia nostra discursiva, imaginum indigente (ectypa) cum ratione fortuita eiusmodi naturae, ad illam nos ideam (intelligentiae archetypae) duci, eique nullam quoque repugnantiam inesse.

Quodsi igitur totum quodpiam materiae, secundum formam, ut productum consideremus partium earumque virium et facultatum sponte sese coniungendi (aliis materiis, quas haec sibi inuicem iniungunt, cogitando additis); generandi modum earum mechanicum nobis repraesentamus. Verum hoc modo nullus totius ut finis conceptus existit, cuius possibilitate interna necessarius idea supponitur totius cuiuspiam, ex qua ipsa pendet natura partium efficiendique modus, quomodo tamen corpus organicum cogitatione nobis informare debemus. Ex quo vero, ut supra disputauimus, sequitur, non, ut generatio eiusmodi corporis mechanica fieri nequeat; hoc enim hanc vim haberet, eiusmodi unitatem in variis coniungendis *cuique intelligentiae* fieri non posse (hoc est, repugnare) ut sibi repraesentet, nisi idea illius simul causa sit eius gignendae, hoc est, nisi productio sit intentionalis. Nihilominus istud reapse efficitur, si potestatem haberemus, res materiales, ut res per se ipsas spectandi. Tunc enim unitas, rationem efficiens

possibilitatis formationum naturae, solum in unitate posita foret spatii, quod vero nulla generationum ratio realis est, sed tantummodo conditio illarum formalis; etsi illius cum ratione reali, quam quaerimus, aliqua similitudo sit in eo, quod nulla pars in eo potest sine relatione ad totum (cuius proinde repraesentatio possibilitati partium fundamento est) potest determinari. Cum autem certe fieri queat, ut mundus materialis uti solum phaenomenon spectetur, et aliquid ut res per se ipsa (quae haud phaenomenon sit) ut substratum cogitetur, huic autem visio intellectualis conveniens (etiamsi non nostra sit) subternatur; ratio realis suprasensibilis, nobis quidem haud cognoscenda; in usum naturae locum haberet, ad quam ipsi pertinemus, in qua proinde id, quod in ea ut res sub sensu subiecta necessarium est, ex legibus mechanicis, sed convenientiam unitatemque legum peculiarium et formarum ex iis, quas respectu illius ut fortuitas diiudicare debemus, in ea, ut re rationi obnoxia (quin totam naturae ut systema) simul ex legibus teleologicis consideraremus, eamque ex duplici principiorum genere diiudicaremus, explicandi ratione mechanica minima per teleologicam, quasi secum inuicem pugnarent, exclusa.

Ex quo illud quoque, quod alias facile suspicari quidem, sed difficulter certo adfirmare poteras et probare, intelligi potest, principium derivationis mechanicae productorum naturae finalium posse cum teleologico consistere, hoc vero posterius eo minime superuacaneum reddi posse: nimirum in re, nobis ut finis naturae diiudicanda (re organisata) vniuersas leges generationis mechanicae, cum notas, tum olim aperiendas exponi poteris, etiamque sperare in eo prospero te successu usurum, numquam vero prouocatione ad rationem generandi ab ea prorsus diuersam, nempe causalitate per fines, in gratiam possibilitatis eiusmodi producti, supersedere; nulloque modo vlla ratio humana (etiam finita, secundum qualitatem nostrae similis, sed magnitudine eam qualique gradu quantumvis superans) generationem potest vel herbulae ex causis

sperare potest mechanicis, intelligere. Etenim, si coniunctio causarum effectorumque teleologica ad possibilitatem eiusmodi obiectae rei facultati iudicandi prorsus necessaria est, ad eam ipsam experientia duce inuestigandam; si rerum externarum, ut phaenomenorum, ratio idonea fines spectans nullo modo potest inueniri, sed haec, quae etiam in natura inest, tamen solum in substrato illius suprasensibili quaeri debet, cuius autem vniuersa nobis, quae esse potest, cognitio nobis inaccessa videtur: fieri nullo modo potest, ut rationes nexuum finalium enodandorum ex natura ipsa hauriamus, et pro natura facultatis cognoscendi humanae necesse est, ut suprema ratio in intelligentia originaria ut mundi causa inquiratur.

§. 78.

*De principio vniuersalis mechanismi materiae cum teleologico in technice naturae coniungendo.*

Pernultum rationis interest, ut in mechanismo naturae in generationibus eius ne negligatur in iisque explicandis praetermittatur; quoniam sine hoc nulla potest rerum naturae perspicientia comparari. Etiam si nobis concesseris: summum architectum formas naturae, ita uti usque quaque fuere, proxime creasse, easque, quae sese in itinere suo ad idem exemplar formant, praedeterminasse: tamen eo cognitioni nostrae naturae minima prouisum est; propterea quod naturae illius agendi modum, eiusque ideas, quibus principia debent possibilitatis rerum naturae contineri, nullo modo nouimus, atque ex ea ut deorsum (ex anticipatione) non possumus naturam enodare. Si vero a fornix rerum experientiae obnoxiarum, proinde sursum (ex adsumto siue a posteriori), quoniam in iis formam inueniri finalem arbitramur, ad eas enodandas, causam velimus ex finibus agentem tellari; tum prorsus per tautologiam explicaremus, rationemque verbis illudere; ne dicam, ibi, ubi cum hoc enodandi modo nosmet in regionem suprasensibilium praecipitamus, quo nos non sequi potest cognitio physica,

rationem ad insaniam poeticam seduci, quod ipsum ut caueatur praeceptum illius consilium est.

Ex altera parte norma pariter necessaria rationis praecipit, ut principium finium in productis naturae ne praetermittatur; propterea quod illud, etsi modum existendi eorum nobis haud vberius exponat, tamen principium est heuristicum, particulares naturae leges indagandi; etiamsi eo haud utaris, ad naturam ipsam ex eo enodandam, siquidem eos, quantum ea unitatem finium intentionalem aperte exhibet, tamen etiam nunc fines naturae vocamus, nimirum haud ultra naturam rationem possibilitatis anquiramus. Quoniam autem tamen postremo de hac posteriori quaerendum videtur: itidem necessarium est, ut peculiaris causalitatis modus, qui in natura haud deprehenditur, cogitetur, quam mechanice continet causarum naturae, propterea quod ad receptiuitatem plurium aliarumque formarum, quam quarum materia ex posteriori capax, capax est, praeterea spontaneitas causae (quae proinde non potest materia vocari) accedat, oportebit, sine qua non potest aliqua formarum illarum ratio adferri. Caute quidem rationi versandum est, antequam id agat, neque vnaquaeque naturae technice, hoc est, facultas illius productiua, quae formam finalem figurae in gratiam solius nostrae adprehensionis in sese ostendit, (uti in corporibus rectis) pro teleologica declaranda, sed tam diu semper pro mechanice possibilis consideranda; sed si in eo principium teleologicum prorsus excludatur, et, ubi forma finalis, in gratiam possibilitatis formarum naturae ab ratione inuestigandae, per causas suas, manifesto sese ut relationem prodit ad aliud quoddam causalitatis genus, nihilominus tamen usque velis solum sequi mechanismum naturae, necesse est, ut ratio ad insaniam adducatur, circumuagationemque in fetibus ingenii virium naturalium, quae nullo modo possunt cogitari, in quam per enodandi modum mere teleologicum, qui nullam omnino rationem habet mechanismi naturae, inciderat.

In vna eademque naturae re ambo non possunt principia, ut decreta enodationis (deductionis) vnus ab altero



copulari, id est, ut principia dogmatica et constitutiva perspicientiae naturae in usum facultatis iudicandi determinantis coniungi. Si exempli gratia, vermem sumo ut productum solius mechanisimi materiae (formationis nouae, quam per se ipsa efficit, elementis putredine liberatis) spectandum esse; nunc non possum ab eadem materia, ut causalitate quadam ex finibus agendi, idem productum derivare. Rursus retro, si idem productum sumam ut finem naturae, nequeo modum generandi illius mechanicum sperare, eumque ut principium constitutum sumere diiudicandi illius secundum eius possibilitatem, atque ita ambo principia coniungere. Vnus enim explicandi modus excludit alterum; etiamsi ambae rationes possibilitatis eiusmodi producti posita forent in vna, cuius vero nos haud rationem haberemus. Principium, quo effici debet, ut ambo queant in natura ex iis diiudicanda coniungi, in eo, quod extra utrumque (proinde quoque extra possibilem repraesentationem naturae empiricam) situm est, huius vero rationem continet, hoc est, in suprasensibili poni debet, et vnaquaeque ambarum explicandi rationum ad id referri. De quo vero cum non nisi cogitationem habere queamus indeterminatam rationis, qua efficitur, ut diiudicari natura possit ex legibus empiricis, caeteroquin autem eam nullo propius queamus praedicato determinare; sequitur, ut utriusque principii coniunctio non in ratione possibilitatis cuiuspiam producti ex legibus datis *explicitandae* in usum facultatis iudicandi *determinantis*, verum in ratione quadam illius *exponendae* in gratiam facultatis iudicandi reflectentis possit niti. — Namque explicare est a quodam principio derivare, quod igitur distincte cognoscere debebis et indicare! Iam principium quidem mechanisimi naturae causalitatisque in vno eodemque naturae producto in vno principio supremo cohaerere debet, indeque communiter promanare, quoniam alioquin ea non possent simul in contemplatione naturae simul consistere. Quodsi autem hocce principium obiectiue commune, ideoque et communioni normae inuestigandae naturae independentis potestatem faciens eius generis sit, ut illud quidem indicari possit, nunquam

verò determinate cognosci ad usumque in casibus obuiis perspicue doceri; ex eiusmodi principio nulla explicatio poterit, hoc est, distincta ac determinata derivatio possibilitatis producti naturae hauriri, quod ex illis queat principiis dissimilibus fieri. Atqui principium commune derivationis et mechanicae ex vna parte et teleologicae, ex altera vero *suprasensibile* est, quod naturae ut phaenomeno subiiciendum videtur. De hoc vero respectu theoretico ne minimam quidem positivè determinatam cogitationem nobis informare possumus. Quomodo igitur ex eo, ut principio, natura (secundum peculiare leges suas) nobis systema sit, quod cum ex principio generationis ex physicis tum ex decreto causarum finalium ut possibile queat cognosci: nullo modo potest explicari; sed, cum accidit, ut res obviae sint naturae, quae ex principio mechanici (cui super potestas est in re naturae) quoad possibilitatem, nobis non possunt, nisi decretis teleologicis nitentibus, cogitari, tantummodo sumi, audacter licere utrique convenienter leges naturae inuestigare (posteaquam possibilitas producti illius ex vno alterove principio potest ab intelligentia nostra cognosci), neque per opinatam repugnantiam irritari, quae in principiis iudicandi illius emergit: propterea quod saltem possibilitas salva est, utrumque obiective quoque in principio posse coniungi (cum phaenomena attingant, quae rationem suprasensibilem supponunt).

Itaque etsi et mechanici et technici naturae teleologici, respectu eiusdem producti et possibilitatis illius communi cuidam subesse principio possunt naturae exigebus peculiaribus; tamen, cum hoc principium *transcendens* sit, pro circumscriptione intelligentiae nostrae imò principia tum non possumus in *explicanda* eadem generatione naturae coniungere, cum ipsa interna possibilitas huius producti tantummodo ex causalitate secundum fines *intelligi* potest, (cuiusmodi sunt materiae organifatae). Manet igitur superius teleologiae decretum: pro natura intelligentiae humanae, possibilitatis rerum in natura orga-

nifatarum nullam sumi causam aliam posse vt technice efficientem, solumque naturae mechanisum ad explicanda haec illius producta minus idoneum esse posse; neque tamen eo respectu possibilitatis earum rerum ipsarum quidquam posse ex hocce principio statui.

Quod scilicet cum modo norma sit facultatis iudicandi reflectentis, non vero determinantis, proinde duntaxat subiectiue ad nos valeat, non vero obiectiue ad possibilitatem harum ipsarum rerum (vbi vterque generationis modus in vna possent eademque ratione causae cohaerere); cum porro, sine vilo ad illum generandi modum teleologice dictum accedente conceptu de mechanismo quodam naturae simul in eo inueniendo, eiusmodi nullo modo queat vt naturae productum diiudicari; norma illa simul necessitatem in se cohibet amborum principiorum in diiudicandis rebus vt finibus naturae coniungendorum, sed non vt vna tota, aut quadam tenus in locum alterius reponatur. Nam illius loco, quod (a nobis saltem) duntaxat vt ex fine cogitatur possibile, nullus mechanisus sumi potest; neque loco eius, quod ex hoc vt necessarium cognoscitur, nulla fortuita ratio, quae cuiuspiam finis indigeret pro ratione determinante, accipi: sed modo vnum (mechanisum) alteri (technicisimo intentionali) subordinari, quod sane licet fieri ex principio formae finalis naturae transcendentali.

Vbi enim fines cogitantur, vt possibilitatis quarundam rerum rationes, ibi etiam et adiumenta sumenda sunt, quarum lex agendi *per se* nullius rei indiget finem supponentis, proinde mechanica esse possit et nihilominus causae effectorum intentionalium subordinata. Idcirco in ipsis naturae productis organicis, multo magis autem, cum, infinita illorum vi commoti, intentionale in coniungendis causis physicis ad peculiare leges nunc etiam (certe per hypotheses licitas) pro *principio vniuersali* facultatis iudicandi reflectentis in gratiam totius naturae (mundi) sumimus, permagna atque etiam vniuersalis legum mechanicarum cum teleologicis coniunctio potest in generationibus

naturae cogitari, principiis diiudicationis illarum haud permutatis, vnoque in alterius locum haud translato; quoniam in diiudicatione teleologica materia, vel, cum forma, quam induit, solum ut ex consilio possibilis diiudicatur, tamen, secundum naturam suam legibus mechanicis convenienter, illi fini proposito quoque adiumentum esse subordinatum potest: quamquam, cum ratio huius coniungibilitatis in eo posita sit, quod neque vnum neque alterum (neque mechanismus, neque nexus finalis) sit, sed substratum suprasensibile naturae, de quo nihil quidquam cognoscimus, rationi nostrae (humanae) uterque repraesentandae possibilitatis modus eiusmodi rerum obiectarum non potest constari, sed nos non nisi ex copulatis causis finalibus, in suprema intelligentia fundatum possumus diiudicare, quo proinde explicandi modo teleologico nihil detrahitur.

Quoniam vero incertum prorsus atque indeterminatum est, nostraeque rationi et aeternum indeterminabile manebit, quantum mechanismus naturae ut adiumentum conferat ad vnumquemque in ea scopum; et propter principium, de quo supra exposuimus, intelligibile possibilitatis naturae in vniuersum, adeo sumi potest, eam esse totam posse ex utraque lege vniuerse conueniente, etsi, quo id fiat, modum minime intelligimus: tamen quoque nescimus, quam late pateat, quae per nos fieri possit, explicandi ratio mechanica, sed hoc tantummodo certum est: quoad vnumquam in ea progrediamur, tamen eam semper ad res, quas semel pro finibus naturae agnoscimus, minus idoneam esse, nosque proinde, pro natura intelligentiae nostrae, rationes illas principio cuidam teleologico debere cunctas subordinare.

Atque in eo quidem ius fundatur, et, propter grauitatem studii naturae ex principio mechanismi vsui rationis theoreτικο nostro, etiam officium: omnia producta euentaque naturae, vel maxime finalia, mechanice explicandi, quatenus in nostra potestate erit (cuius carceres intra hoc inuestigationis genus ostendere non possumus), praeterea

nunquam e conspectu mittendi, nos ea, quae sola cumque possumus in conceptu finium rationis ad ipsam inuestigationem proponere, naturae essentiali rationis nostrae convenienter, nulla habita illarum mechanicarum ratione, tamen postremo debeamus causalitati ex finibus subordinare.

## A D P E N D I X.

### METHODOLOGIA FACULTATIS IUDICANDI TELEOLOGICAE.

#### §. 79.

*An teleologia, ut pars physices sit pertractanda.*

Vnaquaeque scientia in encyclopaedia scientiarum omnium certum debet determinatumque locum habere. Scientiae philosophicae locus esse debet in parte eius theoretica vel practica, quem locum ea si in parte habeat theoretica, aut in physica, quatenus id, quod subiectum esse potest experientiae, considerat (proinde in doctrina corporum, psychologia, et cosmologia vniuersali), aut in theologia (de causa mundi originaria ut complexu omnium rerum experientiae obnoxiarum) assignari.

Iam quaeritur: quinam locus teleologiae debetur? Vtrum ea ad physicam (proprie sic dictam) pertinet, an ad theologiam? Alterutrum sit, necesse est; nam ad transitionem ab vna ad alteram nulla prorsus potest scientia pertinere, quoniam haec tantummodo articulationem organisationemque systematis, non vero locum in eo denotat.

Eam non ad theologiam ut partem eius pertinere, quamquam eius in ea usus fieri grauissimus poterit, per se manifestum est. Illi enim generationes naturae earumque causa propositae sunt; et, quamuis ad hanc causam, ut rationem extra supraque naturam positam (auctorem diuinum) spectet, tamen id non facit in usum facultatis iudicandi determinantis, sed modo ad diiudicationem rerum in mundo per ideam talem, intelligentiae humanae conue-

nienter, ut principium regulatiuum ducendam, solum in gratiam facultatis iudicandi reflectentis in contemplanda natura.

Neque ea magis videtur pertinere ad physicam, quae principiorum indiget determinantium, non solum reflectentium, ut effectorum naturae docere rationes queat obiectivas. Et sane quoque theoriae naturae, aut explicationi phaenomenorum eius mechanicae, per causas efficientes, eo nihil quidquam accedit, quod ea pro ratione finium ad se inuicem considerantur. Exhibitio finium naturae in eius productis, quatenus iis systema ex conceptibus teleologicis constituitur, proprie duntaxat pars est descriptionis naturae, ad peculiare filum conceptae: ubi ratio quidem munere fungitur praeclaro et salubri, praeticeque vario modo finali, verum de ortu, internaque harum formarum possibilitate nihil quidquam aperit, quod tamen proprie propositum est physicae theoreticae.

Ergo teleologia, qua scientia, ad nullam omnino doctrinam pertinet, sed solum ad criticam, et quidem singularis cuiusdam cognoscendi facultatis, nimirum facultatis iudicandi. Ea vero, quatenus principia continet ex anticipatione, viam methodumque et potest indicare et debet, qua iudicari de natura ex principio causarum finalium debeat; atque ita methodologiae certe negatiua contagio est cum tractandi ratione in physica theoretica, et quoque cum relatione, quae huic esse potest in metaphysica ad theologiam, ut eius propaedeutica.

#### §. 80.

*De principio mechanismi teleologico in explicanda re ut fine naturae necessario subiiciendo.*

*Potestas* quidem rationem solum mechanicam omnium naturae productorum *experiendi*, per nullos cancellos circumscripta est; sed *facultas* cum ea sola *rem efficiendi*, pro natura intelligentiae nostrae, quatenus ea in rebus occupatur ut finibus naturae, non solum admodum limitata est,

verum etiam perspicue carceribus inclusa nimirum ita, vt, ex principio quodam facultatis iudicandi, illa via priori sola nihil quidquam possit ad has res explicandas effici, proinde diiudicatio eiusmodi productorum semper a nobis simul principio cuidam subiici teleologico debeat.

Rationi proinde consentaneum est, atque adeo praeclarum, vt mechanismum naturae, ad explicanda producta naturae, tantum persequamur, quantum fieri verisimiliter poterit, atque etiam de hoc conatu propterea haud desperemus, quod fieri *per se* nequeat, vt in eius via cum forma naturae finali conueniamus, sed solum idcirco, quia *nobis* vt hominibus fieri non potest; propterea quod ad id alia quam sensitiva visione, determinataque cognitione substrati intelligibilis naturae, ex quo ipsius phaenomenorum mechanismi ex legibus singularibus reddi ratio posset, opus foret, quae omnia facultatem nostram prorsus superant.

Igitur perscrutator naturae, vt ne incassum laboret, in diiudicandis rebus, quarum conceptus vt finium naturae sine dubio fundatus est (rerum organisatarum), semper ullam quampiam debet organisationem originariam fundamento constituere, quae ipso mechanismo illo vtatur, ad alias formas organisatas producendas, aut suam ad nouas formas (quae tamen semper ex illo fine eique conuenienter sequuntur) explicandam.

Gloriosum est, ope anatomiae comparatiuae magnam creationem naturarum organisatarum perlustrare, vt videas: anne in iis quidpiam simile systematis, et quidem ex principio generationis, inueniatur; ita vt haud necesse sit, in solo principio diiudicationis (quod perspicuendae generationis illarum nihil quidquam aperit) consistere, animoque desponsato omnem naturae in hoc campo perspicuendae potestatem mittamus. Conuenientia tot generum animalium in certo quodam schemate communi, quod non solum in structura ossium, verum etiam in constituendis ordinandisque partibus reliquis fundamento esse videtur,

vbi mira formae simplicitas aliis contractis partibus aliis diductis, his inuoluendis, illis euoluendis, tantam potuit formarum varietatem producere, spem animo quamuis tenuem iniicit, fore vt in eo sane quidpiam cum principio mechanisimi naturae, sine quo nulla esse omnino physica poterit, effectum iri videatur. Hac analogia formarum, quatenus, vt maxime diuersae, tamen archetypo communi conuenienter generantur, confirmatur suspicio adfinitatis verae illarum in generatione a matre communi originaria, per adpropinquationem gradualem vnius animalium generis ad alterum, inde ab eo, in quo principium finium plurimum confirmatum videtur, scilicet ab homine, vsque ad polypum, atque ab hac adeo vsque ad muscos et lichenes, tandemque ad gradum naturae infimum nobis quidem intelligibilem, ad materiam rudem: ex qua eiusque viribus, per leges mechanicas (earum instar, quibus crystallificationes efficit), vniuersa naturae technica, quae nobis in naturis organisatis tam incomprehensa est, vt eius causa aliud nosmet principium cogitare coactos arbitreimur, descendere videtur.

Hic igitur *archaeologo* naturae liberum est, vtingat, ex relictis vetustissimarum conuersionum vestigiis, per omnem, qui ei notus est, vel quem suspicatus sit, illius mechanisimum, magnam illam rerum creatarum familiam (ita enim ea cogitanda foret, si adfinitas illa perpetuo contextu nexu gaudere fundamento debeat) exortam fuisse. Gremium maternum terrae, quae ipsa e statu suo chaotico (quasi magnum animal) egressa est, ponere potest primo fetus forma parum finali induisse, hos vicissim alios, qui loco generationis suo relationique inter se inuicem conuenientius se efformarent, peperisse; donec haec ipsa mater rigens, ossibusque obducta, partus suos ad species certas determinatasque nec porro degenerantes adstrinxisset, varietasque ita maneret, vti operatione extrema facultatis formandi illius secundae accidisset. — Verum nihilominus tandem huic matri vniuersali organisationem tribuere debebit ad has res creatas vniuersas consulto intentam, alioquin forma



finalis productorum in regno cum animali tum vegetabili secundum possibilitatem nullo modo poterit cogitari \*). Tum autem rationem explicandi non nisi amplius distulit, neque sibi arrogare potest, sese generationem duorum regnorum illorum a conditione causarum finalium liberasse.

Atque ipsa quidem mutatio, cui certa quaedam formarum organifarum genera fortuito subiiciuntur, cum eius videmus characterem sic mutatum hereditarium fieri atque in vim gignendi recipi, non facile poterit aliter diiudicari, quam ut evolutio per occasionem nascens initii cuiusdam finalis in specie originarie praesentis, ad conservandum genus; quia generatio sui similium in perpetuo forma finali interna naturae organifatae arcte coniuncta est cum conditione nihil in vim gignendi recipiendi, quia illud quoque in eiusmodi finium systemate ad unum quoddam initiorum pertineat ineuolutorum originariorum. Quodsi enim ab hocce principio discedas, certo scire non poteris, anne plures partes formae, quae nunc in specie quadam deprehenditur, originem habeant pariter ita fortuitam et temerariam; principiumque teleologiae: ut in ente orga-

\*) Hypothesin eiusmodi generis ausum rationis inceptum dicere poteris; paucique erunt, vel in ipsis acutissimis scrutatoribus naturae, qui haud nonnumquam in eam cogitationem incidissent. Haud enim fere absurdum est, quemadmodum generatio aequivoca, per quam generationem intelligimus naturae organifatae per mechanice materiae rudis et inorganifatae. Illa enim semper foret generatio uniuoca in sensu verbi generalissimo, quatenus modo quidpiam organicum ex re alim itidem organica, quamvis in hoc rerum genere ab eo specie diversum, gigneretur; veluti si certae quaedam bestiae fluviatiles paulatim sese ad palustres, atque ex his, aliquot generationibus interiectis, ad bestias terrestres formarent. Neque enim hoc ex anticipatione, in iudicio solius rationis, secum pugnat. Sed experientia nullum eius rei exemplum ostendit; quippe qua potius constat, omnem, quam novimus, generationem homonymam esse, non solum uniuocam, contrariam generationi ex materia inorganifata, verum etiam productum edere in ipsa organificatione simile generantis, neque vspiam generationem heteronymam, quantum quidem nostra naturae pertinet cognitio empirica, inueniri.

nico nihil quidquam eorum, quae sese in propagando illo conferuant, ut temerarium iudicetur; eo in usu admodum ambiguum incertumque fieri, necesse foret, et solummodo de stirpe originaria (quam vero haud amplius nouimus) valere.

Iis, qui eiusmodi finium naturae omnium principium diiudicandi teleologicum, hoc est, intelligentiam architectonicam, sumendum putant, *Huius* sic occurrit: posse quem eodem iure quaerere, qui tandem fieri possit talis intelligentia, nimirum, quomodo facultates illae variae proprietatesque, quibus possibilitas efficitur intelligentiae, simul vi potestateque pollentis exsequendi, tam ex finibus potuerint in ente quodam concurrere. Verum hoc dubium vanum est atque inane. Tota enim difficultas, qua quaestio de generatione prima rei in se ipsa finem colibentis et per se solam comprehensibilis implicatur, posita est, in investiganda unitate causae variorum *extra se* in hoc producto coniungendorum; vbi, cum haec ratio in intelligentia causae producentis ut substantiae simplicis ponitur, illa quaestio, quatenus teleologica est, satis enodatur, cum vero causa solum in materia anquiritur, ut multarum substantiarum extra se congregatione, unitas principii formae finali internae formationis eius prorsus deest; materiaeque *antocratia* in generationibus, quae ab intelligentia nostra non possunt nisi ut fines comprehendi, verbum est inani voce sonans.

Ex quo fit, ut ii, qui formarum materiae obiectiue finalium rationem possibilitatis supremam quzerunt, neque ei fere intelligentiam concedunt, totam rerum vniuersitatem tamen licenter vnam substantiam faciunt omnia complectentem (pantheismus), aut (quod tantummodo explicatio magis determinata illius est) complexum multarum vni *substantiae simplicis* inhaerentium determinationum (Spinozismus) duntaxat ut illam conditionem inueniant, vniuersae formae finalis, *unitatem* rationis; in quo quidem vni conditioni problematis satis faciunt, nempe unitati in relatione finium, interueniente conceptu solum ontologico

substantiae simplicis, sed conditionis *alterius*, nimirum relationis illius ad consequens ut *finem*, quo ratio illa ontologica quaestionis accuratius determinari debet, nihil quidquam adducunt, proinde quaestionem *totam* nullo modo expediunt. Praeterea (per rationem nostram) ea minime explicari potest, nisi rationem illam rerum originariam ut *substantiam simplicem*, huiusque proprietatem ad naturam formarum naturae in ea nitentium specificam, nimirum unitatis finalis, non ut substantiae intelligentis, relationem vero illarum ad has (propter rationem fortuitam, quam in omnibus, quae nobis ut fines cogitatione formamus, deprehendimus) non ut relationem causalitatis nobis representamus.

§. 81.

*De mechanismo in fine enodando naturae ut naturae producto ad principium teleologicum socio adiungendo.*

Quemadmodum mechanismus naturae pro iis, quae paragrapho praecedente docuimus, sufficere solus non potest ad possibilitatem rei organisatae ex eo cogitandam, sed (certe pro natura facultatis cognoscendi nostrae) causae debet ex consilio efficienti originarie subordinari: sic quoque sola ratio teleologica eiusmodi rei parum sufficit, cum simul ut productum naturae et considerandam et diiudicandam, nisi mechanismus naturae illi rei adiungatur, quasi quoddam instrumentum causae ex consilio agentis, cuius finibus nihilominus natura in legibus mechanicis subordinata est. Possibilitas eiusmodi coniunctionis duorum prorsus diuersorum causalitatis generum, naturae in legalitate sua vniuersali, cum idea, illam ad singularem formam adstringente, cuius ea per se nullam omnino rationem continet, nostra ratio nullo modo comprehendit; ea in subtrato inest naturae suprasensibili, de qua nihil quidquam possumus aiendo determinare, praeterquam quod illud res sit per se, cuius tantummodo phaenomenon cognoscimus. Sed principium: ut vniuersa, quae ut ad hanc naturam

(phaenomenon) pertinentia utque illius producta sumimus, etiam ex legibus mechanicis cum ea coniuncta cogitare cogamur, nihilominus vim suam virtutemque retinet; siquidem, sine hoc causalitatis genere, res organifatae, ut fines naturae, tamen nulla forent producta naturae.

Cum igitur (quod fieri aliter non potest) principium generandarum earum rerum teleologicum accipiatur; vel *occasionalismus* poterit, vel *praeftabilismus* caulæ formæ illius interne finalis fundamento constitui. Secundum occasionalismum causa mundi suprema, ideae convenienter, per occasionem cuiusque coitus materiae in eo sese mittenti proxime formationem organicam tribueret; secundum praeftabilismum vero, illa in prima huiusce sapientiae suae producta tantummodo initia illatura foret, quibus fit, ut res organica sui similem producat, se ipsamque species semper conferuet ac tueatur, itemque interitus individuorum per naturam simul interitum suum accelerantem perpetuo refarciatur. Sumto occasionalismo productionis rerum organifarum, omnis omnino natura prorsus in eo perit, cum eaque omnis quoque rationis usus, de possibilitate eiusmodi productorum generis iudicandi; idcirco supponi potest, neminem hoc systema secuturum fore, qui ullo modo philosophiam curet.

Ac *praeftabilismus* quidem itidem potest dupliciter versari. Quippe qui unamquamque rem organicam ex sui simili generatam vel ut *eductum* considerat, vel ut *productum*. Systema generationum ut solorum eductorum dicitur systema *praeformationis individualis*, siue etiam *theoria evolutionis*; systema generationum ut productorum vocatur systema *epigeneseos*. Hoc posterius itidem potest systema *praeformationis genericae* adpellari; propterea quod facultas productiva gignentium tamen ex initiis internis finalibus, quae generi impertirentur, proinde forma specifica virtualiter fuit praeformata. Cui quidem convenienter theoriam praeformationis individualis contrariam potius *theoriam polles involutionis* vocare.

Propugnatores *theoriae evolutionis*, qui quodque indiuiduum a vi naturae formante excipiunt, ut illud credant proxime ex manu creatoris prouenire, tamen non ausi sunt, fieri illud ex hypothetici occasionalisimi, profiteri, ita ut coitus in sola formalitate cerneretur, qua summa causa mundi intelligens decreuerit, quemque seipsum manu proxima formandum, euolutionemque eius ac nutritionem matri permittendam. Praeformationem professi sunt; quasi haud idem foret, supernaturali modo, in initio aut in progressu mundi, eiusmodi formas orientes fingere, nec potius permagnae parceretur multitudini institutorum supernaturalium per creationem occasionalem, quae necessariae forent, ut embryo in initio mundi formatus per longum tempus illud, usque ad euolutionem suam, non vires naturae euertentes experiretur saluumque sese conseruaret, propterea quod numerus infinite maior eiusmodi rerum praeformatarum, quam unquam deberent euolui, cum iisque totidem creationes eo inutiles et superuacaneae redderentur. Verum tamen in eo saltem quidpiam permittere voluerunt naturae, ne prorsus in hyperphysicem inciderent, quae omni potest naturae enodatione superfedere. Tenuere quidem etiam nunc mordicus hyperphysicem suam, vel tum, cum in monstris (quae nullo modo possunt pro finibus naturae reputari) formam finalem admirabilem videbant, etiamsi ea vel id modo spectaret, ut aliquando anatomicus in ea, tanquam forma finali finibus destituta offenderetur admirationemque sentiret pudibundam. Verum generationem spuriorum nullo modo potuere systemati praeformationis aptare, sed semini rerum muscularum, cui alioquin non nisi proprietatem mechanicam, primo embryonis alimento seruicendi concessissent, tamen insuper vim tribuere ex consilio formantem: quam tamen respectu producti totius ex duabus rebus eiusdem species generationis neutri vellent concedere.

Contra in propugnatore systematis *epigeneseos*, etsi, quem respectu rationum empiricarum ad euincendam theoriā suam tenet, principatum neutiquam nossemus; tamen ratio

iam in antecessum eius explicandi modo praecipue faueret, quoniam respectu rerum, quae originarie possunt solum ex finium causalitate ut possibiles cogitari, eo natura saltem, quantum generationem attinet, ut ipsa producat, non solum ut euoluens, spectatur, atque ita tamen minima, quae esse potest, supranaturalium impensa omnia consequentia inde a primo initio naturae relinquitur (ita tamen ut de hoc primo initio, in quo omnino naufragium facit physica, quam illam cumque causarum catenam tentauerit, nihil quidquam determinetur).

Atque in hac quidem theoria epigeneseos nemo plus praestitit, quam illustris *Blumenbachius*, cum ad eam probandam, tum ad vera usus illius principia constituenda, partim usu illius nimium temerario coercendo. Vniuersam explicandi rationem physicam earum formationum instituit ab materia organisata. Namque materiam rudem initio se ipsam ex legibus mechanicis formasse, ex naturaque inanimi vitam oriri potuisse, et materiam in formam formae finalis se ipsam conseruantis sponte coalescere, iure optimo docet rationi aduersari; sed simul tamen mechanismo naturae sub hoc principio organisationis originariae nobis inperscrutabili partem concedit indeterminabilem, simul tamen haud quaquam obscuram, cuius, quae in materia inest, facultas (ad vim formantem solum mechanicam, illi vniuerse inditam, distinguendam) in corpore organico impetus formationis (qui quasi sub ductum sit institutionemque facultatis formandi mechanicae subiectus) ab eo adpellatur.

### §. 82.

*De systemate teleologico in relationibus rerum organisatarum externis.*

Formam finalem externam dico, cum res naturae alii ut adiumentum inferuit ad finem. Iam res, quibus nulla est forma finalis interna, vel quae nullam ad possibilitatem suam supponunt, velut terrae, aer, aqua; et id genus aliae nihilominus extrinsecus, hoc est, cum aliis rebus

comparatae admodum possunt, cum forma finali conuenire; verum hac semper res sint, oportebit, organisatae, nimirum fines naturae, alias enim illae non possent ut adiumenta diiudicari. Sic aqua, aer, terra haud possunt ut adiumenta spectari montium coaceruandorum, quoniam iis nihil quidquam continetur, quod rationem postularet possibilitatis ex finibus, cuius proinde respectu causa eorum numquam possit sub praedicata adiumenti (quod ad id faceret) representari.

Forma finalis externa longe alius conceptus est, quam conceptus internae, quae cum possibilitate est obiectae rei coniuncta, nullo respectu habito, existentia eius ipsa finis sit nec ne. De re organisata quaeri praeterea potest: quem in finem ea adest? sed haud facile de rebus, in quibus tantummodo effectum cognoscitur mechanisimi naturae. Namque in illis iam causalitatem ex finibus ad internam earum possibilitatem cogitamus, nimirum intelligentiam creatam, eamque facultatem actiuam referimus ad rationem eas determinandi, quippe ad finem. Vna est tantummodo forma finalis externa, cum interna organisationis connexa, quae, missa quaestione, in quem finem haec res sic organisata debuerit exflare, tamen in relatione externa adiumenti fini inseruit. Idque organisatio est sexus utriusque inuicem inter se ad propagationem spectati sui cuiusque generis; hic enim etiam nunc, uti in singulo potest atque individuo, interrogari: cur eiusmodi par, necesse fuit, exflare? Respondetur: Id hic demum totum quiddam efficit *organisans*, quamquam haud organisatum in vno quodam corpore.

Quodsi igitur quaeras: quem in finem res quaequam adsit; respondetur aut sic: eius existentia generatioque nullo modo causam spectat ex consiliis efficientem, et tum semper origo illius ex mechanismo naturae intelligitur; aut sic: vlla quaequam ratio intentionalis est existentiae eius (ut rei naturae fortuitae), eaque cogitatio difficulter potest a conceptu rei organisatae separari: quoniam, cum semel possibilitati illius internae causalitas subiicienda sit causa-

rum finalium ideaque, quae huic fundamento subfit, etiam existentia producti huius non potest nisi ut finis cogitari. Namque effectum repraesentatum, cuius repraesentatione simul ratio continetur determinandae causae efficientis intelligentis ad producendum, *finis* adpellatur. Quo proinde casu dici potest, vel: finis existentiae rei eiusmodi naturae in ea ipsa est, nimirum ea non solum finis est, sed etiam *scopus*; vel: hic finis extra eam est in aliis rebus naturae, scilicet exstat conuenienter non quidem ut scopus, verum necessario simul ut adiumentum.

Quodsi autem vniuersam naturam perlustremus, in ea, ut natura nullam rem deprehendimus, quae laudem sibi posset scopi creationis vindicare; adeoque potest ex anticipatione probari: id, quod forte naturae esse *finis ultimus* posset, ex vniuersis, quae excogitari queunt, determinationibus proprietatibusque quibus exornatur, tamen ut rem naturae, numquam esse *scopum* posse.

Si regnum vegetabile consideres, initio posses per immensam fecunditatem, qua illud sere sese supra quodque solum dilatat, in cogitationem incidere, illud solum esse naturae mechanismi productum, quod in formationibus ostendat regni mineralis. Verum accuratior cognitio organisationis in eo sapientissimae non patitur nosmet in ea cogitatione consistere, sed ansam praebet quaestioni: quem in finem adsunt haec res creatae? Si respondeas: in usum regni animalis, quod iis alitur, ut in tam variis formis potuerit sese in terra dispergere; tum redit quaestio: quem in finem adsunt animalia ista plantis vescentia? Forte respondeas: in gratiam animalium rapacium, quae tantum possunt iis ali, quae vita praedita sunt. Tandem quaeretur: quem in finem haec vna cum illis naturae regnis adsunt? Hominis causa, ad varium usum, quem capere ex iis rebus omnibus sua sese intelligentia docet; isque finis ultimus creationis est in his terris, quoniam vna solaque natura in iis est, quae cogitationem sibi formare de finibus potest atque ex congregatione rerum consulto formatarum per rationem suam systema finium componere.



Posses itidem, cum Linneo equito, viam ingrediens specie conuersam, dicere: animalia plantis vefcentia adfunt, vt in incrementum luxurians regni vegetabilis, quo multae illius species suffocarentur, temperetur; animalia rapacia, vt voracitati illorum fines ac termini designentur; tandemque homo, quo, hac infectante ac deminuyente, certum quoddam aequilibrium virium producentium et euerrentium naturae conftituatur. Atque ita homo, vt maxime certo quodam refpectu pro fine reputetur, alio tamen refpectu viciffim adiumentorum in ordine haberetur.

Quodfi formam finalem obiectiuam in varietate fpecierum rerum in terra creatarum et in relatione earum ad fe inuicem externa, vt rerum e confilio conftitutarum, pro principio conftituatur; rationi confentaneum eft, vt in hac relatione itidem certam quamdam organisationem et fystema omnium regnorum naturae ex finibus cogitemus. Verum hic experientia aperte videtur rationis normae repugnare, praefertim quod finem vltimum naturae fpectat, quo tamen opus eft ad poffibilitatem eiusmodi fystematis, et quem nufquam poffumus nifi in homine ponere; cum potius refpectu huius, vt cuiuspiam multarum illarum fpecierum animalium, natura cum euercentes vires, tum gignentes minime excipiat, vt cuncta mechanifmo illius, fine villo fine, fubiiciantur.

Primum, quod in toto finali quodam rerum naturae ordinando in terra ex confilio institutum effe deberet, fine dubio habitatio earum foret, folumque, et elementum, in quo crefcere deberent. Verum adcuratori cognitione naturae huius fundamenti omnis generationis organicae nullae aliae caufae nifi prorfus temere agentes, quin potius euercentes, quam generationem, ordinemque et fines promouentes indicantur. Terra marique non folum monumenta prifcarum vaftationum, quibus ipfae resque in iis vniuerfae, infectatae funt, contiuentur; verum vniuerfa illorum ftructura, terrae coria et maris fines habent prorfus fpeciem virium ferarum omnipotentium naturae in ftatu chaotico laborantis. Vt maxime conuenienter nunc

quidem figura, structuraque et decliuitas locorum apteque ad aquas ex aere recipiendas, et ad venas fontium intercoria terrae varii generis (ad varia producta) cursumque fluminum instituta videatur; tamen accuratior illius inuestigatio probat, eos solum vt effectum partium ignearum, partim aquarum eruptionum, vel etiam rebellionum oceani exstitisse: cum quoad primam huius figurae generationem, tum potissimum sequentem illius transformationem, simul cum interitu primarum generationum organicarum \*). Si igitur domicilium, solum maternum (terrae) gremiumque maternum maris omnium harum rerum creaturarum nullum alium nisi mechanisimum prorsus naturalem eius generationis testatur; quo tandem modo ea quo iure horum productorum aliam possumus et postulare originem et adserere? Quamquam homo, quod accuratissima reliquiarum euerfionum naturae illarum (ex Camperi sententia) probare videtur, non erat in reuolutionibus istis comprehensus; tamen is a caeteris in terra creatis rebus tantopere pependit, vt concessio in aliis vniuerse dominante naturae mechanismo, tamquam iis comprehensus considerandus sit: quamuis per intelligentiam suam (maximam certe partem) in vastationibus eius potuerit seruari.

Verum hoc argumentum plus videtur probare, quam finis contineret, cui propositum fuit: nimirum, non solum hominem nullum naturae finem vltimum, et ob eandem causam, congregationem rerum naturae organisatarum non finium systema esse posse; sed, adeo ante pro finibus na-

- \*) Si nomen semel receptum *historiae naturalis* pro descriptione naturae manere debeat, id, quod illa ad literam indicat, nempe repraesentatio pristini status antiqui terrae, de quo, etiam si nulla liceat certitudo sperari, non sine causa coniecturas audeamus, *archaeologia naturae*, comparata cum arte, vocari. Ad illam petrefacta, vt ad hanc lapides caelati et similia pertinerent. Etenim cum tamen recipie in tali (nomine theoriae terrae) semper, etsi, quod par est, tarde laboratur, tamen hoc nomen non inuestigationi naturae solum commentitiae atque opinatae inditum foret, verum tali, ad quam natura ipsa nosmet inuitat et prouocat.

turae habita naturae producta nullam aliam originem, quam mechanismum naturae, habere.

Verum in superiori enodatione antinomiae principiorum, mechanici et teleologici rerum naturae organifatarum generaudarum modi, vidimus: cum respectu naturae ex legibus suis peculiaribus (ad quarum vero contextum systematicum nobis clavis deest), tantummodo principia sint iudicandi facultatis reflectentis, quae scilicet originem illarum haud per se determinant, sed solum enunciant, nos, pro natura intelligentiae nostrae rationisque, eam non posse in hoc rerum genere nisi ex causis finalibus cogitare; maximum, qui esse possit, conatum quin audaciar: in periculis mechanice eas explicandi, non solum licitum esse, sed nos quoque per rationem ad id prouocatos, quamuis sciamus, nos eo ex rationibus subiectiuis peculiaris generis circumscriptionisque intelligentiae nostrae (nec forte, mechanismus generationis cum origine ex finibus per se pugnet) numquam posse suppetere; tandemque in principio suprasensibili naturae (cum extra nos tum in nobis) vtriusque generis possibilitatem naturae cogitandi comunode inesse posse rationem coniungendi, propterea quod repraesentandi modus ex causis finalibus duntaxat conditio subiectiua sit vsus rationis nostri; cum ea diiudicationem rerum obiectarum non solum ut phaenomenorum cupit institui, verum etiam haec ipsa phaenomena, vna cum principiis illorum, ad substratum suprasensibile postulat referri, ut certas quasdam leges vnitatis illorum possibiles iudicet, quas non nisi per fines (quorum quidem rationi sunt, qui suprasensibiles videntur) potest sibi cogitatione informare.

### §. 83.

#### *De fine ultimo naturae ut systematis teleologici.*

Hactenus disputauimus, nos hominem non solum, velut omnes res organifatas, ut finem naturae, verum etiam hic in terris ut finem naturae ultimum, cuius respectu cunctae reliquae res naturae systema finium constituunt, ex

decretis rationis, non quidem in gratiam iudicandi facultatis determinantis, sed reflectentis tamen diiudicandi causam idoneam habere. Si igitur in homine ipso illud inueniri oporteat, quod ut finis debet per suam cum natura coniunctionem promoueri; sequitur, ut aut finis eius generis sit, ut ipse queat per naturam beneficam satiari; aut utilitas est aptaque ad varios fines ratio, quo natura (extrinsecus et interne) possit ab eo adhiberi. Prior naturae finis *felicitas* foret hominis, alter *cultura*.

Conceptus felicitatis haud is est, quem homo forte ab instinctibus suis separet atque abstrahat, atque ita ex natura animali in se ipso depromat: sed in sola *idea* versatur status, quam instinctibus cum adiunctionibus solum empiricis (quod fieri non potest) cupit adaequatam reddere. Sibi eam ipse concipit, et quidem modo tam vario, per intelligentiam suam cum phantasia sensibusque complicatam; quem adeo tam saepe mutat, ut natura, etiamsi tota sit arbitrio suo subiecta, tamen nullo modo posset certam determinatamque legem vniuersalem fixamque accipere, ut cum hoc conceptu vago, atque ita cum fine, quem sibi quisque pro lubricine proponit, consentiat. Verum, adeo si aut hunc finem ad veram naturae necessitatem, in qua species nostra tota secum consentit, reuocare velimus, aut, e contrario, dexteritatem opinatos fines sibi comparandi vel maxime augere: tamen id, quod homo felicitatis verbo intelligit, et quis reapse finis eius naturae ultimus (non finis libertatis) est, ab eo numquam acquireretur; neque enim natura illius eiusmodi est, quae vspiam in possessione ac fruitione desinat et satiatur. Contra vero tantum abest, ut natura illi singulares sibi delicias fecerit eumque prae caeteris animalibus beneficiis cumularit, ut potius ei in perniciosis effectis suis, ut pestilentia, fame, inundationibus, frigoribus, impetu maiorum minorumque bestiarum, caeterisque rebus generis eiusdem tam minus parcat, atque cuique animanti alii; quid? quod pugna *dotum* in eo *naturae* illum praeterea in plagas a se ipso excogitatas praecipitet, et alios quoque suae ipsius speciei onere domi-

nationis, bellorumque barbarie, et ad genus aliis, tantis calamitatibus subiiciat, ipsaque, quantum in se est, in euer-tenda sua ipsius specie occupetur, ut adeo, natura in nos munificentissima, finis illius, si felicitatem spectaret nostrae speciei, in systemate illius his in terris non feriretur, quoniam natura in nobis non est illius capax. Is proinde fere solum articulus est in catena finium naturae: principium quidem ratione huius illiusue finis, in quem natura cum in initis videtur destinasse, propterea quod se ipsum finem constituit; sed tamen quoque adiumentum conseruandae formae finalis in mechanismo reliquorum articulorum. Ut una in terris natura, intelligentia praedita, proinde facultate, sibi ipsi pro lubitu fines proponendi, dominus quidem naturae est titulo tenus, et, hac ut systema spectata teleologicum, pro destinatione sua ultimus naturae finis; sed semper cum adiunctione, ut scilicet intelligat velitque, huic sibi ipsi eiusmodi finium relationem impertire, quae ab natura libera sibi ipsa sufficere, proinde scopus esse queat, qui vero nullo modo est in natura quaerendus.

Ut autem aperiamus, in quo in homine saltem *finem* illum *ultimum* ponere debeamus, id, quod natura potest ad eum praeparandum praestare, quid ipsi, ut scopus sit, faciendum videatur, eximendum erit ab omnibusque finibus istis separandum, cuius possibilitas conditionibus nititur, quae solum possunt ab natura expectari. Atque huius quidem posterioris generis felicitas in terris est, qua complexum intelligimus omnium, qui per naturam extra hominem atque iustus in homine fieri possunt, finium; in quo quidem consistit materia omnium finium suorum in hac terra, quibus, si totum finem suum constituit, ineptus redditur, ad scopum suae ipsius existentiae figendum cum eoque conspirandum. Igitur omnium finium suorum in natura duntaxat conditio formalis subiectiua relinquitur, nimirum capacitatis, sibi ipsi omnino fines proponendi, et (ab natura in finibus designandis libere) natura normis finium suorum liberorum generatim conuenienter, ut adiumento, utendi, quid natura, respectu scopi, extra se

positi, efficere possit, quidque proinde ut finis illius ultimus queat spectari. Productio capacitatis naturae rationis-que aptae ad fines arbitrarios vniuerse (proinde in libertate eius) est *cultura*. Ergo sola cultura ultimus finis esse potest, qui naturae respectu humani generis iure attribuendus videtur (minime propria illius felicitas in hac terra, vel adeo solum ut instrumentum praecipuum sit, ordinis conuenientiaeque in natura bruta extra se efficiendi).

Verum haud quacuis cultura ad hunc finem ultimum idonea est. Cultura *dexteritatis* sane praecipua conditio subiectiua est utilitatis ad fines promouendos in vniuersum, neque tamen idonea, ad *voluntatem* in determinandis eligendisque finibus promouendam, quae tamen ad totum ambitum utilitatis ad fines essentialiter pertinet. Posterior utilitatis conditio, quam culturam possis disciplinae adpellare, negatiua est, cerniturque in voluntate a dominio cupiditatum liberanda, quo, ad certas quasdam res naturae fixi, inepti reddimur, ad sponte eligendum, propterea quod adpetitiones patimur nobis pro vinculis esse, quas natura nobis tantummodo pro filis ductitiis concessit, ne determinatio naturae animalis in nobis negligetur, vel adeo ea laederetur, interea dum nihilominus satis liberi sumus, eas contrahendi remittendique, extendendi et corrigendi, prout rationis fines postulabunt.

Dexteritas haud facile potest in genere humano euolui, nisi per hominum inaequalitatem; cum maxima pars hominum necessitates vitae quasi mechanice, nulla arte adhibita, ad commoditatem otiumque aliorum procurat, qui partes minus necessarias culturae scientiaeque atque artis tractant, atque ab his in statu molestiae, duri laboris tenuisque atque exiguae fruitionis retinetur, ad quam tamen classem nonnihil culturae altiorum paulatim etiam redundat. Molestiae autem progressu illius (cuius fastigium, si procliuitas ad superuacanea necessariis iam incipit detrudere, luxus vocatur) utrimque pari vi crescit, ab altera parte per vim alienam, ab altera per rationem insatiabilem internam; verum splendida miseria tamen cum euoluendis naturae initiis in

genere humano coniuncta est, ipseque naturae finis, et si laud noster finis est, tamen in eo impetratur. Conditio iormalis, qua fit, ut natura hunc scopum suum solum queat adsequi, ea conditio est statusque in relatione hominum ad se inuicem, cum derogandae libertati inuicem mutuo repugnanti vis legalis in toto quodam, quod *societas civilis* dicitur, opponitur; namque solum in ea maxima fieri potest initiorum naturae euolutio. Ad eam vero nihilominus, quamuis ad eam inueniendam prudentes essent homines coactionique illius ad sese subiiciendos sat sapientes, opus foret praeterea totum aliquod *cosmopoliticum*, hoc est, systema statuum omnium, qui in discrimine sunt in se inuicem vim perniciosam exerendi. Quod cum desit, cumque ambitio, dominandique insania atque auaritia, praesertim in potentibus, ipsi eiusmodi consilii possibilitati impedimenta obiciant, *bellum* (partim in quo ciuitates dirimuntur atque in paruas dissoluuntur, partim status alios minores secum coniungit totumque formare maius conatur) non potest euitari: quod, uti naturalis (per effrenatas cupiditates excitatus) conatus hominum, tamen profunde occultatus fortasse intentionalis supremae sapientiae est, legalitatis cum libertate statuum eoque unitatis systematis cuiusdam moraliter constituti illorum, nisi fundandae, certe tamen praeparandae, et quamquam grauissimae calamitates sint, quibus illud humanum genus onerat, tamen ad elateres accedit (dum spes quietis felicitatis populi vsque longius recedit) munerum naturae omnium, quae ad culturam faciunt, vsque ad summum gradum euoluendorum.

Quod disciplinam inclinationum spectat, quarum initia naturae respectu destinationis nostrae, ut animalium speciei, prorsus finalia sunt, quibus vero euolutio generis humani admodum difficilis redditur; tamen etiam ratione huius requisiti ad culturam alterius nisus naturae finalis ad efformationem, qua hos ad altiores fines, quam quos natura suppeditare potest, recipiendos apti reddimur. Superpondium malorum, quibus per expolitionem gustus vsque ad exemplaris rationem exculti illius, ipsoque luxu in artibus, ut ali-

mento vanitatis, ex insatiata vi inclinationum eo generatarum nosmet perfundimur, vinci non potest: contra vero finis naturae quoque non potest latere, ut ruditati atque impetui earum inclinationum, quae magis animale in nobis naturam attingunt, nobisque ad altiorem destinationem effingendis contrariae sunt (inclinationum ad fruitionem) vsque derogetur, evolutionique humani generis locus concedatur. Ars pulcra atque scientia, quae per voluptatem vniuerse communicabilem, quae per polituram elegantiamque societati hominem, quamvis haud moraliter meliorem, tamen moratiorem reddunt, tyrannidi procliuuitatis sensualis perimula eripiunt, eoque hominem praeparant ad dominium, in quo ratio solum debet potestatem tenere: interea dum mala, quibus partim ab natura, partim infociabili amore fui in hominibus adfligimur, simul animi vires prouocant, augment atque corroborant, ut ne illis succumbamus; nobisque sensum instillant utilitatis cuiusdam ad fines altiores, in nobis occultatam<sup>\*)</sup>.

## §. 84.

*De scopo existentiae mundi, id est, creationis ipsius.*

*Scopus consistit in illo fine, qui nullius alius ad possibilitatem suam indiget conditionis.*

<sup>\*)</sup> Facile potest diiudicari quale nobis vitae pretium sit, cum solum hoc ex eo aestimatur, qua fruimur (ex fine naturali summae inclinationum omnium, felicitatis). Illud infra nihilum cadit; equis enim iisdem conditionibus, vel etiam ad formam quamdam aliam, quam quis ipse sibi delineasset (cursui naturae conuenientem tamen) vitam denuo ingredi voluerit? Quale pretium vitae sit ex eo, quod, pro fine nobis ab natura constituto, acta, in se continet, et quod in eo consistit, quod agimus (non solum quo fruimur), ubi vero semper nihilominus duntaxat adiumenta sunt ad scopos indeterminatos, supra ostendimus. Igitur sane nihil quidquam relinquitur, nisi pretium, quod ipsi vitae nostrae statuimus, per ea, quae non solum agimus, verum etiam tam libere atque independenter ab natura ex consilio agimus, ut ipsa naturae existentia solum hac conditione posita finis esse queat.



Sumto pro formae finalis naturae explicandi ratione solo mechanismo illius, quaeri non potest: quem in finem res in mundo adsint; tum enim, secundum eiusmodi systema idealisticum, tantummodo sermo est de possibilitate rerum physica (quae nobis ut fines cogitandae sola argumentatio foret, sine ulla re obiecta): igitur siue hanc rerum formam de casu fortuito interpreteris, siue de necessitate caeca, in utroque casu quaestio illa foret inanis. Quodsi autem nexum finalem in mundo realem ponamus, illiusque genus quoddam causalitatis peculiare, nimirum causae *ex consilio agentis*, non possumus in quaestione consistere: quem in finem res mundi (organisatae) hanc aliamue formam habeant, in his illisue ad alias ab natura relationibus constitutae sint; verum, cum semel cogitatur intelligentia, ut causa possibilitatis talium formarum spectanda, quales reapse in rebus conspiciuntur, sequitur ut in eadem quoque de ratione obiectiua percontemur, qua haec intelligentia productiua potuerit ad huiusce generis effectum determinari, quae quidem tunc scopus est, eiusmodi rebus propositus et constitutus.

Supra dixi: scopum nullum finem esse, ad quem efficiendum ideaeque conuenienter producendum, natura idonea esset, propterea quoniam absolutus est. Nihil enim est in natura (ut phaenomeno), cuius in ea ipsa sita determinans ratio haud itidem foret ad conditionem adstricta; idque non solum de natura extra nos (materiali) verum etiam in nobis (cogitante) valet; quippe cum in memet solum id, quod natura est, considero. Res autem, quae necessario, propter naturam obiectiuam suam, ut scopus debet causae intelligentis exstare, esse debet eiusmodi, ut in ordine finium ex nulla ulteriori conditione, quam ex sola sua idea pendeat.

Iam tantummodo unum naturarum genus in mundo est, quarum causalitas teleologica sit, nimirum fines spectet, et simul tamen ita comparata sit, ut lex, secundum quam sibi ipsis finis constituendi sunt, a se ipsis ut absoluta atque a conditionibus naturae libera, per se vero ut necessaria,

repraesentetur. Natura eius generis homo est, sed quæ noumenon spectatus; vna solaque res naturæ, in qua facultatem suprasensitiuam (*libertatem*) atque etiam legem causalitatis, cum re ei subiecta, quam sibi potest vt summum finem proponere (summum bonum in mundo), a parte propriæ naturæ illius possumus cognoscere.

Igitur de homine (et sic de quaque natura rationeque in mundo), vt natura morali, quaeri vterius non potest: quem in finem is existet. Existentia eius finem supremum in se ipsa habet, cui, quantum in se est, vniuersam naturam subiicere potest, certe quem contra nulli se contagioni naturæ putare obnoxium debet. — Si igitur res mundi, vt naturæ quoad existentiam pendentes, causæ supremæ ex finibus agentis indigent, homo scopus est creationis; sine hoc enim catena finium sibi inuicem subordinatorum non plene fundata foret; et solum in homine, sed quoque in hoc tantummodo vt subiecto moralitatis, legislatio inest absoluta respectu finium, quæ eum proinde solum reddit idoneum, vt esse scopus queat, cui vniuersa natura teleologice sit subordinata \*).

\*) Fieri posset, vt felicitas naturarum rationalium in mundo scopus naturæ esset, et tunc ea quoque finis illius ultimus foret. Saltem non potest perspicui ex anticipatione, quare natura non sic deberet instituta esse, quoniam per mechanismum suum sane fieri hoc effectum posset, certe quantum nosmet intelligimus. Verum moralitas, eique subordinata causalitas ex finibus fieri nullo modo potest per causas naturales; namque principium determinandæ illius ad agendum suprasensitiuum est, proinde vnum est, quod fieri potest in ordine finium, quod respectu naturæ absolute a conditione liberum est, eiusque subiectum eo ad scopum creationis, cui vniuersa natura subordinata est, aptum reddit. — Contra *felicitas*, vti superiori paragrapho teste experientia docuimus, ne finis quidem naturæ est ratione hominum, cum quodam præ aliis creatis rebus principatu: nedum scopus sit creationis. Eam sibi sane homines constituent finem vltimum subiectiuum. Sin vero de scopo creationis quaero: quem in finem homines, necesse fuit, vt existerent? sermo est de fine summo obiectiuo, qualem ratio summa in creatione sua postulatura foret. Igitur si respondeas: vt naturæ existerent,

## §. 85.

*De physicotheologia.*

*Physicotheologia* cernitur in conatu naturæ, ex *finibus* naturæ (quæ solum possunt empirice cognosci) ad causam naturæ supremam eiusque proprietates concludendi. *Theologia moralis* (ethicologia) foret conatus; ex fine morali naturarum rationalium in rerum natura (qui cognosci ex anticipatione potest) ad causam illam eiusque proprietates concludendi.

*Physicotheologia* per naturam rei theologiam moralem antecedit. Etenim, cum a rebus in mundo ad causam mundi volumus *teleologicè* concludere; tum fines naturæ, oportebit, primo datos esse; quorum postea scopum, huiusque tum principium causalitatis huiusque causæ supremæ anquirere debemus.

Secundum principium teleologicum multæ et possunt fieri et debent naturæ inuestigationes, quamvis non necesse sit, ut solliciti simus de ratione possibilitatis, ex consilio agendi, quam in variis naturæ productis deprehendimus. Quodsi autem huius quoque cupias conceptum habere, nulla nobis omnino perspicientia erit ulterius progrediens, quam solum norma facultatis iudicandi reflectentis: nos scilicet, si modo vel unum nobis productum naturæ organicum datum esset atque oblatum, pro natura facultatis cognoscendi nostræ, eius nullam posse rationem aliam cogitare, quam rationem causæ ipsius naturæ (siue totius naturæ siue huius modo partis illius), causalitatem eius per

quibus illa suprema causa benefacere posset; repugnabis conditioni, cui ratio hominis ipsum eius ardentissimum felicitatis desiderium subiicit (nimirum convenientiam cum propria ipsius legislatione morali interna). Id quod probat: felicitatem tantummodo finem hypotheticum, proinde hominem, duntaxat qua naturam moralem, scopum creationis esse posse; quod vero statum illius spectet, felicitatem solum ut consequens, pro modo convenientiæ cum fine illo, ut fine existentiae, coniunctam videri.

intelligentiam in sese colibentis; quo quidem diiudicandi principio, in enodandis naturae rebus rerumque origine explicanda nihilo longius proficimus, sed tamen quidam in naturam prospectus aperitur, ut conceptum forte naturae originariae alias tam infecundum queamus adcuratius determinare.

Atqui adfirmo, physicotheologiam, ut maxime excolatur, nobis nihil quidpiam posse de *scopo* creationis aperire; siquidem ea ne quaestionem quidem illius attingit. Ea ergo de conceptu quidem causae mundi intelligentis, ut conceptu pro natura facultatis cognoscendi nostrae solum subiective utili atque idoneo possibilitatis rerum, quas nobis possumus ex sinibus cogitando informare, rationem reddere, sed conceptum istum neque theoretico respectu nec practico ulterius determinare; illiusque conatus finem haud adsequitur, theologiae constituendae, verum etiamnum manet teleologia physica: quoniam relatio finalis in ea semper modo ut in natura hypothetica spectatur spectarique debet; proinde finem, in quem natura ipsa exstat (cuius ratio extra naturam quaerenda est), ne quaeri quidem potest, ex cuius nihilominus idea determinata conceptus determinatus causae mundi intelligentis illius, proinde possibilitas theologiae pendet.

Quoniam res in mundo sibi inuicem usum praestent; quam utilitatem varietas in re quadam huic ipsi rei adferat; quomodo adeo sit, cur sumatur, nihil in mundo frustra esse ac temere, sed cuncta ad quidpiam in natura, posita conditione ut certae res quaedam (ut fines) exsarent, conducere, in quo proinde iudicandi facultati nullum aliud principium possibilitatis rei ei ad teleologice iudicandum propositae ratio nostra suppeditat, quam decretum, mechanismum naturae subordinandi architectonicae auctoris mundi intelligentis: haec omnia contemplatio mundi teleologica optime praestet et ad summam admirationem. Quoniam vero data, proinde principia illius conceptus de causa mundi intelligente (ut summi artificis) determinandi solum empirica sunt; iis non potest ad vllas proprietates ulterius

concludi, quam quas experientia nobis in effectis illius manifestat: quae, cum nunquam queat vniuersam naturam vt systema complecti, saepenumero (vt videtur) conceptum illum argumentaque secum inuicem pugnantia offendere debet, nunquam vero, etiamsi totum systema, quatenus illud solam attingit naturam, empirice perlustrare possemus, nosmet supra naturam, ad ipsum illius existentiae finem possumus, eoque conceptum intelligentiae illius supremæ euehere.

Quodsi quaestionem, de qua soluenda physicotheologia curat, deminuas, solutio illius facilis videtur. Si enim conceptum *naturae diuinæ* in vna quaque re intelligente, quam cogitamus, perdas, quarum vna pluresue fuerint, quae multas et permagnas, sed haud fere omnes proprietates habet, ad constituendam naturam cum fine, qui esse possit, maximo conuenientem omnino necessarias: aut si pro nihilo putes, in theoria quadam defectum eorum, quae argumenta efficiunt, per additamenta arbitraria resarcire ac supplere, et si, vbi est, cur *multam* perfectionem sumas (et quid est multum nobis?) ibi te iure posse *omnem*, quae *esse* queat, supponere existimes; tum teleologia physica maxime sibi vindicat gloriam, theologiae constitutendae. Cum autem postulatur, vt doceamus, quid tandem nos impellat nobisque potestatem faciat illius supplementi; tum in principiis vsus theoretici rationis, qui simpliciter praecipit, vt in enodanda re sub experientiam subiecta huic non plures proprietates attribuamus, quam data adsunt empirica possibilitatis illius, frustra rationem nos excusandi anquiremus. Adcuratori exploratione videremus, proprie ideam naturae summae, in longe diuerso rationis vsu positam (in practico), in nobis ex anticipatione fundamento esse, quae nos impellit, vt imperfectam teleologiae physicae repraesentationem, de causa prima et originaria finium in natura, vsque ad conceptum naturae diuinæ suppleamus; neque falso opinaremur, ideam istam, cum eaque theologiam, per vsum rationis theoreticum cognitionis mundi physicae nos perfecisse, multo minus realitatem illius probasse.

Veteribus haud ita verti vitio potest, cum deos suos, artim secundum facultatem, partim quoad fines voluntasque, admodum multifariam diuersos, omnes vero, vel e excepto quidem eorum principe, semper adhuc humano iore circumscriptos cogitarunt. Cum enim constitutio-  
em cursuque rerum in natura contemplantur; satis qui-  
em sibi causae esse videbant, quare quiddam potius quam  
mechanismum pro causa earum sumerent, finesque certa-  
um causarum superarum, quas non nisi suprahumanas  
ogitare poterant sub opere huius mundi mechanico suspi-  
arentur. Quia vero bonum malumque, conuenientiam  
inconuenientiam, certe ex nostra quidem perspicentia,  
modum mixta reperiabant, neque sibi poterant conce-  
ere, ut tamen secreto sumerent fines sapientes et salubres  
fundamento positos, quorum tamen haud videbant argu-  
mentum, in usum ideae arbitrariae auctoris cuiusdam sum-  
e perfecti; vix aliter eorum de causa mundi suprema fieri  
iudicium poterat, quatenus quippe in ratione ex normis  
theoretice vtenda sibi prorsus constabant. Alii, qui qua-  
hyfici simul esse theologi vellent, putabant eo rationem  
atiari, quod vnitati absolutae prouiderent principii rerum  
naturae, quam ratio postulat, interdum ideae de natura,  
n qua, ut vni solique substantiae, illae cunctae tantum-  
modo determinationes essent inhaerentes: quae substantia  
taud quidem per intelligentiam, causa mundi esset, in qua  
amen, ut subiecto, omnis rerum mundanarum intelligen-  
ia inueniretur; natura proinde, quod haud quidem quid-  
dian ex finibus produceret, in qua vero tamen omnes res,  
propter vnitatem subiecti, cuius eae merae determinationes  
unt, etiam sine fine consilioque necessario debebant ad se  
nuicem conuenienter referri. Si idealismum causarum  
in alium introducere: propterea quod vnitatem tam diffi-  
culte aperiendam copiae substantiarum conuenienter con-  
unctarum, pro dependentia causali *ab una*, in dependen-  
iam inhaerentiae *in una* conuerterent; quod systema post-  
iae, a parte rerum mundanarum inhaerentium spectatum,  
*et pantheismus*, ex parte vero subiecti solius subsistentis,  
*et entis originarii*, (serius) *ut Spinozismus*, non tam quaestio

nem de causa prima formae finalis naturae enodauit, quam eam potius vanam atque inanem declarauit, idcirco quia conceptus posterior, omni realitate sua priuatus, sola calumnia redderetur conceptus vniuersalis ontologici de ente in genere.

Igitur ex principiis vsus rationis solum theoreticis (quibus solum physicotheologia nititur), conceptus dei, ad teleologicam nostram naturae diiudicationem idoneus, numquam potest elici. Aut enim vniuersam teleologiam pro sola illusione declaramus facultatis iudicandi in colligatione causarum rerum diiudicanda, ad vnumque principium mechanisimi naturae confugimus, quae, propter unitatem substantiae, cuius nihil nisi varietas sit determinationum illius, vniuersalem ad fines relationem nobis videatur continere; aut, si pro hoc causarum finalium idealismo, decreto realisimi huius peculiaris generis causalitatis adhaerere volumus, siue multa entia originaria intelligentia, siue modò vnum, finibus naturae substeruamus: simul atque ad constituendum conceptum illius nulla nisi principia empirica, a vero ac reali nexu finali in mundo defuncta, in promptu sint, partim contra discrepantiam, quam natura respectu unitatis finalis in multis exemplis proponit, nullam in edelam reperire possumus, partim vero conceptum vnius causae intelligentis, uti eum, per solam experientiam adiuti, efflicimus, numquam ulli cuiquam, quo modo cuique sit, (theoretice vel praëctice) utili satis determinate, inde deducere.

Teleologia physica nos quidem impellit, ut theologiam quaeramus; verum ea nullam potest producere, quo usque naturam per experientiam inuestigemus, nexuique finali in ea aperto, per ideas rationis (quae ad quaestiones physicas esse theoreticae debent) succurramus. Quid iuuat, iure quaerere, vniuersis hisce constitutionibus institutisque intelligentiam nobis inmensam fundamento posuisse, eamque ex finibus hunc mundum ordinantem fecisse? si natura nullam nobis scopum aperit, nec vnquam aperire potest, sine quo nullum nobis communem relationis punctum con-

cipere possumus omnium istorum finium naturae, nullumque idoneum principium teleologicum, partim ut fines cunctos in systemate cognoscamus, partim ut de intelligentia suprema, ut causa eiusmodi naturae, cogitationem nobis informemus, quae esse pro norma queat facultatis iudicandi nostrae super ea reflectentis. Tum quidem *intelligentiam technicam* habere finium disperform; sed nullam *sapientiam* scopi, qui tamen proprie debet rationem illius determinandi continere. Verum deficiente scopo, quem solum potest ratio pura ex anticipatione suppeditare, quoniam omnes in mundo fines empirice sunt hypothetici, nihilque nisi quod ad hoc, ut finem fortuitum, non vero quod simpliciter absoluteque bonum sit, continere possunt, et qui memet solus doceret: quas proprietates, quem gradum, quamque relationem supremae causae naturae cogitare debeam, ad hanc ut systema teleologicum diiudicandam; quo modo, et quo iure licebit, ut conceptum admodum circumscriptum de intelligentia illa origiaria, quem in exigua mundi cognitione mea fundare possum, de potentia huiusce naturae primae ideas suas ad effectum producendi, de voluntate eius id faciendi et sic porro, pro lubitu dilatem, et usque ad ideam naturae omnium sapientissimae infinitae suppleam? Quod quidem, si effici theoretice deberet, in me ipso omniscientiam supponeret, ad fines naturae in toto contextu nexuque perspicuos, et insuper omnia, quae esse possunt, alia consilia cogitanda, quibus cum comparatum praesens ut optimum iure foret diiudicandum. Namque sine hac perfecta absolutaque effecti notitia, nequeo ad ullum determinatum causae supremae conceptum, qui non nisi in conceptu inueniri potest intelligentiae omni respectu infinitae, nimirum in conceptu dei, concludere, ac theologiae fundamentum constituere.

Igitur in teleologia physica, quoad eius fieri potest, amplificanda, ex principio supra laudato, sane quidem dicere possumus: nos, pro natura principisque facultatis cognoscendi nostrae, naturam in institutis suis, quae nobis innotuerunt, finalibus, non possumus nisi ut productum



cogitare intelligentiae, cui haec subiecta videatur. An vero haec intelligentia in toto illius eoque producendo praeterea scopum quemdam sibi propositum habuerit (qui tum situs non foret in natura mundi sensibilis): id quidem perscrutatio naturae theoretica numquam potest nobis aperire; verum, in vniuersa illius notitia, in medio relinquitur, vtrum causa illa suprema omnino ex scopo quodam, an potius per intelligentiam a sola necessitate naturae suae ad certas quasdam producendas formas determinatam (secundum analogiam eius quod in bestiis instinctum technicum dicimus), ratio illius originaria sit: ita vt haud necesse sit, ei propterea quoque solum sapientiam, multo minus summam et cum omnibus aliis ad perfectionem producti necessariis proprietatibus coniunctam sapientiam, attribui.

Quamobrem physicotheologia, teleologia physica male intellecta, tantummodo vt propaedeutica ad theologiam utilis est, et non nisi accedente principio alio quodam, quo ea niti possit, non vero per se ipsa, vt nomen declarat, ad hunc finem idonea.

### §. 86.

#### *De ethicotheologia.*

Sententia est, a qua vel intelligentia communis non potest se continere, cum de existentia rerum in mundo, ipsiusque mundi existentia meditatur: nimirum omnes illas res creatas varias, quantacumque illarum artificiosa structura, quamque varius nexus ad se inuicem relatarum fuerit, quid? quod totum tot illarum systematum, quae falso mundos vocamus, frustra exsisturas fore, nisi homines (naturae rationales generatim) in iis essent; videlicet sine homine, totam rerum vniuersitatem solum desertum, frustra et sine scopo. Nec vero is scopus est propter facultatem cognoscendi suam (rationem theoreticam), vt fere vllus quispiam adsit, qui possit mundum *contemplari*. Etenim, ipsa mundi contemplatio tantummodo pretium hypotheticum habet, scopumque iam supponit, cuius

respectu illi esse pretium queat. Neque porro scopus est ob sensum voluptatis summamque illius, cuius respectu scopum creationis ut datum concessumque cogitamus, nimirum non propter salutem, nec fruitionem (sive corpoream sive spiritualem), vno verbo propter felicitatem, ex qua pretium illud absolutum metimur et aestimamus. Namque, inde, quod homo, si adsit, hanc sibi ipsi pro scopo proponat, non potest intelligi, quem in finem is omnino exstet, quodque pretium ipsius sit, ut ei existentia reddi iucunda queat. Igitur is iam ut scopus creationis supponi debet, quo ratio adsit, cur natura debeat cum eius felicitate conspirare, si ea ut totum absolutum ex principiis finium spectatur. — Ergo solum facultate adpetendi; non ea vero, qua ab natura (per impetus sensitivos) liber redditur, neque ea, cuius respectu pretium existentiae eius in iis, quae accipit, quibusque fruitur, nititur; sed pretio, quod is sibi ipse solus statuere potest, quodque in iis consistit, quae agit, quomodo quibusque ex principiis, non solum ut articulus naturae, sed in *libertate* facultatis adpetendi suae, agit, nimirum bona voluntate fit, ut existentiae suae pretium absolutum accedat, cuiusque respectu existentiae mundi esse *scopus* possit.

Quocum et cuiusque de vulgo hominis sententia ex ratione sana maxime conspirat: scilicet non nisi qua naturalem moralem creationis scopum esse hominem posse, si modo ad hanc quaestionem diiudicatio instituta tentetur. Quid iuuat, quis mihi forte occurret, tanta naturae dona homini inesse, eumque iis adeo admodum se agilem ostendere, eaque re vim in republica salutarem exserere, ideoque illius, et cum fortune suis et cum aliorum utilitate comparati, permagnum pretium esse, nisi bona polleat voluntate? Secundum interiora animi spectatur, in rebus est contemptu dignis; et nisi ubicumque debeat creatio scopo vacare, necesse erit, ut is, qui, qua homo, quoque ad eam pertinet, tamen, ut homo malus, in mundo sub legibus moralibus, his conuenienter, scopum subiectuum suum (felicitatis) praetermittat, in quo quidem solo con-

ditio inest, qua fit, vt existentia eius queat cum scopo consistere.

Quodsi igitur fines in mundo deprehendamus, et, vt ratio necessario postulat, fines hypotheticos, cuiusiam absoluto supremo, hoc est, scopo, subiiciamus; primo facile intelligitur, tum haud de fine naturae (intra illum), quatenus ea exstet, sed de fine existentiae illius vna cum omnibus eius institutis, proinde de *fine creationis ultimo* sermonem esse, in eoque quoque proprie de conditione suprema, ex qua sola possit scopus (id est ratio intelligentiae summae ad producendas res mundanas determinandae) locum habere.

Cum autem hominem, duntaxat vt naturam moralem, pro scopo creationis agnoscamus: nobis primo ratio est, certe princeps conditio, mundum spectandi, vt totum aliquod ex finibus contextum vtque causarum finalium *systema*; in primis autem relationis, pro natura rationis nostrae, nobis necessariae, finium naturae ad causam mundi intelligentem, *principium*, naturam proprietatesque huiusce causae primae, vt rationis supremae in regno finium, cogitandi, atque ita conceptum illius determinandi: id quod teleologia physica haud poterat efficere, quippe quae non nisi conceptus illius indeterminatos poterat atque, ob id ipsum, ad vsum cum theoreticum tum practicum, inutiles suppeditare.

Ex hoc sic determinato causalitatis principio entis originarii illud non solum vt intelligentiam et naturae legislatorium, verum etiam vt caput legislatorium in regno finium morali nobis cogitandum erit. Respectu *summi boni*, solum sub illius imperio possibilis, nimirum existentiae naturarum rationalium sub legibus moralibus, ens illud originarium cogitare debemus vt *omniscium*: vt ipsa interiora animi (quo proprium pretium morale actionum naturarum mundi rationalium efficitur) illud ne lateat; vt *omnipotens*: vt vniuersam naturam huic summo fini reddere consentaneam possit; vt *optimi benignumque*, et simul

*iustum*; quoniam ambabus his proprietatibus (coniunctis, *sapientia*) conditiones causalitatis causae mundi supremae ut summi boni, sub legibus moralibus, continentur; et sic porro reliquae quoque proprietates transcendentes, velut *aeternitas*, *omnipraesentia*, et quae sunt generis eiusdem (uam benignitas et iustitia in proprietatibus moralibus versantur), quae respectu eiusmodi scopi supponuntur, in illo cogitandae videntur. — Hoc modo teleologia *moralis* defectum supplet *physicae*, constituitque demum *theologiam*; cum haec posterior, nisi ea occulte ab illa priori mutuaretur, sed secum deberet constare, per se sola non posset nisi *daemonologiam*, quae non est cuiuspiam conceptus determinati capax, constituere.

Verum principium adfectionis mundi, propter determinationem finium moralem certarum quarundam naturarum in eo, ad causam supremam, ut deum, id non eo solum efficit, quod argumentum physico-teleologicum supplet, ideoque hoc necessario fundamento ponit; sed praeterea quoque *per se* idoneum est, animumque ad fines naturae aduertit, inuestigationemque dirigit magnae artis sub formis illius occultatae, ad ideas, quas ratio pura practica ministrat, in finibus naturae confirmandas. Nam conceptum naturarum mundanarum sub legibus moralibus principium est ex anticipatione, ex quo necessario sese debet homo diiudicare. Iam vero, si omnino causa mundi sit ex consilio agens ad finemque intenta, relatione illa morali conditionem possibilitatis oportere creationis perinde contineri, quam illa ex legibus physicis (si scilicet illi causae intelligenti quoque scopus sit): etiam ex anticipatione, ratio pro principio agnoscit, sibi ad existentiam rerum teleologice diiudicandam necessario. Iam tantummodo id agitur: an rationi (siue contemplatiuae siue practicae) vlla quaequam causa idonea sit, cur causae supremae ex finibus agenti *scopus* queat attribui. Namque, hanc rationem tum, pro natura rationis nostrae subiectiva, et utcumque vel aliarum entium rationem nobis cogitando informauerimus, nullam posse esse aliam, quam *hominem legibus mora-*

*libus subiectum*: ex anticipatione potest nobis pro certo indubitatoque valere; cum e contrario fines naturae in ordine physico nullo modo queant ex anticipatione cognosci, in primis, naturam sine iis non posse exflare, profus nequeat intelligi.

### S c h o l i o n.

Fingas hominem in ipso momento animi ad sensationem moralem compositi. Cum sese, cinctum pulchra natura, laete sentit perfrui existentia, tum intus in se necessitatem percipit, vlli cuiuspiam ea de re gratias habendi. Cum alio tempore pariter sese adfectum copia vrgeri officiorum videt, quibus non nisi voluntario damno et potest satis facere et cupit; tum in se necessitatem persentiscit, sese et imperata fecisse et superiori domino obsecutum fuisse. Fingas alium temere officium migrasse, cuius nemini homini reddere rationem teneatur; tamen seuerae sui ipsius reprehensiones in eo vim eandem quam vox iudicis habebunt, cui reddere rationem deberet. Vno verbo: indiget intelligentiae cuiusdam moralis, vt ad finem, in quem exstat, explicandum naturam habeat, quae huic conuenienter et illius causa et mundi videatur. Frustra sub hisce sensationibus elateres argutando eliciuntur; quippe qui proxime cum mente pura morali cohaerent, siquidem *gratus animus, obedientia, modestiaque* (submissio sub meritam castigationem) in peculiaribus animi adfectionibus ad officium versantur, animusque ad mentem suam moralem dilatandam pronus sponte hic rem sibi cogitando tantummodo informat, quae haud in mundo est, vt, si fieri possit, erga talem quoque officium faciat. Igitur certe fieri potest, et ratio quoque in mente morali inest, vt necessitatem puram moralem existentiae naturae cuiuspiam cogitemus, sub qua vel moralitas nostra robore crescat vel etiam (saltem pro nostra repraesentatione) ambitu, nimirum noua re augeatur sese exferenti proposita; hoc est, natura sumenda moraliter legislatoria extra mundum, nullo respectu habito argumenti theoreti, multo minus inuitamenti proprii,

ex ratione pura morali, ab omni aliena contagione libera (sane quidem solum subiectiua), solo suasu rationis per se solius legislatoriae purae practicae. Et, quamuis raro eiusmodi animi adfectio inueniretur, neue diu maneret, sed celeriter, nulloque vestigio durante relicto, vel etiam omni de re obiecta in eiusmodi vmbra repraesentata meditatione omissa, studioque eam conceptibus distinctis subiiciendi neglecto, praeteruolaret: tamen ratio eius euident est, initium morale, intus in nobis est, tanquam principium subiectiuum in contemplando mundo haud adquiescendi in forma finali illius per causas physicas, sed causam supremam, ex principiis moralibus naturam imperantis, substernendi. — Accedit, quod, vt ad finem summum vniuersalem quemdam adnitamur, nosmet per legem moralem coactos, sed tamen et nos ipsos et vniuersam naturam ad illum attingendum imbecillos sentimus; quod, duntaxat quatenus ad id conamur, scopo causae mundi intelligentis (si talis esset) conuenientes esse nos, licet iudicari; atque ita causa rationis practicae pura moralis adest, eas causas (cum sine pugna fieri queat) sumendi certe ne conatus istos, respectu effectorum, prorsus vanos habere, eoque illos patitos delassari videantur.

Horum omnium, quae hactenus disputata sunt, haec vis atque potestas est: *metum* quidem primum *deos* (daemones), verum *rationem*, per principia moralia sua, primum conceptum *dei* producere potuisse (vel tum quoque, cum teleologiae naturae, vti plerumque, admodum inscii, aut etiam propter phaenomena in eo pugnancia per principium satis probatum, difficulter enodanda vehementer dubii fuerunt); internamque finium existentiae eius determinationem *moralem* id supplere, quod cognitioni naturae deesset, propterea quod ea nimirum ostenderet, ad scopum existentiae rerum omnium, cuius principium non nisi *ethice* rationi satis facit, causam supremam cogitari cum proprietatibus, quibus ea vniuersam naturam fini vni illi, (cuius haec solum instrumentum est) subiicere potest (hoc est, vt deus).

## §. 87.

*De argumento morali pro existentia dei.*

Est *teleologia physica* argumentum suppeditans existentiae causae mundi sumendae intelligentis, facultati iudicandi nostrae theoretice reflectenti, idoneum. Verum in nobismet ipsis, magisque in conceptu naturae rationisque libertate (causalitate) praeditae omnino, *teleologiam* quoque *moralem* inuenimus, quae vero, cum relatio finalis in nobis ipsis ex anticipatione possit, vna cum lege illius, determinate, proinde vt necessaria cognosci, in hunc usum nullius causae intelligentis extra nos pro hac interna legalitate indiget: aequè minus, atque in eo, quod in figuris geometricis (ad variū, quod esse potest, artis exercitium) finale deprehendimus, intelligentiam summam, quae iis id impertiat, spectare debemus. Verum haec teleologia moralis tamen nos attingit, vt naturas mundanas, ideoque cum rebus aliis in mundo coniunctas: ad quas posteriores, aut vt fines aut vt res, quarum respectu nos ipsi scopus sumus, diiudicationem nostram dirigamus, eadem nobis leges morales praecipiunt. Ab hac igitur teleologia morali, quae relationem nostrae attinet causalitatis propriae ad fines atque etiam ad scopum, quem nobis in mundo debemus proponere, mutuam item mundi relationem ad finem illum moralem externamque eius consequendi possibilitatem (quod nulla nos teleologia physica docere potest) quaestio nunc necessaria proficiscitur: an ea diiudicationem nostram rationalem cogat, ultra mundum transgredi, et naturae ad honestum (morale) in nobis referendae principium supremum intelligens quaerere, vt naturam, etiam respectu legislationis moralis internae eiusque possibilis executionis, nobis vt finalem repraesentemus. Ergo sane est teleologia moralis; eaque cum *nomothetica* libertatis ex vna parte, vti ex altera cum *nomothetica* naturae pariter necessario cohaeret, ac legislatio civilis cum quaestione, vbi potestas executiua quaerenda sit, omninoque in vniuersis nexus est, in quibus ratio principium ostendere existentiae debeat certi cuiusdam legalis, solum ex ideis possibilis, ordinis

rerum. — Progressum rationis a teleologia illa moralis eiusque ad physicam relatione, ad *theologiam* primo proponemus, posteaque de possibilitate firmitateque huius argumentationis generis commentabimur.

Quodsi existentiam certarum rerum (vel etiam certarum modo formarum rerum) fortuitam accipias, quae proinde per aliud quid, quam causam, esse possit: ad hanc causalitatem supremam ideoque ad hypotheticum rationem absolutam quaerere poteris aut in physico ordine, aut teleologico (ex nexu effectiuo vel finali). Nimirum quaeri potest: quanam est causa suprema producens? aut ecquid finis est supremus (simpliciter absolutus) illius, scilicet scopus illius in hoc vel vniuersis eius productis efficiendis in genere? in quo quidem tum sane supponitur, hanc causam repraesentationis finium esse capacem, proinde naturam intelligentem esse, vel certe a nobis ex legibus eiusmodi naturae agentem cogitandam.

Iam, si posteriorem ordinem persequare *principium* est, cui ipsa vel maxime communis hominum ratio proxime cogitur adfentire: *scopum*, si vllus omnino, quem ratio ex anticipatione docere debet, locum habere debeat, nullum esse alium posse, quam *hominem* (quamque naturam rationemque mundanam) *sub legibus moralibus* \*).

\*) De industria dico: *sub legibus moralibus*. Non vero hominem ex legibus moralibus, hoc est, eum qui se illis consentaneum gerit, scopum esse creationis. Nam hoc posteriori verbo, plus, quam scimus, diceremus: nimirum peus auctorem mundi esse, facere, vt homo semper sese ad leges morales rite componat; id quod conceptum libertatis supponit et naturae (cuius solum posterioris auctor potest externus cogitari), qui intellectum substrati suprasensibilis naturae, eiusque cum eo, quod fieri in mundo ex causalitate potest per libertatem, deberet continere, quae vim omnem rationis nostrae longe superat. Tantummodo de homine *sub legibus moralibus* dicere, cancellis intellectus nostri haud migratis, possumus: eius existentia scopum mundi effici. Id quod exactè quoque conuenit cum iudicio rationis humanae super cursu mundi moraliter reflectentis. Vestigia sapientis finium relationis vel in malo videmur perpicere, si modo intelligimus, friuolum ~~nihil~~ *nihil* haud mori,



Etenim (ita quisque iudicat) si mundus e rebus constaret inanimis, vel ex parte quidem viuis sed brutis, tum existentiae eiusmodi mundi nullum prorsus pretium foret, quoniam nulla in eo res exsisteret, quae vel minimam de pretio cogitationem haberet. Sin e contrario naturae quoque rationales ponendae forent, quarum vero ratio pretium existentiae rerum solum in relatione naturae ad eas (salutem earum), non illud vero ipsae sibi possent originarie (in libertate) comparare; tum fines quidem (relatiui) in mundo forent, verum nullus (absolutus) scopus, quia existentia eiusmodi naturarum rationalium vsque esset sine destituta. Sed legum moralium ea propria natura est, vt quidpiam qua finem sine conditione, proinde pro eo ipso, atque conceptus scopi indiget, rationi praeceptant: et existentia eiusmodi rationis, quae in relatione finium sibi ipsa lex esse suprema potest, siue, quod idem est, existentia naturarum rationalium sub legibus moralibus, sola proinde vt scopus potest existentiae mundi cogitari. Contra si secus comparatum sit, existentiae illius vel nullus omnino in causa finis, vel fines ei sine scopo fundamento videntur.

Lex moralis, vt conditio formalis ab ratione perfecta libertatis vtendae, obligat nos, vt ex se sola, neque ex villo alio fine quodam, vt conditione materiali, pendamus; verum tamen ea nobis quoque determinat, et

priusquam poenas dederit scelerum promeritas. Ex nostris causalitatis liberae conceptibus, bene maleue agendi ratio posita in nobis est; summam vero gubernandi mundi sapientiam in eo ponimus, vt bene agendi occasio, vtriusque (et bene et male agendi) effectum, ex legibus moralibus constitutum videatur. Atque in hoc posteriori proprie consistit gloria dei, quae proinde a theologis haud inepte finis creationis vltimus adpellatur. — Praeterea notandum est, nos creationis vocabulo, cum eo vtimur, nihil aliud intelligere, quam quod hoc loco diximus, nimirum causam *existentiae mundi*, vel rerum in eo (substantiarum) vti etiam sic fert proprius huius vocabuli conceptus (actuatio substantiae est creatio): quod proinde haud iam suppositionem inuoluit causae libere agentis, ideoque intelligentis (cuius *existentiam* volumus demum probare).

quidem ex anticipatione, scopum, quem ea nobis praecipit sectandum: isque est *summum bonum* per libertatem in mundo possibile.

Conditio subiectiua, qua homo (atque ex omnibus conceptibus nostris etiam quaeque natura ratioque finita) sibi, sub illa lege, scopum queat proponere, cernitur in felicitate. Ergo summum in mundo possibile, et, quantum in nobis est, ut scopus promouendum, bonum physicum in *felicitate* versatur: cum adiunctione conuenientiae hominis cum lege *moralitatis*, ut dignitatis felicitate perfruendi.

Verum haec duo requisita scopi nobis per legem moralem propositi, fieri non potest, ut ex vniuersis rationis viribus nostris, ut per solas causas physicas *coniuncta*, ideaeque scopi illius consentanea, cogitatione nobis informemus. Ergo conceptus de *necessitate practica* eiusmodi finis per usum virium nostrarum, haud conuenit cum conceptu theoretico de *possibilitate physica* illius efficiendi, nisi vllam aliam causalitatem (cuiusdam adiumenti), quam efficientiam naturae cum libertate nostra coniungamus.

Igitur causa mundi nobis moralis (mundi auctor) sumenda est, quo nobis, legi morali conuenienter: scopum proponamus; et, quatenus hoc posterius necessarium est, eatenus (id est, in eodem gradu ob eandemque causam) et prius erit ut necessarium sumendum: scilicet deum esse \*).

- \*) Hoc argumentum morale nullam debet, quae obiectiue valeat, rationem pro existentia dei suppeditare, neque, deum esse, dubitanter credenti enuncere; sed monere, ut, si moraliter velit cum constantia cogitare, cum functionem huius enunciat oporteat ad normas *recipere* rationis suae practicae. — Neque etiam haec eius vis erit, ac si ad moralitatem necesse sit, omnium naturarum mundanarum rationalium moralitati earum conuenienter sumere; verum: esse per eam necessarium. Proinde argumentum est *subiectiuum*, naturis moralibus idoneum.

Atque huius quidem argumenti, cui facile potest praecisionis logicae forma aptari, non ea vis est, ac si perinde necessaria sit existentia dei sumenda, ac valor legis moralis agnoscendus; proinde, is, qui nequeat sibi de hoc posteriori persuadere, etiam non possit ab obligationibus ex illa superiori liberum sese iudicare. Minime. Solum scopus obseruanda lege morali in mundo (felicitas naturalium rationalium cum seruanda morali lege harmonice conueniens, ut summum optimum mundanum) tunc mitti deberet. Quisque sanus ad praeceptionem morum etiamnum arcte sese cognoscere adstrictum deberet; eorum enim leges sunt formales absoluteque imperant, nulla habito finium (ut materiae volendi) respectu. Sed vnum scopi, qualem ratio practica naturis mundanis praescribit, requisitum finis est irresistibilis in eas per naturam (ut naturas finitas), inditus, quam ratio tantummodo legi morali ut conditioni inuiolabili subiici vult, vel etiam ex ea effici vniuersalem, atque ita promouendam felicitatem, cum moralitate conuenientem, scopum constituit. Quem igitur, ut, quantum (quod superiores spectat) in nostris viribus est, promoueamus, lex nobis moralis praecipit; qualis ille cumque exitus huius laboris videatur. Obseruatio officii in forma consistit voluntatis seriae, non vero in causis mediis felicis successus.

Fac igitur, hominem, partim per infirmitatem omnium tantopere celebratorum argumentorum contemplatiuorum, partim per quasdam in natura mundoque morali obuias prauitates ductum motumque, de sententia: deum haud esse, sibi persuadere; is tamen nihilominus ex suo ipsius iudicio nequam foret, si idcirco leges officii solum commentitias, irritasque atque haud obligantes haberet, audacterque eas decernere vellet migrandas. Talis tum quoque, cum posthac de iis, quae initio dubitauerat, sibi persuadere posset, illa mente etiamnunc nequam mansurus esset: etiamsi officium, sed ex metu, consilio mercedis cupido, siue mente officii studiosa, quoad effectum vel

maxime diligenter accurateque, faceret. Vice versa cum vt credens officium secundum conscientiam suam sincere studioseque seruet, et nihilominus, quoties periculi causa ponit, sibi aliquando persuasum iri posse, deum non esse, continuo se liberum ab omni obligatione morali putaret; tamen necesse foret, eum mente morali illius interna male comparatum videri.

Igitur virum quemdam probum (veluti Spinozam) possumus sumere, cui, deum non esse, certo persuasum videatur, nec (respectu rei moralitati subiectae idem consequitur) vitam futuram; quomodo is suam ipsius determinationem finalem internam per legem moralem, quam actionibus veneratur, diiudicabit? Ex obseruanda illa ad se nullam vtilitatem cupit, neque in hoc neque in alio mundo redundare; studiose cupit potius bonum patrare, quo lex illa sancta omnes eius vires dirigit. Verum conatus eius circumscriptus et limitatus, ab naturaque passim quidem accessum fortuitum potest, non vero legalem atque ex regulis constantibus (pro ea atque intus normae illius et sunt et esse debent) cum fine convenientiam expectare, ad quem efficiendum tamen obligatum sese intelligit atque impulsus. Fraus, violentia atque inuidia semper circumcirca in vsu videbitur, quamuis ipse probus sit, pacificus ac benignus; probique, quos extra deprehendit, tamen, nullo habito dignitatis illorum felicitatis perfruendae respectu, per naturam, quae hoc non curat, vniuersis malis, et inopiae, et morborum, et mortis intempestivae, instar caeterorum terrae animalium, obnoxii erunt manebuntque, cum amplius tumulus cunctos (probos vel improbos, nil interest) deuoret, eosque, qui credere sese creationis scopum poterant, in voraginem materiae chaos temerarii, vnde extracti essent, reiciat. — Hic igitur homo bene ab natura informatus finem, quem in sequenda lege morali ob oculos habebat et debebat habere, sane vt impossibile, mitteret, necesse foret; aut si in eo quoque voci destinationis internae suae fidelis adhaerere, obseruantiamque, quam lex moralis ei proxime obsequii causa instillet, haud

vanitate scopi vnius idealis postulationi illius magnae consentanei debilitari velit (quod fieri non potest sine quadam mentis moralis iactura): sumenda ei erit exsistentia dei, quod etiam commodè facere potest, propterea quod per se quidem haud pugnat, vt respectu practico, quo saltem de possibilitate scopi moraliter sibi praecepti cogitationem informet, exsistentiam auctoris *moralis* mundi, hoc est, deiumat.

### §. 88.

#### *Limitatio valoris argumenti moralis.*

Ratio pura, vt facultas practica, nimirum vt facultas vsus liberi causalitatis nostrae per ideas (conceptus puros rationis) determinandi, non solum principium actionum nostrarum regulatum in lege morali continet, sed eo quoque simul nobis subiectiue constitutum in conceptu rei cuiusdam obiectae ministrat, quod solum potest ratio cogitare, quodque per actiones nostras in mundo ex lege illa dari effectum debet. Igitur ideae scopi in vsu libertatis ex legibus moralibus realitas subiectiue *practica* est. Nos ex anticipatione sumus ad salutem mundanam pro viribus nostris promouendam. Haec autem cernitur in summa rerum mundanarum rationalium salute cum summa in ea conditione boni, hoc est, in felicitate vniuersali cum moralitate legali coniungenda. In hoc scopo possibilitas vnius partis, quippe felicitatis, empirice hypothetica est, hoc est, ea pendet ex ratione naturae (vtrum ea cum hoc fine conspiret nec ne), respectuque theoretico problematica; cum altera pars, nempe moralitas, cuius respectu liberi sumus a cooperatione naturae, quoad possibilitatem ex anticipatione firma stet dogmaticeque certa videatur. Quamobrem ad realitatem obiectiuam theoreticam conceptus de scopo naturarum mundanarum rationalium postulatur, vt non solum nos scopum habeamus ex anticipatione propositum, sed vt quoque creatio, nimirum mundus ipse, quoad exsistentiam scopum habeat; quod, si ex anticipatione euinci posset, ad realitatem scopi subiectiuam etiam

obiectiuam adderet. Etenim, si vllus omnino creationis scopus sit, nos eum non possumus nisi sic cogitare, vt illum cum morali (quo solo fit, vt esse scopi conceptus possit) oporteat conuenire. Atqui in mundo quidem fines videmus: eosque teleologia physica ita exhibet, vt, si rationi congruenter iudicemus, vt pro principio inuestigandae naturae haud iniuria sumamus, nihil in natura quidpiam esse sine fine; sed scopum naturae frustra in ea ipsa quaerimus. Ergo et potest hic et debet, ita vt idea eius in ratione inest, quoad ipsam possibilitatem obiectiuam, solum in naturis ratione praeditis anquiri. Atque earum quidem ratio practica scopum istum non solum indicat, sed hunc conceptum quoque determinat, respectu conditionum, quibus efficitur, vt scopus creationis solum a nobis queat cogitari.

Iam quaeritur: an obiectiua realitas conceptus de scopo creationis possit quoque petitionibus rationis purae idoneae, etsi haud apodictice, facultati iudicandi determinanti, at normis idoneae facultatis iudicandi theoretice reflectentis euinci. Quod quidem minimum est, quod a philosophia contemplatiua postulari poterit, quae finem moralem cum finibus naturae per ideam finis vnus pollicetur sese coniuncturam; verum tantillum istud longe plus est, quam ea vquam possit praestare.

Ex principio facultatis iudicandi theoretice reflectentis diceremus: si est, cur productorum naturae finalium causam naturae supremam sumamus, cuius effectio respectu existentiae naturae (creationis) alius generis, quam ad mechanismum naturae necessarium est, nimirum vt effectio intelligentiae, cogitur; ratio quoque nobis erit idonea, cur in hoc cnte originario non solum vbiunque locorum in natura fines, verum etiam quemdam scopum cogitemus, quamquam haud quidem ad existentiam eiusmodi entis euincendam, at saltem (vt in teleologia physica factum est) ad nobis persuadendum, nos possibilitatem eiusmodi mundi non solum ex finibus posse, sed etiam eo modo nobis explicare, vt existentiae illius scopum quemdam subiiciamus.

Sed scopus tantummodo conceptus est rationis practicae nostrae, neque ex datis potest experientiae in natura theoretice diiudicanda consecutione effici, neque ad cognitionem eius referri. Nullus huius conceptus potest usus fieri, nisi solum rationi practicae ex legibus moralibus, scopusque creationis ea mundi qualitate continetur, quae cum eo, quod solum ex legibus possumus determinate indicare, nimirum cum scopo rationis nostrae purae practicae, et quidem quatenus debeat practica esse, conspirat. — Atqui per legem moralem, quae hunc nobis scopum iniungit, respectu practico, quippe ut viribus nostris in eo efficiendo utamur, rationem habemus, cur possibilitatem illius atque effectum, proinde quoque (quoniam ad conditionem illius haud in nostra potestate positam natura haud accedente, fieri non posset ut is efficeretur) naturam rerum cum eo convenientem sumamus. Ergo nobis ratio est moralis, cur quoque scopum creationis cogitemus.

Haec autem nondum conclusio est a teleologia morali ad theologiam, scilicet ad existentiam auctoris mundi moralis, sed duntaxat ad scopum creationis, qui hoc modo determinatur. Ut igitur huius creationis, id est, existentiae rerum, scopo convenienter, primum ens intelligens, deinde vero non modo (uti possibilitatis rerum naturae, quas ut fines diiudicare cogebamur) intelligens verum simul morale, ut auctor mundi, proinde deus sumi deberet: altera conclusio est, quae ita comparata est, ut eam factam videas tantummodo in usum facultatis iudicandi, ex conceptibus rationis practicae, et, qua talis, in gratiam iudicandi facultatis reflectentis, non vero determinantis. Neque enim tantum nobis possumus arrogare, ut perspiciamus: quamquam in nobis ratio moralis practica a technice practica quoad principia interne atque essentialiter differt, in causa mundi suprema, ut intelligentia sumta, item sic esse debuisse, genusque causalitatis peculiare quoddam ac diuersum illius ad scopum postulari, quam solum ad fines naturae; proinde nobis in scopo nostro non modo rationem moralem esse, cur creationis (ut effecti) scopum, verum

etiam *ens morale*, ut rationem primam creationis atque originariam, sumamus. Sed sane quidem dicere poterimus: nos, *pro natura rationis nostrae*, possibilitatem eiusmodi formae finalis *ad legem moralem* eiusque rein obiectam relatae, qualis in hoc scopo est, nullo modo posse, sine mundi et auctore et moderatore, qui simul legislator moralis sit, nobis enodare.

Igitur existentia auctoris summi moraliter legislatorii duntaxat in *usum* rationis nostrae *practicum* idonee probata est, nec vero quidquam respectu existentiae illius theoretice determinatum. Haec enim ad possibilitatem finis sui, qui nobis praeterea per propriam legislationem illius propositus est, *ideae* indiget, qua impedimentum, ex manca imperfectaque eius observatione secundum solum conceptum mundi naturalem (facultati iudicandi reflectenti idonee) remouetur; eique *ideae* eo *realitas practica* accedit, etiam si in gratiam cognitionis contemplativae cuncta illi adiumenta prorsus desint, talem sibi respectu theoretico, ad explanandam naturam determinationemque causae supremae, comparandi facultati iudicandi theoretice reflectenti teleologia physica ex finibus naturae satis causam mundi intelligentem euicit; sed practicae, idem efficit moralis per conceptum scopi, quem respectu practico creationi tribuere cogitur. Obiectiva *ideae* de deo *realitas*, ut moralis auctoris mundi, haud quidem per fines physicos *solum* probari potest; nihilominus tamen, cognitione illius cum notitia morali coniuncta, illi, per normam rationis purae, unitatis principiorum, quantum fieri possit, sectandae, per magnam vim habent, ad practicae realitati illius *ideae*, per eam, quam respectu theoretico in promptu habet in *usum* facultatis iudicandi, opitulandum.

Atque hoc loco, ad euitandum, qui facile existere posset, errorem, admodum necesse videtur moneri: primo eas nos entis summi proprietates posse tantummodo ex analogia cogitare. Quomodo enim eius naturam, cuius nobis nihil quidquam simile experientia ostendere potest, inuestigabimus? Deinde nos illud per eas etiam duntaxat cogitare



posse, non vero ex iis *cognoscere*, neque ei forte theoretice attribuire; quippe quod munus foret iudicandi facultatis determinantis respectu contemplatio rationis nostrae, ut, quid causa mundi suprema *per se* sit, perspiciamus. Sed hoc loco tantummodo anquirimus, qualem nobis, pro natura virium cognoscendi nostrarum, de illo cogitationem informare, atque an existentiam illius sumere debeamus, ut fini, quem ratio pura practica nobis, sine ulla eiusmodi functione, ex anticipatione pro viribus efficiendum praecipit, itidem realitatem modo practicam conciliemus, id est, ut effectum quaesitum queamus ut possibile cogitare. Sit sane conceptus ille rationi contemplativae transcendens; proprietates etiam, quas enti per eas cogitato tribuimus, obiective adhibitae, anthropomorphisimum in se condant: neque consilium usus earum in eo versatur, ut naturam illius nobis inaccessam, verum nos ipsos et voluntatem nostram, ex iis determinare velinus. Quemadmodum causam ex conceptu, quem de effecto habemus (sed solum respectu relationis ad hoc), denominamus, neque idcirco tamen naturam illius internam per proprietates interne determinare volumus, quae de eiusmodi causis solummodo per experientiam nobis innotescere debent ac proponi; veluti animae vim quoque tribuimus loco motivam, quoniam reapse motus corporis oriuntur, quorum causa in eius repraesentationibus inest, neque ei tamen propterea solum unumque modum, quo vires motrices novimus, (nimirum per attractionem, pressionemque et pulsum, proinde motum, quae cuncta semper naturam extensam supponunt) tribuere cupimus: — sic *quidpiam*, quod rationem contineat possibilitatis realitatisque practicae, id est, effectus possibilis scopi cuiusdam necessarii moralis, sumere debemus; hoc vero, pro conditione effecti ab eo expectati, nobis ut ens sapiens, ex legibus moralibus mundum gubernans cogitare poterimus, naturaeque virium cognoscendi nostrarum convenienter, ut causam rerum ab natura diversam cogitare debemus, ut modo *relationem* huiusce entis omnes vires cognoscendi nostras superantis ad rem rationi *nostrae* practicae subiectam exprimamus:

neque eo tamen vnâ solâque nobis notâ causalitatem huius generis, nimirum intelligentiam voluntatemque, ei propterea theoretice tribuere, quin vel hanc ipsam causalitatem in eo cogitatam respectu eius, quod *nobis* scopus est, vt in hoc ente ipso a causalitate respectu naturae (eiusque determinationem finalium generatim) obiectiue distinguere cupiamus, verum discrimen istud tantummodo vt subiectiue necessarium, pro natura facultatis cognoscendi nostrae, ad facultatemque iudicandi reflectentem, non vero obiectiue determinantem valens sumere queamus. Quodsi autem de actione (de practico) agatur, tum eiusmodi principium *regulatum* (prudentiae sapientiaeque): vt ei, quod pro natura virium cognoscendi nostrarum a nobis quodam modo solum potest vt possibile cogitari, vt fini conuenienter agamus, simul est *constitutum*, siue practice determinans; interea dum idem, qua principium diiudicandae possibilitatis rerum obiectiuae, nullo modo theoretice determinans (vt scilicet quoque rei obiectae vna, quae esse possit, ratio possibilitatis competat, quae competit facultati cogitandi nostrae), sed solummodo principium est in vsum iudicandi facultatis reflectentis.

### S c h o l i o n.

Hoc argumentum morale haud fere recens inuentum est, sed ad summum argumentum recens expositum; fuit enim iam ante primam euolutionem rationis humanae in ea, progressuque illius culturae continuo magis euoluitur. Simulatque homines de iure et iniuria cogitare inciperent, tempore illo, quo formam naturae finalem incuriosi negligerent, eaque vterentur, neque tamen quidquam in ea aliud quam consuetum naturae cursum cogitarent, non poterant non iudicare: in fine non esse idem posse, vtrum homo probe se gesserit, an improbe, aequus an violentus, etiamsi ad finem vitae, certe in conspectu, virtutum suarum nulla praemia perceperit, nec criminum poenas dederit. Videtur, quasi in sese vocem audirent, aliter euenire oportere; proinde quoque, quamuis obscura, repraesentatio cuius-

piam ad quod sese sectandum intelligebant obstrictos, latuisse necesse fuit, quocum eiusmodi euentum conciliare non posset, aut quocum, si semel cursum mundi vt vnum rerum ordinem spectaret, internam illam determinationem finalem animi sui non poterant coniungere. Quamuis autem modum, quo eiusmodi conuenientiae (quae animi humanum offendere debebat, quam casus fortuitus, quem fere vellent pro principio subiicere diiudicandae naturae) consulendum sit, varia vel maxime crassa ratione cogitauerint: tamen numquam aliud possibilitatis naturae cum lege interna morali conciliandae principium excogitare poterant, quam causam supremam mundum ex legibus moralibus gubernantem: propterea quod scopus in iis pro officio praeceptus atque imperatus, cum natura, extra eos, omni scopo destituta, in qua nihilominus ille finis reapse produci debet atque effici, pugnat. De natura interna illius causae mundi permultam poterant insaniam parere; illa tamen relatio in gubernando mundo semper mansit eadem, quae rationi incultissimae, quatenus sese vt practicam considerat, vniuersa comprehensu facilis est, quocum vero contemplatiua ratio minime potest pari passu ambulare. — Praeterea maxime verisimile est, per hoc inuitamentum morale attentionem animi ad pulcritudinem finesque in natura demum excitatam esse, quae tum permultum contulit ad illam ideam confirmandam, neque eam tamen constituere poterat, multoque minus illo superfedere, quoniam ipsa finium naturae inuestigatio tantummodo respectu scopi illo inuitamento proximo potitur, quod in ea admiranda, nullo spectato commodo inde adipiscendo, sese tam large exferit.

## §. 89.

*De utilitate argumenti moralis.*

Ex ratione, respectu omnium idearum nostrarum de suprasensibili, ad conditiones vsus sui practici adstringenda, haec, respectu ideae de deo, utilitas redundat haud occultanda: vt ea scilicet caueatur, ne theologia aberraret

ad *theosophiam* (ad conceptus transcendentes, quibus ratio confunditur), neque ad *daemonologiam* (cogitationem entis summi anthropomorphisticam) deferatur; ne religio ad *theurgiam* (opinionem fanaticam, quasi aliarum naturarum suprasensibilem sensum possis in iisque vicissim vix habere), neque in *idololatriam* (opinionem superstitiosam, ac si enti summo aliis te viis possis, quam per mentem moralem, commendare) incidat \*).

Etenim, si vanitati temeritatique arguendi eorum, quae ultra mundum sensibilem sita sunt, vel minimum quidpiam theoretice (ad cognitionemque dilatandam) determinari posse concedas: si notitiis de existentia et qualitate naturae diuinae, de intelligentia eius ac voluntate, legibusque utriusque et proprietatibus ad mundum inde promanantibus gloriari permittas: scire auerem, ubi et in quo loco arrogantiae rationis terminos designare velis; vnde enim illae notitiae depromptae sunt, inde sane et plures poterunt (si inodo, uti arbitrantur, mentem ad cogitationem intendas) expectari. Circumscriptio eiusmodi arrogantiae ex certo quodam principio fieri deberet, haud fere solum propterea, quod omnes conatus vidimus huc usque fuisse inanes; hoc enim nihil quidquam euincit, contra possibilitatem euentus melioris. Hic vero nullum esse principium potest, nisi ut vel sumas: respectu suprasensibilium nihil omnino quidquam posse (nisi solum negative) determinari; vel: rationem nostram fodinam in se adhuc indelibatam cohibere notitiarum amplificantium, nescio quantarum, posteris reservatarum. Quod autem religionem spectat, hoc est, doctrinam morum respectu

\*) Idololatria in sensu practico etiamnum in ea religione versatur, quae ens summum cogitatione informat proprietatibus ornatum, ex quibus aliud quid, quam moralitas, conditio esse per se idonea possit, quae in iis, quae homo agere queat, voluntati eius quidpiam possit consentaneum esse. Etsi enim purus maxime atque ab imaginibus sensitiuis vacuus respectu theoretico conceptus ille fuerit adprehensus, tamen respectu practico instar *idoli* cuiusdam, id est, secundum voluntatis naturam anthropomorphistice et propositus.

dei vtpote legislatoris; doctrina morum, si eam cognitio illius theoretica antecedere deberet, ad theologiam sese componere debebit, nec solum, pro legislatione interna rationis necessaria, externa quaedam arbitraria entis supremi introduci, verum etiam in hac cuncta, quae cognitioni nostrae de natura illius manca atque imperfecta insunt; prouidentiam moralem attingere atque religionem moralitati reddere contrariam et conuertere.

Respectu vitae spectandae futurae, si, loco scopi, quem, praeceptioni legis moralis conuenienter ipsi efficere debemus, ad iudicium rationis nostrae destinationi ducendum (quod proinde solum respectu practico vt necessarium, vel acceptatione dignum spectatur) facultatem cognoscendi theoreticam nostram consulamus, psychologia eatenus, vti supra theologia, non nisi negatiuum naturae cogitantis nostrae conceptum suppeditat: nimirum nullam actionum illius sensusque interni phaenomenorum posse materialissime explicari; proinde natura animae separata, et de duratione vel non-duratione personalitatis eius post mortem nullo modo a nobis fieri posse iudicium determinans ex rationibus contemplatiuis vniuersae nostrae cognoscendi facultatis theoreticae. Cum igitur hic omnia diiudicationi teleologicae existentiae nostrae respectu practico necessario summionisque perdurationis nostrae, vt conditionis necessariae scopi ab ratione nobis simpliciter propositi, relinquuntur, hic simul emergit vtilitas (quae prima quidem specie iactura videtur): quod, vti theologia nobis fieri numquam theosophia potest, *psychologia* rationalis numquam *pneumatologia* vt scientia amplificans fieri, quemadmodum ei ex alia parte prouisum est, ne in *materialismum* praecipitur, sed quod potius solum anthropologia sensus interni, hoc est, notitia ipsius nostri cogitantis *in vita* sit, et qua cognitio theoretica duntaxat empirica maneat; contra psychologia rationalis, respectu quaestionis de existentia nostra aeterna, nulla omnino scientia theoretica sit, verum vna solaque conclusione inniti teleologiae moralis, vti quoque vniuersus vsus illius, tantummodo propter hanc posteriorem vt determinationem practicam, necessaria videatur.

## §. 90.

*De genere adfensus in argumento morali pro existentia dei.*

Ac primo quidem ad vnumquodque argumentum, siue (quemadmodum in argumento fit ex re obiecta obseruanda vel experimento) per exhibitionem proximam empiricam eius, quod probandum est, aut per rationem ex anticipatione ex principiis ducatur, postulatur: vt ne illud *persuadeat*, sed *firmitatem* gignat, vel certe firmitatem tentet, nimirum vt ratio probandi, siue conclusio, non solum subiectiua (aesthetica) determinandi adfensus ratio (sola species) sit, sed obiectiue valens cognoscendi ratio logica: alias enim intelligentia decipitur, non vero vincitur. Illius generis argumenti fallentis illud est, quod bono fortasse consilio, verumtamen infirmitate eius de industria celata, in theologia naturali ducitur: cum permagna vis argumentorum pro origine rerum naturae ex principio finium adfertur, argumentumque solum subiectiuum rationis humanae vsurpatur, nimirum inclinatio illi propria, vbi cumque fieri modo sine repugnantia possit, pro multis principiis vnum, et vbi in hoc principio quaedam modo vel etiam multa ad determinandum conceptum requisita inueniuntur, reliqua cogitando addantur, vt conceptus rei arbitrarie supplendo absoluitur. Nam profecto, si tot in natura producta deprehendimus, quae nobis pro iudicio sint causae intelligentis; cur, pro multis eiusmodi causis, non potius vnā, et in ea quidem haud fere solum intelligentiam magnam, potentiam et similia, verum non potius omnisapientiam, omnipotentiam, vno verbo vt eam cogitemus, quae rationem eiusmodi proprietatum ad vniuersas, quae fieri possunt, res idoneam; et praeterea huic vni enti originario omnipotenti, non solum respectu legum productorumque naturae intelligentiam, verum etiam, vt causae mundi morali summam rationem moralem practicam attribnamus; cum hacce conceptus absolute principium ostendatur cum ad cognitionem naturae tum ad sapientiam moralem idoneum, nullumque vel

aliquo modo fundatum possit contra possibilitatem eiusmodi ideae adferri. In quo quidem si elateres animi morales simul commoueantur, viuendumque eorum inuitamentum cum vi dicendi (qua sane quoque digni videntur) adiiciantur; tum inde persuasio existit de sufficientia argumenti obiectiua, speciesque quaedam (plerisque si ea vtantur) salutaris, quae omni exploratione rigoris logici illius prorsus superfedet, atque etiam, quasi friuolum illi dubio fundamento sit, indignabunde eam auersatur. — Iam hoc quidem haud reprehendi potest, quatenus utilitas popularis proprie spectatur. Verum tamen, cum euitari non possit, nec debeat, quia illud in duas, quas hoc argumentum continet, partes heterogeneas dispescatur, quippe in eam, quae teleologiam physicam, et quae moralem attingit, propterea quod vtraque constanda obscuratur locus nervi proprii argumenti, et in qua parte quoque modo illud tractandum videatur, vt valori illius seuerissime examinando caueri possit (vel tum, cum imbecillitatem cognitionis rationalis nostrae fateri cogermur); philosophi in officio est (vt etiam postulatae ab se ingenuitatis nullam rationem haberet), speciem quamuis maxime salutarem, quam eiusmodi confusio producere potest, aperire, et ea, quae solum persuasionem spectant, ab iis, quae ad firmitatem animi ducunt (quae ambae non solum magnitudine quasi-que gradu sunt, verum etiam genere, determinationes ad-sensus diuersae) separare, vt status animi in hoc argumento summa sinceritate apertus exhibeatur, et hoc examini seuerissimo ingenuae queat subiici.

Argumentum autem, ad firmitatem gignendam animi institutum, itidem duplicis esse generis potest, aut id nimirum, quod, quid res *per se* sit, aut quid ea *nobis* (hominibus in genere) pro principiis illius diiudicandae rationalibus nobis necessariis (argumentum κατ' ἀλήθειαν vel κατ' ἀνθρώπων, voce posteriori significatione vniuersali de hominibus omnino sumta) debeat efficere. Illud in principiis constitutum est ad iudicandi vim determinantem idoneis, hoc solum principiis nititur facultati iudicandi reflectenti

aptis. Quod quidem posterius, si solum in principiis positum theoreticis sit, numquam potest animi firmitatem gignere; sin illud vero constitutum sit in principio practico rationis (quod proinde vniuerse valet et necessario) tum illi sane licebit, firmitatem animi respectu practico puro idoneam, id est, moralem, postulare. Verum argumentum *ad firmitatem animi tendit*, neque eam tamen efficit, cum illud solum in ea via illuc ducitur, nimirum tantummodo rationes in se obiectiuas cohibet, quae, quamquam nondum sunt ad firmitatem idoneae, tamen eo de genere, vt non solum qua rationes iudicii subiectiuae intersuauit persuasioni.

Omnes probandi rationes theoretice vel 1) ad argumentum suppetunt per *ratiocinationes* logice seueras; vel, nisi hoc sit, 2) ad *conclusionem ex analogia*; vel, si hoc forte locum non habeat, 3) ad *opinionem verisimilem*, vel denique, quod minimum est, 4) ad *hypothesin* sumendam rationis explicandi duntaxat possibilis. — Iam dico: omnes probandi rationes in genere, quae ad firmitatem animi theoreticam tendunt, non posse vllum adsensum huiusce generis inde ab summo gradu eius vsque ad minimum, efficere, si enunciatum de existentia entis originarii, vt dei, in significatione vniuerso huius conceptus complexui consentanea, vt *moralis* auctoris mundi, proinde sic, vt eo simul creationis scopus indicetur, debeat probari.

1) Quod argumentum *logice probum*, ab vniuersali ad particulare progrediens, attinet, in critica satis euicimus: cum conceptui entis, vltra naturam anquirendi, nulla, quae nobis esse possit, visio respondeat, cuius proinde conceptus ipse, quatenus per praedicata synthetica debeat theoretice determinari, nobis semper problematicus maneat, nullam omnino illius cognitionem (quo ambitus scientiae theoreticae nostrae vel minimum dilatetur) locum habere, neque ad principia vniuersalia naturae rerum vilo modo posse conceptum singularem entis suprasensibilis adsumi, vt ab illis ad hoc concludatur; quoniam principia illa solum valent ad naturam, vt rem sensibus obnoxiam.



Ac potest quidem ex duabus rebus heterogeneis, in ipso heterogeneitatis earum puncto, vnam tamen ex *analogia* \*) quadam cum altera cogitari; neque tamen ex eo, in quo heterogeneae sunt, ab vna secundum analogiam

- \*) *Analogia* (in significatione qualitativa) cernitur in identitate relationis rationes inter et consequentias (causas et effecta), quatenus ea, diuersitate rerum specifica nil quidquam impediens iisue proprietatibus per se, quae rationem continent similitudinem consequentiarum (hoc est, extra hanc relationem spectata) locum habet. Sic ad actiones bestiarum technicas, cum eiusmodi actionibus hominis comparatas, rationem horum effectuum in illis prioribus, quam haud nouimus, cogitamus, cum ratione aliarum effectuum hominis (rationis), quam nouimus, ut initiis rationis; eoque simul indicare volumus: rationem facultatis technicae animalis, nomine instinctus, ab ratione reapse diuersam tamen ad effectum (structuram castorum hominum comparatam) similem rationem habere. — Idecirco autem inde, quod homo ad struendum opus ratione habet, non possum concludere, castorem quoque ratione polere debere, *conclusionemque* eam ex analogia vocare. Verum ex simili efficiendi modo bestiarum (cuius haud proxime possum rationem causamque percipere) cum hominis efficiendi modo (cuius nobismet proxime conscius sumus) comparato, rectissime possumus ex analogia concludere, bestias quoque ex *repraesentationibus* agere (non, ut Cartesius vult, machinas esse), et, quamuis diuersitate distent specifica, tamen quoad genus (ut naturas viuas) esse cum homine easdem. Principium potestatis ita concludendi in idealitate ineffecti rationis, bestias respectu huiusce determinationis, cum homine, qua homine, quantum ens extrinsecus ex actionibus earum inuicem comparamus, ad idem genus numerandi. Par ratio est. Pariter causalitatem causae mundi supremae in comparandis illius productis in mundo finalibus cum operibus technicis hominis, ex analogia possum intelligentiae cuiusdam cogitare, neque tamen ad eas proprietates in eo secundum analogiam concludere; quoniam hic ipsum possibilitatis principium eiusmodi concludendi generis deest, nimirum paritas rationis, ens summum cum hominibus (respectu causalitatis vtrorunque) cum vno eodemque genere numerandi. Causalitas rerum mundanarum, quae semper sensuiue hypothetica (cuiusmodi ea quae per intelligentiam efficitur) est, non potest ad naturam transferri, cui nullus est cum illa conceptus generis, praeterquam rei vniuerse, communis.

ad alteram *concludi*, id est, nota discriminis specifici non potest ad alteram transferri. Sic ex analogia cum lege aequalitatis actionis et reactionis, in mutua corporum attractione et repulsione inter se inuicem, etiam commercium possum membrorum reipublicae secundum iuris regulas cogitare; non vero illas determinationes específicas (attractionem repulsionemue materialem) ad haec transferre, nec ciuibz tribuere, ut systema, quod statum vocamus, efficiatur. — Pariter causalitatem entis originarii respectu rerum mundi, ut finium naturae, ex analogia intelligentiae, ut rationis causaeque formarum certorum quorundam productorum, quae opera technica vocamus, nobis cogitare licet (hoc enim tantummodo fit in gratiam vsus theoreti et practici facultatis cognoscendi nostrae, qui fieri a nobis potest huiusce conceptus respectu rerum in mundo naturalium, ex certo quodam principio); verum inde, quod in rebus mundanis causae cuiuspiam effecti, quod ut technicum diiudicatur, intelligentia tribuenda est, nullo modo possumus ex analogia concludere, enti quoque illi, quod ab natura prorsus diuersum est, respectu ipsius naturae eandem, quam in homine animaduertimus, causalitatem competere: ideoque, quia hoc ipsum dissimilitudinis punctum attingit, quod inter causam respectu effectorum sensitiuae hypotheticam et ens originarium ipsum supersensibile in conceptu eius cogitatur, ideoque non potest ad hunc transferri. — Atque in eo ipso, quod causalitatem diuinam non debeam nisi ex analogia intelligentiae (quam facultatem in nulla natura alia nouimus quam in homine sensitiue adstricto) cogitare, interdictum inest, ne hunc illi sensu proprio attribuamus \*).

3) *Opinatio* nullo modo locum habet in iudiciis ex anticipatione; verum iis cognoscitur vel aliquid ut prorsus

\*) Quo quidem minime quidquam in repraesentatione relationum huiusce entis ad mundum desideratur, respectu cum theoricarum tum practicarum ex hoc conceptu consequentiarum. Quid illud per se ipsum sit, persequari velle curiositas est pariter temeraria atque frustraeca.

certum, vel nihil omnino. Etiam si autem rationes probandi datae, a quibus proficiscimur (velut hic a finibus in mundo) empiricae sint, tamen his ultra mundum sensibilem quidpiam poteris opinari, atque eiusmodi iudiciis ausis minimum ius in probabilitatem concedere. Namque probabilitas pars firmitatis ac certitudinis in certa quadam rationum serie possibilis (rationes illius in ea cum idonea ac sufficiente, velut partes cum toto, comparantur), quarum illa imperfecta ratio debet posse suppleri. Quoniam autem ut rationes determinandae certitudinis vnius eiusdemque iudicii esse homogeneae debent, propterea quod alias iis cunctis magnitudo (cuiusmodi certitudo est) efficeretur: non poterit pars intra terminos experientiae possibilis, quae extra omnem, quae fieri possit, experientiam sita esse. Proinde, cum rationes probandi solum empiricae ad nihil suprasensibile ducant, defectusque in serie illarum nulla re queat suppleri; in conatu, per eas ad suprasensibile cognitionemque illius perueniendi, ne minima quidem adpropinquatio, proinde in iudicio de hac cognitione per argumenta ex experientia depromta, nulla quoque probabilitas locum habet.

4) Quod ut *hypothesis* ad enodandam probabilitatem cuiuspiam dati phaenomeni facere debet, eius saltem probabilitas certa sit atque indubitata, oportebit. Satis est, memet in hypothese cognitionem existentiae (quae in opinione pro probabili vendita adhuc obtinetur) mittere: plus nequeo mittere; probabilitas eius, quod explicationi cuidam fundamento substerno, certe quidem nullo sit dubio exposita, oportebit, quoniam alioquin fetuum ingenii inanium numerus infinitus foret. Sed probabilitatem entis suprasensibilis ex certis quibusdam conceptibus determinati adsumere, cuius cum nulla data sit determinationum cognitionis necessariarum, pro iis, quae in ea posita in visionibus sunt, ideoque sola enuntiatio repugnantiae (quae nil potest nisi probabilitatem cogitandi, non vero cogitatae rei ipsius probare), ut criterium huius probabilitatis relinquatur, suppositio foret prorsus infirma atque fundamento destituta.

Ex quo quidem sequitur: pro existentia entis originarii, ut dei, vel animae, ut spiritus immortalis, nullo modo fieri rationi humanae posse argumentum respectu theoreτικο, ut vel minimus adfensionis gradus efficiatur: idque facile poterit ex eo perspicui, quod ad determinandas suprasensibilem ideas nulla nobis materia adest, propterea quod haec materia depromenda foret a rebus in mundo sensibili, ea vero illi rei nullo modo convenit, verum, sine omni illius determinatione, nihil conceptus de quodam suprasensibili relinquitur, quod rationem ultimam mundi sensibilis contineat, quae nondum cognitionem efficit (ut conceptus dilatationem) naturae illius internae.

## §. 91.

*De genere adfensus per fidem praedicam.*

Cum solum modum spectamus, quo quidpiam nobis (pro natura virium repraesentatiuarum nostrarum subiectiva) res esse cognoscibilis potest: tum conceptus haud cum obiectis rebus, sed solum cum nostra cognoscendi vi, usuque repraesentationis datae, qui (theoretico practicoque respectu fieri ab his potest) comparantur; quaestioque, an aliquid res cognoscibilis sit nec ne, non possibilitatem rerum ipsarum attingit, sed nostram earum cognitionem.

Rerum *cognoscibilium* triplex genus est, et *opinabile*, et *scibile*, et *mere credibile*.

1) Res solis rationis ideis propositae, quae nullo modo possunt in usum cognitionis theoreticae per ullam, quae fieri queat, experientiam exhiberi, eatenus res sunt prorsus haud *cognoscibiles*, proinde respectu illarum ne *opinari* quidem poteris; uti opinatio ex anticipatione per se absurda est rectaque via ad mera figmenta ducit. Igitur aut certum est nostrum ex anticipatione pronunciatum, aut nihil omnino quidquam, cui adfensus praebeatur, continetur. Ergo *res opinabiles* semper res erunt cognitioni empiricae certe per se possibili obnoxiae (res obiectae mundi sensibilis), quae vero, pro solo, qui nobis est, huiusce

facultatis gradu, nobis fieri non potest. Sic aether recentiorum physicorum, fluidum elasticum omnes materias alias penetrans (cum iis maxime permixtum) mera res opinabilis, tamen eius generis est, ut is, si sensus externi, quoad eius fieri possit, acutissimi forent, percipi posset atque animaduerti; qui vero in niala potest obseruatione experimentoue exhiberi. Sumtio naturarum rationalium alias planetas inhabitantium, res opinabilis est; etenim, si ad has propius possemus accedere, quod fieri per se laud potest, per experientiam, inhabitentur nec ne, decreturi essemus; verum nos ad eas numquam tam prope accedemus, atque ita res relinquitur opinationi. Sed opinatio: spiritus esse puros in vniversitate rerum materiali, sine corpore cogitantes (si scilicet certas quasdam adparitiones pro iis reputatas, quod par est, reiiciamus) fictio est, nec vlla res per se opinabilis; verum mera idea, quae, omni materiali de ente cogitante sublato, solaque cogitatione seruata, relinquitur. An tum vero cogitatio (quam solum in homine nouimus, hoc est, coniunctam cum corpore) reliqua fiat, non possumus statuere. Eiusmodi res *ens* est *rationis ratiōantis*. nullum *ens rationis ratiōatae*; de quo posteriori fieri potest ut conceptus realitas obiectiua, certe in gratiam vsus rationis practici, idonee euincatur, quoniam hic, cuius propria principia sunt et apodictice certa ex anticipatione, eum adeo postulat.

2) Res conceptibus subiectae, quarum realitas obiectiua (siue per rationem puram, siue per experientiam, et per rationem puram quidem ex theoreticis practicisue illarum datis, per vtranque autem interuentu visionis illis respondentis) euinci potest, *res facti* \*) sunt. Cuiusmodi

\*) Hoc loco conceptum rei in facto positae iure videor ultra consuetudinem huius verbi significationem dilatare. Neque enim opus est, quin ne effici quidem potest, ut hoc vocabulum tantummodo ad experientiam veram adstringatur, si de adfectione rerum ad nostram cognoscendi facultatem sermo sit, cum iam solum possibilis experientia sufficiat, ut loqui de iis tamquam rebus determinati cuidam cognoscendi generi obnoxiiis, queamus.

sunt proprietates mathematicae quantitatum (in geometria), quia capaces sunt *exhibitionis* ex anticipatione in usum theoreticum rationis. Iam vero res qualitatesue illarum, quae possunt per experientiam (siue propriam siue alienam, ex testimoniis) evinci, itidem sunt in facto positae. — Quod vero maxime dignum notatu est, vel ideam rationalem (cuius fieri nulla in visione exhibitio potest, neque possibilitatis illius theoretica probatio) in rebus facti invenimus; eaque est idea *libertatis*, cuius realitas, ut peculiaris cuiusdam generis causalitatis (de qua conceptus respectu theoretico transcendens foret) per leges rationis purae practicae potest, proinde in experientia, probari. Haec una est omnium omnino rationis purae idearum, cui quae proposita est res est in facto posita, atque ad res scibiles adnumeranda.

3) Res, respectu debito rationis purae practicae usu (siue ut consequentiae, siue ut rationes) ex anticipatione cogitandae, sed vsui illius theoretico transcendentis, res sunt *mere credibiles*. Cuiusmodi *summum* in mundo *bonum* est per libertatem comparandum; cuius quidem conceptus per nullam, quae fieri nobis queat, experientiam potest, proinde vsui rationis theoretico idonee, quoad realitatem obiectivam probari, cuius vero vsus ad finem illum, quam fieri potest, optime efficiendum tamen per rationem puram practicam praeceptum est, proinde ut possibilis sumendus. Hoc effectum praeceptum atque imperatum, *cum conditionibus unis solisque possibilitatis nobis cogitabilibus*, nempe existentia dei atque animarum immortalitate *res fidei* sunt et vnae quidem solaeque omnium omnino rerum obiectarum, quae sic possunt adpellari \*). Etsi enim, quae

\*) Verum res fidei propterea non sunt *articuli fidei*; si hisce eiusmodi res fidei intelligantur, ad quarum *confessionem* (internam externamue) possimus obligari; cuiusmodi proinde non insunt in theologia naturali. Etenim, cum eae, ut res fidei non possint (instar rerum in facto positarum) argumentis theoreticis inniti; liber assensus, et quoque solum qua talis potest cum moralitate subiecti coniungi.

solum ab experientia aliorum discere per *testimonium* possumus, a nobis credi debeant, tamen idcirco nondum per se res fidei sunt; nam in *uno* testium illorum tamen propria experientia fuit et res in facto posita, aut ut talis supponitur. Praeterea fieri posse necesse est, ut in hac via (fidei historicae) ad scientiam perveniamus; neque res historiae subiectae ac geographiae, uti omnia omnino, quae ut sciantur pro natura nostrarum cognoscendi facultatum, certe esse possint, haud ad res fidei pertinent, sed in facto positas. Res solum rationi purae obnoxiae sere possunt res fidei esse, non vero ut res soli rationi purae contemplanti propositae; tum enim eae ne tuto quidem ad res possunt, quae cognitioni illi nobis possibili obnoxiae sint, adnumerari. Ideae sunt, id est, conceptus, quibus non possit de realitate obiectiva theoretice caueri. Contra scopus summus a nobis efficiendus, quippe quo solo fieri digni possumus, qui ipsi sumus scopus creationis, in idea cernitur, cuius nobis respectu practico realitas obiectiva est, et quae nobis res videtur; verum idcirco, quoniam huic conceptui non possumus respectu theoretico hanc realitatem comparare, mera res fidei rationis purae, quo quidem conceptu simul deum atque immortalitatem, ut conditiones, quibus solis, pro natura rationis (humanae) nostrae, nobis possibilitatem possumus illius effecti usus legalis libertatis nostrae cogitando informare. Sed assensus in rebus fidei assensus est respectu puro practico, hoc est, fides moralis, quae nihil in usum cognitionis rationalis purae theoreticae, sed solum practicae, probat, contemplationemque, regulasque practicas prudentiae ex principio philautiae, minime dilatat atque amplificat. Si principium supremum omnium legum moralium postulatum est, simul possibilitas rei obiectae illarum summae, proinde quoque conditio, qua eam possibilitatem cogitare possumus, eo simul postulatur. Eo igitur cognitio huius posterioris neque in scientiam convertitur, neque in opinionem de existentia naturaque harum conditionum, ut theoreticum cognitionis genus, sed solum sumtio est; respectu practico praetereaque praecceptio in usum moralem nostrae rationis.

Etiamsi in finibus naturae, quos nobis tam large teleologia physica proponit, certum quendam *conceptum determinatum* de causa mundi intelligente verisimiliter possemus fundare, tamen existentia huius entis nondum res fidei foret. Quod enim cum non ad faciendum officium possit, sed modo ad enodandam naturam sumi, solum foret opinio atque hypothesis rationi nostrae conueniens maxime et consentanea. Atqui illa teleologia nullo modo ad conceptum dei determinatum ducit, qui vero solum in conceptu inuenitur auctoris mundi moralis, quoniam hic solus scopum indicat, ad quem nosmet non possumus numerare, nisi quatenus iis, quae lex nobis moralis ut scopum praecipit, proinde nos obligat, nosmet conuenienter geramus. Ergo conceptus de deo solum per relationem ad rem officio nostro subiectam, ut conditionem possibilitatis scopi illius consequendi, praestantiam accipit, in adsensu nostro ut qua res fidei valeat; contra idem conceptus rei non potest sibi subiectae ut rei in facto positae valorem conciliare: quoniam, etsi necessitas officii rationi practicae quidem clara est, tamen, scopi illius occupatio, quatenus is haud totus penes nos est, solum in usum rationis practicum sumpta, proinde haud uti officium ipsum, practice necessaria est \*).

\*) Scopus, quem lex moralis promouendum praecipit, haud ratio ac fundamentum officii est; ea enim inest in lege morali, quae, qua principium practicum formale, categorice ducit, nullo respectu habito rerum facultati adpetendi propositarum (materiae volendi) proinde vllius cuiusdam finis. Haec natura formalis actionum mearum (subordinationis illarum sub principium vniuersalitatis) in quo solo pretium earum morale internum consistit, tota est in nostra potestate posita; eommodeque a possibilitate vel impossibilitate finium, quos legi illi conuenienter deo promouere, potero memet continere, cogitationemque auocare (quoniam in iis duntaxat pretium externum actionum mearum consistit), ut eo, quod numquam prorsus penes me est, solum id spectem, quod mihi agendum videatur. Verum ut finem, scopum omnium naturarum rationalium (felicitatem, quantum fieri possit cum fine congruenter) promoueamus, tamen est, per legem officii praeeceptum atque iniunctum. Sed ratio contemplatiua possibilitatem eius (neque



*Fides* (qua habitus, non vero qua actus) versatur in mente rationis morali in iis ad sensu comprobandis; quae inaccessa sunt cognitioni theoreticae. Ea igitur principium constans animi est, eorum, quae ad possibilitatem scopi summi morali ut conditio necessaria supponenda sunt, propter obligationem pro veris sumendorum \*); quamvis a nobis haud queat vel possibilitas illius vel impossibilitas perspicui atque intelligi. *Fides* (simpliciter sic dicta) versatur in fiducia in consequendo sine, cuius pro-

ex parte propriae facultatis physicae nostrae, neque ex parte cooperationis naturae) nullo modo perspicit; potiusque ea ex eiusmodi causis, quantum per rationem possumus iudicare, eiusmodi euentum vitae bene actae ab natura sola (et in nobis et extra uos), sumitis, nec deo nec immortalitate, vanam irritamque, quamvis a bono animo profectam, expectationem censere debet, et, si eiusmodi iudicii plena certitudo esse posset, legem moralem ipsam ut meram illusionem rationis nostrae respectu practico considerare. Cum autem ratio contemplativa sibi prorsus adfirmatam persuadeat, hoc postremum fieri non posse, contra illas vero ideas, quarum res obiecta sua ultra naturam est, posse sine repugnantia cogitari; necesse erit, ut in gratiam propriae legis practicae suae eaque propositi problematis, proinde respectu morali, ideas illas ut reales verasque agnoscat, ne in pugnam secum ipsa incidere videatur.

- \*) Ea cernitur in fiducia in promissione reposita legis morali; sed non ut ea, quae illa continetur, sed quam ego inferam, et ob rationem quidem moraliter idoneam. Neque enim scopus potest per legem rationis praecipi atque imperari, nisi haec simul possibilitatem eius consequendi quamvis incerto polliceatur, eoque potestatem faciat solarum conditionum ad sensu probandarum, quibus solis nostra ratio potest eam cogitare. Vocabulum fidei hoc iam exprimit; poteritque tantummodo dubium videri, quomodo hoc verbum eaque idea singularis in philosophiam moralem irrepat, cum ea denum cum religione christiana introducta sit, sumtioque illius fortasse solum imitatio ad sententia orationis eius videri queat. Verum is haud vnus locus est, in quo haec admirabilis religio per summam orationis simplicitatem philosophiam conceptibus longe magis determinatis purisque moralitatis locupletarit, quam haec huc usque potuisset ministrare, qui vero, cum semel adsint, ab ratione libere probantur, et qua tales accipiuntur, in quos ea sane sponte incidere eosque introducere et potuisset et debuisset.

motio in officio est, sed possibilitas eius efficiendi a nobis non potest *perspici* (uec proinde possibilitas vnius soliusque nobis cogitabilium conditionum). Fides igitur, obiectas res singulares spectans, quae non sunt scientiae possibili opinionive propositae (quae posterior, praesertim in rebus historicis credulitas, non vero fides dicenda foret) tota moralis est. Ea est adfensio libera, non eorum, quorum argumenta dogmatica in usum iudicandi facultatis theoretice determinantis inveniuntur, neque ad quae nos obligatos ducimus, sed eorum, quae sumimus in gratiam finis atque consilii ex legibus libertatis; neque tamen, uti fere sententiam quamdam opinionemue, sine ratione idonea, verum ut in ratione (quamquam duntaxat respectu usus practici), *ad finem illius idonee*, fundata: etenim sine ea nulla firma mentis moralis constantia est in peccato contra prouocationem rationis theoreticae ad probationem possibilitatis rei moralitati subiectae), verum nutat inter praecepta practica et dubia theoretica. Difficulus credimus, cum normam sequimur, omnino haud testimoniis credendi; sed increduli sumus, cum ideis rationalibus illis, quoniam iis deest *constitutio theoretica* realitatis, omnem deinceps valorem denegamus. Iudicamus igitur dogmatice. *Incredulitas* dogmatica vero non potest cum norma morali in mente dominante consistere (neque enim ratio imperare potest, ut finem sectemur, quem pro fetu ingenii agnoscimus); sed sane quidem *fides dubia*, cui defectus firmitatis per rationes contemplatiuae rationis solum impedimento est, quod cognitio critica carcerum rationis contemplatiuae vim potest contagionemue cum moribus privare eique adfensum practicum praeponderantem potest ad compensandum praeponere.

\* \* \*

Cum loco certorum quorundam frustratorum conatuum in philosophia aliud inducere principium volumus eique aditum parare, pernagnae tranquillitati cedit, perspicere, quomodo et quare frustrati videantur.

*Deus, libertas, animorumque immortalitas* quaestiones sunt, quarum enodationem vniuersi spectant adparatus metaphysices, vt ad finem eius vltimum et solum. Iam creditum est, doctrinam de libertate tantummodo vt conditionem negatiuam philosophiae practicae necessariam esse, contra dogma de deo animique natura, theoreticae proprium, per se separatimque esse probandum, vt vtrumque postea, cum eo, quod lex moralis (quae esse solum cum adiunctione libertatis potest) praecipit, coniungatur, atque ita religio constituatur. Sed breui potest intelligi conatus istos necessario male successuros. Namque ex solis conceptibus ontologicis de rebus in genere, vel ex existentia entis necessarij nullo modo effici conceptus entis originarij potest, per praedicata, quae dari in experientia possint ideoque ad cognitionem facere, determinatus; eum autem, qui in experientia fundabatur formae finalis physicae naturae, conceptum vidimus rursus haud posse nulli argumento esse doctrinae morum, nec proinde ad cognoscendum deum idoneo. Pariter nec cognitione animae per experientiam (quam hac modo in vita instituiamus) conceptum posse vidimus de spiritali immortalique illius natura, proinde doctrinae morum idoneae, suppeditari. Nec *theologia* nec *pneumatologia*, vt problemata in vsum scientiarum rationis contemplantis, quarum quippe conceptus vniuersis cognoscendi facultatibus nostris transcendens est, nullis possunt datis empiricis praedicatisque effici. — Determinatio vtriusque conceptus, cum dei tum animae (respectu immortalitatis illius), non potest nisi per praedicata fieri, quae, quamuis ipsa solum esse ex ratione suprasensibili possint, tamen realitatem suam per experientiam oportet euincere: sic enim solis nulla iis effici cognitio potest entium suprasensibilium. — Eiusmodi autem vnus solusque, qui in ratione humana deprehenditur, conceptus est de libertate hominis sub legibus moralibus, vna cum scopo, quem illa per has praecipit, ex quibus illae auctori naturae sunt, hic homini ad eas proprietates attribuendas idoneae, quae vtriusque possibilitatis continent conditionem; ita vt ex hac ipsa idea possit ad existentiam

naturamque illorum entium alioquin nobis prorsus occultorum concludi.

Ergo ratio consilii in sola via theoretica praetermissi, deum immortalitatemque probandi in eo inest: quod suprasensibile in hac via (conceptum naturae) nulla omnino fieri cognitio potest. Contra cur in via morali (conceptus libertatis) succedat, in causa est: quod hoc loco suprasensibile, quod in eo subest fundamento (libertas), per legem causalitatis determinatam, quae ex eo existit, non solum materiam alterius suprasensibilis (scopi moralis conditionumque eius efficiendi) cognoscendi suppeditat, verum etiam ut res in facto posita realitatem suam in actionibus demonstrat, sed ob eam ipsam causam quoque, pro nulla alia esse probandi ratione potest, quam quae respectu valeat practico (vno quippe illo, cuius religio indiget).

In quo quidem notatu dignum est: trium illarum idearum rationalium, et *dei*, et *libertatis* et *immortalitatis*, libertatem conceptum vnum esse suprasensibilem, qui realitatem obiectivam suam (ope causalitatis, quae in eo cogitatur) in natura, per effectum, quod fieri in ea possit, suum euincat, eoque ipso coniunctionem amborum reliquorum cum natura, trium vero omnium cum se inuicem in religione possibilem reddat; nosque proinde in nobis principium habere, quod ideam suprasensibilem in nobis, sed eo quoque ideam suprasensibilem extra nos, ad cognitionem, quamvis solum respectu practico possibilem, determinare queat, de quo philosophiae solum contemplativae (quae etiam libertatis conceptum poterat solum negantem suppeditare) desperandum fuit: proinde conceptus libertatis (ut conceptus legum omnium absolute practicarum constitutivus) rationem possit ultra illos terminos dilatare, intra quos quisque conceptus naturae (theoreticus) sine vlla spe manere circumscriptus deberet.

*Scholion generale ad teleologiam.*

Cum quaeritur: quem ordinem atque honorem argumentum morale, quod existentiam dei duntaxat ut rem fidei rationi purae practicae probat, inter reliqua in philosophia obtineat; tum facile poterit tota horum reliquorum possessio ad calculum reuocari, ubi tum adparet, optioni hic nullum locum esse, sed cognitionem eius theoreticam, coram critica aequa ac media, omnes suas mittere petitiones oportere.

Primum omnem ea constituat adsensum, oportebit, in re in facto posita, nisi prorsus esse vanus debeat fundamentoque destitutus; ideoque hoc solum in probando potest discrimen locum habere, utrum in hac re facti adsensu consecutionis inde effectae possit, ut *scientia*, cognitioni theoreticae, an, solum ut *fides*, practicae cognitioni, constitui. Omnes res in facto posita aut ad *conceptum naturae* pertinent, realitatem suam in rebus sensibus subiectis ante uniuersos naturae conceptus datis (quae dari possint atque proponi) probat; aut ad *conceptum libertatis*, qui realitatem suam per causalitatem rationis, respectu certorum effectuum per eam possibilitatem in mundo sensibili, quam in lege morali fortiter postulat, idonee euincit. Iam conceptus naturae (solum ad cognitionem theoreticam pertinet) vel metaphysicus est prorsusque ex anticipatione; vel physicus, hoc est, ex adiuncto et aduentitio (a posteriori), necessarioque solum per experientiam determinatam cogitabilis. Igitur conceptus naturae metaphysicus (nullam experientiam determinationem supponens) ontologicus est.

Iam argumentum *ontologicum* pro existentia dei ex conceptu entis originarii vel id est, quod ex praedicatis ontologicis, quibus illud solis potest perpetuo determinatum cogitari, ad existentiam absolute necessariam, vel ex necessitate absoluta existentiae ullius cuiuspiam rei, quae illa cunque sit, ad praedicata entis originarii concludit:

namque ad conceptum entis originarii pertinet, ne illud derivatum sit, necessitas existentiae eius absoluta, et (ad hanc cogitandam) determinatio perpetuo per conceptum illius. Vtrumque requisitum igitur in conceptu putabatur ideae ontologicae *entis omnium realissimi* ac perfectissimi inueniri; atque ita duo sunt argumenta metaphysica exorta.

Argumentum solum conceptum naturae metaphysicum constituens (proprie ontologicum dictum) ex conceptu entis realissimi concludit ad existentiam eius absolute necessariam; namque (aiunt) nisi illud exstaret, realitas illi, nimirum existentia, deesset. — Alterum (quod et argumentum metaphysice *cosmologicum* vocatur) ex necessitate existentiae vllius cuiuspiam rei (cuiusmodi, cum in conscientia mei ipsius mihi existentia data sit, necessario concedendum est) ad determinationem eius perpetuam, vt entis omnium realissimi, concludit: quoniam omnia, quae exsunt, perpetuo determinata, sed simpliciter necessaria (nempe quod *nos* qua tale, proinde ex anticipatione, cognoscere debemus) per *conceptum suum* perpetuo determinatum esse oporteat; quod vero duntaxat in conceptu possit entis omnium realissimi inueniri. Hoc loco non necesse est, vt sophisnata in conclusionibus illis aperiamus, quod iam alio loco factum est; sed modo vt moneamus, eiusmodi argumenta, etiamsi per varias possent subtilitates dialecticas defendi, tamen numquam scholam transmigrare atque in rempublicam venire, eorumque cum intelligentia communi ne minimam quidem esse contagionem posse.

Conceptus, conceptum naturae, qui tantummodo empiricus esse potest, sed tamen ultra terminos naturae, vt complexus rerum sensibus propositarum, ducere debet, fundamento ponens, nullus esse alius potest, quam conceptus *finium* naturae: quorum quidem conceptus haud ex anticipatione potest, sed solum per experientiam dari, verum tamen eiusmodi conceptum de causa naturae origi-

naria pollicetur, qui vnus omnium, quos cogitare possumus, ad suprasensibilia aptus est, nimirum conceptus de intelligentia summa, vt causa mundi; id quod reapse quoque ex principiis facultatis iudicandi reflectentis, hoc est, pro natura facultatis cognoscendi nostrae (humanae) optime efficit. — An id autem ex iisdem datis hunc conceptum entis *supremi*, id est, independentis intelligentis etiam vt dei, nimirum auctoris mundi sub legibus moralibus, proinde idonee ideae de scopo existentiae mundi suppeditare queat, quaestio est, vnde vniuersa pendent; siue conceptum theoretice idoneum entis originarii in vsum vniuersae cognitionis naturae postulemus, siue practicum in gratiam religionis.

Hoc argumentum ex teleologia physica depromptum veneratione dignum videtur. Idem efficit cum ad intelligentiae communi, tum acutissimo philosopho ad veritatem persuadendum; et *Reimarus* in opere suo nondum superato, in quo argumentum istud, pro more suo, docte perspicueque vberius exponit, eo sibi laudem peperit sempiternam. — Sed, vnde hoc argumentum tantam vim in animo accipit, praesertim in diiudicatione per rationem tranquillam (namque permotio illius euectioque per miracula naturae posset ad persuasionem accendi) ad adsensum tranquillum, ac se totum tradentem? Non finibus id physicis efficitur, qui cuncti intelligentiam indicant imperuestigabilem in causa mundi; hi enim ad id haud idonei sunt, quoniam necessitati non satis faciunt rationis quaerentis. Etenim quem in finem (haec quaerit) res illae omnes sunt naturae technicae; quem in finem ipse homo, in quo vt sine naturae ultimo nobis cogitabili nobis consistendum est; quem in finem vniuersa haec natura adest, et quis scopus tantae tamque variae artis? ad fruendum, ad videndum, ad contemplandum ne et admirandum (quod, si in eo consistas, nec quidquam aliud est nisi fructio cuiusdam generis peculiaris), vt scopum vltimum cuius causa inmundus ipseque homo adest, creatum esse, rationem non

potest tranquillare: haec enim pretium personale supponit, quod sibi solus potest homo impertire, ut conditionem, qua sola is eiusque existentia possit scopus esse. Quo vero deficiente, qui solus capax est conceptus determinati, fines naturae quaestioni suae non satis faciunt, propterea maxime, quod nullum conceptum possunt *determinatum* entis summi ut vniuersis sufficientis (et ob id ipsum vnius, ut proprie sic dicam *summi*) entis legumque, ex quibus intelligentiae causa mundi est, suppeditare.

Cur igitur argumentum physico-teleologicum, quasi simul theologicum sit, firmitatem animi efficiat, in causa haud conatus est idearum de finibus naturae, ut totidem probandi rationibus intelligentiae *summae*; sed sensim paulatimque se argumentum morale in quouis homine latens eumque tam intime mouens inmiscet in conclusionem, qua enti, quod tam incomprehenso artificiose in finibus sese naturae manifestat, etiam scopum, proinde sapientiam, (quamquam ex nulla prioris perceptione iure accepto) attribuit, atque ita argumentum illud, respectu, quae ei adhuc adhaeret, imperfectionis, arbitrariae supplet. Igitur reuera tantummodo argumentum morale firmitatem animi producit, et hanc quoque solum respectu practico, ad quod suam quisque adhesionem intus persentiscit; sed physico-teleologicum tantummodo laudem habet, quod animum in contemplando mundo in viam ducat finium, sed eo ad auctorem mundi *intelligentem*: tum autem relatio ad fines morales ideaque eiusmodi legislatoris mundi-que auctoris, ut conceptus theoreticus, quamquam non est nisi additamentum, tamen sponte videtur ex illo argumento sese euoluere.

Atque in hoc quidem porro quoque in consueta tractatione poterimus consistere. Namque communi sane-que intelligentiae plerumque arduum videtur, varia principia illa, quae miscet, atque ex quorum vno reapse solum recteque connectit, si separatio seiunctioque multa opus



habeat meditatione, ut heterogenea ab se inuicem discernere ac separare. Sed argumentum morale pro existentia dei proprie haud fere *supplet* tantummodo physico-teleologicum; sed peculiare argumentum est, defectum firmitatis ex hoc posteriore *resarciens*: propterea quod hoc reapse nihil potest efficere, quam ut rationem in diiudicanda naturae causa, eiusque ordine fortuito, sed admirabili, qui nobis solum per experientiam innotescit, ad causalitatem causae, rationem illius ex finibus continentis, (quam pro natura virium cognoscendi nostrarum ut causam debemus intelligentem cogitare) ducat atque intendat, sic vero argumenti moralis reddat capaciores. Id enim, quod ad posteriorem conceptum opus est, ab vniuersis, quae a conceptibus naturae contineri possunt et doceri, tantopere per essentiam differt, ut singulari quadam a priorique prorsus libera probandi ratione argumentoque opus sit, ad conceptum entis originarii theologiae idonee indicandum, ad eiusque existentiam concludendum. — Argumentum morale (quod vero sane tantummodo existentiam dei practico, sed simul irremissibili respectu rationis euincit) etiamnum proinde viam suam retineret, si in mundo nullam omnino, vel modo ambiguam teleologiae physicae materiam deprehenderemus. Cogitari potest, naturas rationales tali sese cinctas natura videre, quae nullum perspicuum organisationis vestigium, sed solum effecta meri mechanismi materiae rudis ostenderet, cuius causa atque inmutabilitate nonnullarum formarum relationumque mere fortuito finalium, nulla ratio esse videretur, concludendi ad auctorem mundi intelligentem; ubi tum quoque nulla teleologiae occasio foret: et tamen ratio, per conceptus naturae hic non edocta, in conceptu libertatis ideisque moralibus in eo constitutis rationem inueniret idoneam, conceptum entis originarii his conuenienter, id est, ut dei, naturamque (ipsius existentiae nostrae) ut scopum illi illiusque legibus consentaneum postulandi, et quidem respectu praecepti irremissibilis practicae rationis. — In mundo autem vero actualique naturis rationalibus in eo largam

teleologiae physicae materiam inesse (quod haud fere necesse esset), argumento morali exoptatae confirmationi est, quatenus natura quidpiam ideis rationalibus (moralibus) analogicum ostendere possit. Namque conceptus causae supremae intelligentis (quod vero multum abest, quin theologiae sufficiat) eo realitatem accipit in usum facultatis iudicandi reflectentis; verum is haud necessarius est ad argumentum morale in eo constituendum: neque hic facit ad illum, qui per se solum minime moralitatem indicat, conclusione continuata ex vno principio, ad argumentum perficiendum. Duo principia tam dissimilia, quam natura et libertas, non nisi duo diuersa probandi genera possunt constituere, vbi tum conatus, hanc ex illa efficiendi, ad id, quod probandum est, minus idoneum reperitur.

Si physico-teleologica probandi ratio ad argumentum quaesitum suppeteret, ratio contemplatiua eo admodum tranquillaretur; spem enim ea faceret producendae theosophiae (ita scilicet dicenda foret cognitio theoretica naturae diuinae eiusque existentiae, quae ad enodandam mundi naturam suppeteret, et simul ad determinandas leges morales). Pariter si psychologia suppeteret, vt ex ea ad cognitionem immortalitatis animorum perueniremus, ea efficeretur, vt pneumatologia, quae rationi contemplatiuae itidem grata foret, fieri posset. Vtraque autem, quantopere gratum fuerit arrogantiae curiositatis, haud expleat desiderium rationis respectu theoriae, quae fundata esse in cognitione naturae rerum deberet. An vero illa, vt theologia, altera vt anthropologia, sed vtraque in morali, id est, principio libertatis fundata, proinde vsui rationis practico consentanea, finem vltimum obiectiuum melius attingat, alia quaestio est, quam hoc loco nil attinet vltius persequi.

Argumentum vero physico-teleologicum idcirco non suppetit ad theologiam, quoniam nullum in hunc finem idonee determinatum entis originarii conceptum largitur, nec potest largiri, sed hunc prorsus aliunde depromere,

eiusque defectum eo, ut additamento arbitrario, supplere debemus. Vos ex magna illa forma finali formarum naturae earumque relationum ad causam mundi intelligentem concluditis; at ad quem gradum huiusce intelligentiae? Sine dubio haud vobis potestis arrogare, ad intelligentiam, quae fieri possit, summam; ad id enim necesse foret, ut perspiceretis, intelligentiam maiorem quam cuius vos argumenta in mundo percipitis, non posse cogitari: quod idem foret, ac si vobisnet ipsis omniscientiam tribueretis. Parimodo vos ex magnitudine mundi ad permagnam auctoris potentiam concluditis; at dabit, id solum comparative vim ad captum vestrum habere, et cum vos haud omnia, quae esse possunt, cognoscatis, ut ea cum magnitudine mundi, quantum ea nobis comparetis, vos ex mensura tam exigua nullam auctoris omnipotentiam elicere posse, et sic porro. Iam eo vos ad nullum determinatum, ad theologiam idoneum, conceptum entis originarii pervenitis; hic enim non nisi in conceptu omnitudinis perfectionum cum intelligentia coniunctarum deprehendi potest, quo etiam data solum *empirica* nullo modo possunt ducere: sed sine eiusmodi conceptu determinato vos quoque ad *unum* intelligens ens rationis concludere haud potestis, sed (in qualem cunque usum) eiusmodi tantummodo sumere. — Atqui sane quidem concedi potest, vos (cum ratio nil habeat, quod iure contradicat) arbitrato addere: ubi tantum perfectionis deprehendatur, facile omnem sumi perfectionem in causa mundi una coniunctam licere; quoniam rationi in principio sic determinato, et theoretice et practice, melius succedit. At vos hunc conceptum tamen entis originarii non ut a vobis probatum potestis commendare, cum illum duntaxat in gratiam melioris usus rationis sumferitis. Ergo omnis lamentatio indignatione impotens de friuolitate opinata, de vi catenae conclusionum vestrarum dubitandi, vana iactantia est, quae mallet, ut, quod contra argumentum vestrum libere profitemur, dubium reputaretur pro dubitatione sanctae veritatis, ut hoc velamine tenuitas illius contegatur.

Contra teleologia moralis, quae non minus firme, quam physica, fundata est, eo potius, quod ex anticipatione principiis nititur ab ratione nostra haud seiungendis, laudem meretur, ducit ad id, quod ad possibilitatem theologiae postulatur, nimirum ad *conceptum* determinatum causae supremæ, ut mundi auctoris ex legibus moralibus, proinde eiusmodi, quae scopo morali nostro satis faciat: quo nihil minus, quam omniscientia, omnipotentia, omnipraesentia et id genus alia, ut proprietates naturales eo pertinentes postulatur, quae cum scopo morali, qui infinitus est, ut coniunctae, proinde ei convenientes et adaequatae cogitandae sunt, atque ita conceptum *unius* auctoris mundi, ad theologiam aptum atque idoneum, solae possunt suppeditare.

Tali modo theologia etiam cum interuentu ducit ad *religionem*, id est, ad *cognitionem officiorum nostrorum ut praeceptorum diuinorum*; quoniam cognitio officii nostri, scopique nobis in ea per rationem iniuncti conceptum dei primo poterat determinate producere, qui proinde iam in ortu suo non potest ab obligatione erga istud ens separari: cum et contrario, si conceptus entis originarii in via solum theoretica (scilicet illius ut solius causae naturae) etiam posset determinatus inueniri, postea res foret magna difficultate, fortasse adeo impossibilitate istud sine adiectione arbitraria efficiendi, circumsepta, huic enti causalitatem ex legibus moralibus per argumenta firma attribuere, sine quibus tamen ille putatitius conceptus theologicus nullum potest religionis fundamentum constituit. Vel tum, cum religio in hac via theoretica constitui posset, respectu mentis (in quo tamen eius essentia consistit) ea reapse ab illa esset diuersa, in qua conceptus dei animique firmitas (practica) de eius existentia ex ideis moralitatis constitutivis oritur. Etenim si omnipotentiam, omniscientiam et similia auctoris mundi, ut aliunde nobis datos conceptus supponere deberemus, ut postea nostros officiorum conceptus ad nostram ad illum relationem transferremus, hos necesse

foret permagnam speciem coactionis subiectionisque extortae prae se ferre; cum e contrario, si observantia legis morales prorsus libere nobis, vi praecepti propriae rationis nostrae, scopum destinationis nostrae proponat, causam cum eo eiusque efflectione conspirantem cum summa verecundia, quae prorsus est a metu pathologico diversa, in prospectus expectationesque morales recipiamus eique nos lubenter subiiciamus \*).

Si quaeritur: quare tandem nostra intersit, ut omnino theologiam habeamus; eam, manifestum est, non ad amplificandam corrigendamque nostram naturae cognitionem, omninoque ad ullam quampiam theoriam, sed solem ad religionem, id est, ad usum rationis practicum, nominatum moralem, respectu subiectiuo necessariam esse. Itaque si intelligamus, argumentum vnum, quod ad determinatum rei theologiae subiectae conceptum ducit, ipsum morale esse; non solum laud alienum videbitur, verum etiam sufficientiae adensus ex hoc argumento ad finem illius ultimum nihil quidquam desiderabitur, si concessum fuerit eiusmodi argumento existentiam dei solum nostrae destinationi morali, id est, respectu practico idonee probari et contemplatione in eo robur illius nullo modo euinci, ambitumque ditionis eius ea re dilatari. Praeterea miratio, vel repugnantia opinata possibilitatis theologiae hoc loco adiectae, cum eo, quod criticam vidimus rationis purae contemplativae de categoriis pronuciare: his scilicet usu ad res sensibus propositas transferendis, nullo modo vero

\*) Cum pulcritudinis admiratio, tum per tam varios naturae fines permotio, quam animus meditabundus, iam ante omnem repraesentationem auctoris rationalis mundi claram potest in sese percipere, quidpiam in se continet simile sensus religiosi. Proinde primo per iudicandi modum morali analogum illius in sensu morali (grati animi venerationisque erga causam nobis ignotam) ideoque excitandis ideis moralibus vim suam conferere, cum eam admirationem instillant, quae cum inuitamento multo maiori coniuncta est, quam quae ab sola contemplatione theoretica effici potest.

ad suprasensibilia adhibitis, posse cognitionem produci; evanescet, cum hic eas ad cognoscendum deum, sed hand respectu theoretico (pro eo quod natura eius nobis inaccessible per se sit), sed solum practico videas vsurpatas. — Vt hac occasione data calumniae doctrinae illius critices admodum necessariae, verum quoque, ad indignationem caeci dogmatici, rationem in terminos eius reiicientis, finem faciam, addam, quae nunc sequitur, illius illustrationem.

Cum corpori *vim motricem* attribuo, proinde illud per categoriam *causalitatis* cogito; tum illud eo simul *cognosco*, hoc est, conceptum eius determino, ut rei obiectae in genere, per id, quod illi, ut rei sensibus obnoxiae, per se (qua conditio possibilitatis relationis illius) competit. Namque, si, quam ei tribuo, vis motrix repulsiva sit; locus ei (etsi nondum aliud, in quo illud eam exferat, pone illud colloco) in spatio competit, porro etiam extensio, id est, spatium in eo ipso, tum repletio illius per vires partium repulsivas, tandem quoque lex huius repletionis (causam partium repellendarum ad eandem proportionem decrescere oportere, ad quae corporis extensio crescat, spatiumque, quod iisdem partibus per hanc vim replet, crescat). — Contra, cum ens suprasensibile ut *motorem primum*, proinde per categoriam causalitatis respectu eiusdem determinationis inuodanae (motus materiae) mihi cogitatione informo; tum illud mihi non vlllo loco quopiam in spatio, neque ut extensum, quin ne ut in tempore quidem cum aliis simul exstans cogitandum erit. Proinde nullae omnino determinationes sunt, quibus de conditione possibilitatis motus per hoc ens ut causam possem edoceri. Ergo illud per praedicatum causae (ut motoris primi) per se ne minimum quidem cognosco: verum tantummodo cogitationem habeo de aliquo, quod causam motuum in mundo in se contineat; relatioque horum ad illud, ut eorum causam, cum nihil mihi aliud ad naturam rei, quae causa est, pertineat, subministret,

huius conceptum prorsus vacuum finit atque inanem. Causa est: quoniam ex praedicatis, quae solum in mundo sensibili inveniunt, quod sibi subiici possit atque offerri, ad existentiam quidem cuiuspiam, quod harum rerum causam debeat continere, non vero ad determinationem eius conceptus ut entis suprasensibilis, qui cuncta praedicata illa respuit, progredi possum. Igitur per categoriam causalitatis, si eam per conceptum *primi motoris* determino, quid deus sit, ne vel minima ex parte cognosco; sed fortasse melius succedet, si ex ordine mundi occasionem arripiam, causalitatem eius, ut *intelligentiae* supremæ non solum *cogitandi*, sed illum quoque per hanc determinationem dicti conceptus *cognoscendi*: quoniam tum molesta spatii extensionisque conditio cessat. — Sane magna forma finalis in mundo cogit nos, ut causam supremam illius eiusque causalitatis ut per intelligentiam *cogitemus*; verum eo nobis nihil quidquam iuris accedit, illi eam *attribuendi* (ut, exempli gratia) aeternitatem dei ut existentiam omni tempore cogitandi, quia alias nullum omnino de existentia sola ut quantitate, id est, ut duratione nobis possumus cogitando informare; aut omnipraesentiam divinam ut existentiam in omnibus locis cogitandi, ut praesentiam rerum extra se proximam nobis explicemus, quamvis nihilominus nullam earum determinationum deo debeamus, ut aliquid in eo cognitum, attribuere). Cum causalitatem hominis respectu certorum quorundam productorum, solum per formam finalem intentionalem enodabilem, eo determino, quod eam ut intelligentiam illius cogito; tum non erit, quod in eo consistam, verum illi hoc praedicatum potero ut proprietatem illius probe notam attribuere, eoque illum cognoscere. Etenim scio visiones sensibus hominis dari, et per intelligentiam conceptui, ideoque regulae subiici; hoc conceptu notam tantummodo communem (singulari omisso) contineri, et proinde discursum esse; regulas, ad repraesentationes datas conscientiae generatim subiiciendas, ab ea iam ante visiones illas dari, et sic porro: ergo homini proprietatem illam attribuo, ut eam, qua

illum *cognosciam*. Quodsi autem ens suprasensibile (deum) velim ut intelligentiam *cogitare*, hoc certo quodam usus rationis mei respectu non solum licet, verum etiam euitari non potest; sed illi intelligentiam tribuere, eoque illud, ut per proprietatem eius *cognoscere* possis, tibi persuadere, minime licet: siquidem tum omnes conditiones illae, quibus solis intelligentiam noui, omittendae sunt, proinde praedicatum, quod tantummodo ad determinandum hominem facit, ad rem suprasensibilem nullo modo potest referri, ideoque per causalitatem sic determinatam, quid deus sit, neutiquam cognosci. Atque haec ratio est omnium categoriarum, quarum nulla omnino vis potest ad cognitionem respectu theoretico esse, nisi ad res experientiae possibili subiectas adhibeantur. — Verum secundum analogiam intelligentiae possum sane, quid? quod debeo certo quodam respectu alio ipsum ens suprasensibile cogitare, neque illud tamen eo theoretice velle cognoscere; cum nimirum haec determinatio causalitatis illius effectum in mundo attingit, quod in se colibet, moraliter necessarium, sed naturis sensitiuis haud efficiendum: ubi tum fieri cognitio dei potest eiusque existentiae (theologia) per proprietates determinationesque causalitatis eius solum secundum analogiam in eo cogitatas, id quod respectu practico, sed quoque solum *hoc respectu* (ut morali), omnem, quae requiritur, realitatem habet. — Quamobrem fieri haec ethicologia potest; nam philosophia moralis cum regula sua quidem, non vero cum scopo potest, quem eadem praecipit, sine theologia consistere, ratione respectu theologiae haud destituta. Sed ethica theologia (rationis purae) fieri non potest; quoniam, quas haud ipsa ratio originarie fert, quarumque obsequium ea ut facultas pura practica efficit, leges non possunt morales esse. Idem physica theologia non ens foret, propterea quod nullas leges physicas proponeret, sed ordinationes institutaque voluntatis summae; cum e contrario theologia physica (proprie physico-teleologica) saltem pro proaedeutica theologiae proprie possit esse: quae quippe per



contemplationem finium naturae, quarum largam materiam praebet, ansam dat ideae scopi, quem non potest natura proponere; proinde necessitatem theologiae, quae conceptum dei ad summum rationis usum practicum idonee determinaret, ad sensum quidem admouere potest, nec eam vero producere atque in argumentis suis satis constituere.

2.2.792

---

3. 2. 792

CCS267210



